

84,5 км<sup>3</sup> = 4  
Ағз



"Атамұра"  
мектеп кітапханасы

Абай


Сен де бір  
кірпіш дүниеге



Абай

# Сен де бір кірпіш дүниеге

Өлеңдер мен қарасөздер



Алматы  
«Атамұра»  
2014

**УДК 821.512.122  
ББК 84(5 Каз)-5  
A 13**

**Абай.**

**A 13 Сен де бір кірпіш дүниеге.** Өлеңдер мен қарасөздер. —  
Алматы: Атамұра, 2014. — 288 бет.

ISBN 978-601-282-898-6

Хакім Абайдың асыл мұрасы үрпақтан үрпаққа жалгаса  
беретін баға жетпес қазына.

Артына өлмейтүғын сөз қалдырыған ұлы ақынның  
шығармаларын кейінгі толқын көкірегіне тоқып, көңіліне  
шамшырақ етіп алары сәссіз.

**УДК 821.512.122  
ББК 84(5 Каз)-5**

ISBN 978-601-282-898-6

© А. Құнанбаев, 2014  
© «Атамұра», 2014



# Өләндер



\* \* \*

Фылым таппай мақтанба,  
Орын таппай балтанба,  
Құмарланып шаттанба,  
Ойнап босқа құлуге.  
Бес нәрседен қашық бол,  
Бес нәрсеге асық бол,  
Адам болам десеніз.  
Тілеуің, өмірің алдыңда,  
Оған қайғы жесеніз.  
Өсек, өтірік, мақтаншақ,  
Еріншек, бекер мал шашпақ –  
Бес дүшпаның, білсеніз.  
Талап, еңбек, терең ой,  
Қанағат, рақым, ойлап қой –  
Бес асыл іс, көнсеніз.  
Жамандық көрсең нәфрәтлі<sup>1</sup>,  
Суытып көңіл тыйсаныз.  
Жақсылық көрсең ғибрәтлі<sup>2</sup>,  
Оны ойға жисаныз.  
Ғалым болмай немене,  
Балалықты қисаныз?  
Болмасаң да ұқсап бақ,  
Бір ғалымды көрсеніз.  
Ондай болмақ қайда деп,  
Айтпа ғылым сүйсеніз.  
Сізге ғылым кім берер,  
Жанбай жатып сөнсеніз?  
Дүние де өзі, мал да өзі,  
Ғылымға көңіл берсеніз.  
Білгендердің сөзіне  
Махаббатпен ерсеніз.  
Ақыл сенбей сенбеніз,  
Бір іске кез келсеніз.

---

<sup>1</sup> Нәфрәтлі (арабша) – жиіркенішті.

<sup>2</sup> Ғибрәтлі (арабша) – ұлгілі, өнегелі.

Ақсақал айтты, бай айтты,  
Кім болса, мейлі, сол айтты –  
Ақылменен жеңсөніз.  
Надандарға бой берме,  
Шын сөзбенен өлсөніз.  
Аят, хадис емес қой,  
Құпір<sup>1</sup> болдың демес қой,  
Қанша қарсы келсөніз.  
Көп орында көріне айтпа,  
Біздің сөзге ерсеніз.

Мұны жазған кісінің  
Атын білме, сөзін біл!  
Осы жалған дүниеден  
Шешен де өткен не бұлбұл,  
Көсем де өткен не дулдұл.  
Сөз мәнісін білсөніз,  
Ақыл – мизан<sup>2</sup>, өлшеу қыл.  
Егер қисық көрінсе,  
Мейлің таста, мейлің күл.  
Егер тұзу көрінсе,  
Ойлап-ойлап, құлаққа іл.  
Ақымақ көп, ақылды аз,  
Деме көптің сөзі пұл.  
Жақынның сөзі тәтті деп,  
Жақынның айтты дей көрме.  
Надандықпен кім айтса,  
Ондай түпсіз сөзге ерме.  
Сізге айтамын, хаупім – бұл.  
Өзің үшін үйренсөң,  
Жамандықтан жиренсөң,  
Ашыларсың жылма-жыл.  
Біреу үшін үйренсөң,  
Біреу білмес, сен білсөң,

---

<sup>1</sup> Құпір (арабша) – діннен шығу.

<sup>2</sup> Мизан (арабша) – таразы.

Білгеніңнің бәрі – тұл.  
Сөзіне қарай кісіні ал,  
Кісіге қарап сөз алма.  
Шын сөз қайсы біле алмай,  
Әр нәрседен құр қалма.  
Мұны жазған білген құл –  
Ғұламаһи Дауани,  
Солай депті ол шыншыл.  
Сөзің оқы және ойла,  
Тез үйреніп, тез жойма,  
Жас уақытта көңіл – гүл.

\* \* \*

Сенбе жұртқа, тұрса да қанша мақтап,  
Өтуре етеді ішіне құлық сақтап.  
Өзіңде сен, өзінді алып шығар  
Еңбегің мен ақылың екі жақтап.

Өзінді сенгіштікпен өуре етпе,  
Құмарпаз бол мақтанды қызып кетпе.  
Жұртпен бірге өзінді қоса алдасып,  
Салпылдағ сағым құған бойыңа еп пе?

Қайғы келсе қарсы тұр, құлай берме,  
Қызық келсе, қызықпа, оңғаққа ерме.  
Жүргегіңе сұңғі де, түбін көзде,  
Сонан тапқан – шын асыл, тастай көрме.

\* \* \*

Қалың елім, қазағым, қайран жұртыйм,  
Үстарасыз аузыңа түсті мұртың.  
Жақсы менен жаманды айырмадың,  
Бірі қан, бірі май бол енді екі ұртың.  
Бет бергенде шырайың сондай жақсы,  
Қайдан ғана бұзылды сартша сыртың?  
Ұқпайсың өз сөзінен басқа сөзді,  
Аузымен орақ орған өңкей қыртың.  
Өзімдікі дей алмай өз малыңды,  
Күндіз күлкің бұзылды, түнде – үйкың.  
Көрсекқызар келеді байлауы жоқ,  
Бір күн тыртың етеді, бір күн – бұртың.  
Бас-басына би болған өңкей қиқым,  
Мінеки бұзған жоқ па елдің сиқын?  
Өздерінді түзелер дей алмаймын,  
Өз қолыңдан кеткен соң енді өз ырқың.

Ағайын жоқ нәрседен етер бұртың,  
Оның да алған жоқ па құдай құлқын?  
Вірлік жоқ, береке жоқ, шын пейіл жоқ,  
Сапырылды байлығың, бақсан жылқың.  
Баста ми, қолда малға талас қылған,  
Күш сынасқан күндестік бұзды-ау шырқын.  
Оңалмай бойда жүрсе осы қыртың,  
Ор жерде-ақ жазылмай ма, жаным, тырқың?  
Іңіл жерінен көнілге қуат қылдық,  
Қыр артылmas болған соң, мінсе қырқың?  
Тиянақсыз, байлаусыз байғұс қылпың,  
Не түсер құр күлкіден жыртың-жыртың.  
Ұғындырар кісіге кез келгенде  
Ныш-пыш демей қала ма ол да астыртың?

Көңілім қайтты достан да, дүшпанинан да,  
Алдамаған кім қалды тірі жанда?  
Алыс-жақын қазақтың бәрін көрдім,  
Жалғыз-жарым болмаса анда-санда.

Пайда үшін біреу жолдас бүгін таңда,  
Ол тұрмас бастан жыға<sup>1</sup> қисайғанда.  
Мұнан мениң қай жерім аяулы деп,  
Бірге тұрып қалады кім майданда?

Ендігі жұрттың сөзі – ұрлық-қарлық,  
Саналы жан көрмедім сөзді ұғарлық.  
Осы күнде осы елде дәнeme жоқ  
Мейір қанып, мәз болып қуанарлық.

Байлар да мал қызығын біле алмай жүр,  
Жаз жіберіп, құз атын міне алмай жүр.  
Сабылтып, күнде үрлатып, із жоғалтып,  
Ызаменен ыржып, құле алмай жүр.

Саудагер тыныштық сауда қыла алмай жүр,  
Қолдан беріп, қор болып, ала алмай жүр.  
Ел аулақта күш айтқан, топта танған,  
Арсыз жұрттан көңілі тына алмай жүр.

Естілер де ісіне қуанбай жүр,  
Ел азды деп надандар мұңаймай жүр.  
Ала жылан, аш бақа күпілдектер  
Кісі екен деп ұлықтан үялмай жүр.

Бектікте біреу бекіп тұра алмай жүр,  
О дағы ұры-қарды тыя алмай жүр.

---

<sup>1</sup> Жыға – батырлардың дулығасының тәбесінде қадап қоятын зат. Ақын адам басынан бағы таюды, басына іс түсуді бейнелеп айтқан.

Қарсылық күнде қылған телі-тентек,  
Жаза тартып ешбірі сұралмай жүр.

Қарындас қара жерге тыға алмай жүр,  
Бірінің бірі сөзін құп алмай жүр.  
Құда-тамыр, дос-жаран, қатын-балаң –  
Олар да бір қалыпты бола алмай жүр.

Бір күшті көп тентекті жыға алмай жүр,  
Іште жалын дерт болып, шыға алмай жүр.  
Арақ ішкен, мас болған жұрттың бәрі  
Не пайда, не залалды біле алмай жүр.

Жетілтіп жаз жайлauғa қона алмай жүр,  
Күз күзеу де жанжалсыз бола алмай жүр.  
Қыс қыстауың – қып-қызыл ол бір пәле,  
Оралып ешбір шаруа оңалмай жүр.

Жасы кіші үлкеннен ұялмай жүр,  
Сұрамсақтар нәпсісін тыя алмай жүр.  
Сәлем – борыш, сөз – құлық болғаннан соң,  
Қандай жан сырттан сөз боп, сыналмай жүр?

\* \* \*

Білімдіден шыққан сөз  
Талаптыға болсын кез.  
Нұрын, сырын көруге  
Көкірегінде болсын көз.

Жүргегі – айна, көңілі – ояу,  
Сөз тыңдамас ол баяу.  
Өз өнері түр таяу,  
Үқпасын ба сөзді тез?

Әбілет басқан елерме  
Сөзге жуық, келер ме?  
Тузу сөзге сенер ме  
Түзелмесін білген ез?

«Айтшы-айтшылап» жалынар,  
Үққыш жансып шабынар.  
Үқпай жатып жалығар,  
Үйқылы-ояу бойкүйез.

Жас баладай женсіккөй,  
Байлаулы емес ақыл, ой.  
Ойлағаны – айт пен той,  
Үржан-қылжаң ит мінез.

Сұлу қызы мен я батыр  
Болмаған соң, тәңірі алғыр,  
Шығып кетер, я қалғыр,  
Оған ақыл – арам без.

Жақсыға айтсан, жаны еріп,  
Үғар көңіл шын беріп,  
Дертті ішіне ем көріп,  
Неге алтынды десін жез.

«Ой, тәңір-айшыл» кер есек,  
Құлыш, сүмдыш, не өсек  
Болмаған соң, бір есеп –  
Мейлі қамқа, мейлі бәз.

\* \* \*

Жасымда ғылым бар деп ескермедім,  
Пайдалын көре тұра тексермедім.  
Ержеткен соң түспеді уысыма,  
Қолымды мезгілінен кеш сермедім.  
Бұл маҳрум<sup>1</sup> қалмағыма кім жазалы,  
Қолымды дәп сермесем, өстер ме едім?  
Адамның бір қызығы – бала деген,  
Баланы оқытуды жек көрмедім.  
Баламды медресеге біл деп бердім,  
Қызмет қылсын, шен алсын деп бермедім.

Өзім де басқа шауып, тәске өрледім,  
Қазаққа қара сөзге дес бермедім.  
Еңбегінді білерлік еш адам жоқ,  
Түбінде тыныш жүргенді теріс көрмедім.

<sup>1</sup> Маҳрум – бос, құр, бос қалу, құр қалу.

Интернатта оқып жүр  
 Талай қазақ баласы –  
 Жаңа өспірім, көкөрім,  
 Бейне қолдың саласы.  
 Балам закон білді деп,  
 Қуанар ата-анасы,  
 Ойында жоқ олардың  
 Шаригатқа шаласы.  
 Орыс тілі, жазуы –  
 Білсем деген таласы.  
 Прошение<sup>1</sup> жазуға,  
 Тырысар келсе шамасы.  
 Үйнапсызға не керек  
 Истің, ақ пен қарасы?  
 Нан таппаймыз демейді,  
 Бұлінсе елдің арасы.  
 Иждинатсыз<sup>2</sup>, михнатсыз  
 Табылмас ғылым сарасы.  
 Аз білгенін көпсінсе,  
 Көп қазаққа епсінсе,  
 Кімге тиер панаы?  
 Орыс теріс айтпайды,  
 Жаман бол деп оларды.  
 Қаны бұзық өзі ойлар  
 Қу менен сүм боларды,  
 Орыста қалар жаласы.  
 Бұл іске кім виноват<sup>3</sup> –  
 Я Семейдің қаласы?  
 Я қазақтың аласы?  
 Ойында жоқ бірінің  
 Салтыков пен Толстой,  
 Я тілмаш, я адвокат

---

<sup>1</sup> Прошение (орысша) – арыз, өтініш.

<sup>2</sup> Иждинат (арабша) – талап, жігер.

<sup>3</sup> Виноват (орысша) – кінәлі, айыпты.

Болсам деген бәрінде ой,  
Көңілінде жоқ санасы.  
Ақылы кімнің бар болса,  
Демес мұны тілі аңы.  
Айтыңызы, болсаңыз  
Здравомыслящий<sup>1</sup>,  
Ақыл айтпай ма ағасы?

Пайда ойлама, ар ойла,  
Талап қыл артық білуге.  
Артық ғылым кітапта,  
Ерінбей оқып көруге.  
Военный<sup>2</sup> қызмет іздеме,  
Оқалы киім киүоге.  
Бос мақтанға салынып,  
Бекер көкірек керуге.  
Қызмет қылма оязға,  
Жанбай жатып сөнуге.  
Қалай сабыр қыласың,  
Жазықсыз күнде сөгуге?  
Өнерсіздің қылышы –  
Тура сөзін айта алмай,  
Қит етуге бата алмай,  
Қорлықпенен шіруге.  
Аз ақшаға жалданып,  
Өнбес іске алданып,  
Жол таба алмай жүргуге.  
Алыс та болса іздеп тап,  
Кореннойға<sup>3</sup> кіруге,  
«Талапты ерге нұр жауар»,  
Жүріп өмір сүргуге.  
Я байларға қызмет қыл,

---

<sup>1</sup> Здравомыслящий (орысша) – зерек, әр істі ақылмен ойлап шешетін адам.

<sup>2</sup> Военный (орысша) – өскери.

<sup>3</sup> Коренной (орысша) – ежелгі, негізгі, тұрақты. Бұл жерде істің ең орындысын табу деген мағынада.

Ерінбей шауып желуге.  
Адал жүріп, адал тұр,  
Счетың<sup>1</sup> тұра келуге.  
Жаныңда жақса, соңынан  
Жалқауланба еруге.  
Қисық болса, закон бар  
Судьяға беруге.  
Ол да оязной емес қой,  
Алуға тендік сенуге.  
Я өз бетіңмен тәуекел,  
Занимайся прямотой<sup>2</sup>.  
Женіл көрме, бек керек  
Оған да ғылым, оған да ой,  
Қалайынша қайда енуге?

---

<sup>1</sup> Счет (орысша) – есеп.

<sup>2</sup> Занимайся прямотой (орысша) – турашыл, батыл бол деген мағынада.

\* \* \*

Әсемпаз болма өрнеге,  
Өнерпаз болсан, арқалан.  
Сен де бір кірпіш дуниеге,  
Кетігін тап та, бар қалан!

Қайрат пен ақыл жол табар,  
Қашқанға да, құғанға.  
Әділет, шапқат<sup>1</sup> кімде бар,  
Сол жарасар туғанға.

Бастапқы екеу соңғысыз  
Біте қалса қазаққа.  
Алдың – жалын, артың – мұз,  
Баар едің қай жаққа?

Пайданы көрсөң бас ұрып,  
Мақтанды іздеп, қайғы алма.  
Мінінді үрлап жасырып,  
Майданға түспей, бәйгі алма.

Өзінде бармен көзге ұрып,  
Артылам деме өзгеден.  
Құндастігін қоздырып,  
Азапқа қалма езбеден.

Ақырын жүріп, анық бас,  
Еңбегің кетпес далага.  
Ұстадтық<sup>2</sup> қылған жалықпас  
Үйретуден балаға.

---

<sup>1</sup> Шапқат, шефхат (арабша) – аяу, рақым ету.

<sup>2</sup> Ұстад, өстад (парсыша) – а) үйретуші, оқытушы, тәрбиеші;  
б) ұста; б) профессор.

Сәулең болса кеуденде,  
Мына сөзге көңіл бөл.  
Егер сәулең болмаса,  
Мейлің тіріл, мейлің өл.  
Танымассың, көрмессің,  
Қаптаған соң көзді шел.  
Имамсыздық намазда –  
Қызылбастың<sup>1</sup> салған жол.  
Көп шұылдақ не табар,  
Билемесе бір кемел?

Берекелі болса ел –  
Жағасы жайлай ол бір көл.  
Жапырағы жайқалып,  
Бұлғақтайды соқса жел.  
Жан-жағынан күркіреп  
Құйып жатса аққан сел,  
Оның малы өзгеден  
Өзгеше бол өсер тел.

Берекесі кеткен ел –  
Суы ашыған батпақ көл.  
Құс қаңқылдал, жағалап,  
Сулай алмас жазғы төл.  
Оның суын ішкен мал  
Тышқақ тиіл, аспас бел.  
Көл деп оны кім жайлар,  
Суы құрысын, ол бір – шөл.

Еденица<sup>2</sup> – жақсысы,  
Ерген елі бейне нөл.

---

<sup>1</sup> Қызылбастар, қызылбashi (түрікше) – Иран жеріндегі көшпелі түріктерден құрылған, шах I Исмаил мемлекетінің ең басты күші болады. Қызылбас жауынгерлерінің ерекшелік белгісі он екі қызыл жолақты сөлде болған. Парсы жұртының қызылбастар деп атая осыдан шыққан.

<sup>2</sup> Еденица (орынша) – жалғыз, дара.

Единица нөлсіз-ақ,  
Өз басындық болар сол.  
Единица кеткенде,  
Не болады өңкей нөл?  
Берекенди қашырма,  
Ел тыныш болса, жақсы сол.  
Рас сөзге таласып,  
Ақжем болма, жаным, кел!

\* \* \*

Фалымнан надан артпас ұққанменен,  
Тағдыр көрмей қоймайды бүққанменен.  
О дағы қалыбынан аса алмайды,  
Жауқазын ерте көктеп шыққанменен.

\* \* \*

Тұбінде баянды еңбек егін салған,  
Жасынан оқу оқып, білім алған.  
Би болған, болыс болған өнер емес,  
Еңбектің бұдан өзге бәрі жалған.

\* \* \*

Мен жазбаймын өлеңді ермек үшін,  
Жоқ-барды, ертегіні термек үшін.  
Көкірегі сезімді, тілі орамды,  
Жаздым үлгі жастарға бермек үшін.  
Бұл сөзді тасыр үқпас, талапты үғар,  
Көңілінің көзі ашық, сергек үшін.

Тұзу кел, қисық-қыңыр, қырын келмей,  
Сыртын танып іс бітпес, сырын көрмей.  
Шу дегенде құлағың тосаңсиды,  
Өскен соң мұндай сөзді бұрын көрмей.  
Таң қаламын алдыңғы айтқанды үқпай,  
Және айта бер дейді жүрт тыным бермей.

Сөз айттым «Әзірет Әлі», «айдарсыз»,  
Мұнда жоқ «алтын иек, сары-ала қыз».  
Көрілкті жамандап, өлім тілеп,  
Болсын деген жерім жоқ жігіт арсыз.  
Әсіреқызыл емес деп жириенбеніз,  
Түбі терең сөз артық, бір байқарсыз.

Батырдан барымташы туар даңгой,  
Қызышыл да, қызықшыл да өуре жан ғой.  
Арсыз, малсыз, ақылсыз, шаруасыз,  
Елірмелі маскүнем байқалған ғой.  
Бес-алты мисыз бәңгі<sup>1</sup> құлсе мәз бол,  
Қинамай қызыл тілді кел, тілді ал, қой!

Өлеңі бар өнерлі інім, сізге  
Жалынамын, мұндай сөз айтпа бізге.  
Өзге түгіл өзіңе пайдасы жоқ  
Есіл өнер қор болып кетер түзге.  
Сәнқой, даңгой, ойнашы, керім-кербез,  
Қанша қызық болады өзіңізге?

---

<sup>1</sup> Бәңгі (парсыша) – напақор.

\* \* \*

Асқа, тойға баратұғын  
Жаны асығып, жас жігіт.  
Қолға кетті жауға бір күн,  
Тірі адамның ісі – үміт.

Қозғады жау батыр ерді,  
Жауға сойқан салғалы.  
Қалыңдығы қала берді,  
Жатыр еді алғалы.

Асықсан да, шырағым,  
Саған деген құданың  
Жазылған қандай жарлығы,  
Есіткен жоқ құлағың.

Қалыңдық құшып, сүюге,  
Күйеуіне ынтызар.  
Келісімен тиуге  
Дайындалған ойы бар.

Көйлегін ақтан тіккіштеп,  
Күні-түні дем алмай,  
Бітіруге жүр күштеп,  
Асықсанып, тоқталмай.

Сен асықкан екен деп,  
Алла әмірін өзгертпес.  
Айтқаның болар ма екен деп,  
Мен қорқамын, көз жетпес.

Жара басты кеудені,  
Жаудан өлді ар үшін.  
Ескермей өзге дүниені,  
«Ah!» деп өтті жар үшін.

Жамандық түрмас күттіріп,  
Ел есітті, қыз білді.  
Ақ кәйлекті бітіріп,  
Кебінім деп киді, өлді...

Қол жетпеген некені  
Сүйіп кеткен жан екен.  
Көзің неге жетеді,  
Қосылмақ онда бар ма екен?

Шыны ғашық жар болса,  
Неге өлдім деп нальмас.  
Онда екеуі кез келсе,  
Бірін-бірі танымас.

\* \* \*

Ата-анаға көз қуаныш –  
Алдына алған еркесі.  
Көкірегіне көп жұбаныш,  
Гүлденіп ой өлкесі.  
Еркелік кетті,  
Ер жетті,  
Не бітті?

Оқытарсың молдаға оны,  
Үйретерсің өр нени.  
Медеу етіп ойы соны,  
Жаны тыныштық көрмеді.  
Жасында күтті,  
Дәме етті,  
Босқа өтті.

Ата көңіл жанбаса бір,  
Артық өнер шықпаса.  
Ел танымай, үй танып құр,  
Шаруасын да ұқпаса –  
Үміті қайдада?

Соны ойла,  
Абайла!

Сүйер ұлың болса, сен сүй,  
Сүйінерге жаарап ол.  
Сүйкімі жоқ құр масыл би  
Сүйретіліп өтер сол.  
Табылмас қайла,  
Ойбайла –  
Не пайда?

Зарланарсын, ойланарсың,  
Не болам деп енді мен.  
Құрбылардан қорланарсың,  
Тәңірі ісіне сен де көн.  
Қайғысыз пенде,  
Көрдің бе  
Өмірінде?

Тәңірі сорлы етсе пенде,  
Не бітірер құр жылап.  
Жігері жоқ ақылы кенде,  
Жамбасыңан жат сұлап.  
Бір жаман мен бе  
Дедің бе  
Көңілінде?



\* \* \*

Тайға міндік,  
Тойға шаптық,  
Жақсы киім киініп.

Үкі тақтық,  
Құлкі бақтық,  
Жоқ немеге сүйініп.  
Күйкентай күтті,  
Құс етті,  
Не бітті?

Атамыз бар,  
Молдамыз бар,  
Айтқанына көнбедік.

Арт жағында,  
Біз соған зар  
Боламыз деп білмедік.  
Үрланып қаштық,  
Жолғастық,  
Шуластық.

Жазу жаздық,  
Хат таныдық,  
Болдық азат молдадан.  
Шала оқудан,  
Не жарыдық,  
Қалғаннан соң құр надан?  
Бағасыз жастық –  
Бозбастық,  
Адастық.

Бозбалалық –  
Қыз қарадық,  
Қалжың, өзіл сөйлестік.  
Ат жараттық,  
Сән тараттық,  
Өүейілік күйлестік.

Көңілге келер,  
Кім жолар,  
Кім көнег?

Қайын бардық,  
Қатын алдық,  
Енші тиді азғана.  
Шаруа атандық,  
Енді ойландық,  
Қала берді бозбала.  
Бұрынғы қайда?  
Ойбайла –  
Не пайда?

\* \* \*

Заманақыр жастары,  
Қосылмас ешбір бастары.  
Біріне-бірі қастыққа  
Қойнына тыққан тастары.

Саудасы – ар мен иманы,  
Қайрат жоқ бойын тыйғалы.  
Еңбекпен етті ауыртпай,  
Құр тілменен жиганы.

Өнімсіз іске шеп-шебер,  
Майданға түспей несі өнер?  
Сиырша тойса мас болып,  
Өреге келіп сүйкенер.

Күлмендең келер көздері,  
Қалжыңбас келер өздері.  
Кекектеп секек етем деп,  
Шошқа туар сөздері.

Көзінен басқа ойы жоқ,  
Адамның надан өуресі.  
Сонда да көнілі тым-ақ тоқ,  
Жайқаң-қайқаң әр несі.

Білмейсің десе, желөкпе,  
Дейді ол дағы – тәңірі ici.  
Бірінен бірі белек пе,  
Іемнің әділ пендесі?

Жүректің көзі ашылса,  
Хақтықтың<sup>1</sup> тусер сөулесі,  
Іштегі кірді қашырса  
Адамның хикмет<sup>2</sup> кеудесі.

Наданның көнілін басып тұр  
Қараңғылық пердесі.  
Ақылдан бойы қашық тұр,  
Ойында бір-ақ шаруасы.

Кітапты молда теріс оқыр,  
Дағарадай бол сөлдесі.  
Малқұмар көнілі – бек соқыр,  
Бұркіттен кем бе жем жесі?

Жүректе айна жоқ болса,  
Сөз болмайды әңгесі.  
Тыңдағыш қанша көп болса,  
Сөз үгарлық кем кісі.

---

<sup>1</sup> Хақ(арабша) – а)тура, шын, дұрыс; ә)баға; б) үлес, сыйбага; в) Алла; г) хұқық. Бұл арада дұрыстық, шындық мағынасында.

<sup>2</sup> Хикмет (арабша) – пәлсалала (философия). Бұл арада білім, сыр, керемет мағынасында.

\* \* \*

Жастықтың оты жалындаپ,  
Жас жүректе жанған шақ.  
Талаптың аты арындаپ,  
Өр қыынға салған шақ.

Уайым аз, үміт көп,  
Ет ауырмас бейнетке.  
Бүгін-ертең жетем деп,  
Көңілге алған дәuletке.

Қайратпен кіріп жалынбай,  
Ақылмен тауып айласын.  
«Мен қалайға?» салынбай,  
Жылы жүзбен жайнасын.

Қайратқа сеніп қақтықпай,  
Жазасын тауып жауласар.  
Қатынша тілмен шаптықпай,  
Майданга шықса, жарасар.

Жалыны қайтар дененің,  
Үнемі тұрмас осы шақ.  
Талайғы көрі дүниенің  
Бір кетігін үстап бақ.

Құйрығы шаян, беті адам,  
Байқамай сенбе құрбыға!  
Жылмаңы сыртта, іші арам,  
Кез болар қайда сорлыға.

Досыңа достық – қарыз іс,  
Дүшпаныңа өділ бол.  
Асығыс түбі – өкініш,  
Ойланып алмақ – сабыр сол.

Ақ көңілді жақсыдан  
Аянбай салыс ортаға.  
Ақылы, ары тапшыдан  
Қу сөзін алма қолқага.

Сүм-сүркия, қу заман  
Гүл көрінер жігітке.  
Қызықты өмір жайнаған,  
Кеудесі толып үмітке.

Бір нәрсені ұнатса,  
Қайта ойланып қарамас.  
Мақтатып жүртты шулатса,  
Құмары сол қызба бас.

Сенісерге келгенде  
Сене берер талғамай.  
Жұртты құрғыр сенгішке  
Тұра ма құлық жалғамай?

Ары кеткен алдағыш,  
Мені-ақ алда, сөкпейін.  
Балы тамған жас қамыс  
Ормасаңшы көктейін!

Сені жақсы көрмесе,  
Сенер ме еді сөзіңе?  
«Япымай!..» деп терлесе,  
Ар емес пе өзіңе?



\*\*\*

Сап, сап, көңілім, сап, көңілім!  
Саяламай, сай таппай,  
Не күн туды басыңа  
Күні-туні жай таппай?  
Сен жайыңа жүргенмен,  
Қызы өле ме бай таппай?  
Түн кезгенің мақұл ма,  
Жан-жагыңа жалтақтай?  
Өлермін деп жүрмісің,  
Мұнан басқа жан таппай?

Сап, сап, көңілім, сап, көңілім!  
Сабыр түбі – сары алтын.  
Сабыр қылсан, жайыңды  
Білер ме екен бекзатым?  
Көңіл аулап, сөз айтар  
Арадағы тілхатым,  
Ағын судай екпіндеп,  
Лайы жоқ суатым,  
Ауру да емес, сау да емес,  
Құрыды өл-қуатым.

Сап, сап, көңілім, сап, көңілім!  
Сана қылма бекерге.  
Сан қылғанмен пайда жоқ,  
Дүние даяр өтерге,  
Ажал даяр жетерге.  
Қош, қызы алсын қойнына,  
Бейнет көрмей, дәulet жоқ.  
Әлі барып кетерге,  
Оныменен бойыңа  
Иман, дәulet бітер ме?  
Адалды сатсаң арамға,  
Құдай қабыл етер ме?

Қыз сүйеді мені деп,  
Оған көніл көтерме!

Сап, сап, көнілім, сап, көнілім!  
Сарқа берме санасын.  
Бәрін өзің білсең де,  
Әлі-ақ өзің танаңың.  
Өртенесің, жанаңың.  
Өз-өзіңдегі бейнетке  
Өз басыңды саласың.  
Қай мезгілде тойғыздың  
Аюдайын ағасын,  
Қатыны мен қалашын?  
Қарсақ жортпас қара адыр,  
Қарамай неге шабасың?  
Сонда төуір бола ма,  
Үстап ап біреу сабасын?  
Киіміңді тонасын,  
Елге де құлкі боласың.

Сап, сап, көнілім, сап, көнілім!  
Сағынышқа сарғайма!  
Жай жүрсөң де қыз қумай,  
Сені біреу қарғай ма?  
Қыз іздесең, қалың бер,  
Мұным ақыл болмай ма?  
Көріп алсаң көріктіңі,  
Таңдал алсаң тектіңі,  
Сонда да көніл толмай ма?



\* \* \*

Қартайдық, қайғы ойладық, үйқы сергек,  
Ашуың – ашыған у, ойың – кермек.  
Мұндаасарға кісі жоқ сөзді ұгарлық,  
Кім көңілді көтеріп, болады ермек?

Жас қартаймақ, жоқ тумақ, туған өлмек,  
Тағдыр жоқ өткен өмір қайта келмек.  
Басқан із, көрген қызық артта қалмақ,  
Бір құдайдан басқаның бәрі өзгермек.

Ер ісі – ақылға ермек, бойды жеңбек,  
Өнерсіздің қылышы өле көрмек.  
Шыға ойламай, шығандап қылыш қылмай,  
Еріншек ездігінен көпке көнбек.

Жамандар қыла алмай жүр адап еңбек,  
Үрлық, құлық қылдым деп қағар көлбек.  
Арамдықтан жамандық көрмей қалмас,  
Мың күн сынбас, бір күні сынар шөлмек.

Адамзат тірілікті дәулет білмек,  
Ақыл таппақ, мал таппақ, адап жүрмек.  
Екеуінің бірі жоқ, ауыл кезіп,  
Не қорлық құр қылжаңмен күн откізбек?

Наданға арам – ақылды құлаққа ілмек,  
Бұл сөзден ертеғіні тез үйренбек.  
Рас сөздің кім білер қасиетін,  
Ақылсыз шынға сенбей, жоққа сенбек.

Қызыл арай<sup>1</sup>, ақ күміс, алтын бергек  
Қызықты ертегіге көтерілмек.  
Ақсақалдың, өкенің, білімдінің  
Сөзінен сырдаң тартып, тез жиренбек.

---

<sup>1</sup> Арай (парсыша) – көркем, өдемі.

Ақылды қара қылды қырыққа бөлмек,  
Әр нәрсеге өзіндей баға бермек.  
Таразы да, қазы да өз бойында,  
Наданның сүйенгені – көппен дүрмек.

Алашқа іші жау бол, сырты күлмек,  
Жақынын тіріде аңдып, өлсе өкірмек.  
Бір-екі жолы болған кісі көрсө,  
Құдай сүйіп жаратқан осы демек.

Ел бұзылса, құрады шайтан өрмек,  
Періште төменшіктеп, қайғы жемек.  
Өзімнің иттігімнен болды демей,  
Жеңді ғой деп шайтанға болар көмек.

Сырттансынбақ, қусынбақ, өршілденбек,  
Сыбырменен топ жасап бөлек-бөлек.  
Арамдықпен бар ма екен жаннан аспақ,  
Өзімен өзі бір күн болмай ма өлек?

Қолдан келе бере ме жұрт меңгермек,  
Адалдық, арамдықты кім теңгермек?  
Мактан үшін қайратсыз болыс болмак,  
Иттей қор бол, өзіне сөз келтірмек.

\* \* \*

Қартайдық, қайрат қайтты, ұлғайды арман,  
Шошимын кейінгі жас балалардан.  
Терін сатпай, телміріп, көзін сатып,  
Теп-тегіс жүрттың бөрі болды аларман.

Бай алады кезінде көп берем деп,  
Жетпей тұрган жерінде тек берем деп.  
Би мен болыс алады күшін сатып,  
Мен қазақтан кегінді өперем деп.

Жарлы алады қызметпен өткерем деп,  
Елубасы шар салып<sup>1</sup>, леп берем деп.  
Жалаңқая жат міnez жау алады,  
Бермей жүрсөң, мен сені жек көрем деп.

Дос алады бермесең бұлт берем деп,  
Жауыңа қосылуға сырт берем деп,  
Бұзылған соң мен оңай табылмаспышын,  
Не қылыш оңайлықпен ырық берем деп.

Сүм-сүрқия – сүмдықпен еп берем деп,  
Сүйер жансып, сүйкімді бет берем деп.  
Жұз қараға екі жұз аларман бар,  
Бас қатар бас-аяғын тексерем деп.

Ел жиып, мал сойыңыз ет берем деп,  
Ет берсем, сен мендік бол деп берем деп.  
Қара қарға сықылды шуласар жүрт,  
Кім көп берсе, мен соған серт берем деп.

Бұзыларда ойламас бет көрем деп,  
Ант ішуді кім ойлар дерт көрем деп.

---

<sup>1</sup> Елу үйдің атынан сайланған елубасылар кішкене тасты (шарды) екі үялы жәшікке салу арқылы болысты сайлауға дауыстарын беретін болған. Оны жүрт сол кезде «шар салу» деп атаған.

Қабаған итше өшігіп шыға келер,  
Мен қапсам, бір жерінді бексерем деп.

Орыс айтты өзіңе ерік берем деп,  
Кімді сүйіп сайласаң, бек көрем деп.  
Бұзылмаса, оған ел түзелген жоқ,  
Ұлық жүр бұл ісінді кек көрем деп.

Жұрт жүр гой арамдықты еп көрем деп,  
Тоқтау айтқан кісіні шет көрем деп.  
Бар ма екен жай журген жан қанағатпен,  
Құдайдың өз бергенін жеп көрем деп?

Атаны бала аңдиды, ағаны – іні,  
Ит қорлық немене екен сүйткен күні?  
Арын сатқан мал үшін антүрғанның  
Айтқан сөзі құрысын, шыққан үні.

Алыс-жақын қазақтың бәрі қаңғып,  
Аямай бірін-бірі жүр гой аңдып.  
Мал мен бақтың кеселі үя бұзар,  
Паруардигөр жаратқан несін жан қып!

Ант ішіп күнде берген жаны құрысын,  
Арын сатып тіленген малы құрысын.  
Қысқа күнде қырық жерге қойма қойып,  
Қу тілмен құлық сауған заны құрысын.  
Бір атқа жұз құбылған жұзі күйгір,  
Өз үйінде шертиген паңы құрысын.



\* \* \*

Адасқанның алды – жөн, арты – соқпақ,  
Оларға жөн – арамның сөзін үқпақ.  
Қас маңғаз, малға беккен кісімсініп,  
Әсте жоқ кеселді істен биттей қорықпақ.

Бір аршопке<sup>1</sup> шапаны сондай шап-шак,  
Мүшесінен буынып, басады алшақ.  
Қарсы алдына жымырып келтірем деп,  
Ақ тымақтың құлағы салтақ-салтақ.

Жаздығуні ақ бөркі бүктелмейді-ақ,  
Қолында бір сабау бар, о дағы аппақ.  
Керегеге сабауды шашып қойып,  
Бөркін іліп, қарайды жалтақ-жалтақ.

Қу шалбар құлығына болған айғақ,  
Тізесін созғылайды қалталанса-ақ.  
Үстаудағы кісідей мезгілі бар,  
Құні бойы шешініп, бір т...-ақ.

Тірі жанға құрбы бол жап-жасында-ақ,  
Қалжыңдамақ, қасынбак, ыржандамақ.  
Бет-аузын сөз сейлерде жүз құбылтып,  
Қас кермек, мойын бүрмақ, қоразданбақ.

Осындай сидаң жігіт елде мол-ақ,  
Бөрі де шаруага келеді олақ.  
Сырын түзөр біреу жоқ, сыртын түзеп,  
Бар өнері – қу борбай, сымпыс шолақ.

Олардың жоқ ойында малын бақпақ,  
Адал еңбек, мал таппақ, жұртқа жақпақ.  
Жалғыз атын терлетіп, ел қыдырып,  
Сәлемдеспей, алыстан ыржан қақпақ.

---

<sup>1</sup> Аршопке – аршын деген сөзден алынған.

\* \* \*

Бір дәурен кемді күнге – бозбалалық,  
Қартаймастай көрмелік, ойланалық.  
Жастықта кекірек зор, уайым жоқ,  
Дейміз бе еш нәрседен құр қалалық.

Бар ойы – өлең айтып, ән салалық,  
Биреуді қалжың қылып қолға алалық.  
Қызды ауылға қырындаң үйір болса –  
Көңліне зор қуаныш бір бадалық<sup>1</sup>.

Демендер өнбес іске жұбаналық,  
Ақыл тапсақ, мал тапсақ, қуаналық.  
Қызды сүйсөң, бірді-ақ сүй, таңдаң тауып,  
Көрсе қызар, құнде асық – диуаналық.

Жастықта бір құлгенің – бір қаралық,  
Құлкі баққан бір көрер бишаралық.  
Өүелі өнер ізделік, қолдан келсе,  
Ең болмаса еңбекпен мал табалық.

Той болса, тон киелік, жур, баралық,  
Бірімізді біріміз аударалық.  
Ат арықтар, тон тозар, қадір кетер,  
Құлқіні онша күйлеп, шуламалық.

Уайым – ер қорғаны, есі барлық,  
Қының бүл дүниенің – қолы тарлық.  
«Ehe-ehege» елірме, бозбалалар,  
Бүл бес қундік бір майдан ер сынарлық.

Салынба, қылсан-дағы сан құмарлық,  
Алдында уайым көп шошынарлық:  
Жарлылық, жалынышты жалтаң көздік,  
Сүйкімі, икемі жоқ шалдуарлық.

---

<sup>1</sup> Бада (парсыша) – мақтанышлық.

Әсем салдық өлгенше кім қыларлық,  
Оған да мезгіл болар тоқталарлық.  
Ұрлық қылар, тентіреп тамақ асырап,  
Болмаған соң жұмыс қып мал табарлық.

Басында әке айтпаса ақыл жарлық,  
Ағайын табылмаса ой саларлық,  
Қалжынбассып өткізген қайран дөурен  
Түбінде тартқызбай ма ол бір зарлық?

Осы елде бозбала жоқ сөзді ұғарлық,  
Үзілмес үмітпенен бос қуардық.  
Әйтеуір ақсақалдар айтпады деп  
Жүрмесін деп, азғана сөз шығардық.



Жігіттер, ойын арзан, күлкі қымбат,  
Екі түрлі нөрсө ғой сыр мен сымбат.  
Арзан, жалған күлмейтін, шын күлерлік  
Ер табылса жарайды, қылса сұхбат.

Кейбіреу тыңдар үйден шыққанынша,  
Кейбіреу қояр көңіл үққанынша.  
Сөз мәнісін білерлік кейбіреу бар,  
Абайлар өрбір сөзді өз халынша.

Шын көңілмен сүйсе екен, кімді сүйсе,  
Бір сезімен тұрса екен, жанса-күйсе.  
Қырмызы, қызыл жібек бозбалалар  
Оңғақ пұлдай былгайды, бір дым тисе.

Керек іс бозбалаға – талаптылық,  
Әр түрлі өнер, мінез, жақсы қылық.  
Кейбір жігіт жүреді мақтан күйлеп,  
Сыртқа пысық келеді, көзге сынық.

Кемді күн қызық дәурен тату өткіз,  
Жетпесе, біріндікін бірің жеткіз!  
Құншілдіксіз тату бол шын көңілмен,  
Киянатшыл болмақты естен кеткіз!

Бір жерде бірге жүрсең басың қосып,  
Біріңнің бірің сөйле сөзің тосып.  
Бірінді бірің ғиззәт<sup>1</sup>, құрмет етіс,  
Тұрғандай бейне қорқып, жаның шошып.

Жолдастық, сұхбаттастық – бір үлкен іс,  
Оның қадірін жетесіз адам білмес.  
Сүйікті ер білген сырын сыртқа жаймас,  
Артыңдан бір ауыз сөз айтып күлмес.

---

<sup>1</sup> Ғиззәт, ғиззат (арабша) – қадір, сый.

Күйлеме жігітпін деп үнемі ойнас,  
Салынсан, салдуарлық қадір қоймас.  
Ер жігіт таңдал тауып, еппен жұрсін,  
Тәбетке өлекшіннің бәрі бір бәс.

Біреуді көркі бар деп жақсы көрме,  
Лапылдақ көрсе қызар нәпсіге ерме!  
Әйел жақсы болмайды көркіменен,  
Мінезіне көз жетпей, көңіл берме!

Көп жүрмес женсікқойлық, әлі-ақ тозар,  
Жаңғырар женсіккүмар, жатқа қозар.  
Күнде көрген бір беттен көңіл қайтар,  
Қылт еткізбес қылышты тамыршы озар.

Толқынын жүрегіңдің хаттай таныр,  
Бұлк еткізбес қалайша соқса тамыр.  
Жар көңіліне бір жанын пида қылып,  
Білместігің бар болса, қылар сабыр.

Шу дегенде көрінер сұлу артық,  
Көбі көпшіл келеді ондай қаншық.  
Бетім барда бетіме кім шыдар деп,  
Кімі паңдау келеді, кімі – тантық.

Ақыл керек, ес керек, мінез керек,  
Ер ұялар іс қылмас қатын зерек.  
Салак, олақ, ойнашы, керім-кербез,  
Жыртаң-тыртаң қызылдан шығады ерек.

Қатының сені сүйсе, сен де оны сүй,  
Қоржан, суық келеді кей сасық ми.  
Ері ақылды, қатыны мінезді боп,  
Тату болса, райыс<sup>1</sup> үстіндегі үй.

---

<sup>1</sup> Райыс (арабша) – рақат деген мағынада.

Жоқ болса қатыныңың жат өсегі,  
Болмаса мінезінің еш кесегі.  
Майысқан, бейне гүлдей толықсыған,  
Кем емес алтын тақтан жар төсегі.

Жасаулы деп, малды деп байдан алма,  
Кедей қызы арзан деп құмарланба.  
Ары бар, ақылы бар, ұяты бар,  
Ата-ананың қызынан ғапыл қалма.

Үйіңе тату құрбың келсе кіріп,  
Сазданбасын қабақпен имендіріп.  
Ері сүйген қісіні о да сүйіп,  
Қызмет қылсын көнілі таза жүріп.

Құрбыңың төуір болсын өз мінезі,  
Абыройлы қалжыңмен келсін сөзі.  
Сен оған мойын бүрып, сөз айтқанда  
Қатыныңда болмасын оның көзі.

Кей құрбы бүгін тату, ертең бату,  
Тілеуі, жақындығы – бәрі сату.  
Кекірегінде қаяу жоқ, қиянат жоқ,  
Қажымас, қайта айнымас қайран тату!

Пайда деп, мал деп туар ендігі жас,  
Еңбекпен терін сатып түзден жимас.  
Меліш<sup>1</sup> сауда сықылды күлкі сатып,  
Алса қоймас, араны тағы тоймас.

Асық ұтыс сықылды алыс-беріс –  
Тірі жанның қылғаны бүгін тегіс.  
Бірі көйтке<sup>2</sup> таласып, бірі арам қып,  
Төбелескен, дауласқан жанжал-керіс.

<sup>1</sup> Меліш (орынша) – мелочь, ұсақ-түйек.

<sup>2</sup> Көйт – асық ойыннан қарыз алу. Ұтылып қалса, көйт болып, ойыннан қуылады.

Жас бала өуел тату бола қалар,  
Ата-анадан жақын боп, ертіп алар.  
Бірін-бірі құшақтап шуылдасып,  
Ойын тарқар кезінде ұрыс салар.

Біреуі жылап барса үйге таман,  
Ата-анасы бүркүлдар онан жаман.  
Татулығы құрысын ойынымен,  
Дәл соларға үқсайды мына заман.

Жаман тату қазады өзіңе ор,  
Оған сенсек, бір күні боларсың қор.  
Ары бар, ұяты бар үлкенге сен,  
Өзі зордың болады иығы да зор.

Қазақтың қайсысының бар санасы?  
Қылт етерде дап-дайын бір жаласы.  
Пысықтықтың белгісі – арыз беру,  
Жоқ тұрса бес бересі, алты аласы.



\* \* \*

Патша құдай, сиындым,  
Тура баста өзіңе.  
Жау жағадан алғанда  
Жан көрінбес көзіме.  
Арғын, Найман жиылса,  
Таңырқаған сөзіме.  
Қайран сөзім қор болды  
Тобықтының езіне.  
Самородный<sup>1</sup> сары алтын,  
Саудасыз берсең алмайды  
Саудыраған жезіне.  
Саудырсыз сары қамқаны  
Садаға кеткір сүрайды  
Самарқандың бөзіне.  
Кеселді түйін шешілсе,  
Кердең мойын кесілсе,  
Келмей кетпес кезіне.  
О да – құдай пендесі,  
Тұспей кетер деймісің,  
Тәңірінің құрган тезіне?

---

<sup>1</sup> Самородный (орысша) – таза, қоспасыз деген мағынада.

\* \* \*

Базарға, қарап тұрсам, өркім баар,  
Іздегені не болса, сол табылар.  
Біреу астық алады, біреу – маржан,  
Өркімге бірдей нәрсе бермес базар.  
Өркімнің өзі іздеген нәрсесі бар,  
Сомалап ақшасына сонан алар.  
Біреу үқпас бұл сөзді, біреу үғар,  
Бағасын пайым қылмай аң-таң қалар.  
Сөзді үғар осы күнде кісі бар ма?  
Демеймін жалпақ жүртқа бірдей жағар.  
Жазған соң жерде қалмас тесік моншақ,  
Біреуден біреу алыш, елге тараар.  
Бір кісі емес жазғаным, жалпақ жүрт қой,  
Шамданбай-ақ, шырактар, үқсан жарап.  
«Ит маржанды не қылсын» деген сез бар,  
Сөулесі бар жігіттер бір ойланар.



Қансонарда бүркітші шығады аңға,  
 Тастан тұлқі табылар аңдығанға.  
 Жақсы ат пен тату жолдас – бір ғанибет,  
 Ыңғайлы ықшам киім аңшы адамға.  
 Салаң етіп жолықса қайтқан ізі,  
 Сағадан сымпың қағып із шалғанда.  
 Бүркітші тау басында, қағушы ойда,  
 Іздің бетін туゼтіп андағанда.  
 Томағасын тартқанда бір қырымнан,  
 Қыран құс көзі көріп самғағанда.  
 Төмен үшсам тұлқі өрлең құтылар деп,  
 Қандыкөз<sup>1</sup> қайқаң қағып шықса аспанға,  
 Кере тұра қалады қашқан тұлқі  
 Құтылмасын білген соң құр қашқанға.  
 Аузын ашып, қоқақтап, тісін қайрап,  
 О да талас қылады шыбын жанға.  
 Қызық көрер, көнілді болса аңшылар,  
 Шабар жерін қарамай жығылғанға,  
 Қырық пышақпен қыржындал тұрган тұлқі,  
 О дағы осал жау емес қыран паңға.  
 Сегіз наиза қолында, көз аудармай,  
 Батыр да аял қылмайды ертең таңға.  
 Қанат, құйрық суылдан, ыскырады  
 Қектен қыран сорғалап құйылғанда.  
 Жарқ-жүрқ етіп екеуі айқасады,  
 Жеке батыр шыққандай қан майданға.  
 Біреуі – көк, біреуі – жер тағысы,  
 Адам үшін батысып қызыл қанға.  
 Қар – аппақ, бүркіт – қара, тұлқі – қызыл,  
 Үқсайды хасса<sup>2</sup> сұлу шомылғанға.  
 Қара шашын көтеріп екі шынтақ,  
 О да бұлк-булк етпей ме сипанғанда,  
 Аппақ ет, қып-қызыл бет, жап-жалаңаш,

---

<sup>1</sup> Қандыкөз – бүркітті айтады.

<sup>2</sup> Хасса, қаса (арабша) – өте сұлу, кемелге жеткен сұлұлық.

Қара шаш қызыл жүзді жасырғанда.  
Қүйеуі ер, қалыңдығы сұлу болып,  
Және үқсар тар тәсекте жолғасқанға.  
Арт жағынан жауырыны бүлкілдейді,  
Қыран бүктеп астына дәл басқанда.  
Құсы да иесіне қоразданар,  
Алпыс екі айлалы тұлкі алғанда.  
«Үйірімен үш тоғыз» деп жымындал,  
Жасы үлкені жанына байланғанда.  
Сілке киіп тымақты, насыбайды  
Бір атасың қөңілің жайлапанғанда.  
Таудан жиде тергендей ала берсе,  
Бір жасайсың құмарың әр қанғанда.  
Көкіректе жамандық еш ниет жоқ,  
Аң болады кеңесің құс салғанда.  
Ешкімге зияны жоқ, өзім көрген  
Бір қызық ісім екен сүм жалғанда.  
Көкірегі сезімді, қөңілі ойлыға  
Бөрі де анық түрмай ма ойланғанда.

Үқпассың үстірт қарап бұлғақтасаң,  
Суретін көре алмассың, көп бақпасаң.  
Көлеңкесі түседі қекейіңе,  
Әр сөзін бір ойланып салмақтасаң.  
Мұны оқыса, жігіттер, аңшы оқысын,  
Біле алмассың құс салып, дәм татпасаң.



\* \* \*

Қыран бүркіт не алмайды, салса баптап,  
Жұрт жүр ғой күйкентай мен қарға сақтап.  
Қыран шықса қияға, жібереді  
Олар да екі құсын екі жақтап.  
Қарқылдал қарға қалмас арт жағынан,  
Күйкентайы үстінде шықылықтап.  
Өзі алмайды, қыранға алдырмайды,  
Күні бойы шабады бос салақтап.  
Тиіп-шығып, ыза қып, ұстапаса,  
Қуанар иелері сонда ыржақтап.  
Не таптық мұныменен деген жан жоқ,  
Түні бойы күпілдер құсын мақтап,  
Басқа сая, жанға олжа дәнeme жоқ,  
Қайран ел осынымен жүр далақтап.



Шоқпардай кекілі бар, қамыс құлақ,  
Қой мойынды, қоян жақ, бөкен қабақ.  
Ауыз омыртқа шығыңқы, майда жалды,  
Ой желке, үңірейген болса сағақ.

Теке мұрын, салпы ерін, ұзын тісті,  
Қабыргалы, жотасы болса күшті.  
Ойынды еті бәп-бөлек, омыраулы,  
Тояттаған бүркіттей салқы төсті.

Жуан, тақыр бақайлы, жұмымыр тұяқ,  
Шынтағы қабыргадан тұрса аулақ.  
Жерсогарлы, сіңірлі, аяғы тік,  
Жауырыны етсіз, жалпақ тақтайдай-ақ.

Кең сауырлы, тар мықын, қалбағайлы,  
Алды-арты бірдей келсе ерге жайлы.  
Құлте құйрық, қыл тұбі өлді келіп,  
Көтендігі шығыңқы, аламайлы.

Үршығы төмен біткен, шақпақ етті,  
Өзі санды, дөңгелек келсе көтті.  
Сырты қысқа, бауыры жазық келіп,  
Арты талтақ, ұмасы үлпершекті.

Шідерлігі жуандаяу, бота тірсек,  
Бейне жел, тынышты, екпінді, мініп жүрсек.  
Екі көзін төңкеріп, қабыргалап,  
Белдеуге тыныш тұрса, байладап көрсек.

Тығылмай өм сүрінбей журсе көсем,  
Иек қағып, еліріп басса өсем.  
Шапса жүйрік, мінсе берік, жуан, жуас,  
Разы емен осындаі ат мінбесем.

Аяңы тымақты алшы кигізгендей,  
Кісіні бол-бол қағып жургізгендей.  
Шапқан атқа жеткізбес бөкен желіс,  
Ыза қылдың қолыма бір тигізбей.

Байлар жүр жиған малын қорғалатып,  
 Өз жүзін, онын беріп, алар сатып,  
 Онын алыш, тоқсаннан дәме қылыш,  
 Бұл жүртты қойған жоқ па құдай атып?  
 Барып келсе Ертістің суын татып,  
 Беріп келсе бір арыз бұтып-шатып,  
 Елді алыш, Еділді алыш есіреді,  
 Ісіп-кеуіп, қабарып келе жатып.  
 Әрі-бері айналса аты арықтап,  
 Шығынға белшесінен өбден батып.  
 Сүм-сүркия, қу, білгіш атанбаққа  
 Құдай құмар қылыпты қалжыратып.  
 Қорғаласа, қорықты деп қоймаған соң,  
 Шаптырады қалаға бай да андатып.  
 Қүшті жықшак, бай жеңбек өуел бастан,  
 Қолға түсер сілесі өбден қатып.  
 Жаны аяулы жақсыға қосамын деп,  
 Әркім бір ит сақтап жүр ырылдатып.

Өкінішті көп өмір кеткен өтіп,  
Откіздік бір нәрсеге болмай жетік.  
Ойшылдың мен де санды бірімін деп,  
Талап, ойсыз, мақтанды қалдым күтіп.

Үлгісіз жұртты үйретіп, қалдық кейін,  
Көп надандар өзіне тартар бейім.  
Арылмас өдеть болды құлқішілдік,  
Ыржан-қылжаң ит мінез дегендейін.

Тура тілді кісіні дейміз орыс,  
Жириеніп, жылмаңдықты демес бұрыс.  
Жылпылдақтан айырылып, сенісе алмай,  
Адамдықты жоғалтар ақыр бұл іс.

Сенімі жоқ серменде<sup>1</sup> сырды бұзды,  
Анық таза көрмейміз досымызды.  
Қылт етпеге көңілдің кешуі жоқ,  
Жүрегінде жатады өкпе сызы.

Дос-асықтың болмайды бөтендігі,  
Қосылған босаспайды жүрек жігі.  
Біздің доспыз, асықпыз дегеніміз –  
Жалғандықтан жасалған көңіл жүргі.

Сеніскең досым да жоқ, асығым да,  
Ақыры өлең қылдым, жасыдым да.  
Көрмеген көп дуние көл көрінді  
Кірлемеген көңілдің ашығында.

Құдай берген бұл достық – көннің<sup>2</sup> бірі,  
Мұндақанда қалмайды көңіл кірі.

<sup>1</sup> Серменде – сенделіп босқа жүрген адам. Парсының шаһрбант деген сөзінен шыққан.

<sup>2</sup> Көн (арабша) – кен, кеніш (рудник). Ауыспалы мағынада: мейірімділік бастауы, қайырымдылық, ізгілік; негізгі мағынасында Құдайдың әпитеті.

Қолдан достық жасап ем болар-болмас,  
Итмұрындаі наданның жыртты бірі.

Сол досты сая таппай іздейді жан,  
Жоқтайды күңіреніп, қозғалып қан.  
Жау жабылса бұзылмас жан көрмедім,  
Артық жолдас таппадым татулықтан.

\* \* \*

*(КӨКБАЙҒА)*

Сорлы Көкбай жылайды,  
Жылайды да жырлайды.  
Ол жыламай қайтіп тұрады,  
Мынау азған қу заман  
Қалыбында тұрмайды.  
Біреу малды үрлайды,  
Біреу басты қорлайды,  
...болмаған соң  
Жылауына зорлайды.

\* \* \*

*(КӨЖЕКБАЙҒА)*

Жамантайдың баласы Көжек деген,  
Әркімге өсек тасып безектеген.  
Досын келіп досына жамандайды,  
Шіркінде ес болсайшы сезед деген.



\* \* \*

Сабырсыз, арсыз, еріншек,  
Көрсө қызар, жалмауыз,  
Сорлы қазақ сол үшін  
Алты бақан ала ауыз.  
Өзін-өзі құндейді,  
Жақынын жалған міндейді,  
Ол – арсыздық белгісі.  
Ұятсынбай, ойланбай,  
Қой дегенге тіл алмай,  
Іс қылмай ма ол кісі?  
Бір-ақ секіріп шығам деп,  
Бір-ақ ырғып түсем деп,  
Мертігеді, жатады.  
Ұрлықпен мал табам деп,  
Егессе ауыл шабам деп,  
Сүйтіп құдай атады.  
Бұл нең десе біреуге  
Жоқ нәрсені шатады.  
Құтылам деп ісінен,  
Бәрін көріп кісіден,  
Шығынға өбден батады.  
Бұл болмаса онысы,  
Аударылып қонысы,  
Алыстан дәм татады.  
Қызмет қылып мал таппай,  
Фылым оқып ой таппай,  
Құр үйінде жатады.  
Ел қыдырып ас ішіп,  
Еркек арын сатады.  
Бала-шаға, ұргашы  
Үйде жарап, қатады.

Еңбегі жоқ, еркесіп,  
Бір шолақпен серкесіп,  
Пысық деген ант шықты.

Бір сөз үшін жау болып,  
Бір күн үшін дос болып,  
Жұз құбылған салт шықты,  
Пысық кім деп сұрасаң –  
Қалаға шапса дем алмай,  
Өтірік арыз көп берсе,  
Көргендерден үялмай.  
Сыбырдан басқа сыры жоқ,  
Шаруага қыры жоқ,  
Өтірік, өсек мақтанға  
Ағып тұрса бейне су.  
Ат-шапаннан кем көрмес,  
Біреу атын қойса «қу».  
Қу нәпсісін тыя алмай,  
Атым шығып жүрсін деп,  
Берекеге қас болса,  
Желіктірген айтаққа  
Арақ ішпей мас болса.  
Ел тыныш болса азады,  
Ерігіп өле жазады.  
Үйде отырса салбырап,  
Түзге шықса албырап,  
Кісіні көрсө қылжандап,  
Қалжыңшылсып ыржандап,  
Өз үйінде қипандап,  
Кісі үйінде күй таңдап.  
Ақылы бар кісіні  
Файбаттайды, даттайды.  
Ауқаты бар туганды  
Қайырсыз ит деп жаттайды.

Мал мен бақтың дүшпаны,  
Кеселді пысық көбейді,  
Күшік иттей үріп жүр,  
Кісіден кеммін демейді.  
Қу тілменен құтыртып,

Кетер бір күн отыртып,  
Қызмет қылған кісісін  
Құрытуға таяйды.  
Қылыш жүрген өнері:  
Харекеті – әрекет.  
Өзі оңбаган антүрган  
Кімге ойлайды берекет?  
Кімді ұялыш аяйды?  
Расы жоқ сөзінің,  
Ырысы жоқ өзінің,  
Өңкей жалған мақтанмен  
Шының үшін бояйды.  
Бұл сөзімде жалған жоқ,  
Айтылмай сөзім қалған жоқ,  
Абайлаңыз, байқаңыз –  
Елдің жайы солай-ды.



\* \* \*

Бөтөн елде бар болса  
Ежеттесің, сыйласың,  
Сыбырлас, сырлас көп болған  
Көптен тату қимасың,  
Басыңа жұмыс түскен күн  
Татулықты бұрынғы  
Не қылыш ол ойласың?  
Ашып берер жауыңа  
Өзі көрген қоймасың.

Желіккен жауға кез болса,  
Араздығы сез болса,  
«Бәрекелді батыр» деп,  
«Мықты боп бара жатыр» деп,  
Мақтап-мақтап қоздырар.  
Ескі досын көргенде,  
Есебі жоқ ант ішіп,  
Аруақ, құдай айттысып,  
Сыр алғалы айттым деп,  
Жауыңды алдаң қайттым деп,  
Құдайдан қорықпай, антүрган  
Иман жүзін тоздырар.  
Келіп-кетіп көп жүріп,  
Мен досыңым деп жүріп,  
Дұспандығын оздырар.  
Алдайды деп жауыңа,  
Ел тарттырмай баурыңа,  
Көрінгенді азғырар.

Кеселді болып бітеді  
Жақсыға біткен жақындар.  
Жау жағадан алған күн  
Өздері иттей тақымдар.  
Үйде отырып ескенде  
Бәрі шешен қақылдар.  
Аулаққа шығып біріне

Бірі сөзін мақұлдар.  
Жау көп болса басында,  
Бірі қалмас қасында,  
Жетектесен, табандар.  
Далаға шығып өзінді  
Жаудан бетер жамандар.  
Жалбарынып күн көріп,  
Жақынын сатып, жән көріп,  
Қалтаң-құлтаң амалдар.

Тұысқанға кекшілі  
Жас баладан бетер-ді,  
Ойлау да жоқ, білу жоқ  
Келер менен кетерді.  
Жақынға еріп, мал салмай,  
Жауды көріп, жан салмай,  
Қайдан ғана біледі  
Ауыр менен жеңілдің  
Арасымен өтерді?  
Жолдас аз боп сасқанда,  
Өүел соナン есітесің  
«Ат үстінен көтерді».  
Ауыр жұмыс кез болса,  
Араздығы сөз болса,  
Араз кісі болғансып,  
Сылтау етер бекерді.  
Үйренбейді кісіден  
Кіржіндең жүріп кекерді.

Оңалып егер алдыңыз,  
Әр жерден-ақ көбейер  
Ажарлыңыз, малдыңыз.  
Пәленшени ұрам деп,  
Түгеншени қырам деп,  
Таршылықта қайрандал,  
Кеңшіліктे ойрандал,  
Көп батырға қалдыңыз.

Егер тілін алсаңыз,  
Бірі қалмас кісіден.  
Егер тілін алмасаң,  
Бықсып шірір ішпінен.  
Әркімде-ақ бар ғой туысқан,  
Қайсысы жауды қуысқан?  
Құн жауғанда қойныңда,  
Құн ашықта мойныңда,  
Арылмас міндет болған соң,  
Әркімнің көңілі сұзысқан.

Жақсыға біткен ағайын  
Өз үйінде кезексіз  
Шешен келер сартылдап.  
Біреу білер жер келсе,  
Сөз таба алмас қалтылдап.  
Қалжыңға келер шорқақтау,  
Жауға келер қорқақтау,  
Еркін жерде ызакор,  
Томырық келер тарқылдап.  
Әдеппенен тамылжып,  
Мінезі тәтті болмайды,  
Сасық паңдау келеді,  
Қырт, мақтаншақ оңбайды,  
Кісімсініп жалпылдап.  
Біреуге өктем іс қылса,  
Өз күшім деп ойлайды.  
Егер күші жүрмесе,  
Баганағы жақсының  
Қылғаны деп қоймайды.  
Жат айбынар ісі жоқ,  
Жау айдынар күші жоқ,  
Өз еркіне жіберсөң,  
Еш нәрсеге тоймайды.

Қалжыңы – теріс, сөзі – ұрыс,  
Айтқан сөзге көнбейді.

Өз тентегін көрмейді,  
Қазан бұзар бір қырыс.  
Сондай кесел туысқан  
Қай жерінен болады  
Көңілге медеу, ол тыныс?  
Жалыгуды пәледен  
Жұрт ұмытты біржола.  
Шыныменен тамам ел  
Кете ме екен ит бола?  
Ішкені мас, жеген ток,  
Уайым айтар біреу жоқ,  
Тым болмаса болмады  
«Бұлт ала, жер шола».

Келелі кеңес жоғалды,  
Ел сыбырды қолға алды.  
Ел ішінде бітімші  
Түгел алып қайтпайды  
Сұрай келген бір малды.  
Ел жамаған билер жоқ,  
Ел қызырып сандалды.  
Астыртын барып жолғасқан,  
Ақша беріп жалғасқан,  
Ақысын өрең сол алды.

Орыс сыяз қылдырса,  
Болыс елін қармайды.  
Қу старшын, аш билер  
Аз жүрегін жалғайды.  
Орыссыз жерде топ болса,  
Шақырған кісі бармайды.  
Бітім қылып бір кісі  
Адал малын алмайды.  
Қызығы кеткен ел бағып,  
Қисыны кеткен сөз бағып,  
Ендігі атқа мінгендер  
Күнде ертеңге талмайды.

Бас қосылса арысқа,  
Кім шабады намысқа?  
Жатқа қарар беті жок,  
Жалынбай тұрар к... жоқ,  
Ісі кетер шалысқа.  
Ел бүлігі Тобықты  
Көп пысыққа молықты.  
Малдының малын көре алмай,  
Борышын түгел бере алмай,  
Көрінгенге обықты.  
Қазақтың малын сапырып,  
Көп бәлеге шатылып,  
Кесапатқа жолықты.  
Өзінен шыққан жақсылар  
Түзей алмай зорықты.  
Бөтен елдің адамы,  
Тынбаған соң арамы,  
Көңілі өбден торықты.

Саудагер қашты бұл елден,  
Несиесін жия алмай.  
Бұралқылар сандалды,  
Жұандарға сыя алмай.  
Сенімсіз болды алашқа,  
Барымтасын тыя алмай.  
Нанымы жоқ, анты бар,  
Ел нұсқасы кетті гой,  
Елмін деген салты бар,  
Әлі күнге уайым  
Қылған жан жоқ, ұялмай.



Өлең – сөздің патшасы, сөз сарасы,  
Қыыннан қыстырыр ер данасы.  
Тілге женіл, жүрекке жылы тиіп,  
Теп-тегіс жұмыр келсін айналасы.

Бетен сөзбен былғанса сөз арасы,  
Ол – ақынның білімсіз бишарасы.  
Айтушы мен тыңдаушы көбі надан,  
Бұл жұрттың сөз танымас бір парасы.

Әуелі аят<sup>1</sup>, хәдис<sup>2</sup> – сөздің басы,  
Қосарлы бәйіт сымал<sup>3</sup> келді арасы.  
Қысынымен қызықты болмаса сөз,  
Неге айтсын пайғамбар мен оны Алласы.

Мешіттің құтпа<sup>4</sup> оқыған ғұламасы,  
Мұнәжәт<sup>5</sup> уәлилердің<sup>6</sup> зар наласы.  
Бір сөзін бір сөзіне қыстырыар  
Әрбірі келгенінше өз шамасы.

Өлеңге өркімнің-ақ бар таласы,  
Сонда да солардың бар таңдамасы.  
Іші алтын, сырты күміс сөз жақсысын  
Қазақтың келістірер қай баласы?

Бұрынғы ескі биді тұрсам барлап,  
Мақалдан айтады екен, сөз қосарлап.  
Ақындары ақылсыз, надан келіп,  
Көр-жерді өлең қыпты жоқтан қармап.

<sup>1</sup> Аят (арабша) – Құран сөзі.

<sup>2</sup> Хәдис (арабша) – Мұхаммед пайғамбардың сөзі.

<sup>3</sup> Бәйіт (арабша) – өлең. «Бәйіт сымал» – өлең секілді.

<sup>4</sup> Құтпа, хотбә (арабша) – уағыз оқу, сейлеу мағынасында.

<sup>5</sup> Мұнәжәт, монежкат (арабша) – Аллаға жалбарыну, мақтау сөз айту.

<sup>6</sup> Уәли (арабша) – өулие, пайғамбар.

Қобыз бен домбыра алып топта сарнап,  
Мақтау өлең айтыпты өркімге арнап.  
Өр елден өлеңменен қайыр тілеп,  
Кетірген сөз қадірін жүртты шарлап.

Мал үшін тілін безеп, жанын жалдап,  
Мал сұрап біреуді алдаپ, біреуді арбап.  
Жат елде қайыршылық қылыш жүріп,  
Өз елін бай деп мақтар құдай қарғап.

Қайда бай мақтаншаққа барған таңдал,  
Жиса да бай болмапты қанша малды ап,  
Қазаққа өлең деген бір қадірсіз,  
Былжырақ көрінеді солар даңдақ.

Ескі бише отырман бос мақалдап,  
Ескі ақынша мал үшін тұрман зарлап.  
Сөз түзелді, тыңдаушы, сен де түзел,  
Сендерге де келейін енді аяңдалап.

Батырды айтсам, ел шауып алған талаң,  
Қызды айтсам, қызықты айтсам қыздырмалап,  
Өншейін күн өткізбек өңгімеге  
Тыңдар едің әр сөзін мыңға балап.

Ақыл сөзге ынтасыз, жүрт шабандап,  
Көнгенім-ак соған деп жүр табандап.  
Кісімсінген жеп кетер білімсіз көп,  
Жіберсем, өкпелеме, көп жамандап.

Амалдап қарағайды талға жалғап,  
Өркім жүр алар жердің ебін қамдап.  
Мақтан құған, малқұмар нені үға алсын,  
Шықпаса мыңдан біреу талғап-талғап.

Мал жиып арамдықпен үрлап-қарлап,  
Күсін десе, қуанып жүр алшаңдал.  
Қақса-соқса бір пайда түсе ме деп,  
Елдің байын еліртіп «жаяу мұндалап».

Ыңсап, үят, ар, намыс, сабыр, талап –  
Бұларды керек қылмас ешкім қалап.  
Терең ой, терең ғылым іздемейді,  
Өтірік пен өсекті жүндей сабап.



Біреудің кісісі өлсе, қаралы ол,  
Қаза көрген журегі – жаралы ол.  
Көзінің жасын тыймай жылап жүріп,  
Зарланып неге өнге салады ол?

Күйеу келтір, қыз ұзат, тойынды қыл,  
Қыз таныстыр – қызыққа жұрт ыржанышыл.  
Қынаменде, жар-жар мен беташар бар,  
Өлеңсіз солар қызық бола ма гул?

Бала туса, күзетер шілдехана,  
Олар да өлең айттар шулап жана.  
Бұрынғы жақсылардан өрнек қалған,  
Биде тақпак, мақал бар, байқап қара.

Тұғанда дүние есігін ашады өлең,  
Өлеңмен жер қойнына кірер денен.  
Өмірдегі қызығың бәрі өлеңмен,  
Ойлансанышы, бос қақпай елең-селең.

Өлеңді айтпақ түгіл, ұға алмайсың,  
Айтсаң да, үддасынан<sup>1</sup> шыға алмайсың.  
Сен білмейді екен деп айтпасын ба,  
Неге мұнша сіресіп, құп алмайсың?

Өлең деген – өр сөздің ұнасымы,  
Сөз қосарлық, орайлы жарасымы.  
Сөзі төтті, мағынасы түзу келсе,  
Оған кімнің ұнасар таласуы?

Қарны тоқ хасса<sup>2</sup> надан ұқпас сөзді,  
Сөзді үфар, көкірегі болса көзді.

---

<sup>1</sup> Үдда (арабша) – шек, шегі деген сөз. Бұл арада ауыспалы мағынада. Яғни шегіне жетер, жеріне жеткізу деген ұғымда колданылған.

<sup>2</sup> Хасса (арабша) – бір нәрсеге не бір кісіге ғана төн нағыз ерекшелік сипат мағынасында.

Қадірін жақсы сөздің білер жанға  
Таппай айтпа оған да айтар кезді.

Сый дәметпе, берсе алма еш адамнан,  
Нең кетеді жақсы өлең сөз айтқаннан?  
Сүйсінерлік адамды құрмет қыл,  
Аулақ бол өнін сатып нәрсе алғаннан.

Көп топта сөз танырылқ кісі де аз-ақ,  
Ондай жерде сөз айтып болма мазақ.  
Біреуі олай, біреуі бұлай қарап,  
Түгел сөзді тыңдауға жоқ қой қазақ.

Шортанбай, Дулат пенен Бұқар жырау,  
Өлеңі бірі – жамау, бірі – құрау.  
Әттең дүние-ай, сөз таныр кісі болса,  
Кемшілігі өр жерде-ақ көрінеу тұр-ау!

Мақсұтым – тіл ұстартып, өнер шашпақ,  
Наданның көзін қойып, көңілін ашпақ.  
Үлгі алсын деймін ойлы жас жігіттер,  
Думан-сауық ойда жоқ өуел баста-ақ.



## ЖАЗ

Жаздыгүн шілде болғанда,  
Кекорай шалғын, бәйшешек  
Ұзарып өсіп толғанда;  
Күркіреп жатқан өзенге  
Көшіп ауыл қонғанда;  
Шұрқырап жатқан жылқының  
Шалғыннан жоны қылтылдап,  
Ат, айғырлар, биелер  
Бүйірі шығып, ыңқылдап,  
Суда тұрып шыбындал,  
Құйрығымен шылпылдап,  
Арасында құлын-тай  
Айнала шауып бұлтылдап.  
Жоғары-төмен үйрек, қаз  
Ұшып тұрса сымпылдап.  
Қыз-келіншек үй тігер,  
Бұрала басып былқылдап,  
Ақ білегін сыбанып,  
Әзілдесіп сыңқылдап.  
Мал ішінен айналып,  
Көңілі жақсы жайланаип,  
Бай да келер ауылға,  
Аяңшылы жылпылдап;  
Сабадан қымыз құйдырып,  
Ортасына қойдырып,  
Жасы үлкендер бір белек  
Кеңесіп, күліп сылқылдап.  
Жалши алдаған жас бала  
Жағалайды шешесін  
Ет әпер деп қыңқылдап.  
Көлеңке қылыш басына,  
Кілем төсеп астына,  
Салтанатты байлардың  
Самаурыны бүрқылдап.

Білімділер сөз айтса,  
Бәйгі атындаі аңқылдан,  
Өзгелер басын изейді,  
Әрине деп мақұлдан.  
Ақ көйлекті, таяқты  
Ақсақал шығар бір шеттен  
Малыңды өрі қайтар деп,  
Малшыларға қаңқылдан.  
Бай байғұым десін деп,  
Шақырып қымыз берсін деп,  
Жарамсақсып, жалпылдан.  
Шапандарын белсенген,  
Асау мініп теңселген  
Жылқышылар кеп тұрса,  
Таңтереңнен салпылдан.  
Мылтық атқан, құс салған  
Жас бозбала бір бөлек  
Су жағалап құтындан.  
Қайырып салған көк құсы  
Көтеріле бергенде  
Қаз сыптыра жарқылдан.  
Өткен күннің бәрі ұмыт,  
Қолдан келер қайрат жоқ,  
Бағанағы байғұс шал  
Ауылда тұрып күледі  
Қошемет қылып қарқылдан.



## КҮЗ

Сүр бұлт түсі сүйқ қаптайды аспан,  
Күз болып, дымқыл тұман жерді басқан.  
Білмеймін тойғаны ма, тоңғаны ма,  
Жылқы ойнап, бие қашқан, тай жарысқан.

Жасыл шөп, бәйшешек жоқ бұрынғыдай,  
Жастар құлмес, жұтірмес бала шулай.  
Қайыршы шал-кемпірдей түсі кетіп,  
Жапырағынан айырылған ағаш, қурай.

Біреу малма сапсиды, салып иін,  
Салбыранқы тартыпты жыртық киім.  
Енесіне ііртіп шуда жібін,  
Жас қатындар жыртылған жамайды үйін.

Қаз, тырна қатарланып қайтса бермен,  
Астында ақ шомшы<sup>1</sup> жүр, ол бір керуен.  
Қай ауылды көрсөң де жабырқаңқы,  
Құлкі-ойын көрінбейді, сейіл-серуен.

Кемпір-шал құржан қағып, бала бұрсен,  
Көңілсіз қара сүйқ қырда жұрсен.  
Кемік сүйек, сорпа-су тимеген соң,  
Үйде ит жоқ, тышқан аулап, қайда көрсөң.

Күзеу тозған, оты жоқ елдің маңы,  
Тұман болар жел соқса, шаң-тозаңы.  
От жақпаған үйінің сұры қашып,  
Ыстан қорыққан қазақтың құрысын заны.

---

<sup>1</sup> Астық екпеген ел басқа елге түйемен барып астық алып қайтады, сонда түйе бос барады да, шом артады.

Қараша, желтоқсан мен сол бір-екі ай –  
 Қыстың басы бірі ерте, біреуі жай.  
 Ерте барсам жерімді жеп қоям деп,  
 Ықтырмамен күзеуде отыrap бай.

Кедейдің өзі жүрер малды бағып,  
 Отыруға отын жоқ үзбей жағып.  
 Тоңған иін жылытып, тонын илеп,  
 Шекпен тігер қатыны бұрсаң қағып.

Жас балаға от та жоқ тұрған маздал,  
 Талтайып қақтана алмай, өле жаздал.  
 Кемпір-шалы бар болса, қандай қыын,  
 Бір жағынан қысқанда жел де азынап.

Кәрі қой ептеп сойған байдың үйі,  
 Қай жерінде кедейдің тұрсын күйі?  
 Қара қидан орта қап ұрыспай берсе,  
 О да қылған кедейге үлкен сыйы.

Қар жауса да, тоңбайды бай баласы.  
 Үй жылы, киіз тұтқан айналасы.  
 Бай ұлына жалшы ұлы жалынышты,  
 Ағып жүріп ойнатар көздің жасы.

Бай үйіне кіре алмас тұра үмтұлып,  
 Бала шықса асынан үзіп-жұлып,  
 Ік жағынан сол үйдің ұзап кетпес,  
 Үйген жүктің күн жағын орын қылып.

Өкесі мен шешесі баланы аңдыр,  
 О да өзіңдей ит болсын, азғыр-азғыр.  
 Асын жөндеп іше алмай қысылады,  
 Құрбысынан үялып өңшөң жалбыр.

Жалшы үйіне жаны ашып, ас бермес бай,  
Артық қайыр артықша қызметке орай.  
Байда мейір, жалшыда пейіл де жоқ,  
Аңдыстырган екеуін құдайым-ай!

Алса да аяншақтау кедей сорлы,  
Еңбек білмес байдың да жоқ қой орны.  
Жас бала, кемпір-шалын тентіретпей,  
Бір қыс сақта, тас болма сен де о құрлы.



## ҚЫС

Ақ киімді, денелі, ақ сақалды,  
Соқыр, мылқау, танымас тірі жанды.  
Үсті-басы ақ қырау, түсі суық,  
Басқан жері сықырлаң, келіп қалды.  
Дем алысы – үскірік, аяз бен қар  
Көрі құдаң – қыс келіп, өлек салды.  
Ұшпадай<sup>1</sup> бәркін киген оқшырайтып,  
Аязбенен қызырып ажарланды.  
Бұлттай қасы жауып екі көзін,  
Басын сіліксе, қар жауып, мазанды алды.  
Борандай бүрк-сарқ етіп долданғанда  
Алты қанат ақ орда үй шайқалды.  
Өуес көріп жүгірген жас балалар  
Беті-қолы домбырып, үсік шалды.  
Шидем мен тон қабаттап киген малшы  
Бет қарауга шыдамай теріс айналды.  
Қар тепкенге қажымас қайран жылқы  
Титығы құруына аз-ақ қалды.  
Қыспен бірге тұмсығын салды қасқыр.  
Малшыларым, қор қылма итке малды.  
Соныға малды жайып, күзетіңдер,  
Үйқы өлтірмес, қайрат қыл, бұз қамалды!  
Ит жегенше Қондыбай, Қанай<sup>2</sup> жесін,  
Құр жібер мына антурған көрі шалды.

---

<sup>1</sup> Ұшпа – шоқ-шоқ болып жөңкіген бұлт.

<sup>2</sup> Қондыбай, Қанай – ру аттарымен аталатын, жерінің шебін жылқыға жалдайтығын ауылдар.

## ЖАЗФЫТҰРЫ

Жазғытұры қалмайды қыстың сыйзы,  
Масатыдай құлпырар жердің жүзі.  
Жан-жануар, адамзат анталаса,  
Ата-анаңдай елжірер күннің көзі.

Жаздың көркі енеді жыл құсымен,  
Жайрандастып жас құлер құрбысымен.  
Көрден жаңа түрғандай кемпір мен шал,  
Жалбандасар өзінің түргысымен.

Қырдағы ел ойдағы елмен араласып,  
Күлімдесіп, көрісіп, құшактасып.  
Шаруа құған жастардың мойыны босап,  
Сыбырласып, сырласып, мауқын басып.

Түйе боздап, қой қоздап – қора да шу,  
Көбелекпен, құспенен сай да ду-ду.  
Гүл мен ағаш майысып қарағанда  
Сыбдыр қағып, бұраңдап, ағады су.

Көл жағалай мамырлап қу менен қаз,  
Жұмыртқа іздеп, жүгіріп балалар мәз.  
Үшқыр атпен зырлатып тастағанда  
Жарқ-жүрк етіп ілінер көк дауыл баз<sup>1</sup>.  
Құс қатарлап байлаған қанжығаға  
Қыз бұраңдап жабысып, қылады наз.

Жазга жақсы киінер қыз-келіншек,  
Жер жүзіне өң берер гүл-бәйшешек.  
Қырда торғай сайраса, сайда бұлбұл,  
Тастағы үнін қосар байғыз, көкек.

Жаңа пұлмен жамырап саудагерлер,  
Диханшылар жер жыртып, егін егер.

---

<sup>1</sup> Баз (парсыша) – қаршыға.

Шаруаның бір малы екеу болып,  
Жаңа төлмен көбейіп, дәulet өнер.

Безендіріп жер жүзін тәңірім шебер,  
Мейірбандық дүниеге нұрын төгер.  
Анамыздай жер ііп емізгенде  
Бейне әкендей үстіңе аспан төнер.

Жаз жіберіп, жан берген қара жерге  
Рахметіне Алланың көңіл сенер.  
Мал семіреп, ақ пенен ас көбейер,  
Адамзаттың көңілі өсіп, көтерілер.

Қара тастан басқаның бәрі жадырап,  
Бір сараңнан басқаның пейілі өнер.  
Тамашалап қарасаң тәңірі ісіне,  
Бойың балқып, ериді іште жігер.

Кемпір-шал шуақ ізден, бала шулар,  
Мал мазатсып, қуанып, аунап-қунар.  
Жыршы құстар өуеде өлең айтып,  
Қиқу салар қөлдегі қаз бен қулар.

Құн жоқта кісімсінер жұлдыз бен ай,  
Ол қайтсін қара түнде жарқылдамай.  
Таң атқан соң шығарын құннің біліп,  
Өңі қашып, бола алмас бұрынғыдай.

Құн – күйеу, жер – қалыңдық сағынышты,  
Құмары екеуінің сондай күшті.  
Құн қырындал жүргенде көп қожаңдал,  
Күйеу келді – ай, жұлдыз к... қысты.

Ай, жұлдызға жылы жел хабар беріп,  
Жан-жануар қуанар тойға елеріп.  
Азалы ақ көрпесін сілке тастап,  
Жер күлімдер, өзіне шырай беріп.

Құн – қүйеуін жер көксеп ала қыстай,  
Біреуіне біреуі қосылышпай,  
Көңілі құн лебіне тойғаннан соң  
Жер толықсып, түрленер тоты құстай.

Адам тіктеп көре алмас құннің көзін,  
Сүйіп, жылып тұрады жан лебізін.  
Қызыл арай сары алтын шатырына  
Құннің кешке кіргенін көрді көзім.



\* \* \*

(*КҮЛЕМБАЙҒА*)

Уағалайқұмұссәләм,  
Болыс, мал-жан аман ба?  
Мынадайға кез болдың  
Аума-төкпе заманда.  
Ел билеген адам жоқ  
Ата менен бабаңда.  
Болыстықтан пайда қып,  
Шығыныңды алсаң жаман ба?  
Қалжындеймын өншейін,  
Оған келе де бермес шамаң да.

Орныңнан тұра шабасың,  
Атшабар келсе қышқырып.  
Ояз келсе қайтер ең,  
Айдаңардай ысқырып?  
Отырасың үйінде  
Өз-өзінен күш кіріп,  
Босқа-ақ түсіп қаларсың  
Біреу кетсе үшкіріп!..

\* \* \*

(*КӨКБАЙҒА*)

Бұралып тұрып,  
Буыны құрып,  
Қисайта тартып мұрынын;  
Әсемсіп, сөнсіп,  
Білгесіп, бәлсіп,  
Әр нәрсенің орынын.

Керенау, кердең, бір керім,  
Жақпайды маған сол жерің.

\* \* \*

Ішім өлген, сыртым сау,  
Көрінгенге деймін-ау:  
Бұғінгі дос – ертең жау,  
Мен не қылдым, япырмау?!

Өз үйінде өзендей  
Күркірейді, айтса дау.  
Кісі алдында кірбенде,  
Шабан, шардақ және шау.

Мұндай ма едің ана күн,  
Мұның қалай, батыр-ау?  
Үш күн арқаң босаса,  
Бола қалдың бас асау.

Жан қысылса, жайтаңдап,  
Жанды еріткен жайдары-ау.  
Жан жай тапса, сен неге  
Жат мінезсің жабырқау?

Үрлік пенен құлыққа  
Байлағанда, кестің бау.  
Берерменде бесеусің,  
Аларманда жөне алтау.

Топ болғанда көресің  
Түрлі дауды жүз тарау.  
Аяғында сендейлер  
Көрмей жүр ме ханталау?

Қайта кірер есікті  
Қатты серіппе, жарқын-ау!  
Жетілсең де, жетсең де  
Керек күні бір бар-ау.

\* \* \*

Болыс болдым, мінеки,  
Бар малымды шығындал.  
Түйеде қом, атта жал  
Қалмады елге тығындал.  
Сүйтсе-дағы елімді  
Үстай алмадым мығымдал.  
Күштілерім сөз айтса,  
Бас изеймін шыбындал.  
Әлсіздің сөзін салғыртсып,  
Шала үғамын қырындал.  
Сыяз бар десе, жүрегім  
Орнықпайды суылдал.  
Сыртқыларға сыр бермей,  
Құр күлемін жымындал.

Жай жүргенде бір күні  
Атшабар келді лепілдеп:  
«Ояз шықты, сыяз бар»,  
«Ылау» деп, «үй» деп дікілдеп.  
Сасып қалдым, күн тығыз,  
Жүрек кетті лупілдеп.  
Тың түяқ күнім, сүйтсе де,  
Қарбаңдадым өкімдеп.  
Старшын, биді жиғыздым:  
«Береке қыл» деп, «бекін» деп,  
«Ат жарамды, уй жақсы  
Болсын, бәрің күтін» деп.  
Қайраттанып халқыма  
Сөз айтып жүрмін күшілдеп:  
«Құдай қосса, жұртымның  
Ақтармын осы жол сүтін» деп,  
Қайраттысып, қамқорсып,  
Сайманымды бүтіндер.

Оңашада оязға  
Мақтамаймын елімді,  
Өз еліме айтамын:

«Бергем жоқ, – деп, – белімді».  
Мақтанамын кісімсіп,  
Оязға сөзім сенімді.  
Көрсеттім деймін, ымдаймын  
Кәдік қылар жерімді.  
Сөз көбейді, ұлғайды,  
Мақтанның к... көрінді.

Қазақты жеген қайратты «ер»  
Ұрынды да берінді.  
Әрлі-берлі тартысып,  
Ісі арамы жеңілді.  
Алқыны құшті асаулар  
Ноқтаға басы керілді.  
Ұлкен-кіші ақының  
Бәрі сөз боп терілді.  
Қайрауы жеткен қатты би  
Қайырылып нетсін көңілді.  
Өз малым деп қойған мал  
Иесіне берілді.  
Ақылы жандар қамалап,  
Кептірді сонда ерінді.  
Арызшылар көбейді,  
Болыстың к... шөмейді,  
Қайтсін байғұс демейді,  
Бір кептірмей терімді.

Күн батқанша шабамын  
Әрлі-берлі далпылдал.  
Етек кеткен жайылып  
Ат к... жалпылдал.  
Оязға жетсін деген боп,  
Боқтап журмін барқылдал.  
Кейбіреуге таяғым  
Тиіп те кетті бартылдал.  
Пысықтың көбі бұғып жүр,  
Беттесе алмай шаңқылдал.  
Ашылып омырау, күн ыстық,  
Қойын кетті алқылдал.

Елі жөнді болыстар  
Мақтанып жүр тарқылдал.  
Құлкісі жақсы қарқылдал,  
Үні бөлек сартылдал.  
Сейлесе кетсе бір жерде,  
Ағыны қатты аңқылдал.  
Оязға кірсе, өзгеден  
Мерейі үstem жарқылдал.  
Елің бұзық болған соң,  
Ояз жатыр шартылдал.  
Табаныңдан тозасың,  
Құр жүгіріп тарпылдал.

Антұрғанмын өзім де,  
Бір мінезбен өтпеймін.  
Момындық күшті екенін  
Көрсем-дағы, күтпеймін.  
Сыяздан соң елімді  
Қысып алып кетпеймін.  
Өуелде к... бос кәпір,  
Мықтыға не қып беттеймін?  
Жуанды қойып, жуасты  
Біраз ғана шеттеймін.  
Ояз бардағы қылышты  
Ояз жоқта етпеймін.  
Кәкір-шукір, көр-жерді  
Пайда көріп етпеймін.  
Мынау арам, тентек деп,  
Еш кісіні теппеймін.  
Өзімдік бол деп ел жиып,  
Құрастырып, септеймін.  
Бұзақының бүлігін  
«Жақсы ақыл» деп, «құп» деймін.  
Сүйегім жасық, буын бос,  
Біраз ғана айлам бар.  
Айлам құрысын, білемін –  
Болыстықтың жолы тар.  
Қайтіп көмек болады  
Антұрған өңкей үры-қар?

Көргенім өлгі, ойлашы,  
Үят, намыс, қалды ма ар?  
Ендігі сайлау болғанда,  
Түсе ме деп тағы шар,  
Бұл күніме бір күні  
Боламын ғой деймін зар.  
Ақыл айтар туғандар,  
Бұл сөзімді ойландар.  
Көтелешке көбейді,  
Сөгіс естіп, тозды ажар.  
Мынау елді ұстарлық  
Кісі емеспін, кел, құтқар!  
Қолдан келмес қорлыққа  
Неге болдым мұнша іңкәр?  
Ел жайылды, жетпей ме  
Оязга да бір хабар?  
Тағы бүйтіп кеттің деп  
Қозғау салар, қолға алар.  
Қатты қысым қылған соң,  
Басым сотқа айналар.  
Кірлі болып түскен соң,  
Көрген күнім не болар?  
Өзіне мәлім, тентектер  
Өз бетімен не табар?  
Қағаз берер, қарманар,  
Аяғында сандалар.

Бұрынғыдай дәурен жок,  
Ұлық жолы тарайды.  
Отірік берген қағаздың  
Алды-артына қарайды.  
Өз қағазы өз көзін  
Жоғалтуға жарайды.  
Тауып алыш жалғанын,  
Қылмысынды санайды.  
Өзі залым закүншік  
Танып алды талайды,  
Көрмей тұрып құсамын  
Темір көзді сарайды.

\* \* \*

Біреуден біреу артылса,  
Өнер өлшенип тартылса,  
Оқыған, білген – білген-ақ,  
Надан – надан-ақ сан қылса.

Оқыған білер әр сөзді,  
Надандай болмас ақ көзді.  
Надан жөндіге жөн келмей,  
Білер қайдагы шәргезді.

Надан қуанар, арсандар,  
Таңырқап тұра қалсандар.  
Татымды ештеме болмас,  
Адамсып босқа талтандар.

Ақыл жоқ, қайғы жоқ онда,  
Ісі жоқ – теріс пе, оң ба?  
Тіленіп, телміріп ізденер,  
Тиын ба, яки бір сом ба?

Ит көрген ешкі көзденіп,  
Елерме жынды сөзденіп.  
Жасынан үлгісіз шіркін  
Не қылсын өнер ізденіп.

Кісімсіп белгілі білгіш,  
Біреуге сондай-ақ күлгіш.  
Бұлықсып, бұлданып босқа,  
Өзімшіл, оңбаган шерміш.

Кісіде бар болса талап,  
Отырмас ол бойын балап,  
Жүрер, әрқайdan ізденер,  
Алар өз сүйгенін қалап.



\* \* \*

Мәз болады болысың  
Арқаға ұлық қаққанға.  
Шелтірейтіп орысың,  
Шенді шекпен жапқанға.

Күнде жақсы бола ма,  
Бір қылышы жаққанға?  
Оқалы тон тола ма  
Ар-ұятын сатқанға?!

Күлмен қағып қасқайып,  
Салынып ап мақтанға.  
Таң қаламын қампайып,  
Жоқты-барды шатқанға.

Үйі мәз боп, қой сойды  
Сүйіншіге шапқанға.  
Өтуре қылды, салды ойды  
Үйдегі тыныш жатқанға.

Еш нөрсе емес жұбанар  
Ақыл көзбен баққанға.  
Жас баладай қуанар  
Бір дөмдіні татқанға.

Көзі барлар ойының  
Күлер к...ін ашқанға,  
Қасиетін бойының  
Бекер төгіп шашқанға.

Қуанарлық қыз емес  
Жылтырауық таққанға.  
Өзгелерді, біз емес,  
Түсірмекші қақпанға.

Осы да есеп бола ма  
Ар, абұйыр тапқанға?  
Миың болса жолама  
Бос желігіп шапқанға.

Бір бес надан, оңбассың,  
Нансаң, онын қосқанға.  
Жасық, жаман болмассың,  
Жамандықтан қашқанға.

Ол «болдым-ақ» дей берер,  
Бұлғақ қағып басқанға.  
Елең қағып елбірер,  
Елертіп көзді аспанға.

Жайы мәлім шошқаның,  
Тұрткенінен жасқанба.  
Бір ғылымнан басқаның  
Кеселі көп асқанға.

Одан үміт кім қылар,  
Жол табар деп сасқанда?  
Үйтіп асқан жолығар  
Кешікпей-ақ тосқанға.



## СЕГІЗ АЯҚ

Алыстан сермен,  
Жұректен тербен,  
Шымырлап бойға жайылған;  
Қиуадан шауып,  
Кисынын тауып,  
Тағыны жетіп қайырган –  
    Толғауы тоқсан қызыл тіл,  
    Сөйлеймін десен өзің біл.

Өткірдің жүзі,  
Кестенің бізі  
Өрнегін сендей сала алмас.  
Білгенге маржан,  
Білмеске арзан,  
Надандар бәһра<sup>1</sup> ала алмас.  
    Қиналма бекер, тіл мен жақ,  
    Көңілсіз құлақ – ойға олақ.

Басында ми жоқ,  
Өзінде ой жоқ,  
Күлкішіл кердең наданның.  
Көп айтса көнді,  
Жұрт айтса болды –  
Әдеті надан адамның.  
    Бойда қайрат, ойда көз  
    Болмаған соң, айтпа сөз.

Қайнайды қаның,  
Ашиды жаның  
Мінездерін көргенде.  
Жігерлен, сілкін,  
Қайраттан, беркін  
Деп насиҳат бергенде,

---

<sup>1</sup> Бәһра (парсыша) – пайда, білімнен үлес.

Үятсыз, арсыз салтынан,  
Қалғып кетер артынан.

Аулаққа шықпай,  
Сыбырлап бүқпай,  
Мейірленбес еш сөзге.  
Пайдасыз тақыл –  
Байлаусыз ақыл,  
Атадан бала ойы өзге.  
Санаңыз, ойсыз, жарым ес,  
Өз ойында ар емес.

Тасыса өсек,  
Ыскыртса кесек,  
Құмардан өбден шыққаны.  
Құпілдек мақтан,  
Табытын қаққан<sup>1</sup> –  
Аңдығаны, баққаны.  
Ынсан, ұят, терең ой  
Ойлаған жан жоқ, жауып қой.

Болмасын кекшіл,  
Болсайшы көпшіл,  
Жан аямай кәсіп қыл.  
Орынсыз ыржан,  
Болымсыз қылжаң  
Бола ма дәulet, нәсіп бұл?  
Еңбек қылсаң ерінбей –  
Тояды қарның тіленбей.

Егіннің ебін,  
Сауданың тегін  
Үйреніп, ойлап, мал ізде.

---

<sup>1</sup> Кісі өлімі сирей бастаса, мешіттің ашкөз, надан мәзендері мешіт қоймасында тұратын өлген адамды салып шығаратын табытты таяқпен қағып, өлім шақыратын жаман өдеті болған. Ақын соны ауыспалы мағынасында қолданған.

Адал бол – бай тап,  
Адам бол – мал тап,  
Куансаң қуан сол кезде.  
Бірінді, қазак, бірің дос  
Көрмесең, істің бәрі бос.

Малыңды жауга,  
Басыңды дауға  
Кор қылма, қорға, татулас.  
Өтірік, үрлік,  
Үкімет зорлық  
Құрысын, көзің ашылмас.  
Үятың, арың оянсын,  
Бұл сөзімді ойлансын.

Тамағы тоқтық,  
Жұмысы жоқтық  
Аздыrap адам баласын.  
Талаасып босқа,  
Жау болып досқа,  
Кор болып, құрып баrasың.  
Өтірік шағым толды гой,  
Өкінер уақытың болды гой.

Жұмыссыз сандал,  
Еріксіз малды ал  
Деген кім бар сендерге?  
Кұлықты көргіш,  
Сұмдықты білгіш  
Табылар кісі жөн дерге.  
Үш-төрт жылғы өдетің  
Өзіңе болар жендетің.

Ауырмай тәнім,  
Ауырды жаным,  
Қаңғыртты, қысты басымды.  
Тарылды көкірек,

Қысылды жүрек,  
Ағызды сығып жасымды.  
Сүйеніп күлкі тоқтыққа,  
Тартыпты өнер жоқтыққа.

Қайратым мәлім,  
Келмейді өлім,  
Мақсұт – алыс, өмір – шақ.  
Өткен соң базар,  
Қайтқан соң ажар,  
Не болады құр қожақ?!  
Кеш деп қайтар жол емес,  
Жол азығым мол емес.

Бір кісі мыңға,  
Жөн кісі сүмға  
Әлі жетер заман жоқ.  
Қадірлі басым,  
Қайратты жасым  
Айғаймен кетті, амал жоқ.  
Болмасқа болып қара тер,  
Қорлықпен өткен қу өмір.

Сөзуар білгіш,  
Закүншік, көргіш,  
Атанбақ – мақсұт, мақтанбақ.  
Жасқанып, қорқып,  
Жорғалап, жортып,  
Именсе елің, баптанбақ.  
Қарғағанын жер қылмақ,  
Алқағанын зор қылмақ.

Хош, қорықты елің,  
Қорқытқан сенің  
Өнерің қайсы, айтып бер.  
Ел аңдып сені,

Сен аңдып оны,  
Қылт еткізбей бағып көр.  
Ойнашты қатын болса қар,  
Аңдыған ерде қала ма ар?

Көмексіз көзің,  
Бір жалғыз өзің  
Баға алмай, басың сандалар.  
Бауырың тартқан,  
Сырыңды айтқан  
Сырласың сырт айналар.  
Ол қаны бұзық ұры-қар,  
Қапысын тауып сені алар.

Басы-көзі қан бол,  
Арқа-басы шаң бол,  
Және тұрып жалпылдаш;  
Жығылып тұрып,  
Буыны құрып,  
Тағы қуып салпылдаш –  
Абұйыр қайда, ар қайдада?  
Әз басыңа не пайдада?

Ит үрсе, бала  
Таяғын ала,  
Қуады итпен кектесіп.  
Ұрысқансып «ой» деп,  
«Ұят» деп, «қой» деп,  
Үлкендер тыяр «тек» десіп.  
Оны білсөң, мұның не?  
Мен де үят іс қылдым де.

Еілгенге жол бос,  
Болсайшы қол бос,  
Талаптың дәмін татуға.  
Білмеген соқыр,

Қайғысыз отыр,  
Тамағы тойса жатуға.  
Не ол емес, бұл емес,  
Менің де күнім – күн емес.

Ғылымды іздең,  
Дүниені көздең,  
Екі жаққа үңілдім.  
Құлағын салмас,  
Тілінді алмас,  
Көп наданнан түңілдім.  
Екі кеме құйрығын  
Үста, жетсін бүйрығың.

Жартасқа бардым,  
Күнде айғай салдым,  
Онан да шықты жаңғырық.  
Естісем үнін,  
Білсем деп жөнін,  
Көп іздедім қаңғырып.  
Баяғы жартас – бір жартас,  
Қаңқ етер, түкті байқамас.

Жаяуы қапты,  
Аттысы шапты,  
Қайырылып сөзді кім үқсын.  
Іште дерт қалың,  
Ауыздан жалын  
Бұрқ етіп, көзден жас шықсын.  
Қүйдірген соң шыдатпай,  
Қоя ма екен жылатпай?

Мамықтан тәсек,  
Тастай бол кесек,  
Жамбасқа батар, үйқы жоқ.  
Сыбыр бол сөзі,

Мәз болып өзі,  
Ойланар елдің сиқы жоқ.  
Баяғы құлық, бір алдау,  
Қысылған жерде – жан жалдау.

Атадан алтау,  
Анадан төртеу,  
Жалғыздық көрер жерім жоқ.  
Ағайын бек көп,  
Айтамын ештеп,  
Сөзімді үғар елім жоқ.  
Моласындай бақсының  
Жалғыз қалдым – тап шыным!

\* \* \*

Өуелде бір сұық мұз – ақыл зерек,  
Жылдытқан тұла бойды ыстық жүрек.  
Тоқтаулылық, қалыпты, шыдамдылық –  
Бұл қайраттан шығады, білсең керек.

Ақыл, қайрат, жүректі бірдей ұста,  
Сонда толық боласың елден белек.  
Жеке-жеке біреуі жарытпайды,  
Жол да жоқ жарыместі жақсы демек.

Ақыл да, ашу да жоқ, құлкі де жоқ,  
Тулап, қайнап бір жүрек қылады өлек.  
Біреуінің күні жоқ біреуінсіз,  
Фылым сол үшеуінің жөнін білмек.



\* \* \*

Желсіз тұнде жарық ай,  
Сөулесі суда дірілдеп,  
Ауылдың жаны терең сай,  
Тасыған өзен күрілдеп.

Қалың ағаш жапырағы  
Сыбырласып өзді-өзі,  
Көрінбей жердің топырағы,  
Құлпырған жасыл жер жұзі.

Тау жаңғырып, өн қосып  
Үрген ит пен айтаққа.  
Келмеп пе едің жол тосып  
Жолығуға аулаққа?

Таймаңдамай тамылжып,  
Бір суынып, бір ысып,  
Дем ала алмай дамыл қып,  
Елең қағып, бос шошып.

Сөз айта алмай бөгеліп,  
Дүрсіл қағып жүрегі,  
Тұрмап па еді сүйеніп,  
Тамаққа кіріп иегі?



Қақтаған ақ күмістей кең маңдайлы,  
 Аласы аз қара көзі нұр жайнайды.  
 Жінішке қара қасы сзып қойған,  
 Бір жаңа үқсатамын туған айды.  
 Мандайдан тұра тұскен қырлы мұрын,  
 Ақша жұз, алқызыл бет тіл байлайды.  
 Аузын ашса, көрінер кірсіз тісі,  
 Сықылды қолмен тізген, іш қайнайды.  
 Сөйлесе, сөзі әдепті әм мағыналы,  
 Құлкісі бейне бұлбұл құс сайрайды.  
 Жұп-жұмыр, ақ торғындай мойыны бар,  
 Үлбіреген тамағын күн шалмайды.  
 Тақтайдай жауырыны бар, иығы тік,  
 Екі алма қеудесінде қисаймайды.  
 Сорақы ұзын да емес, қысқа да емес,  
 Нәзік бел тал шыбықтай бұраңдайды.  
 Етіндей жас баланың білегі бар,  
 Әжімсіз ақ саусағы іске ыңғайлыш.  
 Қолаң қара шашы бар жібек талды,  
 Торғындай толқын ұрып, көз таңдайды.

Қандай қызда ләззат бар жан татпаған?  
 Сұлуы бұл заманның тек жатпаған.  
 Он сегіз, он тоғызға келгеннен соң,  
 Алмасы өкпе болар қол батпаған.  
 Бұлардың кейбірінің мінездері –  
 Еш нәрсе көрмегенсіп бұртақтаған.  
 Кейбірі жайдары, ашық боламын деп,  
 Орынсыз адамдармен жыртақтаған.  
 Өүелде сұлу жайы бізге мәлім,  
 Жігітті жүрт мақтаған қыз жақтаған.  
 Кей жігіт мақтан үшін қылышқ қылмай,  
 Бойына майдалықпен сыр сақтаған.  
 Кей жігіт арсыздықпен ұятсынбай,  
 Қолы жетпес нөрсеге тыртақтаған.

Орынды іске жүріп, ой таппаған,  
Не болмаса жұмыс қып, мал бақпаған.  
Қасиетті болмайды ондай жігіт  
Әншейін құр бекерге бұлғақтаған.

\* \* \*

Фашықтық, құмарлық пен – ол екі жол,  
Құмарлық бір нәпсі үшін болады сол.  
Сенен артық жан жоқ деп ғашық болдым,  
Мен не болсам болайын, сен аман бол.

Көңілімнің рақаты сен болған соң,  
Жасырынба, нұрыңда жан қуансын.  
Бірге жаққан біреуге жақпаушы еди,  
Сүйкімді тірі жанға неткен жансын?!

Фашықтық келсе, жеңер бойынды алып,  
Жұдегер безгек ауру сықылданып.  
Тұла бой тоңар, суыр, үміт үзсе,  
Дәмеленсе өртенер қүйіп-жанып.



\* \* \*

Қор болды жаным,  
Сенсізде менің күнім,  
Бек бітті халім,  
Тағдырдан келген зұлым.

Тағдыр етсе Алла,  
Не көрмейді пәндө?

Сайрай бер, тілім,  
Саргайған соң бұл дерттен.  
Бүгілді белім,  
Жар тайған соң өр серттен.

Қамырықты көңіл,  
Қайтсе болар жеңіл?

Сағындым сені,  
Көрмедім деп көп заман.  
Адам деп мені,  
Салмадың сен хат маған.

Жай таба алмай жүрек,  
Жасыған соң сүйек.

Бұл қылған зарым  
Барса жардың маңына,  
Ол – қылған дәрім  
Фашығымның жанына.

Оңалдырып ойды,  
Түзетпей ме бойды?



\* \* \*

Сен мені не етесің?

Мені тастап,  
Өнер бастап  
Жайыңа  
Және алдаң,  
Арбап,

Өз бетіңмен сен кетесің.

Неге өүре етесің?  
Қосылыспай,  
Басылыспай,  
Байыңа  
Және жаттан  
Бай тап,

Өмір бойы қор етесің.

Ет жүрек өртенді,  
От боп жанып,  
Жалын шалып  
Ішіме.  
Иттей қормын,  
Зармын,

Сен үздің ғой бұл желкемді.

Кім білер өртенді?  
Өлім айтпас,  
Келсе қайтпас  
Кісіге.  
Бүгінгі күн  
Бармын,

Жолдас еттің сен бөтенді.

Фашықтық – қызын жол.  
Жетсең – жеттің.  
Жетпей өттің,  
Не болды?  
Арманда өмір  
Өтті.

Ойлар ма екен бір мені сол?

Салдырап аяқ-қол,  
Жетпей сертке,  
Ішім дертке  
Тез толды.  
Ажал уақыты  
Жетті,

Мен өлейін, сен сау-ақ бол.

Шын жүрек – бір жүрек,  
Қайта толқып,  
Жолдан қорқып  
Айнымас,  
Шегінісіп  
Қайтпас,

Өлсе бір сөзбен, не керек?

Білесің, сен зерек,  
Мен пәндеңе,  
Болды деме,  
Кел, қарас.  
Ешкім сөгіс  
Айтпас,

Рақым қылсаң, кел ертерек!

Шын ғашық мен саган!  
Кейіп жүрсем,  
Сені көрсем,  
Ләм-мим деп  
Бір сөз айттар  
Хал жоқ,

Еріп кетер бой сол заман.

Ойыңды сен маған  
Бір бөлмедің,  
Тез келмедің  
Мені іздеп.  
Ішінде ыстық  
Қан жоқ,  
Тас бауыр жар, бол қош аман!

Жар, сенің көңілің ток,  
Ақ етінді,  
Нұр бетінді  
Меншікті  
Қылмаған соң  
Алла,

Өзі сорлы етсе, амал жоқ.

Сен аттың жәнсіз оқ,  
Тәңірі – қазы  
Тас таразы,  
Тентекті  
Сұрамас деп  
Қалма,

Серт бұзғанның, біл, орыны – шоқ.



## ЖІГІТ СӨЗІ

Айттым сәлем, қалам қас,  
Саған құрбан мал мен бас.  
Сағынғаннан сені ойлап,  
Келер көзге ыстық жас.

Сенен артық жан тумас,  
Туса туар – артылmas.  
Бір өзінен басқага  
Ынтықтығым айтылmas.

Асыл адам айнымас,  
Бір бетінен қайырылmas.  
Көрмесем де, көрсем де  
Көңілім сенен айырылmas.

Көзім жатқа қарамас,  
Жат та маған жарамас.  
Тар төсекте төсінді  
Иіскер ме едім жалаңаш?

Иығымда сіздің шаш,  
Айқаласып тай-талас,  
Ләzzат алсақ болмай ма,  
Көз жұмулы, көңіл мас?

Сізде сымбат, бізде ықылас,  
Осы сөзім бөрі рас.  
Сіздей жардың жалғанда  
Қызығына жан тоймас.

Етің етке тигенде,  
Демің тиіп сүйгенде,  
Тән шымырлап, бой еріп,  
Ішім оттай күйгенде.

Жүрек балқып игенде,  
Ішкі сырды түйгенде,  
Іздел табар сұңқармын,  
Жаастықты шүйгенде.

Қылғында жоқ оғат,  
Қарал тойман жүз қабат.  
Үстық тартып барасың  
Бір сағаттан бір сағат.

Сіз – қырғауыл жез қанат,  
Аш бетінді, бері қарат.  
Жақындай бер жуықтап,  
Тамағыңдан айқалат!



## ҚЫЗ СӨЗІ

Қыстырып мақтайсыз,  
Ойласаң не таппайсыз?  
Бізде ерік жоқ, өзің біл,  
Әлде неге бастайсыз.

Біз де әркімді байқаймыз,  
Тап бергеннен тайқаймыз.  
Сіздей асыл кез болса,  
Қайтіп басты шайқаймыз?

Ақылыңа сөзің сай,  
Сіз – жалын шоқ, біз – бір май.  
Үстүң сөзің кірді ішке,  
Май тұра ма шыжымай.

Қабыл көрсөң, көңілім жай,  
Тастап кетсөң, япырмай,  
Ит қор адам болар ма  
Бұл жалғанда сорлыңдай?

Тілегімді бермесең,  
Амалым не жерлесең?  
Үйір қылма бойыңа,  
Шыны жақсы көрмесең.

Қайғың болар шермен тең,  
Қара көңілім жермен тең.  
Сенсіз маған жат төсек  
Болар бейне көрмен тең.

Сіз – бір сұңқар шаһбаз<sup>1</sup>,  
Жер жүзінен алған баж<sup>2</sup>.

---

<sup>1</sup> Шаһбаз (парсыша) – қаршыға, лашын, сұңқар жөне ержүрек батыр мағынасында да қолданылатын сез.

<sup>2</sup> Баж (парсыша) – алым-салық. Бұл жерде тоят алу, тояттау деген ауыспалы мағынада қолданылған.

Біздей ғаріп есепсіз,  
Есігінде жүр мұқтаж.

Көңілін тұрса бізді алып,  
Шыныменен қозғалып,  
Біз – қырғауыл, сіз – түйғын,  
Тояттай бер, кел де алып.

Тал жібектей оралып,  
Гүл шыбықтай бұралып.  
Салмағыңдан жаншылып,  
Қалсын құмар бір қанып...

Мұны жаздым ойланып,  
Ойда бардан толғанып.  
Кірсе ішіңе оқи бер,  
Бозбалалар, қолға алып.

Мұны оқыса кім танып,  
Жүргегіне от жанып,  
Сөзді үғарлық жан тапса,  
Айтса жарап ән салып.

Өлең жиган тырбанып,  
Ән үйренген ырғалып.  
Сорлы Қекбай қор болды-ау  
Осыншадан құр қалып.



\* \* \*

Білектей арқасында өрген бұрым,  
Шолпысы сылдыр қағып жүрсе ақырын.  
Кәмшат бәрік, ақ тамақ, қара қасты  
Сұлу қыздың көріп пе ең мұндай түрін?

Аласы аз, қара көзі айнадайын,  
Жүрекке ыстық тиіп салған сайын,  
Үлбіреген ақ етті, ашық жүзді,  
Тіци өдемі көріп пе ең қыздың жайын?

Бұраң бел, бойы сұлу, кішкене аяқ,  
Болады осындаі қызы некен-саяқ.  
Піскен алма секілді төтті қызды  
Боламын да тұрамын көргендей-ақ.

Егерде қолың тисе білегіне,  
Лұпілден қан соғады жүрегінде.  
Бетінді таяп барсан тамағына,  
Шымырлап бу енеді сүйегінде.

\* \* \*

Жарқ етпес қара көңілім не қылса да,  
Аспанда ай менен құн шағылса да,  
Дүниеде сірө сендей маған жар жоқ,  
Саған жар менен артық табылса да.

Сорлы асық сарғайса да, сағынса да,  
Жар тайып, жақсы сөзден жаңылса да,  
Шыдайды риза болып жар ісіне,  
Қорлық пен мазағына таңылса да.



\* \* \*

Көзімнің қарасы,  
Көнілімнің санасы,  
Бітпейді ішімде  
Фашықтың жарасы.

Қазақтың данасы,  
Жасы үлкен ағасы.  
Бар демес сендей бір  
Адамның баласы.

Жылайын, жырлайын,  
Ағызып кез майын.  
Айтуға келгенде  
Қалқама сөз дайын.

Жүректен қозгайын,  
Әдептен озбайын.  
Өзі де білмей ме,  
Көп сөйлеп созбайын.

Терендең қарайсың,  
Телміріп тұрмайсың.  
Бихабар жүргенсіп,  
Бек қатты сынайсың.

Сан кісі мұңдайсын,  
Сабырмен шыдайсың.  
Күйемін, жанамын,  
Еш рақым қылмайсың.

Ақылсыз би болмас,  
Сөулесіз үй болмас.  
Жүректе оты жоқ  
Адамда ми болмас.

Шын ғашық сый болмас,  
Сый болса, сыр болмас.

Арызымды айтайын,  
Құй болар, құй болмас.

Кең маңдай, қолаң шаш,  
Я бір кез, я құлаш.  
Ақ тамақ, қызыл жүз,  
Қарағым, бетінді аш!

Қара көз, имек қас,  
Қараса жан тоймас.  
Аузың бал, қызыл гүл,  
Ақ тісің кір шалмас.

Қыр мұрын, қыпша бел,  
Солқылдар соқса жел.  
Ақ етің үлбіреп,  
Өзгеше біткен гүл.

Қарағым, бермен кел,  
Бізге де көңілің бел,  
Қалқамның нұсқасын  
Көр, көзім, бір кенел.

Қайғың – қыс, жүзің – жаз,  
Боламын көрсем мәз.  
Құлкінің бойды алар,  
Бұлбұлдай шықса өуез.

Кісімсіп дүрдараз,  
Бұрандап қылма наз.  
Мал түгіл басымды  
Жөлбыңа берсем де аз.

Иісің – гүл аңқыған,  
Нұрың – күн шалқыған.  
Көргенде бой еріп,  
Сүйегім балқыған.

Қаяусыз қалпынан,  
Өзі артық даңқынан.  
Қызыл тіл шыға алмас,  
Мақтаудың шартынан.

Сенсің – жан ләzzәті,  
Сенсің – тән шәrbеті.  
Артықша жаратқан,  
Алланың рахматы.

Көрік – тәңірі дәулеті,  
Қылса ұнар құрметі.  
Сұлуды сұймектік –  
Пайғамбар сұндеті<sup>1</sup>.

Не десем саған еп?  
Фашығың да қайғы жеп.  
Әртенген жүрекке  
Бір көрген болар сеп.

Біздердей ғашық көп,  
Қайсысы саған дөп?  
Жөндеп те айтпадым,  
Жүрегім лүпілдеп.

Назына кім шыдар?  
Бұраңдаш жүр шығар.  
Қасқая күлгени  
Қылады тым құмар.

Ер емес қымсынар,  
Әркім-ақ ұмсынар.  
Құдай-ау, бұл көңілім  
Құн бар ма бір тынар?

---

<sup>1</sup> Сұндет, сұннәт (арабша) – Мұхаммедтің істеген ісі мен айтқан сөзі. Бұл жерде дәстүр деген мағынада.

\* \* \*

Фашықтың тілі – тілсіз тіл,  
Көзбен көр де, ішпен біл.  
Сүйісер жастар қате етпес,  
Мейлің илан, мейлің күл.

Ол тілге едік оңтайлы –  
Қаріпсіз біліп сондайды.  
Біліп-ақ, ұғып қоюшы ек,  
Енді ішіме қонбайды.

\* \* \*

Мен сөлем жазамын  
Қарағым қалқама.  
Қайғыңнан азамын,  
Баруши айта ма?

Құн бойы күтемін  
Келер деп хабарың.  
Қайғырмай не етемін,  
Бізде жоқ назарың.

Көңілге жұбаныш,  
Сен едің базарым.  
Сенсіз жоқ қуаныш,  
Тозды енді ажарым.



\* \* \*

Есінде бар ма жас күнің,  
Көкірегің толық, басың бос,  
Қайғысыз, ойсыз, мас күнің –  
Кімді көрсөң, бәрі дос.

Махаббат, қызық, мал мен бақ  
Көрінуші еді досқа ортақ.  
Үміт жақын, көніл ак,  
Болар ма сондай қызық шақ?

Құдай-ау, қайда сол жылдар,  
Махаббат, қызық мол жылдар?  
Ақырын, ақырын шегініп,  
Алыстап кетті-ау құрғырлар!

Жалынасың, боктайсың,  
Сағынасың, жоқтайсың.  
Махаббат кетті, дос кетті –  
Жете алмайсың, тоқтайсың.

Көзіме жас бер, жылайын,  
Шыдам бер, сабыр қылайын.  
Жаралы болған жүрекке  
Даяу бер, жамап сынайын.



\* \* \*

Қажымас дос халықта жоқ,  
Айнымас серт қайда бар?  
Алда көрген артта жоқ,  
Мысқыл, өсек, айла бар.

Жақсылығың күнде ұмыт,  
Бір жаңылсаң, болды кек.  
Пайдасынан бой сұыт,  
Өзі тимей журсе тек.

Пайда, мақтан өзінен  
Артыла ма ант ұрып?  
Жарыса өсек сөзінен,  
Айта берсін шарқ ұрып.

Кімге достық көп еттім,  
Түбі болды бір кейіс.  
Жақсы өмірім өуре еттің,  
Жар таба алмай бір тегіс.

Жау қожандап бұртайып,  
Дос құбылып, өуре етер.  
Кімі тентек, кімде айып,  
Тексере алмай өмір өтер.

Сыйласарлық тектінің  
Кім танымас нұсқасын?  
Күнде өзімшіл ептінің  
Несін адам ұстасын?



\* \* \*

Жастықтың оты, қайдасың,  
Жүректі тұртіп қозғамай?  
Фылымның біліп пайдасын,  
Дүниенің көркін болжамай?

Адамның тауып айласын,  
Кісілікті ойламай.  
Қаруын көніл сайласын,  
Қолға ол түспес бойламай.

Махаббат, қызық кім көрер,  
Оның да дәмін татпаса?  
Біржола басты кім берер,  
Жаныңа қайғы батпаса.

Аямай жанын дос ерер,  
Жолдастықты ақтаса.  
Алдыңа айдал кім келер,  
Ерінбей жүріп бақпаса.

Мал бақпақтық шаруа боп,  
Адал тауып асықпай.  
Құр айғаймен өуре боп,  
Өнердің жайын баса үқпай.

Енді нені істейміз,  
Бөрінен де бос қалдық?  
«Ауызға келіп тұс» дейміз,  
Қылышп җүріп құр салдық!



Тұлпардан тұғыр озбас шабылса да,  
Оған да үкі, тұмар тағылса да.  
Қыжыртпай мені сырттан жүре алмайды,  
Кім желігіп, қай шеттен қағынса да.

Күшік ит бөрі ала ма жабылса да?  
Тәңірі сақтар, табандап тап ұрса да.  
Арсыз адам арсаңдал, арсылдайды  
Әр жерде-ақ керегеге таңылса да.

Құтырды көпті қойып азғанасы,  
Арызшы орыс – олардың олжаласы.  
Бірде оны жарылқап, бірде мұны,  
Құды ұннatty-ay Семейдің бұл қаласы.

### ҚАРА ҚАТЫНҒА

Қара қатын дегенге, қара қатын,  
Үзіп-жұлып, алып жүр қанағатын.  
Ала жаздай байың кеп бір жатпайды,  
Қазақтың не қыласың шарағатын.



\* \* \*

Бай сейілді,  
Бір пейілді  
Елде жақсы қалмады.  
Елдегі еркек,  
Босқа селтек  
Қағып, елін қармады.

Жәнді, жөнсіз,  
Сөз теңеусіз,  
Бас пен аяқ бір қысап.  
Ұрысса орыс,  
Елге болыс,  
Үйден үрген итке ұсап.

Өзі ұлыққа  
Қадірі жоққа  
Карамай, өз халқына  
Сөз қайырмай,  
Жәнді айырмай,  
Жұртқа шабар талпына.

Танымадық,  
Жарымадық  
Жақсыға бір іргелі.  
Қолына алышп,  
Пөле салышп,  
Андығаны өз елі.

Шашты барын,  
Берді малын  
Боларында жұртына.  
Еміреніспес,  
Енді піспес,  
Үқсамас еш сыртына.

Кетті бірлік,  
Сөнді ерлік,  
Енді кімге беттемек?  
Елің – ала,  
Отты шала,  
Тайса аяғың, кім көмек?

Өтті өмірім,  
Қайтты көңілім  
Бұл дүниенің ісіне.  
Жасы құрбы,  
Жаны тұрғы,  
Дос па деген кісіге.

Ел керексіп,  
Сөзге емексіп,  
Не болады мақтаның?  
Пейілі шикі,  
Ақылы күйкі,  
Осы жұрт па тапқаның?



\* \* \*

Ем таба алмай,  
От жалындай,  
    Толды қайғы кеудеге.  
Сырласа алмай,  
Сөз аша алмай  
    Пендеге.

Босқа үялып,  
Tekke именіп,  
    Кімді көрсем, мен сонан.  
Бетті бастым,  
Тұра қаштым  
    Жалма-жан.

Үйқы, тамақ  
Қалды тым-ақ  
    Керегі жоқ іс болып.  
Жай жатпағым,  
Тыныш таппағым  
    Күш болып.

Жас жүргегім  
Жанды менің,  
    Жай таба алмай, япрым!  
Өзің онда  
Жақсы жолға  
    Ақырын.

Жас теректің  
Жапырағы  
    Жамырайды, соқса жел.  
Түсті мойын,  
Толды қойын,  
    Ақты сел.

Мен паң едім,  
Бейқам едім,  
    Еш нәрседен қайғысыз.  
Тез дерттендім,  
Кейде өртендім,  
    Кейде мұз.

\* \* \*

Келдік талай жерге енді,  
Кіруге-ақ қалдық көрге енді.  
Қызыл тілім буынсыз,  
Сөзімде жаз бар шыбынсыз,  
Тыңдаушымды ұғымсыз  
                  Қылып тәнірім берген-ді.

Осы жасқа келгенші,  
Өршеленіп өлгенші,  
Таба алмадық бір адам  
                  Біздің сөзге ергенді.

Өмірдің өрін тауысып,  
Білімсізбен алысып,  
                  Шықтық міне белге енді.

Енді аяңда, жығылма,  
Сыймас жерге тығылма,  
                  Қой бұрынғы желгенді!

Қайғы шығып иыққа,  
Қамалтпасын түйікқа,  
                  Сергі, көнілім, сергі енді!

Балапан құстай ондалып,  
Қанатыңды қомданып,  
Жатпа үяда қорғанып,  
                  Үш, көнілім, көкке, кергі енді!

Көнілде қайғы, қалың зар,  
Айтатұғын сөзім бар,  
Салсын құлақ үққандар,  
                  Өрбі, сөзім, өрбі енді!

Іште қайғы дерпт пысып,  
Көкіректі өрт қысып,  
                  Айтуға көнілім тербенди.

Өзің жалғыз, надан көп,  
Үқтырасың сен не деп,  
                  Өулекі, арсыз елге енді?  
Тыныштық сүймей қышынып,  
Өтірікке тұшынып,

Пәледен тұрмас шошынып,  
Тұл бойын желік жеңген-ді.  
Туган жерді қия алмай,  
Тентекті жеңіп, тыя алмай,  
Әлі отырмыз үялмай,  
Таба алмадық өңге елді.  
Әзелде тәңірім сорлы етті,  
Арсыз елмен өуре етті,  
Жалғыз үйде күңірентті,  
Тағдырға білдік көнгенді.  
Адам деген даңқым бар,  
Адам қылмас халқым бар,  
Өтірік пен өсекке  
Бәйге атындаи аңқылдар –  
Тұла бойым шіміренді.  
Барма топқа шақырмай,  
Жат үйінде шатылмай,  
Шыдармын ба, япырмай,  
Жатуға шықпай үйде енді?  
Қатыныңын ойнасын  
Көрсөң, білсөң қоймасын,  
Не ойлар едің өз басын,  
Сонымен тең біз де енді.



Өзгеге, көңілім, тоярсың,  
 Өленді қайтіп қоярсың?  
 Оны айтқанда толғанып,  
 Іштегі дерпті жоярсың.  
 Сайра да зарла, қызыл тіл,  
 Қара көңілім оянсын.  
 Жыласын, көзден жас ақсын,  
 Омырауым боялсын.  
 Қара басқан, қаңғыған  
 Хас надан нені ұға алсын?  
 Қекірегінде оты бар,  
 Құлағын ойлы ер салсын.  
 Тыңдамаса еш адам,  
 Өз жүргім толғансын.  
 Әр сөзіне қарасын,  
 Іштегі дертім қозгалсын.  
 Әуелесін, қалқысын,  
 От жалын боп шалқысын.  
 Жылай-жырлай өлгенде  
 Арттағыға сөз қалсын.  
 Мендей ғаріп кез болса,  
 Мойын салсын, ойлансын.  
 Қабыл көрсө сезімді,  
 Кім таныса, сол алсын.  
 Не пайда бар – мың надан  
 Сырттан естіп таңдансын.  
 Онан-дағы бір есті  
 Ішкі сырын аңғарсын.  
 Өздерің де ойландар,  
 Неше түрлі жан барсың.  
 Фылым да жоқ, ми да жоқ,  
 Даладағы андарсың.  
 Жүргіңмен тыңдамай,  
 Құлағыңмен қармарсың.  
 Соны көріп, соларға  
 Қайтіп қана сарнарсың?!



\* \* \*

Кейде есер көңіл құрғырың  
Махаббат ізден талпынар.  
Ішем деп бейнет сусынын,  
Асая жүрек алқынар.

Тартқан бейнет, өткен жас  
Жүректің отын сөндірмес.  
Махаббат – өмір көркі, рас,  
Олген соң ол да ун демес.

Махаббатсыз – дүние дос,  
Хайуанға оны қосындар.  
Қызықтан өзге қалсаң бос,  
Қатының, балаң, досың, бар.

Жүрегі жұмсақ білген құл,  
Шын дос таппай тыншымас.  
Пайда, мақтан бәрі – тұл,  
Доссыз ауыз тұшымас.

\* \* \*

Қызыарып, сұрланып,  
Лұпілдеп жүрегі.  
Өзгеден ұрланып,  
Өзді-өзі керегі.

Екі асық құмарлы,  
Бір жолдан қайта алмай.  
Жолықса ол зарлы,  
Сөз жөнделеп айта алмай.

Аяңдал ақырын,  
Жүрекпен алысып,  
Сыбырын, тықырын,  
Көңілмен танысып.

Дем алыс ысынып,  
Саусағы сұнынып.  
Белгісіз қысылып,  
Пішіні құбылып.

Иығы тиісіп,  
Тұмандап көздері.  
Үндемей сүйісіп,  
Мас болып өздері.

Жанында жапырақ,  
Үстінде жұлдыз да.  
Елбіреп-қалтырап,  
Жігіт пен ол қыз да.

Өзге ойдан тыйылып,  
Бірімен бірі өуре.  
Жүрекке құйылып  
Жан рақат бір сөуле.

Жүргегі елжіреп,  
Буындар босанып.  
Рақатпен әлсіреп,  
Көзіне жас алып.

Жүйрік тіл, терең ой,  
Сол күнде қайда едің?  
Фашыққа мойын қой,  
Женілдің, жеңілдің!..



\* \* \*

Менсінбеуші ем наданды  
Ақылсыз деп қор тұтып.  
Түзетпек едім заманды,  
Өзімді тым-ақ зор тұтып.

Таппадым көмек өзіме,  
Көп наданмен алысып.  
Көнбеді ешкім сөзіме,  
Өдетіне қарысып.

Жан шошырлық түрінде,  
Бәрі бірдей еліріп.  
Үстай алмадым бірін де,  
Кекиді кейін шегініп.

Әринемен ел кетті,  
Қоқиланды, мақтанды.  
Қуат бітті, күн өтті,  
Жарылқа, құдай, жатқанды.

Мен – қажыған арықпын,  
Қатын-бала қонағы.  
Сендерге де қанықпын,  
Жұртың анау баяғы.

Жарлы емеспін, зарлымын,  
Оны да ойла толғанып.  
Жұрттың деуге арлымын,  
Озге жұрттан ұялып.

Барымта мен партия –  
Борі мастық, жұрт құмар.  
Сыныра елірме, сүркия,  
Кон пияншік нені ұғар?

Татулықты, тыныштықты  
Қоңыр көрер, кем көрер.  
Ұрлых пенен құлықты  
Қызық көрер, өңі енер.

Мұндай елден бойың тарт,  
Мен қажыдым, сен қажы!  
Айтып-айтып өтті қарт,  
Көнбеді жұрт, не ылажы?

\* \* \*

Жүргегім, ойбай, соқпа енді!  
Бола берме тым құлкі.  
Көрмейсің бе, тоқта енді,  
Кімге сенсек, сол – шикі.

Жетім қозы – тас бауыр,  
Тұңілер де отығар.  
Сорлы жүрек мұнша ауыр,  
Неге қатты соқтығар?

Сенісерге жан таба алмай,  
Сенделеді ет жүрек.  
Тіріліктे бір қана алмай,  
Бұл не деген тентірек?

Жоқ деп едің керегің,  
Топ жиып ең бір бөлек.  
Кезек келер демедің,  
Ендігі керек қай керек?



\* \* \*

Не іздейсің, көңілім, не іздейсің?  
Босқа өуре қылмай, шыныңды айт.  
Шарқ ұрып, тыныштық бермейсің,  
Сырласалық, бермен қайт.

Абұйыр, атақ сол жанда,  
Кімді көп жұрт мақтаса.  
Ол мақтаудан не пайды,  
Көп мақтауын таппаса?

Көп тәңірі атқан мақтай ма,  
Ол тәңірі атқан болмаса?  
Жоқты-барды шатпай ма,  
Көптің өзі оңбаса?

Мақтау – жел сөз жанға қас,  
Қошеметшіл шығарған.  
Бір мақтаса боқтамас  
Ел табылса, құмарлан.

Жұрттың бәрі сөз сатқан,  
Сатып алып не керек?  
Екі сәзді тәңірі атқан –  
Шыр айналған дөңгелек.

Сатып алма, сөз сатса,  
Ол асылды аңдамас.  
Біләткенің байы – ақша,  
Ер жақсысын таңдамас.

Мен мақтанның құлыш емес,  
Шын ақылға зорлық жоқ.  
Антүрған көп пұл емес,  
Өлім барда қорлық жоқ.

Өмір, дүние дегенің  
Ағып жатқан су екен.  
Жақсы-жаман көргенің,  
Ойлай берсең, у екен.

\* \* \*

Қайғы шығар ілімнен,  
Ыза шығар білімнен.  
Қайғы мен ыза қысқан соң,  
Зар шығады тілімнен.  
Қайтіп қызық көремін  
Әуре-сарсаң құнімнен?  
Қайырылып қарап байқасам,  
Ат шаба алмас мінімнен.

Қайғылы, қартаң біздей шал,  
Қарай берсең, қайда жоқ?  
Есер, есірік болмасаң,  
Тіршіліктен пайдада жоқ.

Ақыл бітпес дәuletке,  
Дәulet бітпес келбетке.  
Болымсыз құлышқ тойымсыз  
Болады балаң жөргекте.  
Ішімен жау боп, сыртымен  
Кім тояр қылған құрметке?  
Кеңшілікте туған жоқ  
Шықсын деген жел бетке.  
Тарлықта қанша тайпалса,  
Қадірі болмас, әлбетте.

Сыйласа елің ұлықтап,  
Араласаң қызықтап,  
Қызық пенен тыныштыққа  
Қазақ тұрмас тұрықтап.  
Қаңқылдап біреу өн салса,  
Біріне-бірі жуықтап.  
Тебінісіп қамалар,  
Тоқтатып болмас сырыйтап.  
Түзу бол деген кісіге  
Түзу келмес ырықтап.

Сырдаң тартып қашады,  
Үстайсың қайтіп құрықтап?

Ел жайын біліп қансаңыз,  
Айтайын құлақ салсаңыз:  
Кейбіреуі дүрсіп жүр,  
Жер тәңірісіп кер мағыз.  
Кейбіреуі – зәкүншік,  
Ондырмассып, берсе арыз.  
Кейбірі пірге қол берген,  
Іші залым, сырты абыз.  
Кейбірі қажыға барып жүр,  
Болмаса да қаж парыз.  
Мұсылмандық ол ойлап,  
Өтеген қашан ол қарыз?

Дәuletі жоқ бурыл шаш,  
Үйіңе кет, топтан қаш!..  
Ағайынның ішінен  
Шыға қалса тай-талас,  
Партия жиып, мал сойса,  
Бата оқисың, жейсің бас.  
Басалқа сөз сенде жоқ,  
Айтқан сөзің «малың шаш».  
Итше індеп тілемей,  
Жат үйінде, өлсен де аш!

Ойлап-ойлап қарасам,  
Осындей шал қайда жоқ?  
Қозғау салып қоздырғыш,  
Кезбе шалдан пайда жоқ.



## ОСПАНҒА

Жайнаған туың жығылмай,  
Жасқанып жаудан, тығылмай,  
Жасаулы жаудан бұрылмай,  
Жау жүрек, жомарт құбылмай,  
Жақсы өмірің бұзылмай,  
Жас құатың тозылмай,  
Жалын жүрек сұынбай,  
Жан біткеннен түңілмей,  
Жағалай жайлау дәuletің  
Жасыл шөбі қуармай,  
Жарқырап жатқан өзенің  
Жайдак тартып суалмай,  
Жайдары жүзің жабылмай,  
Жайдактап қашып сабылмай,  
Жан біткенге жалынбай,  
Жақсы өліпсің, япырмай!



\* \* \*

Кешегі Оспан,  
Бір бөлек жан,  
Үйі – базар, тұзі – той.  
Ақша, нәрсе  
Ала берсе,  
Ат та мінсе, көнді ғой.

«Ала берден»,  
«Келе көрден»  
Бір күн басын бүрдым?  
Келді қаптап,  
Алды сап-сап,  
Кетті мақтап, тұрдым?

Жауға мылтық,  
Досқа ынтық,  
Жан асар ма осыдан?  
Қорықпай өтті,  
Жанға жетті,  
Арман етті досынан.

Ел тамағын,  
Жұрт азабын  
Жеке тартқан кетті ер.  
Сондай ерді –  
«Ала берді»  
Табар енді біздің ел!

Өлді Оспан,  
Кетті шопан,  
Енді кім бар бақ қонар?  
Ұрла-қарла,  
Жұртты шарла,  
Ойла, барла – не болар?

Жұрт тынымсыз,  
Бәрі үғымсыз,  
Енді оларға сөз де жоқ.  
Сырты абыз бар,  
Желқабыз бар,  
Алты ауыз бар – өзге жоқ.

\* \* \*

Кешегі Оспан ағасы  
Кісінің малын жемепті.  
Мал сұраған кісіге  
Жоқ, қайтемін демепті.  
Қуаты артық, ойы кең,  
Жұрттың бәрін шенепті,  
Досына дәл жаз, жауға аяз,  
Алысқанды денепті.  
Адалдық үшін алысып,  
Жегішке ақы төлетті.  
Бас шайқаймын дегеннің  
Басына салды өлекті.  
Қадірі қалың, малы көп,  
Қылмаған кімге себепті?  
Алақолсыз мырза еді,  
Кем-кетікті елепті.  
Оны да алды бүл өлім,  
Сабырлық қылсақ керек-ті.



\* \* \*

Құлімсіреп аспан түр,  
Жерге ойлантып әр нені.  
Бір себепсіз қайғы құр  
Баса ма екен пендени?

Қапамын мен, қапамын,  
Қуаныш жоқ көңілде.  
Қайғырамын, жатамын,  
Нені іздеймін өмірде?

Қайтты ма көніл бетімнен,  
Яки бір қапыл қалдым ба?  
Өткен күнге өкінбен,  
Өм үміт жоқ алдымда.

Іздегенім төтті үйқы,  
Дүниені ұмытып.  
Өлімнің сұық тым сиқы,  
Тұрсын өмір жылдытып.

Көз үйқыда, ой тыншып,  
Дем алып жатсын көкірек.  
Кім таласса, кім ұрсып,  
Көрсем оны – сол керек.

Өзім аулақ бетінен,  
Бір орында оңаша,  
Дүние деген не деген –  
Қыла жатсам тамаша.

Мансап іздер, мал қуар,  
Бәрі мақтан іздеген.  
Мақтанынан не туар,  
Ыза қылыш өзгеден?



\* \* \*

Сұрғылт тұман дым бүркіп  
Барқыт бешпент сұлайды.  
Жеңіменен көз сұртіп,  
Сұрланып жігіт жылайды.

Әйелмісің, жылама,  
Төуекел қыл құдаға!

Өлең айт,  
Үйге қайт!

Атаңды анаң азғырып,  
Тұрғызбаган бейішке.  
Алласы оны жазғырып,  
Әкелді бастап кейіске.

Әйелде ешбір опа жоқ,  
Бүгін – жалын, ертең – шоқ.

Белді бу,  
Бетті жу!



\* \* \*

Ысытқан, сұытқан  
Бойыңды бір көніл.  
Дүниені ұмытқан  
Құмарың тозар, біл.

Әуелгі кезінде  
Қайтпаған көнілдің,  
Есептеп өзің де  
Түрінен өмірдің.

Бір жақсы күнім деп,  
Қызықпен сөйлесіп.  
Артынан «ол нем» деп,  
Ұялып кезнесіп<sup>1</sup>.

Бір ақымақ әңгіме  
Сықылды көрінер.  
Онысын әңгеге  
Айтуға ерінер.

Айтуға білсе, ерінбес,  
Надандықпен жеңілмес.  
Білген кісі айтса оған,  
Надандығы кемімес.

---

<sup>1</sup> Қысылуу, қызару мағынасында.

\* \* \*

Бойы бұлғаң,  
Сөзі жылмаң  
Кімді көрсем, мен сонан  
Бетті бастым,  
Қатты састым,  
Тұра қаштым жалма-жан.

Өз ойында,  
Тұл бойында  
Бір міні жоқ пендесіп,  
Түзде мырзаң,  
Үйде сырдаң,  
Сөзі қылжаң еркесіп.

Бас құрасып,  
Мал сұрасып,  
Берменмен кетісер.  
Адам аулап,  
Сыпыра саулап,  
Байды жаулап жетісер.

Сөз қыдыртқан,  
Жұрт құтыртқан,  
Антын, арын саудалап.  
Бұтты-шатты,  
Үй санатты,  
Байдан атты алмалап.

Кедейі – ер,  
Кеселі зор,  
Малды байдан сорлы жоқ.  
Аш көмектің,  
Жемдемектің,  
Босқа әлектің орны жоқ.

Ел қағынды,  
Мал сабылды,  
Үрлүқ, өтірік гуде-гу.  
Байы – баспақ,  
Биі саспақ,  
Өулекі аспақ сыпыра қу.

Ақы берген,  
Айтса көнген,  
Тыныштық іздер елде жок.  
Аққа тартқан,  
Жөнге қайтқан,  
Ақыл айтар пенде жок.

Өз тұтуға,  
Сыйласуға  
Қалмады жан бір татыр.  
Сыпыра батыр,  
Пөле шақыр,  
Болдың ақыр тап-тақыр.

Су жұғар ма,  
Сөз үғар ма,  
Сыпыра жылмаң желбуаз?  
Айтты – көндім,  
Алды – бердім,  
Енді өкіндім – өзіме аз.



\* \* \*

Жақсылық ұзақ түрмайды,  
Жамандық әр кез тозбайды.  
Үміттің аты елеріп,  
Қос тізгінді созбайды.  
Қанша тепкі салсаң да,  
Уайымнан озбайды.  
Бір қайғыны ойласаң,  
Жұз қайғыны қозгайды.  
Жер қорығыш желгек шал  
Желіп жүріп боздайды.

Құрсаған бұлт ашылмай,  
Аспанның жүзі көгермес.  
Үрпейген жүрек басылмай,  
Талапты көңіл елермес.  
Шырайды қайғы жасырмай,  
Күлкінің ерні кезермес.  
Шыдасаң есті қашырмай,  
Құлдатып, қор қып жібермес.

Кез келсе қайғы қат-қабат,  
Қаңғыртпай қоймас адамды.  
Қасиетсіз туган – о да жат,  
Күңкілдең берер сазаңды.  
Бәрінен де сол қымбат,  
Қайтерсің өңкей наданды.  
Сыпыра батыр сүм құрбәт<sup>1</sup>  
Мақтанмен алды мазамды.

---

<sup>1</sup> Құрбәт, көрбәт (парсыша) – жақындық, туысқандық.

\* \* \*

(ДЖ. БАЙРОН – М. Ю. ЛЕРМОНТОВТАН)

Көңілім менің қараңғы. Бол, бол, ақын!  
Алтынды домбыраңмен келші жақын.  
Ішек бойлап он саусақ жорғаласа,  
Бейіштің үні шығар қоңыр салқын.

Егер сорым түбімен әкетпесе,  
Керек қой көңілді үміт тебірентсе.  
Қатып қалған көзімде бір тамшы жас  
Төгілмей ме, бой жылып, ол да ерісе?!

\* \* \*

(И. В. ГЕТЕ – М. Ю. ЛЕРМОНТОВТАН)

Қараңғы тұнде тау қалғып,  
Ұйқыға кетер балбырап.  
Даланы жырт-жырт, дел-сал қып,  
Тұн басады салбырап.

Шаң шығармас жол-дағы,  
Сілкіне алмас жапырақ.  
Тыншығарсың сен-дағы  
Сабыр қылсаң азырақ.



\* \* \*

(М. Ю. ЛЕРМОНТОВТАН)

Өзіңе сенбе, жас ойшыл,  
Тіл өнері дертпен тең.  
Көңілдің жүгін қиял қыл,  
Ыңға тұтқын бой мен-зен.

Қасиет тұтып, ойға үмтыйл,  
Қан қайнап, қуат егілсін!  
Онан гөрі еңбек қыл,  
Улы сусын төгілсін!

Ойлай берсең, ой деген  
Не қызыққа келер кез.  
Кісі айтпаған, білмеген  
Қүй әдемі, тәтті сез.

Тыңдама оны, үмыт сен,  
Бұркен-дағы, бар да жат.  
Тамылжытып айтқанмен,  
Қыла алмассың сен қымбат.

Кез болсаң қайғы, я зарға  
Құрсатса тілді үмтыйлтып,  
Алып шықпа базарға  
Асаудайын бұлқынтып.

Қайғы-дертің мейлі мың,  
Саудаға салмақ өзіңе ар.  
Жаныңа тұскен жараның  
Іріңін нетсін надандар.

Біліп оған не керек,  
Ішіңден қайғы жемесен,  
Жалтаңдаған жас жүрек  
Байғұс-ай десін демесен.

Өз бойыңа болып сақ.  
Жан-жағыңа қараңдар!  
Күн көріп жүр күліп-ақ  
Сенен басқа жарандар.

Олардың да ешбірін  
Қайғы аман қойған жоқ шығар.  
Ойлап, байқап көр түрін,  
Таттырмап па дүние зар?

Құлкі болмай, қой, жаным,  
Сен бүйтесің, ол қайтті?  
Олар көрген арманын  
Кімге шақты, кімге айтты?



\* \* \*

Антпенен тарқайды  
Жиылса кеңеске.  
Ор қазып байқайды  
Туа жау емеске.

Анттасып алқайды<sup>1</sup>  
Сен тентек демеске.  
Кім анттан шалқайды  
Амал жоқ жемеске.

Аз адам шаршайды,  
Ебіне көнбеске.  
Бас ыңгай қайқайды,  
Амал жоқ өлмеске.

Ел састы, аңқайды,  
Би тартты егеске.  
Жұрттағы мал-жайды  
Ой қылар бермеске.

Өсімге қол жайды,  
Тай алып серкешке.  
Алмаса ол тайды,  
Дап-дайын көрмеске.

Кедей би жантайды  
Сауыр мен өркешке.  
Саумаққа ол байды,  
Кеңесер би кешке.

Қайғы қып болмайды,  
Өкпелеп білмеске.  
Сүйтсе де оңбайды,  
Бұрынғы түсті еске.

---

<sup>1</sup> Алқайды – қостайды, қолдайды деген мағынада.

Пысықтар шалқайды,  
Таласып тендеске.  
Қағысып шонтайды  
Өзімен жемдеске.

Таласып тарқайды  
Ақшадан төрт-беске.  
Бірлікті шайқайды,  
Араз боп өнбеске.

\* \* \*

Жасөспірім замандас қапа қылды,  
Сабыр, ар жоқ, аял жоқ, ілді-жұлды.  
Тұрлау қылып еш нәрсе басқара алмай,  
Сенімі жоқ серменде өңкей жынды.

Жамандық, жақсылық пен – оған бір бәс,  
Дін ісін, құдай ісін айыра алмас.  
Арын сатып, ант үрып іздегені –  
Бір семіз ат, аяғы бір табақ ас.

Тұрлаусыздың қолынан не келеді?  
Бінтасыз қайтіп өнер үйренеді?  
Еңбегі жоқ, еппенен мал табам деп,  
Сендіре алмай, сене алмай, сенделеді.

Онда оны алдайды, мұнда мұны,  
Жанын берсе, табылmas сөздің шыны.  
Алты жақсы жүз жылқы болған басы  
Бір семіз ат болады оның құны.



\* \* \*

Қарашада өмір тұр,  
Тоқтатсан тоқсан көнер ме?  
Арттағы майда көңіл жүр,  
Жалынсаң қайтып келер ме?

Майдағы жүрттың іші – қар,  
Бәйшешек қарға өнер ме?  
Ішінде кімнің оты бар,  
Қар жауса да, сөнер ме?

Талаппен ұшып, талпынып,  
Шартаралты көзdemес.  
Пайданы қуып алқынып,  
Өзгені өсте сөз демес.

Кеудесі – толған құлық ой,  
Бәрі де пысық, езбе емес.  
Құмары оның айт пен той,  
Пайда мен мақтан, өзге емес.

Алдадым, ұрдым, қырдым деп,  
Шалықтап, шалқып, шаттай ма?  
Қапысын андып тұрдым деп,  
Кұлығын бұлдаپ сатпай ма?

Момыннан жаман қорқақ жоқ,  
«Кү», «пысық» деген ат қайда?  
Арсыз болмай атақ жоқ,  
Алдамшы болмай бақ қайда?



## ЕСКІЛПІК КИІМІ

Ойланып, ойға кеттім жұз жылғы өткен,  
Тон қабатташ кигенім – шидем шекпен.  
Жейде-дамбал ақ саңнан, жарғақ шалбар,  
Жырым балақ матамен әдіптеткен.

Мықшима аяғымда былғары етік,  
Киіз байпақ тоңдырмас ызгар өтіп.  
Үлкен кісе белімде жез салдырган,  
Шақпағым, дәндәкуім<sup>1</sup> жарқ-жүрк етіп.

Құлөпера бастырган пүшпақ тымақ,  
Ішкі бауын өткізген тесік құлақ.  
Тобылғыдан кесіп ап, жіппен қадап,  
Артын белге қыстырган бар құрысқақ<sup>2</sup>.

Қалмақы қара үзенгі, биік қасты ер,  
Қанжығамда байлаулы жілтеп шідер.  
Жарғақ жастық көпшігім, жезді пыстан<sup>3</sup>,  
Бір келісті сайманым топқа мінер.

---

<sup>1</sup> Дәндәку – кісеннің оқшантаймен қатар тұратын былғары қалтасы.

<sup>2</sup> Құрысқақ – тобылғы тиек.

<sup>3</sup> Пыстан, бәстөн (парсыша) – ердің үстіндегі көпшікті алды-артынан бастырып қоятын, үстіне жез қапталған, былғарыдан істелген тұрман.

**(ӘБДІРАХМАН НАУҚАСТАНЫП  
ЖАТҚАНДА)**

Я, құдай, бере көр  
Тілеген тілекті.  
Қорқытпай орнықтыр  
Шошыған жүректі.

Шын жүрек елжіреп,  
Алладан тілеймін.  
Шын қалқам осы күн  
Болып түр керекті.

Жүргегім сүйлдап,  
Сүйегім шымырлап,  
Алладан тілеймін  
Құпия сыйырлап.

Зар етсе пендесі,  
Бермей ме Алласы  
Тән саулық қалқама,  
Қабыл боп көз жасы.

Не жазам, япырмау,  
Қол шорқақ, тіл мақау.  
Сәләмат өзінді  
Кешікпей көрсем-ая.

Бір сұып, бір ысып,  
Барады іш пысып.  
Жұзінді бір көріп,  
Сүйгенше бір құшып.

Бір үміт, бір хаяп,  
Көңілге жол тауып,  
Кірген соң сөз қыын,  
Өр неге ой ауып.

Екі аяқ не қылып,  
Басқаша ауырып,  
Япымай, докторлар  
Жүрмесін жаңылып.

Жарылып ауыз ашты,  
Жарасы жаасты.  
Жарасыз біреуі  
Неліктен үйқы ашты.

Алмаса докторға  
Нанбаңыз соққырға.  
Визитке төлемей,  
Шырағым, бос қалма.

Ол жесін, ол жұтсын,  
Шырайын жылтыстын.  
Ақшаны аяма,  
Үйқыны тыншытыстын.

Әбсөмет жиенің,  
Ол – сенің біреуің.  
Достығын достықпен  
Өтемек – тілеуім.

Көңілдің хоштығы –  
Ол оның достығы.  
Баар ем, қолымның  
Болмады бостиғы.

Сарғайды жүзіміз,  
Сарылды көзіміз.  
Қатайып сауықсан  
Сағынған өзіңіз.

Хатымды көріңіз,  
Көңілді бөліңіз.

Қуатың ерік берсе,  
Кешікпей келіңіз.

Туа өскен жеріңіз,  
Тұысқан еліңіз  
Зар боп түр көруге,  
Ұнатса көңіліңіз.

Уайым жеуліміз,  
«А, құдай» деуліміз.  
Жазылып келсөңіз,  
Гүлденер өміріміз.



Алланың раҳматын  
Жар тұтып әр неге.  
Әр раҳман<sup>1</sup> ол атын  
Үйреткен жұмлелеге<sup>2</sup>.

Дұғаның қуатын  
Жіберме өңгеге.  
Әбіштің сыйхатын<sup>3</sup>  
Беркітсең кеудеге.

Рәушан сипатын  
Тез көрсет пендеге.  
Осындай шапқатын  
Ұмытам мен неге?

Зар хатым – бұл хатым,  
Бізді тыныш жүр деме.  
Азайып қуатым,  
Денем жүр көрмеге.

Бұл – жазған сұңғатым<sup>4</sup>,  
Көңіл ашар бір наме<sup>5</sup>.  
Менің сол рақатым  
Көзіме сурмелеге.

---

<sup>1</sup> Раҳман (арабша) – аяушы, мейірім етуші (Алланың бір аты).

<sup>2</sup> Жұмле, жемлә (арабша) – жалпы, жиынтық.

<sup>3</sup> Сыйхат (арабша) – есендік, саулық, сөлеметтік.

<sup>4</sup> Сұңғат, санғат (арабша) – көркем шыгарма мағынасында.

<sup>5</sup> Наме (парсыша) – хат, жазылған нөрсе, кітап мағынасында.

Тілім, саған айтайын,  
Осы сөздің келісін тап.  
Қолым, сені қайтейін,  
Қаламды түрдүң қатты ұстап.

Жүректің сезін сөйле, тіл,  
Жалғаны жоқ бояма.  
Қу көсе<sup>1</sup> қандай өзімшіл,  
Бір сынамай қоя ма?

Махаббатпен қарап бақ,  
Тамыр соқса солқылдаپ.  
Мен жазайын сізге хат,  
Оқып көрсін ол шындаپ.

Оқып көріп байқасын,  
Магынасы ішке кіре ме?  
Үрлаған сөз деп айтасың,  
Сөз үрлыққа жүре ме?

Кісі айтпаған сөз бар ма,  
Тегіс ұғар қай құлақ?  
Сөккениң оны ұнар ма,  
Үйренген сөзге мен де ортақ.

Тұла бойым, балқи көр,  
Әбіш ағам дегенде.  
Мейлің, Мағаш, шалқи бер,  
Не десен де сөгем бе?

Көріскен соң бір дидар,  
Алла оңғарып келгенде,

---

<sup>1</sup> Өзінің құрдасы Мағауияға зіл.

Сынаушы сонда табылар  
Мұнда жатқан елден де.

Төсекке менің жатуым –  
Үйқыға өбден талған соң,  
Ұстазым мен татуым  
Сен екеуің болған соң.

Жас жүргегім қозғалса,  
Бір Аллаға тілегім.  
Ол қарағым оқалса,  
Тыншыр еді жүргегім.

Жұздерінді сау көрсем,  
Екі көзім нұры еніп.  
Қосылысып бір жүрсем,  
Әр нәрсені үйреніп.

Жерің алыс, жете алмай,  
Магаштан да мен сорлы.  
Қызметінді ете алмай  
Қалмас едім сол құрлы.

Көзімнің нұрысызыз,  
Сізсіз жоқ қуаныш.  
Өмірдің гүлісіз,  
Көңліме жұбаныш.

Зар қылып тілеймін  
Рақыматын Алланың.  
Елжіреп жылаймын,  
Көңлін аш пенденің.

Сыйххатын қалқама,  
Бере гөр, я, рахим.  
Тілегім – бұл ғана,  
Қайғымды қыл шағын.

Ағатай, сағындым,  
Есен-сау көрмекке.  
Сөз таппай аңырдым,  
Оқыңыз ермекке.

Осы күн өмірімнің  
Ешбір жоқ қызығы.  
Жаралы көңлімнің  
Жазылмай сызығы.

Мақсатым хатымды  
Аз уақыт болса ермек.  
Сөзім жоқ татымды,  
Хошлықпен көріспек.



## ҚЫЗДАРҒА

Қойдан қоңыр, жылқыдан торы Бәкен,  
Адалдыққа бар елдің зоры Бәкен.  
Ұры-қары көбейіп, к... шемейтіп,  
Неге болды бар елдің қоры Бәкен?

Лекер, Бітімбай мен Аталақты,  
Жанқожадан кім көрген қапалықты?  
Байұзақ одан соңғы адамы еді,  
Бөрі де кісі-ақ еді хасалықты<sup>1</sup>.

Дауылбай Қыздарменен айпар-жайпар,  
Екеуі бітім десе басын шайқар.  
Екі елерме бітімге жөн келер ме,  
Ақылы болмаған соң артын байқар?

Сөзіндің басы ыржан, соны қылжан,  
Жүгенсіз жүре бермек – сенің ырзан.  
Сенен күшті кіслер не боп жатыр,  
Заманыңың тарлығын ойла, мырзам.

Шотқара кірсе алдап, шықса күлген,  
Елірмелі Досаққа кісімсінген.  
Бұл топта маған айтар кісі бар ма,  
Дауылбай мен Қыздардың жөнін білген?

Айтқожаның құлығы сені елірткен,  
Бір дем салса, күшіктей соңына ерткен.  
Менің терім тарылып келе жатыр,  
Бұрын кісім емес ең жалғыз шерткен.

---

<sup>1</sup> Келісті, кемел.

\* \* \*

Талай сөз бұдан бұрын көп айтқанмын,  
Түбін ойлап, уайым жеп айтқанмын.  
Ақылдылар арланып ұялған соң,  
Ойланып түзеле ме деп айтқанмын.

Қазақтың өзге жүрттан сөзі ұзын,  
Бірінің бірі шапшаң ұқпас сөзін.  
Кездің жасы, жүректің қаныменен  
Ерітуге болмайды ішкі мұзын.

Жүртүм-ай, шалқақтамай сөзге түсін,  
Ойланшы, сыртын қойып, сөздің ішпін.  
Үржандамай тыңдасаң нең кетеді,  
Шығарған сөз емес қой өңгіме үшін.

Адастып алаңдама, жол таба алмай,  
Берірек түзу жолға шық, қамалмай.  
Не ғылым жоқ, немесе еңбек те жоқ,  
Ең болмаса кеттің ғой мал баға алмай.



Аш қарын жұбана ма майлы ас жемей?  
 Тоқ тұра алмас дәмдіден дәмді іздемей.  
 «Бір тойған – шала байлық» деген қазақ  
 Ел көрінсе, қайтеді қүйсей бермей?

Еңбек жоқ, харекет жоқ қазақ кедей,  
 Тамақ андып қайтеді тентіремей?  
 Ет пен қымыз сықылды ас жоқ дейді,  
 Ол немене жоқтықтың өсері емей?

Ет, қымыз тамақ болса әркімге арзан,  
 Тәтті, дәмді іздер ең онан да өрман.  
 Өз пұлышмен халің жоқ күнде тояр,  
 Құлдық ұрып асайсың асы бардан.

Оз үйінен тоярға қолың қысқа,  
 Ас берер ауыл іздең жүрсің босқа.  
 Бір жілік пен бір аяқ қымыз берген  
 Дереу сені жұмсайды бір жұмысқа.

Жалға жүр, жат жерге кет, мал тауып кел,  
 Малың болса, сыйламай тұра алмас ел.  
 Қаруыңның барында қайрат қылмай,  
 Қаңғып өткен өмірдің бөрі де – жел.

Тәуекелсіз, талапсыз мал табылмас,  
 Еңбек қылмас еріншек адам болмас.  
 Есек к...н жусаң да, мал тауып кел,  
 Қолға жүқпас, еш адам кеміте алмас.

Құлдық, сұмдық, ұрлықпен мал жиылмас,  
 Сұм нәпсің үйір болса, тез тыйылмас.  
 Зиян шекпей қалмайсың ондай істен,  
 Мал кетер, мазаң кетер, ар бүйірмас.

Асаған, ұрттағанға ез жұбанар,  
 Сенімді дәүлет емес сен қуанар.  
 Еңбек қылмай тапқан мал дәүлет болмас,  
 Қардың сұы сықылды тез суалар.

Мінер атын, киімін ып-ықшам қып,  
 Сымбаттанып, сымпиып тамақ андып,

Бұрандап, жылы жүзін асқа сатқан  
Антұрғанға қосылмай кетсін қаңғып.

Күлдіргіштеу, құлкішіл, қалжыңға ұста,  
Кезеген ит тым-ақ көп біздің тұста.  
Өз үйінен жиреніп, қашып жүрген  
Антұрғанға қосылма қапылыста.

\* \* \*

Балалық өлді, білдің бе?  
Жігіттікке келдің бе?  
Жігіттік өтті, көрдің бе?  
Көрілікке көндің бе?  
Кім біледі, сен көпір  
Баяндыдан сөндің бе,  
Баянсызға тәндің бе?  
Әлде, айналып, кім білер,  
Боталы түйе секілді  
Қорадан шықпай өлдің бе?



Лай суға май бітпес қой өткенге,  
Құлеміз қасқыр жалап, дәметкенге.  
Сол қасқырша алақтап түк таппадым,  
Көнілдің жайлалауынан ел кеткен бе?

Берген бе тәңірім саған өзге туыс?  
Қыласың жер-жинаңды бір-ақ уыс.  
Шарықтап шартарараптан көңіл сорлы  
Таппаған бір тиянақ не еткен қуыс?

Құні-тұні ойымда бір-ақ тәңірі,  
Өзіне құмар қылған оның әмірі.  
Халиққа<sup>1</sup> махлұқ ақылы жете алмайды,  
Оймен білген нәрсенің бәрі – дәһрі<sup>2</sup>.

Өзгені ақыл ойға қондырады,  
Біле алмай бір тәңіріні болдырады.  
Талып ұйықтап, көзінді ашысымен,  
Талпынып тағы да ойлап зор қылады.

Көңілге шек, шүбәлі ой алмаймын,  
Сонда да оны ойламай қоя алмаймын.  
Ақылдың жетпегені арман емес,  
Құмарсыз құр мұлгуге тоя алмаймын.

Мекен берген, халық қылған ол лемекан<sup>3</sup>  
Түп иесін көксемей бола ма еken?  
Және оған қайтпақсың, оны ойламай,  
Өзге мақсат ақылға тола ма еken?

Өмір жолы – тар соқпақ, бір иген жақ,  
Іілтіп екі басын ұстаған хак.  
Имек жолда тиянақ, тегістік жок,  
Құлап кетпе, тура шық, көзіңе бақ.

<sup>1</sup> Халиқ (арабша) – жаратушы деген мағынада.

<sup>2</sup> Дәһрі, дәһри (арабша) – ақыретке сенбейтін құдайсыз, дінсіз.

Бұл жерде сенімсіз, күдікті деген мағынада.

<sup>3</sup> Лемекан (арабша) – мекенсіз.

Өлсө өлер табиғат, адам өлмес,  
Ол бірақ қайтып келіп, ойнап-күлмес.  
«Мені» мен «менікінің» айырылғанын  
«Өлді» деп ат қойыпты өңкей білмес.

Көп адам дүниеге бой алдырған,  
Бой алдырып, аяғын көп шалдырған.  
Өлді деуге сыя ма, ойландаршы,  
Өлмейтүғын артына сөз қалдырған?

Кім жүрер тіршілікке көңіл бермей,  
Бақи<sup>1</sup> қоймас фәнидің<sup>2</sup> мінін көрмей.  
Міні қайда екенін біле алмассың,  
Терең ойдың телміріп соңына ермей.

Дүниеге дос ақиретке бірдей болмас,  
Екеуі тап бірдей боп орныға алмас.  
Дүниеге ынтық, мөғшарға<sup>3</sup> амалсыздың  
Иманын түгел деуге аузым бармас.

---

<sup>1</sup> Бақи (арабша) – мәңгілік, мәңгі жасаушы.

<sup>2</sup> Фәни (арабша) – өзгеретін, бітептін, өткінші жалған дүние.

<sup>3</sup> Мөғшар (арабша) – ақырзаман болғаннан кейін адам баласының күнесі тексерілетін орын.

Арғы атасы қажы еді  
Бейіштен татқан шәрбәтті.  
Жарықтықтың өнері  
Айтуға тілді тербетті.  
Адалдық, ақыл жасынан  
Қозғапты, тыныштық бермепті,  
Мал түгіл жанға мырза еді,  
Өр қыынға серменті.  
Мұнды, шерлі, жоқ-жітік  
Аңсал алдын кернепті.  
Бәрінің көнілін тындырып,  
Біреуін ала көрменті.  
Өділ, мырза, ер болып,  
Әлемге жайған өрнекті.  
Тәубесін еске түсіріп,  
Тентекті тыйып, жерлепті.  
Қазақтың ұлы қамалап,  
Іздеген жүзін көрмек-ті.  
Ақылынан ап қайтқан  
Өлгенше болар ермекті.  
Ол сыпатты қазақтан  
Дүниеге ешкім келменті.  
Өлмейтін атақ қалдырып,  
Дүниеге көнілін бөлменті.  
Жарлығына Алланың  
Ерте ойлаган көнбек-ті.  
Олар да тірі қалған жоқ,  
Тірлік арты өлмек-ті.  
Оны да алды бұл өлім,  
Сабырлық қылсақ керек-ті.



\* \* \*

Кешегі өткен ер Өбіш  
Елден бір асқан ерек-ті.  
Жүргегі – жылы, бойы – құрыш,  
Туысы жаңнан бөлек-ті.  
Өнері оның жұрт асқан,  
Фылымға көңілі зерек-ті.  
Аямаған ғаріптен  
Қолдан келген көмекті.  
Кісіге сідет<sup>1</sup> жүктетпей,  
Еңбекпен тапқан қоректі.  
Біреудің қылған қарызын  
Айтқызбай артық төлепті.  
Боямасыз ақ көңіл,  
Кірлетпей кетті жүректі.  
Ойламаған өлімнен  
Жасқанамын демек-ті.  
Тағдырға тәбділ<sup>2</sup> бола ма,  
Сабырлық қылсақ керек-ті.

(*ӘБДІРАХМАН ӨЛГЕНДЕ*)

Тұла бойың ұят-ар едің,  
Ескеріп істеп, ойлаған.  
Төуекелге нар едің,  
Талаппен терең бойлаған.  
Ерлікке де бар едің,  
Үйренуге тоймаған.  
Жасқа жас, ойға көрі едің,  
Атаңың атын жоймаған.  
Замана, неткен тар едің,  
Сол қалқамды қоймаған?!

---

<sup>1</sup> Сідет (парсыша) – міндет.

<sup>2</sup> Тәбділ (арабша) – өзгеру (өзгерту), ауысу (ауыстыру).

## ӘБДІРАХМАН ӨЛІМІНЕ

Жиырма жеті жасында  
Әбдірахман көз жұмды.  
Сөулең болса басында,  
Кімді көрдің бүл сынды?

Дүниелікке көңілі ток,  
Ағайынға бауырмал,  
Тәкаппар, жалған онда жоқ,  
Айнымас жүрек, құлкің – бал.

Фылым оқып білгенше  
Тыным, тыныштық таппаған.  
Дүниені кезіп көргенше  
Рақат іздең жатпаған.

Ұзақ өмір не берер,  
Көрген, білген болмаса?  
Жатқан надан не білер,  
Көңілге сәуле толмаса?

Петербурда-ақ кідірмей,  
Біліпті дерттің барлығын.  
Төуекел қып білдірмей,  
Құтіпті тәңірі жарлығын.

Қалжыңы, шыны аралас,  
Өмірім аз деп білдіріп,  
Бөтен көзде көрсе жас,  
Ойнаймын деп құлдіріп.

Аз өмірін ұзайтқан,  
Фылымға бойы толған соң.  
Көрген жерін молайтқан,  
Оқып, біліп болған соң.

Қырым, Кавказ, Түркістан,  
Ресей, Сібір қалмады.  
Хабарланып өр тұстан,  
Көрмей дамыл алмады.

Құйрықты жұлдыз секілді,  
Туды да, көп тұрмады.  
Көрген, білген өкінді,  
Мін тағар жан болмады.

Тәуекел зор, ақыл мол,  
Қорықпай тосқан тағдырын.  
Қынысынбай өлімді ол,  
Білдірмеген еш сырын.

Ата-ананың қызметін,  
Алған жардың қарызын,  
Өтемей кеткен бейнетін,  
Қағазға жазған арызын.

Көргені мен білгени  
Жұзге келген шалдан көп.  
Бізге уайым жегені –  
Арманда боп қалды деп.

Жаңа жылдың басшысы – ол,  
Мен ескінің арты едім.  
Арман деген аңы сол,  
Сүйекке тиді, қарт едім.

Қайғы болды күйгендей,  
Ол қуатым еді рас.  
Көзге қамшы тигендей,  
Шыр айналды артқы жас.



## ӘБДІРАХМАН ӨЛІМІНЕ

Талаптың мініп тұлпарын,  
Тас қияға өрледің.  
Бір ғылым еді іңкөрің,  
Өр қынға сермедің.

Кезінді салдың тұрғыға,  
Бейнетін қын көрмегің.  
Бірге оқыған құрбыға  
Бас бәйгені бермегің.

Бала болдың, жас болдың –  
Жалғандыққа ермегің.  
Төре болдың, бас болдың –  
Көкірегінді көрмегің.

Ел ішіне сау келсөң,  
Тағылым айтпас ер ме едің?  
Жол көрсетіп сонда өлсөң,  
Арманым бар дер ме едім?

Іздең табар жалғаннан  
Бала берген пенде едім.  
Пенде өлмейді арманнан,  
Мінеки, мен де өлмегім.



Орынсызды айтпаған,  
Тұзу жолдан қайтпаған;  
Жақсылық қылар орында  
Аянып, бойын тартпаған.  
Ортасында көпірдің  
Арамынан татпаған.  
Өмір бойы талпынып,  
Ғылым іздең, жатпаған.  
Түрленіп төре болдым деп,  
Есерленіп шатпаған.  
Жұз мың теңге келсе де,  
Махаббатын сатпаған.  
Жүйріктікпен шалқымай,  
Тура сөзді жақтаған.  
Бала айтса да хақ сөзді,  
Бұрылмастан тоқтаған.  
Өтіріксіз турашыл,  
Еш сөзі жоқ таппаған.  
Сыйласарлық кісіге,  
Түк қалмайтын сақтаған.  
Бауырларын еркейтіп,  
Не сұраса қақпаған.  
Білдіруші ең үндемей,  
Істі қылған жақпаған.  
Ағайын мен туғанды  
Тірілікте мақтаған.



**(ӘБДІРАХМАН ӨЛГЕН СОҢ ӨЗІНЕ АЙТҚАН  
ЖҰБАТАУЫ)**

Бермеген құлға, қайтесін,  
Жұлынарлық ерікті.  
Ажал тура келген соң,  
Шыдатпайды берікті.  
Фаріптікке көз жетті,  
Алғаннан соң серікті.  
Өмірін берген құдайым  
Ажалын да беріпті.

Сақта дейміз, қайтеміз,  
Ілінген жалғыз тіректі.  
Тағдырына тәбдил жоқ,  
Тәубе қылсақ керек-ті.  
Көркіден, пілдей қуатты,  
Тағы арыстан жүректі,  
Аплатон, Сократ ақылды,  
Қаһарман Фали білекті.  
Өз заңымша үқсаттым,  
Берген құдай тілекті.  
Оспанды алған бұл өлім,  
Тәубе қылсақ керек-ті.

Мұсылманға қоймаған  
Орынсыз жанжал шатақты,  
Ерегіскең жауларын  
Кісен салып матаңты.  
Зекет жиып, егін сап,  
Тойдырған гаріп, жатақты.  
Ескендір, Темір, Шыңғыстай  
Мұсылманда атақты.

Мұқым қазақ баласы  
Тегіс ақыл сұрапты.  
Тобықтыны ел қылып,

Басын жиып, құрапты.  
Мекеде уақып<sup>1</sup> үй салып,  
Пәтер қып, жаққан шырақты.  
Бір құдайдың жолына  
Малды аямай бұлапты.  
Ажал уақыты жеткен соң,  
Соның да гүлі қурапты.  
Қажыны<sup>2</sup> алған бұл өлім,  
Сабыр қылсақ керек-ті.

---

<sup>1</sup> Уақып, вәкиф (арабша) – мешіт, медресе пайдасына берілетін мал, дүние. Бұл жерде Мекеге барғандар жататын үй сатып алыш бергенін айтады.

<sup>2</sup> Қажы деп өз өкесі Құнанбайды айтады.

**(ӘБДИРАХМАННЫң ӘЙЕЛІ МАҒЫШҚА  
АБАЙДЫҢ АЙТҚАН ЖҰБАТУЫ)**

Жылағанды тоқтатып,  
Ынсан қылсақ жарайды.  
Қоймасаң, қайғы ауыр боп,  
Тұл бойыңда тарайды.  
Қызыл гүлің суалып,  
Ақ көңілің анық қарайды.  
Неммә жанды ауылымен  
Патша құдай сынайды.  
Бір сен емес, жылатқан  
Сыңарын алып талайды.  
Бөрімізді аясан,  
Тоқтау қылсаң ұнайды.  
Ұмытқаның жарамас  
Жаратушы құдайды.  
Халық билеген патшалар  
Уақыты жетсе, құлайды.  
Дәл уақыты жеткенде,  
Талайдың гүлі қурайды.  
Ресүлді<sup>1</sup> алған бұл өлім  
Кімнен жөнді сұрайды?  
Қандай адам бұлқынып,  
Бұған көнбей туладайды?  
Мен білемін, қайтейін,  
Мұндай асыл тумайды.  
Қанша жыласап, налысаң,  
Сонда да ерікке қоймайды.  
Алғысы келсе, дүниенің  
Айтқанына болмайды.  
Ойласаңшы, Мағышым,  
Кімнің гүлі солмайды?  
Артын тіле құдайдан,

---

<sup>1</sup> Ресүл (арабша) – Алланың пенделеріне жіберген елшісі. Бұл жерде Мұхаммед пайғамбарды айтады.

Бір қалыпты тұрмайды.  
Үсті-үстіне бастаса,  
Сонда пенде оңбайды.  
Жылама, Мағыш, жылама,  
Алладан өлім тілеме!  
Қолдан үшқан ақ сұңқар  
Қайтып келіп қонбайды.  
Бір шешеден туғанда,  
Берінен кетті тәуірім.  
Көтермеске амал жоқ,  
Көрдім дүние ауырын.  
Аясаңшы, апырмау,  
Әке, шеше, бауырын!  
Бойды жеңіп, тоқтау қып,  
Сұрасаңшы ақырын!  
Тоқтамады, тұрмады,  
Кетті ортадан асылым.  
Текаппар, зор көкіректі  
Көтере алмай басылдым.  
Тиянағым, тұрлауым,  
Енді кімге асылдым?  
Ойламадым туғанды,  
Бір өзіңе бас үрдым.  
Жалғыз сенен айырылып,  
Артыңа қарап ах үрдым.  
Ойламадым еш жанды,  
Өзіңе ердім оңаша.  
Рақаттанып, мақтанып,  
Қылушы едім тамаша.  
Шыны сорлы мен-дағы,  
Мағыш байқап қараса.



**(ӨБДИРАХМАННЫң ӘЙЕЛІ МАҒЫШҚА АБАЙ  
ШЫҒАРЫП БЕРГЕН ЖОҚТАУ)**

Айналайын, құдай-ау,  
Қапалық салдың жасымнан.  
Шешенің зарын тарттырдың  
Бес жасымда басымнан.  
Сөйлемей пенде шыдамас  
Қайғы отына ашынған.  
Жарымды көрмей неше жыл,  
Қапалықты асырған.  
Жарымды алып, қор қылдың  
Жас өмірде тасынған.  
Айырып, от қып өртедің,  
Әбіш сынды асылдан.  
Әбішті алып қул қылдың,  
Қызылды гүлді жасылдан.  
Тым болмаса қызмет қып,  
Откізбедім қасымнан.

Жиырма екі жасымда  
Мен айырылдым жарымнан.  
Жарық сөүле көрмедім  
Шыққалы ана қарнынан.  
Күйік күшті түскен соң,  
Кетеді екен сабырдан.  
Қызықты күнім қалмады  
Жылаған айтып зарымнан.  
Көре алмай зар боп айырылдым  
Құдай қосқан жарымнан.  
Өзгеше болып жааралған,  
Таныған жан қалпынан.  
Тілеуді кесіп құдайым,  
Зарлатып қойды артынан.

Құдай салды жүрекке  
Жалғанда бітпес жараны.

Көре алмай қор боп қалған соң,  
Кете ме іштен арманы?  
Сөүлемді құдай алған соң,  
Сарнамасқа шара не?  
Кез келтірді құдайым  
Құтылмас маған дараны.  
Қалқамды алып, құдайым,  
Басыма салдың қараны,  
Өзі түгіл көрмедім,  
Ізі жоқ басқан табаны.  
Күйдіріп, құдай алмады,  
Пенденің құрыр амалы.

Қылышыңа жете алман,  
Қаншалық тілмен айтқанмен.  
Басыңа құдай беріпті  
Өлшеусіз қылыш ақылын.

Сабыр мен талап беріпті,  
Ақылың, рақымың қыын-ды.  
Откен күнгі қызығым  
Үйықтап көрген түстен кем.  
Қараңғы түнде қапалық  
Жүректі басты, шықпас күн.  
Қолдан келген қайратым –  
Барымды айтып шыққан үн.  
Көнілімнің күні өшкен соң,  
Қайғылы қара болар түн.

Жыламай пенде шыдамас,  
Қарағымды алған соң.  
Сағынып көрген қызықты  
Көре алмай зарлап қалған соң.  
Ашпадың, Алла, қабақты,  
Қылмадың қабыл тілекті,  
Өле алмай шыдап отырмын  
Зор құдайым салған соң.

Шықтым ба деп ем, құдай-ау,  
Қызықты күннің шетіне.  
Өшірмек Алла болған соң,  
Пенденің қоймас еркіне.  
Өлмектен басқа дауа жоқ  
Алланың салған дертіне.  
Құтылмас құл жол таппас  
Иенің салған өртіне.

Жалтыр құздан құладым,  
Қолымнан кетіп сүйеніш.  
Көнілімнің күні өшкен соң,  
Жалғанда болмас жұбаныш.  
Өмірді қылдың, құдайым,  
Қызығы жоқ қүйініш.  
Үмітсіз өмір бітірді  
Жүрекке мұз боп ерімес.

Өзгеше болып жаралған  
Айырылдым қалқам – жарымнан.  
Сол қалқамды қоймаған  
Замана неткен тар еді?  
Жасымнан өтті демегің,  
Күн шыққандай қараңғы  
Кешегі түннің жарығы.

Сабыр қылып шыдарға,  
Қайғы оты асты күшімнен.  
Қызықты күнім қалмады  
Әбішті көрген түсімнен.  
Сағыныш зарын білдірмей  
Жұруші едім ішімнен.  
Қылышың, қалқам, кетер ме  
Жалғанда менің ойымнан?  
Сағынсам да алыстан,  
Жұруші ем күнше жылышып.

Қызықтың заңғар басынан  
Қорлыққа кеттім жығылып.  
Құдай қосқан қосақтан  
Жалғанда қалдым жырылып.  
Қайғында қалдым қамалып,  
Қызығым кетті сырыйлып.

Көре алмай қалдым қалқамның  
Дәл екі жыл қызығын.  
Жүректегі жазылмай,  
Тағдырдың салдың сызығын.  
Әмірдің, Алла, беріпсің  
Күнде өртерлік шыжығын.  
Баяны жоқ, байлаусыз,  
Тілекте жоқ бұзығын.

Сағынсам да үміт бар,  
Болушы еді қуаныш.  
Қалқамнан қалдым қарс ұрып,  
Қайткенде болар жұбаныш?  
Алла берген арманға  
Ал ұрсам болмас алданыш.  
Сабыр, тағат қылуға,  
Қоймады күйік бойыма ес.  
Әбіш сынды жарымнан,  
Айырылған соң барымнан,  
Жалғанда болмас жұбаныш!



*(НЕМЕРЕ ИНСІ ӨЛГЕНДЕ АЙТҚАНЫ)*

Көз жүмғанша дүниеден  
Иманын айтып кеткені-ай!  
«Бейсенбі ме бүгін?» деп,  
Жұмаға қарсы өткені-ай!  
Жер күңіреніп, жұрт шулап,  
Ағайын түгел жеткені-ай!  
Жамиғат тоңбай, күн жылдып,  
Тәңірім рақым еткені-ай!  
Ием қабыл алды-ау деп,  
Көңіліме қуат біткені-ай!  
Қуаттанып бақсам да,  
Құнөлі нәпсім түйтпеді-ай<sup>1</sup>.  
Ата тегің мұндағы –  
Орта жұздің ұлығы;  
Ана тегің ондағы –  
Өзен судың тұнығы.  
Екі асылдан қосылған  
Сом алтынның сынығы.  
Өлгенше естен қалмайды  
Өзгеше біткен қылышы.  
Қызыл балақ қыранның  
Балапаның дерт алды.  
Жеміс ағаш, бөйтепек  
Балдырганың өрт алды.  
Артына белгі тастамай,  
Жал-қүйрығын келте алды.  
Ағайынды тойғызбай,  
Аз күн қоймай, ерте алды.  
Көп жасамай, көк орган,  
Жарасы үлкен жас өлім.  
Құн шалған жерді тез орган,  
Құншіл дүние қас өлім.

---

<sup>1</sup> Тәзімі жетпеді, шыдамады.

Артына белгі қалдырмай,  
Бауыры қатты тас өлім.  
Жыламайын десе де,  
Шыдарлық па осы өлім?  
Орамды тілді ауыздым,  
Ақылға жүйрік маңыздым.  
Көп жасамай тез кетіп,  
Көзімнің жасын ағыздың.

\* \* \*

Тұғызған ата-ана жоқ,  
Тұғызарлық бала жоқ.  
Тұысқан-тұған, құрбылас  
Қызығымен және жоқ.

Тулайын десе шара жоқ,  
Толықсып жүрер шама жоқ.  
Үйқы мен астан дәм кетіп,  
Сақалда, шашта қара жоқ.

Байбайшыл тартып, баға жоқ.  
Жаастарға жаппас жала жоқ.  
Жат қораны күзеткен  
Қартаң шалда сана жоқ.



\* \* \*

Малға достың мұны жоқ малдан басқа,  
Аларында шара жоқ алдамасқа.  
Табысына табынып, қалтаң қағып,  
Тойғанынан қалғанын берсе алашқа.

Мал жияды мақтанын білдірмекке,  
Көзге шұқып, малменен күйдірмекке.  
Өзі шошқа, өзгені ит деп ойлар,  
Сорпа-сумен, сүйекпен сүйдірмекке.

Ақылды деп, арлы деп, ақпейіл деп  
Мақтамайды ешкімді бұл күнде көп.  
Осы күнде мал қайда, бок ішінде,  
Алтын алсаң, береді боғынан жеп.

Осыны оқып, ойлай бер, болсаң зерек.  
Еңбекті сат, ар сатып неге керек?  
Үш-ақ нерсе – адамның қасиеті:  
Ыстық қайрат, нұрлы ақыл, жылды жүрек.

\* \* \*

Махаббат, достық қылуға  
Кім де болса тең емес.  
Қазір дайын тұруға –  
Бес күндік ғашық жән емес.

Сүйіспек көңілім ойлайды  
Жанның бәрі – қатыбас.  
Сүйісу тозбай тұрмайды,  
Еңбекке аз күн татымас.



Бір сұлу қыз тұрыпты хан қолында,  
Хан да жанын қияды қыз жолында.  
Алтын-күміс кигені, қамқа, торғын,  
Күтүші қызы-келіншек жүр соңында.

Деген сөз: «Бұқа буға, азбан дуға»,  
Хан қарық боп, түсіп жүр айғай-шуға.  
Етімді шал сипаған құрт жесін деп,  
Жартастан қызы құлапты терең суға.

Сән-салтанат жұбантпас жас жүректі,  
Кім де болса түрғысын көксемек-ті.  
Мезгілі өткен дөуренді қуалаған  
Не қылсын бір қартайған қу сүйекті?

Көрі, жас дөурені өзге тату емес,  
Епке көнер ет жүрек сату емес.  
Кімде-кім үлкен болса екі мүшел,  
Мал беріп алғанменен қатын емес.

Есерлер жас қатынды тұтады екен,  
Жас қайғысын білдірмей жұтады екен.  
Ортасында бұлардың махабbat жоқ,  
Тұсап қойып қашырап бұқа ма екен?

Бай қартайса, малына берер шылбыр,  
Мал өмірді жаңғыртпас, құдай үргыр.  
Біреудің қызын алып малға сатып,  
Баяғыны іздеген қандай құрғыр?

Қатынның қалай демес ақсақал бай,  
Сонымен дос боп жүрсің, япырым-ай!  
Қу қатынның майысса, мәз боласың,  
Шайтанның шәкіртінің қылышын-ай!

Қартаң бай, қатты сақ бол, тілге көнсөн,  
Мүйіз шығар қатынның тіліне ерсөн.  
Тіпті оңбассың, өзің өзің мәз болп,  
Дастарқан мен қатынды мақтан көрсөн.

Кінәсіз бәйбішемен болады араз,  
Жастың көнілі жылымас, ол өзіне аз,  
Біреуі – көк балдырған, бірі – қурай,  
Бір жерге қосыла ма қыс пенен жаз?

Үнем болмас құйрықты бұлаңдатқан,  
Сауырына шапақтап, сүйіп жатқан.  
Екі көніл арасы – жылшылық жер,  
Оны қайтіп қосады ол ант атқан?

\* \* \*

Сағаттың шықылдағы емес ермек,  
Һәмишә<sup>1</sup> өмір өтпек – ол білдірмек.  
Бір минут бір кісінің өміріне үқсас,  
Отті, өлді, тағдыр жоқ қайта келмек.

Сағаттың өзі – үры шықылдаған,  
Өмірді білдірмеген, күнде үрлаған.  
Тиянақ жоқ, тұрлау жоқ, келді, кетті,  
Қайта айналмас, бұрылмас бұлдыр заман.

Откен өмір белгісі – осы сыйбыр,  
Көнілді күнде сындыр, өлде тындыр.  
Ақыл анық байқаған қылғыныңды,  
Қу шыққансып қағасың босқа бұлдыр.

Күн жиылдып ай болды, он екі ай – жыл,  
Жыл жиылдып, қартайтып қылғаны – бұл.  
Сүйенген, сенген дәурен жалған болса,  
Жалғаны жоқ бір тәңірім, кеңшілік қыл.

---

<sup>1</sup> Һәмишә (парсыша) – ылғи, үнемі.

Көңіл құсы қүйқылжыр шартарапқа,  
Адам ойы турленіп ауған шақта.  
Салған ән – көлеңкесі сол көңілдің,  
Тактысына<sup>1</sup> билесін ол құлаққа.

Шырқап, қалқып, сорғалап, тамылжиды,  
Жүрек тербеп, оятар баста миды.  
Бұл дүниенің ләззәті бөрі сонда,  
Ойсыз құлақ ала алмас ондай сыйды.

Ұйықтап жатқан жүректі ән оятар,  
Ұннің төтті оралған мәні оятар.  
Кейі зауық, кейі мұң, дертін қозғап,  
Жас балаша көңілді жақсы уатар.

Адам аз мұны біліп ән саларлық,  
Тыңдаушы да аз ол әннен бәһра аларлық.  
Мұңмен шыққан, оралған төтті қүйге  
Жылды жүрек қайды бар қозғаларлық?

Көбінесе ән басы келеді ашы,  
«Кел, тыңда!» деп өзгеге болар басшы.  
Керім толғап, таусысар қаңғыр-күңгір  
Сол жеріне ойыңмен араласшы.

Әннің де естісі бар, есері бар,  
Тыңдаушының құлағын кесері бар.  
Ақылдының сөзіндей ойлы күйді  
Тыңдағанда, көңілдің өсері бар.

Білімдіден аяман сөздің майын,  
Алты өлеңмен білдірдім әннің жайын.  
Ездің басы қаңғырсын, ердің көңілі  
Жаңғырсын деп ойладым айтқан сайын.

---

<sup>1</sup> Такт (орысша) – бұл жерде өлеңнің ырғағы ретінде алынып отыр.

Көкірегінде оты бар ойлы адамға  
Бұл сөзімнің суреті тұрап дайын.

Өмірдің алды – ыстық, арты – сұық,  
Алды – ойын, арт жағы мұңға жуық.  
Жақсы өнді тыңдасаң ой көзіңмен,  
Өмір сөүле көрсетер судай тұнық.

Жаманға «жар» деген-ақ өн көрінер,  
Жақсы өн білсе, айтуға кім ерінер?  
Жарамды өнді тыңдасаң, жаның еріп,  
Жабырқаған көңілің көтерілер.

\* \* \*

Кек ала бұлт сегіліп,  
Күн жауады кей шақта.  
Өне бойың егіліп,  
Жас ағады аулақта.

Жауган күнмен жаңғырып,  
Жер көгеріп күш алар.  
Аққан жасқа қаңғырып,  
Бас ауырып, іш жанар.



\* \* \*

Адамның кейбір кездері  
Көңілде алаң басылса;  
Тәнірінің берген өнері  
Көк бұлттан ашылса.

Сылдырлап өңкей келісім  
Тас бұлақтың суындаі,  
Кірлеген жүрек өз ішін  
Тұра алмас өсте жуынбай.

Тәнірінің күні жарқырап,  
Үйқыдан көніл ашар көз.  
Қуатты ойдан бас құрап,  
Еркеленіп шығар сөз.

Сонда ақын белін буынып,  
Алды-артына қаранар.  
Дүние кірін жуынып,  
Көрініп ойға сөз салар.

Қыранша қарап қырымға,  
Мұң мен зарды қолға алар.  
Кектеніп надан, зұлымға,  
Шиышық атар, толғанар.

Өділет пен ақылға  
Сынатып көрген-білгенін,  
Білдірер алыс, жақынға  
Солардың сөйле дегенін.

Ызалы жүрек, долы қол,  
Улы сия, аңы тіл  
Не жазып кетсе, жайы сол,  
Жек көрсөндер, өзің біл.



## ҚАТЫНЫ МЕН МАСАҚБАЙ

— Сырмақ қып астына  
Байының тоқымын,  
Отының басына  
Төрінің қоқымын  
Бұксітіп,  
Бықсытып,  
Қоқсытып келтірді.

Осының бәрімен  
Көңілінде міні жоқ,  
Жұзінің нәрі мен  
Бойының сыны жоқ.  
Бұкшиіп,  
Сексиіп,  
Түксііп өлтірді.

— Құлқі боп көргенге,  
Құрбыға қадірсіз.  
Ас қылып бергенге  
Шыдамас, сабырсыз.  
Келді, ойбай,  
Салды айғай,  
Түк қоймай боқтады.  
Сөзінің жөні жоқ,  
Ақылсыз томырық,  
Қатынның күні жоқ –  
Қамшы мен жұдырық.  
Барқылдаپ,  
Тарқылдаپ,  
Салпылдаپ тоқтады.



## КҮЙІСБАЙҒА

Дұғай сөлем жазамын Күйісбайға,  
Бермек болған айғырдың көзі қайда?  
Көзді көрсөң – бересің, тайсаң – танып,  
Алдамшы атанғанның несі пайда?

## ДҮЙСЕНҚҰЛҒА

Саудайы-ай<sup>1</sup>, сауды алмадың-ау, сырқауды алып,  
Бір пәлеге жолықтың шырқау барып.  
Ала жаздай көгалды бір көрмедің,  
Сары жұртқа қондың ба ірге аударып?

## РАЗАҚҚА

Мына үйде отыр Рazaқ,  
Елдің жөнін айтар ма,  
Шақырып алып сұрасақ.  
Үлкен қожа – ортан қол,  
Өзгелері – аты жоқ пенен шынашақ.

Сонда Абайдың немересі Әубекір: «Омархан ағам ше?» – дегендे:

Оны дағы байқармыз,  
Біраз ғана сынасақ.

---

<sup>1</sup> Саудайы-ай, саудаяй (парсыша) – мәжнүн, меніреу, ғашықтықтан мәжнүн болу.

Көк тұман – алдыңдағы келер заман,  
Үмітті сөүле етіп көз көп қадалған.  
Көп жылдар көп күнді айдап келе жатыр,  
Сипат жоқ, сурет те жоқ, көзім талған.

Ол күндер – өткен күнмен бәрі бір бөс,  
Келер, кетер, артына із қалдырmas.  
Соның бірі – арнаулы таусыншақ күн,  
Арғысын бір-ақ Алла біледі рас.

Ақыл мен жан – мен өзім, тән – менікі,  
«Мені» мен «менікінің» мағынасы – екі.  
«Мен» өлмекке тағдыр жоқ өуел бастан,  
«Менікі» өлсе өлсін, оған бекі.

Шырақтар, ынталарың «менікінде»,  
Тән құмарын іздейсің күні-түнде.  
Әділеттік, арлылық, махаббат пен –  
Үй жолдасың қабірден өрі өткенде.

Малға сат, пайдаға сат қылышыңды,  
Ылайла ылай оймен тұнышыңды,  
Сонда өмірден алдамшы бола алмассың,  
Ол білдірмей үрламақ қызығыңды.

Адам ғапыл<sup>1</sup> дүниені дер менікі,  
Менікі деп жүргенниң бәрі онықі.  
Тән қалып, мал да қалып, жан кеткенде,  
Сонда, ойла, болады не сенікі?

Мазлұмға<sup>2</sup> жаңың ашып, ішің күйсін,  
Харекет қыл, пайдасы көпке тисін.  
Көптің қамын өуелден тәңірі ойлаған,  
Мен сүйгенді сүйді деп иең сүйсін.

<sup>1</sup> Ғапыл (арабша) – қапы қалу, байқамау.

<sup>2</sup> Мазлұм (арабша) – зұлымдыққа ұшыраған адам.

Көптің бәрін көп деме, көп те бәлек,  
Көп ит жеңіп, көк итті қүнде жемек.  
Гадәләт пен мархамат – көп азығы,  
Қайда көрсөң, болып бақ соған көмек.

Өркімнің мақсаты өз керегінде,  
Біле алмадым пысығын, зерегін де.  
Саяз жүзер сайқалдар ғапыл қалар,  
Хақиқат та, дін-дағы тереңінде.

Алла деген сөз жеңіл,  
Аллаға ауыз қол емес.  
Ынталы жүрек, шын көңіл,  
Өзгесі хаққа жол емес.

..

Дененің барша қуаты  
Өнерге салар бар күшін.  
Жүректің ақыл суаты,  
Махаббат қылса тәңірі үшін.

Ақылға сыймас ол Алла,  
Тағрипқа<sup>1</sup> тілім қысқа, ah!  
Барлығына шүбесіз,  
Неге мөужүт<sup>2</sup> ол қуа.

Ақыл мен хауас<sup>3</sup> барлығын  
Білмейдүр, жүрек сезедүр.  
Мұтәкәллимин<sup>4</sup>, мантикин<sup>5</sup>  
Бекер босқа езедүр.

---

<sup>1</sup> Тағрип, тағриф (арабша) – түсіну, білу, анықтау.

<sup>2</sup> Мөужүт (арабша) – бар нәрсе, болмыс.

<sup>3</sup> Хауас (арабша) – ерекше қасиетті, сипат, сапа, түр. Бұл жерде сезім мүшелері мағынасында.

<sup>4</sup> Мұтәкәллимин (арабша) – сейлеушілер. Бұл жерде дінді дәлелдеушілер.

<sup>5</sup> Мантикин (арабша) – сейлеушілер. Бұл жерде терең ой, қисынды сөз.

\* \* \*

Құр айқай бақырған  
Құлаққа өн бе екен?  
Өнерсіз шатылған  
Кісіге сөн бе екен?

Өңкей надан антүрган,  
Қанша айтса, жан ба екен?  
Бос жүріп құр қалған  
Өміріңе көн бе екен?

\* \* \*

Соры қалың соққы жеген пышанамыз,  
Қайтіп суып, жалғаннан қүсе аламыз.  
Құр дәрімен атқанға өлмейді екен,  
Өмірі мақтаншаққа нысанамыз.



Жазғытырым қылтиған бір жауқазын,  
Қайдан білсін өмірдің көбін-азын.  
Бәйтеректі құндейді жетемін деп,  
Жылы қүнге мас болып, көрсе жазын.  
Күз келген соң тамырын үсік шалып,  
Бетегеге жете алмай болар жазым.

Мен-дағы көп есіттім жастың назын,  
Қол жетпеске қол созар бар ма ылажың?  
«Боламынмен» жүргендे болат қайтып,  
Жалын сөніп, жас жүзін басады ажым.

\* \* \*

Ерекше естен кетпес қызық қайда?  
Жолығатын қыз қайда терең сайды?  
Сұлулығын қояйын, мінезі артық,  
Ақылды, асыл жүрек, сөзі майда.

Бұл өмірдің қызығы махаббатпен,  
Көрге кірсөң үлгілі жақсы атақпен.  
Арттағыға сөзің мен ісің қалса,  
Өлсөң де, өлмегенмен боласың тең.

Жүректен ізі кетпес қызық көрсек,  
Жақсылықты аянбай жұртқа бөлсек,  
Жақынның да, жардың да, асықтың да —  
Бәрінің де қызығын көріп білсек.



\* \* \*

Құлақтан кіріп, бойды алар  
Жақсы өн мен төтті күй.  
Көңілге түрлі ой салар,  
Өнді сүйсөң, менше сүй.

Дүние ойдан шығады,  
Өзімді-өзім ұмытып.  
Көнілім өнді үгады,  
Жүргегім бойды жылдытып.

Аңсаған шөлде су тапса,  
Бас қоймай ма бастауға?  
Біреу түртсе, я қақса,  
Бой тоқтамас жасқауга.

Бір күйгізіп, сүйгізіп,  
Ескі өмірді тіргізер.  
Өмір тонын кигізіп,  
Жоқты барғып жүргізер.

Есіткендей болады  
Құлагым ескі сыбырды.  
Ескі ойға көңілім толады,  
Тірілтіп өткен құрғырды...

Ішіп, терең бойлаймын  
Откен күннің уларын.  
Жөне шын деп ойлаймын  
Жүрттың жалған шуларын.

Тағы сене бастаймын  
Күнде алдағыш қуларға.  
Есім шығып қашпаймын,  
Мен ішпеген у бар ма?



\* \* \*

Болды да партия,  
Ел іші жарылды.  
Әуремін мен тыя  
Дауың мен шарыңды.

Құрбыдай хош тұттым  
Жасың мен көрінді.  
Жоқтамай, ұмыттым  
Ақыл мен нәрінді.

Ортаға көп салдым  
Өзімде барымды.  
Япырым-ау, неңді алдым,  
Сау қоймай арымды?

Ойымнан ой бөліп,  
Қозғадың тамырды.  
Көңілге тік келіп,  
Кетірдің сабырды.

Ойым да ақ, жарым да ақ,  
Кеңімді, тарымды  
Қарасам пайымдап,  
Сөзің сол сарынды.

Өсекке салмандар  
Ойымды, жарымды.  
Өлшеуге алмандар,  
Ойым бес тарылды.

Ұрыңнан асырдың  
Сүм тілді қарыңды.  
Жасырдым, жасырдым,  
Енді айттым зарымды.



\* \* \*

Қуаты оттай бұрқырап,  
Үәзінге<sup>1</sup> өлшеп тізілген.  
Жаңбырлы жайдай сырқырап,  
Көк бұлттан үзілген.  
Қайран тіл, қайран сөз –  
Наданға қадірсіз.

Тәуекел мен батыр ой  
Өткір тілді найза етіп,  
Сайысып-ақ бақты ғой,  
Неше түрлі айла етіп.  
Оянбай, қайран жұрт,  
Ұялмай қал жым-жырт!

Ақылмен ойлап білген сөз  
Бойыңа жүқпас, сырғанар.  
Ыңталы жүрек сезген сөз  
Бар тамырды қуалар.  
Өн салар, жатқа алар,  
Түбінде құр қалар.

---

<sup>1</sup> Үәзін (арабша) – өлшеуіш.

\* \* \*

Сүм дүние тонап жатыр, ісің бар ма?  
Баяғы күш, баяғы тусің бар ма?  
Алды үміт, арты өкініш алдамшы өмір,  
Желігін жерге тықпас кісің бар ма?!

Дәмі қайтпас, бұзылmas тәтті бар ма?  
Бір бес күннің орны жоқ аптығарға.  
Қай қызығы татиды қу өмірдің  
Татуды араз, жақынды жат қыларға?

Ет жүрексіз ерніңің айтпа сөзін,  
Тіл үйренген нәпсінің қу мінезін.  
Тілде сүйек, ерінде жиек бар ма,  
Шымылдық боп көрсетпес шынның жүзін.

## ЖАМАНБАЛАНЫҢ БАЛАСЫ ӨЛГЕНДЕ

Белгілі сөз: «өлді, өлді»,  
Белгісіз оның мекені.  
Не халатқа<sup>1</sup> өурілді<sup>2</sup>,  
Қайда, қандай екені.

\* \* \*

Күн артынан күн туар,  
Бір күн дамыл еткізбес.  
Ой артынан ой қуар,  
Желге мінсең, жеткізбес.

---

<sup>1</sup> Халат (арабша) – хал-жай, жағдай. Бұл арада не халге, неңдей күйге үшырады деген мағынада.

<sup>2</sup> Өурілді (парсыша) – ел-жұртынан айырылып, шет жерде қаңғып журуши. Бұл арада қай жаққа кетті деген мағынада.

\* \* \*

Өлсем, орным қара жер сыз болмай ма?  
Откір тіл бір үялшақ қызы болмай ма?  
Махаббат, ғадауатпен<sup>1</sup> майдандасқан  
Қайран менің жүрегім мұз болмай ма?

Амалсыз тағдыр бір күн кез болмай ма?  
Біреуге жай, біреуге тез болмай ма?  
Асау жүрек аяғын шалыс басқан  
Жерін тауып, артқыға сөз болмай ма?

Сонда жауап бере алман мен бишара,  
Сіздерге еркін тиер, байқап қара.  
Екі күймек бір жанға өділет пе?  
Қаны қара бір жанмын, жаны жара.

Жүргіңің түбіне терең бойла,  
Мен бір жұмбақ адаммын, оны да ойла.  
Соқтықпалы, соқпақсыз жерде өстім,  
Мыңмен жалғыз алыстым, кінә қойма!

Жасымда албырт өстім, ойдан жырақ,  
Айлаға, ашуға да жақтым шырақ.  
Ерте ояндым, ойландым, жете алмадым,  
Етекbastы көп көрдім елден бірақ.

Ой кіргелі тимеді ерік өзіме,  
Сандалмамен күн кешкен түспе ізіме.  
Өзі ермей, ерік бермей, жұрт қор етті,  
Сен есірке, тыныш үйықтат, бақ сезіме!

Ішім толған у мен өрт, сыртым дүрдей,  
Мен келмеске кетермін түк өндірмей.  
Өлең шіркін – өсекші, жұртқа жаяр,  
Сырымды тоқтатайын айта бермей.

---

<sup>1</sup> Ғадауат (арабша) – дүшпандық, ашу, жек көру.

\* \* \*

Жүректе қайрат болмаса,  
Үйықтаған ойды кім тұртпек?  
Ақылға сөуле қонбаса,  
Хайуанша жүріп күнелтпек.

Аспаса ақыл қайраттан,  
Тереңге бармас, үстірттер.  
Қартыңың ойы шар тартқан  
Әдеті жеңіп күңгірттер.

Тән сүйгенін бермесе,  
Жан шыдамас жаны ашып.  
Бере берсең бер десе,  
Үміт етер таласып.

Малда да бар жан мен тән,  
Ақыл, сезім болмаса.  
Тіршіліктің несі сөн,  
Тереңге бет қоймаса?

Атымды адам қойған соң,  
Қайтіп надан болайын?  
Халқым надан болған соң,  
Қайда барып оңайын?!



\* \* \*

Ауру жүрек ақырын соғады жай,  
Шаршап қалған кеудемде тулай алмай.  
Кейде ыстық қан басып кетеді оны,  
Дөңбекшіген тұндерде тыншыға алмай.

Қараңғы саңырау қайғы ойды женген,  
Еркелік пен достықты ауру көрген.  
Ақылы жоқ, ары жоқ шұылдақты  
Күнде көріп, тұл бойы жиіркенген.

Тірілтіп өткен күнді, тағы шөлдеп,  
Осы күнді күн демес қарғап, мінде.  
Кейде тілеп бақ пенен тағы тыныштық,  
Кейде қайғы, азапты тағы да ізден.

Кейде ойлайды жылауға қайғы зарын,  
Тынышсыз күнде ойлаған дерптің бәрін.  
Кейде онысын жасырап жүрттан үрлап,  
Кетірер деп мазақтап беттің арын.

Ауру жүрек ақырын соғады жай,  
Өз дерптін тығып ішке, білдіре алмай.  
Кейде ыстық тағы да қан басады,  
Кейде бір сәт тыншығар үн шығармай.



Жүрегім, нені сезесің,  
Сенен басқа жан жоқ па?  
Дүниені, көнілім, кезесің,  
Тиянақ жоқ па, қой, тоқта!

Сезгеніңді сездіріп,  
Жете алмадың ортаққа.  
Тірі жаннан бездіріп,  
Апарасың қай жаққа?

Ортақтық, тыныштық достық қой,  
Оның қадірін кім білер?  
Әркімге-ақ тілек қостық қой,  
Бәрі – алдамшы саудагер.

Халықтың аты керек қой  
Я мақтауға, боктауға.  
Құбылға бәрі зерек қой,  
Бәрі жайсыз тоқтауға.

Досты қайдан табасың,  
Кеңесерге адам жоқ.  
Әрлі-берлі шабасың,  
Жалғыздықтан жаман жоқ.

Ақыл айтсаң біреуге  
Ішің еріп, егіліп,  
Үялмас ақы тілеуге,  
Бермесен қалар түңіліп.

Ақы беріп тыңдатқан  
Сөз көкейге қонар ма?  
Құлағын сатқан тәңірі атқан  
Оңдырар ма, оңар ма?

Күйесің, жүрек, күйесің,  
Қүйгеніңнен не пайда?  
Дүниеде нені сүйесің,  
Өмір қайда, дос қайда?

Көлеңке басын ұзартып,  
Алстың көзден жасырса;  
Құнді уақыт қызартып,  
Көкжиектен асырса;

Құңғыт көңілім сырласар  
Сұрғылт тартқан бейуаққа,  
Тәмен қарап мұндасар,  
Ой жіберіп өр жаққа.

Откен өмір – қу соқпақ,  
Қыдырады талайды.  
Кім алдады, кім тоқпақ  
Салды, соны санайды.

Нені тапсаң, оны тап,  
Жарамайды керекке.  
Өңкей уды жиып ап,  
Себеді сорлы жүрекке.

Адасқан күшік секілді  
Ұлып жүртқа қайтқан ой  
Өкінді, жолың бекінді,  
Әуре болма, оны қой.

Ермен шықты, ит қылып,  
Бидай шашқан егінге.  
Жай жүргенді уерд<sup>1</sup> қылып,  
Тыныш өлсөңші тегінде.

---

<sup>1</sup> Уерд (арабша) – жай жүрген адамды қыншылыққа үшіріту.

\* \* \*

Қуанбандар жастыққа,  
Елірме құлкі, мастыққа.  
Көзің қайдан жетеді  
Достық пенен қастыққа?  
Құрбыңның қызық дегенін  
Сөз екен деп ап шықпа.  
Адалдан тапқан тиынды  
Сал да сақта қапшыққа.  
Қолдағыңды қорғап бақ,  
Мал арзан деп аптықпа.  
Сыпайы жүр де, шаруа ойла,  
Даңғойланып қақтықпа.  
Бет алды жанға бой салма,  
Қорлық жүрмес сақтыққа.  
Елу бесте біз-дағы  
Сенісер адам таптық па?  
Арсыз құмар болғандар  
Опыр-топыр, шақ-шұққа  
Тұспей жүр ме, көрдің бе,  
Жалаң-жұлаң, тақ-түққа?



\* \* \*

Ұяламын дегені көңіл үшін,  
Ұсақ құлыш бір ғана өмір үшін.  
Татымды достық та жоқ, қастық та жоқ,  
Жігері жоқ, маңызы жеңіл үшін.

Жалығу бар, шалқу бар, іш пысу бар,  
Жаңа сүйгіш адамзат, көрсө қызар.  
Ар мен ұят ойланбай, тән асырап,  
Ертеңі жоқ, бүгінге болған құмар.

Тұысқаның, достарың – бәрі екіүшты,  
Сол себепті досындан дүшпан құшті.  
Сүйсе жалған, сүймese аянбаган,  
Бұл не деген заманға ісім түсті?!

Өзің ұлкен, қылышың – бала-шаға,  
Балаша мәз боп жүрсің тамашаға.  
Әкесі ұрысса балаға, ол да – достық,  
Баласы ұрысса әкеге, жараса ма?

\* \* \*

Жапырағы қуарған ескі үмітпен  
Киял қып өмір сүріп, бос жүріппін.  
Жыбыр қағып, көңілді тыншытпайды  
Қашанғы өтіп кеткен бұлдыр көп күн.

Ол дөурен өмір емес, бір көрген түс,  
Ойға түйме, қызықты қиялдан күс.  
Қараши, өз бойында түгел ме екен  
Ыстық жүрек, өң-шырай, қуат пен күш?

Төңкеріліп құбылған жұрт – бір сағым,  
Шынға шыдап, қоса алмас ынтымағын.  
Көптің аузын күзетсең күн көрмейсің,  
Өзінді өзің күзет, кел, шырағым!

\* \* \*

Осы қымыз қазаққа  
Мақтаның ба, асың ба?  
Қымызды басар артынан  
Ет даяр ма қасында?  
Бойыңа сіңіп, уерд болған  
Қызбабастық жасында.  
Қызылшыл семіз, жаз қымыз –  
Бір үлкен борыш басында.  
Жуасты мін де, айран іш,  
Жоқ немеге шатылма.  
Ұры, залым, қуларға  
Нысанаға шашылма.  
Жылқыны аңдып ұры жүр  
Әр төбенің тасында.  
Ой көзімен қарасаң,  
Қойдан жылқы асыл ма?  
Мақтанға бола жиям деп,  
Жылқы үшін жұртқа бас үрма.  
Қымыз, семіз дегенің  
Бір мақтан гой, жасырма.  
Мақтан қума, керек қу,  
Ойсыздарға қосылма.  
Қойында ақша, қолда қой  
Күзетке оңай, шошынба!



\* \* \*

Буынсыз тілің,  
Буулы сезің  
    Өсерлі адам ұғылына.  
Кісінің сөзің  
    Үққыш-ақ өзің,  
    Қисығын түзеп тұғырыға.

Сезімпаз көңіл  
Жылы жүрек  
    Таппадым деп тұнілмес.  
Бір тәуір дос  
    Тым-ақ керек,  
    Ойы мен тілі бөлінбес.

\* \* \*

Тоты құс түсті кебелек  
Жаз сайларда гулемек.  
Бәйшешек солмақ, күйремек,  
Көбелек өлмек, сиремек.

Адамзатқа не керек:  
Сүймек, сезбек, кейімек,  
Харекет қылмақ, жүгірмек,  
Ақылмен ойлап сейлемек.

Әркімді заман сүйремек,  
Заманды қай жан билемек?  
Заманға жаман күйлемек,  
Замана оны илемек.



Алланың өзі де рас, сөзі де рас,  
 Рас сөз еш уақытта жалған болмас.  
 Қөп кітап келді Алладан, оның төрті  
 Алланы танытуға сөз айырмас<sup>1</sup>.

Аманту<sup>2</sup> оқымаған кісі бар ма?  
 Үектубини<sup>3</sup> дегенмен ісі бар ма?  
 Алла өзгермес, адамзат күнде өзгерер,  
 Жарлық берді ол сіздерге сөзді үгарга.

Замана, шаруа, мінез күнде өзгерді,  
 Оларға кез-кезімен нәби<sup>4</sup> келді.  
 Қағида<sup>5</sup> шаригаты өзгерсе де,  
 Тағриф<sup>6</sup> Алла еш жерде өзгермеди.

Күллі махлүқ өзгерер, Алла өзгермес,  
 Өhlі кітап<sup>7</sup> бұл сөзді бекер демес.  
 Адам нәпсі, өзімшіл мінезбенен  
 Бос сөзбенен қастаспай, түзу келмес.

Махаббатпен жаратқан адамзатты,  
 Сен де сүй ол Алланы жаннан тәтті.  
 Адамзаттың бәрін сүй бауырым деп,  
 Және хақ жолы осы деп өділетті.

<sup>1</sup> Ерекше айтып отырган төрт кітабы: Мұса пайғамбарға келген – Төурат, Әбуіт пайғамбарға келген – Зәбүр, Иса пайғамбарға келген – Инжіл және Мұхаммед пайғамбарға келген – Құран.

<sup>2</sup> Аманту, аманту билләни (арабша) – Аллаға сендей, барлығына және бірлігіне (жалғыздығына) наңым.

<sup>3</sup> Үектубини (арабша) – және кітаптарына сендей. Бұл арада иманның жеті шартының екеуі келтірілген.

<sup>4</sup> Нәби (арабша) – пайғамбар.

<sup>5</sup> Қағида, қағид (арабша) – негізгі шарт, ереже мағынасында.

<sup>6</sup> Тағриф, төғриф (арабша) – түсіну, білу, анықтау.

<sup>7</sup> Өhlі кітап (арабша) – қасиетті кітаптың ішінде аты аталған адамдар (мұсылмандар, еврейлер, христиандар, т. б.)

Осы үш сую болады имани гүл,  
Иманның асылы үш деп сен тахқиқ<sup>1</sup> біл.  
Ойлан-дағы, үшеуін таратып бақ,  
Басты байла жолына, малың түгіл.

Дін де осы, шын ойласаң, тағат<sup>2</sup> та осы,  
Екі дұние бұл тасдиқ<sup>3</sup> – хақтың досы.  
Осыларды бұзатын және үш іс бар:  
Пайда, мақтан, өуесқой – онан шошы.

Руза, намаз, зекет, хаж – талассыз іс,  
Жақсы болсаң, жақсы тұт бөрін тегіс.  
Бастапқы үшін бекітпей, соңғы төртті  
Қылғанменен татымды бермес жеміс.

Бас жоғары жаралған, мойын төмен,  
Қарашы, дене біткен ретімен.  
Істің басы – ретін танымақтық,  
Иман білмес тағатты қабыл демен.

Имамдар ғибадаттан<sup>4</sup> сөз қозғаган,  
Хуснізөн<sup>5</sup> мен иманды білді ойлаған.  
Иманның тазалығын жақсы үқтыврмай,  
Сыртын қанша жуса да, іші оңбаған.

Алла мінсіз өуелден, пайғамбар хақ,  
Мұ'мин<sup>6</sup> болсаң, үйреніп, сен де үқсанап бақ.  
Құран рас, Алланың сөзідүр ол,  
Тә'уилін<sup>7</sup> білерлік ғылымың шақ.

---

<sup>1</sup> Тахқиқ (арабша) – анық, айқын; орындау, іске асыру. Бір меселенің дұрыстығын тексеріп, шындығына көз жеткізу деген мағынада.

<sup>2</sup> Тағат (арабша) – Аллаға ғибадат қылу, бойсұну.

<sup>3</sup> Тасдиқ (арабша) – шындық, сенім.

<sup>4</sup> Ғибадат (арабша) – табыну, құлдық ету.

<sup>5</sup> Хуснізән (парсыша) – жақсы ниет, көркем ой, жақсы пікір.

<sup>6</sup> Мұ'мин (арабша) – ислам дінін жақтаушы, мұсылман.

<sup>7</sup> Тә'уил (арабша) – анық, мағынасына жете білу.

Алланың, пайғамбардың жолында мыз,  
Ынтымалызды бұзбастық иманымыз.  
Пайда, мақтан, өүесқой – шайтан ісі,  
Көні біздің нәпсіні тыйғанымыз?

Мұ'мин болсаң, әуелі иманды бол,  
Пендеңе иман өзі ашады жол,  
Шын илан да, таза ойла бір иманды,  
Мұнафика<sup>1</sup> намаз қылмап па, мағлум ғой ол.

Алла ішінді айтқызыбай біледі, ойла,  
Пендесіне қастықпен кінө қойма.  
Распенен таласпа мұ'мин болсаң,  
Ойла, айттым, адамдық атын жойма!

\* \* \*

Жүрек – теңіз, қызықтың бәрі – асыл тас,  
Сол қызықсыз өмірде жүрек қалмас.  
Жүректен қызу-қызба кете қалса,  
Өзге тәннен еш қызық іс табылмас.

Достық, қастық, бар қызық – жүрек ісі,  
Ар, ұяттың бір ақыл – күзетшісі.  
Ар мен ұят сенбесе, өзге қылыш  
Арын, алқын – бұл күннің мәртебесі.

Қартаң тартқан адамнан от азаймақ,  
От азайса, өр істің бәрі тайғақ.  
Шаруаң үшін көрінген ақыл айтып,  
Жолың тайғақ, аяғың тартар маймақ.

---

<sup>1</sup> Мұнафика (арабша) – екі жүзді, іші көпір, сырты мұсылман.

Жалын мен оттан жаралып,  
Жарқылдаپ Рағит<sup>1</sup> жайды айдар.  
Жаңбыры жерге таралып,  
Жасарып шығып гүл жайнар.

Жайына біреу келсе кез,  
Белгілі жұмыс, сор қайнар.  
Қуаты күшті нұрлы сез,  
Қуатын білген абайлар.

Жалын мен оттан жаралған  
Сөзді ұғатын қайсың бар?  
Партия жиынп, пара алған,  
Пейілі кедей байсындар.

Кулық пенен құбылдан  
Жалықсан, жақсы жансындар.  
Түзелмесе шұғылдан,  
Арсылдар да қалшылдар.

Несі өмір,  
Несі жұрт?  
Өңшең қырт,  
Бас қаңғырт!

---

<sup>1</sup>Дін үғымында наражай ойнатып, күн күркіретуші періштенің аты.

\* \* \*

Домбырага қол соқпа,  
Шымырлатып бір-бірлеп.  
Жүргегім, соқпа, кел тоқта,  
Жас келер көзге жүр-жүрлеп.

Қайғылы көңілім қайдагы  
Бұрынғымды жаңғыртар.  
Қайратты алыш бойдағы,  
Басымды қайғы қаңғыртар.

Онан да жылы жүзіңмен  
Кел, жарым, қара бетіме.  
Жылы, тәтті жауап айт  
Іштегі қайғы-дертіме.

Іштегі ескі жалынды  
Сөндір жаңа қылышпен.  
Сөйлесші жақсы, жағымды  
Мендей көңілі сынышпен.

Сынық көңілім көп кешер,  
Майда қолмен ұстасаң.  
Көңілге түрлі ой түсер,  
Әр тереңге иұсқасаң.

Күйлі, күйсіз бәйгеге  
Қажыды көңілім көп шауып.  
Көп қинамай әрнеге,  
Енді семірт, жем тауып.



Ойға түстім, толғандым,  
Өз мінімді қолға алдым.  
Мінезіме көз салдым,  
Тексеруге ойландым.  
Өзіме өзім жақпадым,  
Енді қайда сыя алдым?  
Қалап алған көп мінез,  
Қалайша қылыш тыя алдым?

Бойдағы мінді санасам,  
Тау тасынан аз емес.  
Жүрегімді байқасам,  
Инедейін таза емес.  
Аршып алыш тастауға,  
Апандағы саз емес.  
Бөрі болды өзімнен,  
Тәңірім салған наз емес.

Осынша ақымақ болғаным,  
Көрінгенге қызықтым.  
Ғаділетті жүректің  
Өділетін бұзыппын.  
Ақыл менен білімнен  
Өбден үміт үзіппін;  
Айла менен амалды  
Меруерттей тізіппін.  
Жалмауыздай жалаңдал,  
Ар, үяттан күсіппін.  
Құлық пенен сүмдышқа  
Құладындай үшыппын;  
«Сіз білесіз» дегенге  
Күнгे күйіп, пісіппін;  
Мақтанбасқа мақтанып,  
Деп жүріппін «пысықпын».



\* \* \*

Мен боламын демендер,  
Аяқты алшаң басқанға.  
Екі көзің аларып,  
Құр қарайсың аспанға.

Бір ғылымнан басқаның  
Бәрі де кесел асқанға.  
Өйткен адам жолығар  
Кешікпей-ақ тосқанға.



\* \* \*

Жүргегім менің қырық жамау  
Қиянатшыл дүниеден.  
Қайтіп аман қалсын сау,  
Қайтқаннан соң өрнеден.

Өлді кейі, кейі – жау,  
Кімді сүйсе бұл жүрек.  
Кімі – қастық, кімі – дау,  
Сүйенерге жоқ тірек.

Көрілік те түр тақау,  
Алдымызда айла жоқ.  
Қайғысыздың бәрі – асаяу,  
Бізге онан пайда жоқ.

Қан жүректі қайғылы-ау,  
Қайырыла кет сен маған.  
Қасиетін ойлан-ау,  
Қам көңілдің тынбаған.

\* \* \*

Күшік асырап, ит еттім,  
Ол балтырымды қанатты.  
Біреуге мылтық үйреттім,  
Ол мерген болды, мені атты.

\* \* \*

Сүйсіне алмадым, сүймедім,  
Сүйегім жасып, сор қалың.  
Сүйіспін саған тимедім,  
Бола алмадым сенің жарың.

*(ДҮТБАЙФА)*

Жылуы жоқ бойының,  
Жылмифаны неткені?  
Құбылуы ойының –  
Кетпей құйтың еткені.

Мұңды, жылмаң пішінін  
Кезек киіп, ел жиып.  
Болыс болса, түсінің  
Тұксігін салар тырсыш.

Бір көрмеге тәп-тәтті  
Қазаны мен қалбаңы.  
Дөң айналмай ант атты,  
Бұксіп, бықсып ар жағы.

Сенен аяр түгі жоқ,  
Бүгін сыйлас көрініп,  
Бүгін жалын, ертең шоқ,  
Сөзі мен өзі бөлініп.

Әлі үміт, өлі серт,  
Жын сықылды бұзылып.  
Құлық емес, бұл – бір дерт,  
Тұрлауы жоқ құбылып.



\* \* \*

Нұрлы аспанға тырысып өскенсің сен,  
Менмен, керден, қайғысыз ер көнілмен,  
Жазғытүрим жасырып жердің бетін,  
Жасыл шөппен, бой жеткен егінмен тең.

Сонан бері рақымсыз көп жыл өтті,  
Орак келер, орылар мезгіл жетті.  
Жылы менен сұықтың бәрін көріп,  
Қайран көңіл қайыспай қайрат етті.

Ауыр ойды көтеріп ауырған жан,  
Қайғы-қасірет жүзіңе белгі салған.  
Дәні толық, басы үлкен егіндей-ақ  
Сенің де басың имек жерге таман.

Өлейін деп өлмейді өлерлік жан,  
Әсте өлмесін білгендей қылышқ қылған.  
Ажал келіп бас салса, жанды үрласа,  
Өмір қайда, сен қайда, соны да ойлан.

Адамзат – бүгін адам, ертең топырак,  
Бүгінгі өмір жарқылдап алдар бірақ.  
Ертең өзің қайдасың, білемісің,  
Өлмек үшін туғансың, ойла, шырақ.

\*\*\*

Адам – бір боқ көтерген боқтың қабы,  
Боқтан сасық боласың өлсең тағы.  
Мені мен сен тең бе деп мақтанасың,  
Білімсіздік белгісі – ол баяғы.

Кеше бала ең, келдің ғой талай жасқа,  
Кез жетті бір қалыпта тұра алмасқа.  
Адамды сүй, Алланның хикметін сез,  
Не қызық бар өмірде онан басқа?!

\* \* \*

Жол көрмек, жоба білмек, жиһан кезбек,  
Бой жеңбек, ер жігітке, ғақыл таппақ.  
Тағдырын көрушінің хақтан біліп,  
Көшелі өнер иесін жүрсе жақтап.

Ниетің тұзу болса сенің аппақ,  
Екі елі аузыңа қойсаң қақпақ,  
Сыбыр, өсек дегенді сырттай жүріп,  
Фылым, өнер, мал таппақ, жүртқа жақпақ.



## **ЖҰМБАҚ**

Алла мықты жаратқан сегіз батыр  
Баяғыдан соғысып өлі жатыр.  
Кезек-кезек жығысып, жатып-тұрып,  
Кім жығары белгісіз түбінде ақыр.

Ш е ш у і:

Мұны тапсам ойланып, ақын деңіз,  
Таба алмасам, ақылды болар неміз?  
Қыс пенен жаз, күн мен тұн, тақ пенен жұп,  
Жақсылық пен жамандық – болды сегіз.

## **ЖҰМБАҚ**

Қара жер адамзатқа болған мекен,  
Қазына іші толған өр түрлі кен.  
Ішінде жұз мың түрлі асылы бар,  
Солардың ең артығы немене екен?

Ш е ш у і: темір.

## **ЖҰМБАҚ**

Сыналар, ей, жігіттер, келді жерің,  
Сөулең болса, бермен кел талапты ерің.  
Жан құмары дүниеде немене екен?  
Соны білсең – өрнені білгендерің.

Ш е ш у і: білмекке құмарлық.





# Қарасөздер



## БІРІНШІ СӨЗ

Бұл жасқа келгенше жақсы өткіздік пе, жаман өткіздік пе, әйтеуір бірталай өмірімізді өткіздік: алыстық, жұлыстық, айтыстық, тартыстық – әурешілікті көре-көре келдік. Енді жер ортасы жасқа келдік: қажыдық, жалықтық; қылыш жүрген ісіміздің бөрінің баянсызын, байлаусызын көрдік, бөрі қоршылық екенін білдік. Ал, енді қалған өмірімізді қайтіп, не қылыш өткіземіз? Соны таба алмай өзім де қайранмын.

Ел бағу? Жоқ, елге бағым жоқ. Бағусыз дертке ұшырайын деген кісі бақпаса, не албыртқан, көңілі басылмаган жастар бағамын демесе, бізді құдай сақтасын!

Мал бағу? Жоқ, баға алмаймын. Балалар өздеріне керегінше өздері бағар. Енді қартайғанда қызығын өзің түгел көре алмайтуғын, ұры, залым, тілемсектердің азығын бағып берейін деп, қалған азғана өмірімді қор қылар жайым жоқ.

Ғылым бағу? Жоқ, ғылым бағарға да ғылым сөзін сөйлесер адам жоқ. Білгенінді кімге үйретер-сің, білмегенінді кімнен сұрарсың? Елсіз-күнсізде кездемені жайып салып, қолына кезін алыш отырғанның не пайдасы бар? Мұңдасып, шер тарқатысар кісі болмаған соң, ғылым өзі – бір тез қартайтатуғын күйік.

Софылық қылыш, дін бағу? Жоқ, ол да болмайды, оған да тыныштық керек. Не көнілде, не көрген күнінде бір тыныштық жоқ, осы елде, осы жерде не қылған софылық!

Балаларды бағу? Жоқ, баға алмаймын. Бағар едім, қалайша бағудың мәнісін де білмеймін, не болсын деп бағам, қай елге қосайын, қай харекетке қосайын? Балаларымның өзіне ілгері өмірінің,

білімінің пайдасын тыныштықпен көрерлік орын тапқаным жоқ, қайда бар, не қыл дерімді біле алмай отырмын, не бол деп бағам? Оны да ермек қыла алмадым.

Ақыры ойладым: осы ойыма келген нәрселерді қағазға жаза берейін, ақ қағаз бен қара сияны ермек қылайын, кімде-кім ішінен керекті сөз тапса, жазып алсын, я оқысын, керегі жоқ десе, өз сөзім өзімдікі дедім де, ақыры осыған байладым, енді мұнан басқа ешбір жұмысым жоқ.

## ЕКІНШІ СӨЗ

Мен бала күнімде естуші едім, біздің қазақ сартты көрсе, құлуші еді: «ененді ұрайын кең қолтық, шүлдіреген тәжік, арқадан үй төбесіне саламын деп қамыс артқан, бұтадан қорыққан, көз көргенде «әкеүке» десіп, шығып кетсе, қызын боқтасқан, «сартсұрт деген осы» деп. Ноғайды көрсе, оны да боқтап құлуші еді: «түйеден қорыққан ноғай, атқа мінсе, шаршап, жаяу жүрсе, демін алады, ноғай дегенше, ноқай десеңізші, түкке ыңғайы келмейтүғын, солдат ноғай, қашқын ноғай, «башалшік»<sup>1</sup> ноғай» деп. Орысқа да құлуші еді: «ауылды көрсе шапқан, жаман сасыр бас орыс» деп. Орыс ойына келгенін қылады деген... не айтса соған нанады, «ұзын құлақты тауып бер депті», – деп.

Сонда мен ойлаушы едім: ей, құдай-ай, бізден басқа халықтың бәрі антүрган, жаман келеді екен, ең тәуір халық біз екенбіз деп, өлгі айтылмыш сездерді бір үлкен қызық көріп, қуанып құлуші едім.

Енді қарап тұрсам, сарттың екпеген егіні жоқ, саудагерінің жүрмеген жері жоқ, қылмаған шеберлігі жоқ. Өзіменен өзі өүре болып, біріменен бірі ешбір

---

<sup>1</sup> Ұсақ саудагер.

шашари жауласпайды. Орысқа қарамай түрғанда қазақтың өлісінің ахиреттігін, тірісінің киімін сол жеткізіп тұрды. Өке балаға қимайтұғын малыңды кірелеп, сол айдаш кетіп тұрды ғой. Орысқа қараған соң да, орыстың әнерлерін бізден олар көп үйреніп кетті. Үлкен байлар да, үлкен молдалар да, ептілік, қырмызылық, сыпайылық – бәрі соларда. Ноғайға қарасам, солдаттыққа да шыдайды, кедейлікке де шыдайды, қазага да шыдайды, молда, медресе сақтап, дін күтуге де шыдайды. Еңбек қылып мал табудың да жөнін солар біледі, салтанат, әсем де соларда. Оның малдыларына құзғын талағымыз үшін, біріміз жалшы, біріміз қош алушымыз. Біздің ең байымызды: «сөнің шақшы<sup>1</sup> аяғың білән пышыратырға қойған идөн түгіл, шық, сасы қазақ», – деп үйінен қуып шығарады. Оның бәрі бірін-бірі қуып, қор болмай, шаруа қуып, әнер тауып, мал тауып зор болғандық өсері. Орысқа айтар сез де жоқ, біз құллы, күні қадарлы да жоқпыз. Бағанағы мақтан, бағанағы қуанған, күлген сөздеріміз қайда?

### ҮШІНШІ СӨЗ

Қазақтың бірінің біріне қасқунем болмағының, бірінің тілеуін бірі тілеспейтұғынының, рас сезі аз болмайтұғының, қызметке таласқыш болатұғынының, өздерінің жалқау болатұғының себебі не? Һемма ғаламға белгілі данышпандар өлдекашан байқаған: өрбір жалқау кісі – қорқақ, қайратсыз тартады, өрбір қайратсыз – қорқақ, мақтанғыш келеді; өрбір мақтаншақ – қорқақ, ақылсыз, надан келеді: өрбір ақылсыз – надан, арсыз келеді; өрбір арсыз жалқаудан сұрамсак, өзі тойымсыз, тыйымсыз, әнерсіз, ешкімге достығы жоқ жандар шығады.

---

<sup>1</sup> Лас, былғаныш.

Мұның бәрі төрт аяқты малды көбейтеміннен басқа ойының жоқтығынан; өзге егін, сауда, өнер, ғылым секілді нәрселерге салынса, бұлай болмас еді. Әрбір мал іздеген малым көп болса, өзімдік де, балаларым да малды болса еken дейді. Ол мал көбейсе малшыларға бақтырмақ, өздері етке, қымызға тоғып, сұлуды жайлап, жүйрікті байладап отырмақ. Қыстауы тарлық қылса, арызы жеткендік, сыйы өткендік, барлық қызметімен біреудің қыстауын сатып алмақ, ештеп алмақ, тартып алмақ. Ол қыстауынан айырылған және біреуге тиіспек, я болмаса орынсыздығынан елден кетпек, өр қазақтың ойы осы.

Осылар біріне-бірі достық ойлай ала ма? Кедей көп болса, ақысы кем болар еді, малдан айырылғандар көбейсе, қыстауы босар еді деп, мен ананы кедей болса еken деп, ол мені кедей болса еken деп, өуелде ішімізben қас сағындық. Әрберден соң сыртымызға шықты, жауластық, дауластық, партияластық. Осындай қастарға сөзім өтімді болсын және де ештеп мал жилюға күшім жетімді болсын деп, қызметке болыстық, билікке таластық.

Сонан соң не момынның баласы бөтен жаққа шығып, еңбек қылыш, мал іздемейді, егін, сауданың керегі жоқ болады. Өз басын өзі осындай таласпенен кісі көбейтеміз деп партия жигандардың бүгін біреуіне, өртең біреуіне кезекпен сатады да жүреді. Ұрылар тыйылмайды. Ел тыныш болса, оның ұрлығын ешкім сүйемес еді. Ел екі жар болған соң, кім ант ішіп ақтап, арамдығын жақтап сүйеймін десе, соған жақ болып сүйеніп, бұрынғыдан ұрлығын өлденеше есе асырады.

Елдегі жақсы адамдардың бәрінің үстінен бекер, өтірік «шапты, талады» деген өр түрлі уголовный іс көрсетіп, арыз береді. Оған дознание<sup>1</sup> –

---

<sup>1</sup> Жауапқа шақыру.

тергеу шығарады. Өтірік, көрмегенін көрдім деуші күелар да өлдеқашан дайындал қойылған, бағанағы жақсы адам сайлауға жарамасы үшін. Ол адам басын құтқармақ үшін жамандарға жалынса, оның да адамдығының кеткені, егер жалынбаса, тергеулі, сottы адам болып, ешбір қызметке жарамай, басы қатерге түсіп өткені. Ол болыс болғандар өзі құлық, арамдықпенен болыстыққа жеткен соң, момынды қадірлемейді, өзіндегі арам, қуларды қадірлейді, өзіме дос болып, жәрдемі тиеді деп, егер қас болса, бір түрлі өзіме де залал жасауға қолынан келеді деп.

Осы күнде қазақ ішінде «ісі білмес, кісі білер» деген мақал шықты. Оның мәнісі: «ісіңнің тұзулігінен жетпессін, кісіңнің амалшы, айлалығынан жетерсің» деген сөз. Үш жылға болыс сайланады. Өуелгі жылды: «Сені біз сайламадық па?» – деп елдің бүлданғандығымен күні өтеді. Екінші жылды кандидат-пенен аңдысып күні өтеді. Үшінші жылды сайлауға жақындал, тағы болыс болып қаларға мүмкін болар ма екен деп күні өтеді. Енді неси қалды? Осы қазақ халқының осындай бұзықшылыққа тартып, жылдан жылға төмендеп бара жатқанын көрген соң, менің ойыма келді: Халықтың болыстыққа сайлаймын деген кісіңі пәлен қадәрлі орысша образование<sup>1</sup> алған кісі болсын. Егерде орталарында ондай кісіңі жоқ болса, яки бар болса да сайламаса, уезный начальник бірлөн военный губернатордың назначениесі<sup>2</sup> бірлөн болады десе, бұл халыққа бек пайдалы болар еді. Аның себебі: өуелі қызметқұмар қазақ балаларына образование беруге ол да – пайдалы іс, екінші – назначение бірлөн болған болыстар халыққа міндетті болмас еді, ұлықтарға міндетті болар еді. Уа және назначение қылғанда тергеуі, сұрауы барлығына қарамаса, өтірік арыз берушілер азаяр еді, бәлки

<sup>1</sup> Білім.

<sup>2</sup> Қызметке тағайындау.

жоғалар еді. Уа және өрбір болыс елде старшина басы бір би сайланғандық, бұл халыққа көп залал болғандығы көрініп, сыйналып білінді. Бұл билік деген біздің қазақ ішінде өрбір сайланған кісінің қолынан келмейді. Бұған бұрынғы Қасым ханның «Қасқа жолы», Есім ханның «Ескі жолын», Өз Тәуке ханның «Құлтөбенің басында күнде кеңес» болғанда «Жеті жарғысын»<sup>1</sup> білмек керек. Өм, ол ескі сөздердің қайсысы заман өзгергендікпенен ескіріп, бұл жаңа заманға келіспейтүғын болса, оның орнына татымды толық билік шығарып, төлеу саларға жараптық кісі болса керек еді, ондай кісі аз, яки тіпті жоқ.

Бұрынғы қазақ жайын жақсы білген адамдар айтыпты: «Би екеу болса, дау төртеу болады» деп. Оның мәнісі – тақ болмаса, жұп билер таласып, дау көбайте береді дегенмен айтылған сөз. Өйтіп би көбейткенше, өрбір болыс елден толымды-білімді үш-ақ кісі билікке жыл кесілмей сайланса, олар түссе, жаманышылығы әшкере білінгендікпенен түссе, әйтпесе түспесе. Ол билерге даугер адамдар қарамай, екеуі екі кісіні билікке таңдал алып, үстіне біреуді посредникке<sup>2</sup> сайлап алып, біте берсе, егер оған да ынтымақтаса алмаса, бағанағы үш бидің біреуін алып, яки жеребемен сайлап алып жүгінсе, сонда дау ұзамай бітім болар еді.

### ТӨРТИНШІ СӨЗ

Өрбір байқаған адам білсе керек: күлкі өзі бір мастық екенін, өрбір мас кісіден ғафил көп өтетүғынын да, өрбір мастың сейлекен кезінде бас ауыртатүғынын. Бұлай болғанда, күлкіге салынған кісі не шаруадан, не ақылдан, не ұят келерлік

<sup>1</sup> Тәуке ханның зан жинағы.

<sup>2</sup> Араға жүруші адам.

істен құр, ғафил көп өткізіп отыrsa керек. Осындағ  
ғафилдік көп өткізіп, елемеген кісінің не дүниеде,  
не ахиретте басы бір ауырмай қалмаса керек.

Әрбір уайым-қайғы ойлағыш кісі не дүние ша-  
руасына, не ахирет шаруасына өзгеден жинақырақ  
болса керек. Әрбір жинақылықтың түбі кеніш болса  
керек. Енді олай болғанда, үнемі уайым-қайғыменен  
жүре аламыз ба? Үнемі уайым-қайғыға жан шыдай  
ма екен? Үнемі күлмей жүре аламыз ба, үнемі күлмей  
жүруге жан шыдай ма екен? Жоқ, мен үнемі уайым-  
қайғыменен бол демеймін. Уайым-қайғысыздығыңа  
уайым-қайғы қылдағы, сол уайым-қайғысыздықтан  
құтыларлық орынды харекет табу керек һәм қылу  
керек. Әрбір орынды харекет өзі де уайым-қайғыны  
азайтады, орынсыз күлкіменен азайтпа қайғыны,  
орынды харекетпен азайт!

Шығар есігін таба алмай, уайым-қайғының  
ішіне кіріп алып, қамалып қалмақ, ол өзі де – бір  
антүргандық және әрбір жаман кісінің қылышына  
кулсен, оған рақаттанып күлме, ыза болғаныңдан  
кул, ызалы күлкі өзі де – қайғы. Ондай күлкіге  
үнемі өзің де салынбассың, әрбір жақсы адамның  
жақсылық тапқанына рақаттанып күлсен, оның  
жақсылықты жақсылығынан тапқандығын ғибрат  
көріп күл. Әрбір ғибрат алмақтың өзі де мастыққа  
жібермей, уақытымен тоқтатады. Көп күлкінің  
бәрін де мақтағаным жоқ, оның ішінде бір күлкі бар-  
ау – құдай жаратқан орныменен іштен, көкірекten  
келмейді, қолдан жасап, сырты менен бет-аузын  
түзеп, бай-бай күлкінің өнін сөндеп, әдемішлік  
үшін құлетін бояма күлкі.

Адам баласы жылап туады, кейіп өледі. Екі ор-  
тада бүл дүниенің рақатының қандай екенін білмей,  
бірін-бірі аңдып, біріне-бірі мақтанып, есіл өмірді  
ескерусіз, босқа, жарамсыз қылышпен, қор етіп  
өткізеді де, таусылған күнінде бір күндік өмірді бар  
малына сатып алуға таба алмайды.

Құлық саумақ, көз сүзіп, тіленіп, адам саумақ – өнерсіз иттің ісі. Өуел құдайға сиынып, екінші өз қайратыңа сүйеніп еңбегінді сау, еңбек қылсаң, қара жер де береді, құр тастамайды.

## БЕСІНІШ СӨЗ

Көкірек толған қайғы кісінің өзіне де билетпей, бойды шымырлатып, буынды құртып, я көзден жас болып ағады, я тілден сөз болып ағады. Қазақтар: «Ә, құдай, жас баладай қайғысыз қыла көр!» деп тілек тілегенін өзім көрдім. Онысы жас баладан гөрі өзі есті кісі болып, ескермес нәрсесі жоқсып, қайғылы кісі болғансығаны. Қайғысы не десен, мақалдарынан танырысың: «Тұстік өмірің болса, күндік мал жи», «Өзінде жоқ болса, өкең де жат», «Мал – адамның бауыр еті», «Малдының беті – жарық, малсызың беті – шарық», «Ер азығы мен бөрі азығы жолда», «Ердің малы елде, еріккенде қолда», «Берген перде бұзар», «Алаған қолым – береген», «Мал тапқан ердің жазығы жоқ», «Байдан үмітсіз – құдайдан үмітсіз», «Қарның ашса, қаралы үйге шаш», «Қайраңы жоқ көлден без, қайыры жоқ елден без» деген осындаі сөздері көп, есепсіз толып жатыр.

Бұл мақалдардан не шықты? Мағлұм болды: қазақ тыныштық үшін, ғылым үшін, білім үшін, өділет үшін қам жемейді еken, бірақ мал үшін қам жейді еken, ол малды қалайша табуды білмейді еken, бар білгені малдыларды алдаң, мақтап алмақ еken, бермесе оныменен жауласпақ еken, егер малды болса, өкесін жаулауды да ұят көрмейді еken. Өйтіеүір үрлық, құлық-сүмдық, тіленшілік, соған ұқсаған қылықтың қайсысын болса да қылып мал тапса, жазалы демесек керек еken.

Бұларының жас баланың ақылынан несі артық? Бірақ, жас бала қызыл ошақтан қорқушы еді, бұлар

тозақтан да қорықпайды екен. Жас бала үялса, жерге ене жаздаушы еді, бұлар неден болса да үялмайды екен. Сол ма артылғаны? Қолымыздагыны үлестіріп талатпасақ, біз де өзіндей болмасақ, безеді екен. Іздеген еліміз сол ма?

## АЛТЫНШЫ СӨЗ

Қазақтың бір мақалы: «Өнер алды – бірлік, ырыс алды – тірлік» дейді. Бірлік қандай елде болады, қайтсе тату болады – білмейді. Қазақ ойлайды: бірлік ат ортақ, ас ортақ, киім ортақ, дәулет ортақ болса екен дейді. Олай болғанда байлықтан не пайда, кедейліктен не залал? Ағайын құрымай мал іздене не керек? Осы ма бірлік? Жоқ, бірлік – ақылға бірлік, малға бірлік емес. Малыңды беріп отырсан, атасы басқа, діні басқа, күні басқалар да жалданып бірлік қылады. Бірлік малға сатылса антүргандықтың басы осы. Ағайын алмай бірлік қылса керек, сонда өркім несібесін құдайдан тілейді, өйтпесе құдайдан тілемейді, шаруа іздемейді. Өуел біріне-бірі пәле іздейді. Не тұсін, не ажарын, не өкпесін бұлдаш, ол болмаса, бір пәле салып, қорғалатып, өйтеуір бірін-бірі алдаудың амалын іздеседі. Мұның қай жерінен бірлік шықты?

«Ұрыс алды – тірлік» дейді, ол қай тірлік? Ол осы жан қеудеден шықпағандық па? Жоқ, ондай тірлік итте де бар. Ондай тірлікті қымбат көріп, бұлдаған адам өлімді жау көріп, ахиретке дүшпан болады. Жанын қорғалатып, жаудан қашып, қорқақ атанып, еңбек қылудан, қызмет қылудан қашып, еріншек атанып, дүниеде өлгі айтылған ырысқа дүшпан болады. Ол айтқан тірлік олар емес. Қекірегі, қөңілі тірі болса, соны айтады. Өзің тірі болсаң да, қекірегің өлі болса, ақыл табуга сөз ұға алмайсын. Адал еңбекпен ерінбей жүріп мал табуга жігер қыла алмайсың.

Кеселді жалқау, қылжақбас,  
Өзір тамақ, өзір ас,  
Сыртың – пысық, ішің – нас,  
Артын ойлап үялмас, –  
болып жүріп, тірімін деме, онан да Алла жіберген  
ақ бүйрықты өлімнің өзі артық.

### ЖЕТИНІШІ СӨЗ

Жас бала анадан туғанда екі түрлі мінезben туады. Біреуі – ішсем, жесем, ұйықтасам деп түрады. Бұлар – тәннің құмары, бұлар болмаса, тән жанға қонақ үй бола алмайды, һәм өзі өспейді, қуат таппайды. Біреуі білсем екен демеклік. Не көрсе соған талпынып, жалтыр-жұлтыр еткен болса, оған қызығып, аузына салып, дәмін татып қарап, тамағына, бетіне басып қарап, сырнай-керней болса, дауысына ұмтылып, онан ержетіңкірегенде ит үрсе де, мал шулласа да, біреу құлсе де, біреу жыласа да тұра жүгіріп, «ол немене?», «бұл немене?» деп, «ол неге үйтеді?», «бұл неге бүйтеді?» деп, көзі көрген, құлағы естігеннің бәрін сұрап, тыныштық көрмейді. Мұның бәрі – жан құмары, білсем екен, көрсем екен, үйренсем екен деген.

Дүниенің көрінген һәм көрінбеген сырын түгелдеп, ең болмаса денелеп білмесе, адамдықтың орны болмайды. Оны білмеген соң ол жан адам жаны болмай, хайуан жаны болады. Әзелде құдай тағала хайуанның жанынан адамның жанын ірі жаратқан, сол әсерін көрсетіп жаратқаны. Сол қуат жетпеген, ми толмаған ессіз бала күндегі «бұл немене, ол немене?» деп, бір нәрсені сұрап білсем екен дегенде, үйқы, тамақ та есімізден шығып кететүғын құмарымызды, ержеткен соң, ақыл кіргенде, орнын тауып ізденіп, кісісін тауып сұранып, ғылым тапқандардың жолына неге салмайды екеміз?

Сол өрістетіп, өрісімізді ұзартып, құмарланып жиған қазынамызды көбейтсек керек, бұл жанның тاماғы еді. Тәннен жан артық еді, тәнді жанға бас үргызыса керек еді. Жоқ, біз олай қылмадық, ұзактай шулап, қарғадай барқылдаپ, ауылдағы боқтықтан ұзамадық. Жан бізді жас күнімізде билеп жүр екен. Ержеткен соң, күш енген соң, оған билетпедік. Жанды тәнге бас үргызыдық, еш нәрсеге көңілменен қарамадық, көзбен қарамадық, көніл айтып тұрса сенбедік. Көзбен көрген нәрсенің де сыртын көргенге-ақ тойдық. Сырын қалай болады деп көңілге салмадық, оны білмеген кісінің неси кетіпті дейміз. Біреу айтса да, үқпаймыз. Біреу ақыл айтса: «Өз білгенің – өзіңе, өз білгенім – өзіме», «кісі ақылымен бай болғанша, өз ақылыңмен жарлы бол» деген дейміз, артығын білмейміз, айтып тұрса үқпаймыз.

Көкіректе сөуле жоқ, көңілде сенім жоқ. Құр көзбенен көрген біздің хайуан малдан неміз артық? Қайта бала күнімізде жақсы екенбіз. Білсек те, білмесек те, білсек екен деген адамның баласы екенбіз. Енді осы күнде, хайуаннан да жаманбыз. Хайуан білмейді, білемін деп таласпайды. Біз түк білмейміз, біз де білеміз деп надандығымызды білімділікке бермей таласқанда, өлер-тірілерімізді білмей, күре тамырымызды адырайтып кетеміз.

### СЕГІЗИНШІ СӨЗ

Осы ақылды кім үйренеді, насихатты кім тыңдайды?

Біреу – болыс, біреу – би. Олардың ақыл үйренийін, насихаттың деген ойы болса, ол орынға сайланып та жүрмес еді. Олар өздері де оздық кісіміз, өзіміз біреуге улгі беріп, ақыл айтамыз деп сайланды. Өздері түзеліп жеткен, енді елді түзерлігі-ақ қалған. Ол не қылыштың тыңдасын жөне

тыңдайын десе де қолы тие ме? Басында өзіндік жұмысы бар: ұлығымыздың жазалы болып қаламыз ба, яки елдегі бұзақыларымызды бүліндіріп аламыз ба, яки халқымызды бүлдіріп аламыз ба, яки өзіміз шығындаш, шығынымызды толтыра алмай қаламыз ба? – деген ебіне қарай біреуді жетілтейін, біреуді құтылтайын деген бейнетінің бәрі басында, қолы тимейді.

Байлар, олар өздері де бір күн болса да, дәулет қонып, дүниенің жарымы басында тұр. Өзінде жоқты малыменен сатып алады. Қөңілдері кекте, көздері аспанда, адалдық, арамдық, ақыл, ғылым, білім – еш нәрсе малдан қымбат демейді. Мал болса құдай тағаланы да даралап алса болады дейді. Оның діні, құдайы, халқы, жұрты, білім-ұяты, ары, жақыны, бәрі – мал. Сөзді қайтіп үқсын, үғайын десе де, қолы тие ме? Ол малды суармақ, тойғызыбақ, саудасын жимақ, құзеттірмек, бақтырмак, ұры-бәрі, қыс, сұық-сұғанақ – солардан сақтанбақ, солардан сақтарлық кісі таппақ. Оның бәрін жайғастырып, аяғын алып келіп, мақтанға орналастырганша қашан? Қолы тимейді.

Енді ұры-залым, сүм-сүркия өзі де тыңдамайды. Онша-мұнша қой жүнді қоңыршылар күнін де көре алмай жүр. Аналар андай болып тұрғанда, білім, ғылым, ақылды не қылсын? Және де білім, ғылым кедейге керегі жоқтай-ақ: «Візді не қыласың, ана сөзді үғарлықтарға айт!» дейді. Оның өзгеменен ісі жоқ, ана алдындағы үшеуіндей болған жанның ойында ешбір қайғысы, мұны болмаса керек.

## ТОҒЫЗЫНШЫ СӨЗ

Осы мен өзім – қазақтын. Қазақты жақсы көрем бе, жек көрем бе? Егер жақсы көрсем, қылыштарын қостасам керек еді. Уа, өрнешік бойларынан адам жақсы көрерлік, я көңілге тиянақ қыларлық бір

нәрсе тапсам керек еді. Соны не үміт үзбестікке, не онысы болмаса, мұнысы бар ғой деп, көңілге қуат қылуға жаратсам керек еді, ондайым жоқ. Егер жек көрсем – сөйлеспесем, мәжілістес, сырлас, кеңестес болмасам керек еді, тобына бармай, «не қылды, не болды?» демей жату керек еді, ол мүмкін болмаса, бұлардың ортасынан көшіп кету керек еді. Бұларды жәндеймін деуге, жөнделер, үйренер деген үмітім де жоқ. Бұлардың бірі де жоқ. Бұл қалай? Бұл айтқаның бірін тұттай болмас еді.

Мен өзім тірі болсам да, анық тірі де емеспін. Әншнейін осылардың ызасынан ба, өзіме-өзім ыза болғанымнан ба, яки бөтен себептен бе, – білмеймін. Сыртым сау болса да ішім өліп қалыпты. Ашулан-сам, ызалана алмаймын. Құлсем қуана алмаймын, сөйлегенім өз сөзім емес, күлгенім өз күлкім емес, бәрі де әлдекімдікі. Қайратты күнімде қазақты қиып бөтен жаққа кетпек түгіл, өзін жақсы көріп, үміт етіп жүріппін. Қашан өбден біліп, үмітімді үзген кезде, өзге жаққа барып, жатты өз қылып, үйір боларлық қайрат, жалын сөніп те қалған екен. Сол себептен бір жүрген құыс қеудемін. Тегінде ой-лаймын: бұ да жақсы, өлер кезде «әттеген-ай, сондай, сондай қызықтарым қалды-ау!» деп қайғылы болмай, алдыңғы тілеу болмаса, артқа алаң болмай өлуге.

## ОНЫНШЫ СӨЗ

Біреулер құдайдан бала тілейді. Ол баланы не қылады? Өлсем орнымды бассын дейді, артымнан құран оқысын дейді, қартайған күнімде асырасын дейді. Осыдан басқасы бар ма?

Балам орнымды бассын демек не сөз? Өзіңнен қалған дүние иесіз қалар дейсің бе? Қалған дүниенің қамын сен жемек пе едің? Өліп бара жатқанда өзгеден қызғанып айтқаның ба? Өзгеге қимайтұғын сениң не

қылған артықша орның бар еді? Баланың жақсысы – қызық, жаманы – күйік, не түрлі боларын біліп сұрадың? Дүниеде өзінің көрген қорлығың аз болды ма? Өзінің қылған иттігің аз болды ма? Енді бір бала туғызып, оны да ит қылуға, оған да қорлық көрсетуге мүншә неге құмар болдың?

Артымнан балам құран оқысын десен, тіршілікте өзінің жақсылық қылған кісің көп болса, кім құран оқымайды? Жаманышылықты көп қылсан, балаңның құраны неге жеткізеді? Тіршілікте өзің қылмаған істі, өлген соң саған балаң көсіп қылышп бере ала ма? Ахирет үшін бала тілегенің – балам жасында өлсін дегенің. Егерде ержетсін десен, өзі ержетіп, ата-анасын тұзактан құтқараптың бала қазактан туа ма екен? Ондай баланы сендей өкө, сенің еліндей ел асырап өсірмек пе екен?

Қартайғанда асырасын десен, о да – бір бос сез. Әуелі – өзің қаруың қайтарлық қартаюға жетемісің, жоқ па? Екінші – балаң мейірімді болышп, асыраптың болышп туа ма, жоқ па? Үшінші – малың болса, кім асырамайды? Малың жоқ болса, қай асырау толымды болады? Баланың мал табарлық болары, мал шашарлық болары – ол да екіталай. Хош, құдай тағала бала берді, оны өзің жақсы асырай білесің бе? Білмейсің, бұрынғы өз күненді өзің көтергеніңменен түрмай, балаңның күнөсіне тағы да ортақ боласың. Әуел баланды өзің алдайсың: «Өне, оны берем, міне, мұны берем» деп. Бастан баланды алдағаныңа бір мәз боласың. Соңыра балаң алдамшы болса, кімнен көресің? «Боқта!» деп, біреуді боқтатып, «кәпірқияңқы, осыған тимендерші» деп, оны мазаттандырып, әбден тентектікке үйретіп қойышп, сабаққа бергенде, қу, сүм бол деп, «пәленшениң баласы сені сыртынан сатып кетеді» деп, тірі жанға сендірмей, жат міnez қылышп, осы ма берген тәлімің? Осы баладан қайыр күтесің бе?

Жөне мал тілейсіндер, неге керек қылайын деп тілейсіндер? Өуелі, құдайдан тілеймісін? Тілейсін. Құдай берді, бергенін алмайсың. Құдай тағала саған еңбек қылып мал табарлық қуат берді. Ол қуатты халал кәсіп қыларлық орынға жұмсаймысың? Жұмсамайсың. Ол қуатты орнын тауып сарып қыларды білерлік ғылым берді, оны оқымайсың. Ол ғылымды оқыса, үғарлық ақыл берді, қайда жібергенінді кім біледі? Ерінбей еңбек қылса, түңілмей іздесе, орнын тауып істесе, кім бай болмайды? Оның саған керегі жоқ. Сенікі – біреуден қорқытып алсаң, біреуден жалынып алсаң, біреуден алдаң алсаң болғаны, іздеңенің – сол.

Бұл – құдайдан тілеген емес. Бұл – абыройын, арын сатып, адам жаулағандық, тіленшілік. Хош, сөйтіп жүріп-ақ мал таптың, байыдың. Сол малды сарып қылып, ғылым табу керек. Өзіңе табылмаса балаң тапсын. Ғылымсыз ахирет те жоқ, дүние де жоқ. Ғылымсыз оқыған намаз, тұтқан руза, қылған қаж ешбір ғибадат орнына бармайды. Ешбір қазақ көрмедім, малды иттікпен тапса да, адамшылықпен жұмсаған. Бәрі де иттікпен табады, иттікпенен айырылады. Бейнет, күйігі, ызасы – сол үшеуінен басқа еш нәрсе бойында қалмайды. Барында баймын деп мақтанады. Жоғында «маған да баяғыда мал бітіп еді» деп мақтанады. Кедей болған соң тағы қайыршылыққа түседі.

## ОН БІРІНШІ СӨЗ

Осы елдің үнем қылып жүргені немене? Екі нәрсе. Өуелі – ұрлық. Ұры ұрлықпен мал табам деп жүр. Мал иесі артылтып алыш тағы да байимын деп жүр. Ұлықтар алыш берем деп, даугерді жеп, құтқарам деп ұрыны жеп жүр. Қарапайым жұрт ұрлық айтып мал алам деп, ұрыға атымды сатып «пайдаланам» деп, не өткізбесін арзанға түсіріп

алам деп жүр. Екінші – бұзақылар біреудің ойында жоқ пәлені ойына салып, бүйтсең бек боласын, бүйтсең көп боласың, бүйтсең кек аласың, мықты атанасың деп, ауқаттыларды азғырғалы өлеқ болып жүр. Кім азса мен соған керек боламын деп, к... қыздырып алып, өзін біраз ғана азық қылайын деп жүр.

Ұлықтар «пәлі-пәлі», бұл табылған ақыл екен, мен сені бүйтіп сүйеймін деп, ананы жеп, сені бүйтіп сүйеймін деп, мынаны жеп жүр. Қара халық менің сонша үйім бар, сонша ауыл таяғынды соғайын, дауынды айтайын деп, қай көп бергенге партиялас боламын деп, құдайға жазып, жатпай-тұрмай салып жүріп басын, ауылын, қатын, баласын сатып жүр. Осы бір ұры, бұзақы жоғалса, жұртқа ой да түсер еді. Шаруа да қылар еді. Бай барын бағып, кедей жоғын іздел, ел секілденіп талапқа, тілеуге кірісер еді. Енді жұрттың бәрі осы екі бұлік іске ортақ, мұны кім түзейді? Анттың, серттің, адалдықтың, ұяттың бір тоқтаусыз кеткені ме? Ұрыны тыю да оңай болар еді, бірақ осы бұзақының тіліне еретүғын, азатұғын байларды кім тыяды?

## ОН ЕКІНШІ СӨЗ

Кімде-кім жақсы дүр, жаман дүр ғибадат қылыш жүрсе, оны ғибадаттан тыюға аузымыз бармайды, өйтеуір жақсылыққа қылған ниеттің жамандығы жоқ қой дейміз. Ләкин сондай адамдар толымды ғибадатқа ғылымы жетпесе де, қылса екен. Бірақ оның екі шарты бар, соны білсе екен. Өуел – иманның иғтиқатын<sup>1</sup> мажкамлемек<sup>2</sup> керек, екінші – үйреніп жеткенше осы да болады ғой демей, үйрене берсе керек. Кімде-кім үйреніп жетпей жа-

---

<sup>1</sup> Нану, сену.

<sup>2</sup> Берік, мықты, сенімді.

тып, үйренгенін қойса, оны құдай үрды, ғибадаты ғибадат болмайды. Уа ләкин, кімде-кім иман неше нәрсе бірлән көмәлат табатұғының уа неше жерден бұзылатұғының білмей, басына шалма орап, бірәдар атын көріп, рузашыл, намазшыл болып жүргені қөңілге қалың бермей тұрып жырттысын салғанға ұқсайды. Құзетшісіз, ескерусіз иман түрмайды, ықыласымен өзін-өзі аңдып, шын діни шыншылдан жаны ашып тұрмаса, салғырттың иманы бар деп болмайды.

### ОН ҮШІНШІ СӨЗ

Иман деген – Алла табарака уатағаланың<sup>1</sup> шәриксіз<sup>2</sup>, ғайыпсыз бірлігіне, барлығына уа һәр иеге бізге пайғамбарымыз саллала Аллаңу һалайғи уа саллам<sup>3</sup> арқылы жіберген жарлығына, білдіргеніне мойынсұнып, инанмақ. Енді бұл иман дерлік инануға екі түрлі нәрсе керек. Әуел не нәрсеге иман келтірсе, соның хақтығына ақылы бірлән дәлел жүргізерлік болып ақылы дәлел испат<sup>4</sup> қыларға жараса, мұны якини иман<sup>5</sup> десек керек. Екінші – кітаптан оқу бірлән яки молдалардан есту бірлән иман келтіріп, сол иман келтірген нәрсесіне соншалық беріктік керек. Біреу өлтіремін деп қорқытса да, мың кісі мың түрлі іс көрсетсе де, соған айнып қөңіл қозғалмластай берік боларға керек. Бұл иманды иман таклиди<sup>6</sup> дейміз.

Енді мұндай иман сақтауға қорықпас жүрек, айнымас қөңіл, босанбас буын керек екен. Якини иманы бар деуге ғылымы жоқ, таклиди иманы бар деуге беріктігі жоқ, я алдағанға, я азғырғанға, я

<sup>1</sup> Ұлы тәңірі, құшті құдай.

<sup>2</sup> Қатысусыныз.

<sup>3</sup> Алла оған батасын беріп қош алсын.

<sup>4</sup> Дәлелдеу, дәлелмен бекіту.

<sup>5</sup> Шын иман.

<sup>6</sup> Дәстүрлі сенім.

бір пайдаланғанға қарап, ақты қара деп, я қараны ақ деп, я өтірікті шын деп ант ететүғын кісіні не дейміз? Құдай тағала өзі сақтасын. Уа өрнешік білмек керек, жоғарғы жазылмыш екі түрліден басқа иман жоқ. Иманға қарсы келерлік орында ешбір пенде құдай тағала кеңшілігімен кешеді-дағы демесін, аның үшін құдай тағаланың ғафуына<sup>1</sup>, яки пайғамбарымыздың шағағатына сыймайды уа мүмкін де емес. «Қылыш арасында серт жоқ» деген, «Құдай тағаланың кешпес күнөсі жоқ» деген жалған мақалды қуат көрген мұндай пенденің жүзі құрысын.

## ОН ТӨРТІНШІ СӨЗ

Тірі адамның жүректен аяулы жері бола ма? Біздің қазақтың жүректі кісі дегені – батыр дегені. Онан басқа жүректің қасиеттерін анықтап білмейді. Рақымдылық, мейірбандылық, уа өрбір түрлі адам баласын өз бауырым деп, өзіне ойлағандай ойды оларға да болса игі еді демек, бұлар – жүрек ісі, асықтық та – жүрек ісі. Тіл жүректің айтқанына көнсе, жалған шықпайды. Амалдың тілін алса, жүрек ұмыт қалады. Біздің қазақтың «жүректің» мақтауға сыймайды. Айтқанға көнгіш, уағдада түрғыш, бойын жаманшылықтан тез жиып алғыш, көштің соңынан итше ере бермей, адасқан көптің атының басын бұрып алуға жараган, әділетті ақыл мойындаған нөрсеге, қыын да болса, мойындау, әділетті ақыл мойындаған нөрсеге, оңай да болса, мойындаамау – ерлік, батырлық осы болмаса, қазақтың айтқан батыры – өншейін жүректі емес, қасқыр жүректі деген сөз.

Қазақ та адам баласы ғой, көбі ақылсыздығынан азбайды, ақылдының сөзін үғып аларлық жүректе

---

<sup>1</sup> Кешу, кешіру.

жігер, қайрат, байлаулылықтың жоқтығынан азады. Білмestігімнен қылдым дегеннің көбіне нанбаймын. Білімді білсе де, арсыз қайратсыздығынан ескермей, ұстамай кетеді. Жаманшылыққа бір ілігіп кеткен соң, бойын жиып алып кетерлік қайрат қазақта кем болады. Осы жүрттың көбінің айтып жүрген мықты жігіт, ер жігіт, пысық жігіт деп ат қойып жүрген кісілерінің бәрі – бөлеге, жаманшылыққа еліртпек үшін, бірін-бірі «айда батырлап!» қыздырып алады да, артын ойлатпай, азғыратуғын сөздері. Әйтпесе, құдайға терістікten, не ар мен ұятқа терістікten сілкініп, бойын жиып ала алмаған кісі, үнемі жаманшылыққа, мақтанға салынып, өз бойын өзі бір тексермей кеткен кісі, төуір түгіл, өуелі адам ба өзі?

## ОН БЕСІНШІ СӨЗ

Ақылды кісі мен ақылсыз кісінің, менің білуімшe, бір белгілі парқын көрдім.

Өуел – пенде адам болып жаратылған соң, дүниеде ешбір нәрсені қызық көрмей жүре алмайды, сол қызықты нәрсесін іздейген кезі өмірінің ең қызықты уақыты болып ойында қалып. Сонда есті адам, орынды іске қызығып, құмарланып, іздейді екен-дағы, күнінде айтса құлақ, ойласа көңіл сүйсінгендей болады екен. Оған бұл өткен өмірдің өкініші де жоқ болады екен. Есер кісі орнын таппай, не болса сол, бір баянсыз, бағасыз нәрсеге қызығып, құмар болып, өмірінің қызықты, қымбатты шағын ит қорлықпен өткізіп алады екен-дағы, күнінде өкінгені пайда болмайды екен. Жастықта бұл қызықтан соң және бір қызық тауып алатын кісімсіп, жастығы тозбастай, буыны босамастай көріп жүріп бірер қызықты қуғанда-ақ мойны қатып, буыны құрып, екінші талапқа қайрат қылуға жарамай қалады екен. Үшінші – әрбір нәрсеге қызықпақтық. Ол өзі

бойға құмарлық пайда қылатын нәрсе еken. Әрбір құмарлық өзіне бір түрлі дерт болады еken, уа әрбір құмар болған нәрсеге жеткенде, яки әне-міне, же-тер-жетпес болып жүргенде, бір түрлі мастық пайда болады еken.

Әрбір мастық бойдан оғатты көп шығарып, ақылдың көзін байлап, төңіректегі қараушылардың көзін ашып, «ананы, мынаны» дегізіп, бойды сынататұғын нәрсе еken. Сол уақытта есті кісілер үлкен есі шықпай, ақылды қолдан жібермей, бойын сынатпай жүріп ізденеді еken. Есер кісі ер-тоқымын тастап, беркі түсіп қалып, етегі атының к...н жауып кетіп, екі көзі аспанда, жынды кісіше шаба беруді біледі еken, соны көрдім.

Егерде есті кісілердің қатарында болғың келсе, күнінде бір мәртебе, болмаса жұмасында бір, ең болмаса, айында бір, өзіңнен өзің есеп ал! Сол алдыңғы есеп алғаннан бергі өмірінді қалай өткіздің еken, не білімге, не ахиретке, не дүниеге жарамды, күнінде өзің өкінбестей қылышпен өткізілпісің? Жоқ, болмаса, не қылышпен өткізгенінді өзің де білмей қалышпсың?

## ОН АЛТЫНШЫ СӨЗ

Қазақ құлшылығым құдайға лайықты болса еken деп қам жемейді. Тек жұрт қылғанды қылышп, жығылып тұрса болғаны. Саудагер несиесін жия келгенде, «тапқаным осы, біттім деп, алсаң – ал, өйтпесе саған бола жерден мал қазамын ба?» дейтүғыны болушы еді ғой. Құдай тағаланы дәл сол саудагердей қыламын дейді. Тілін жаттықтырып, дінін тазартып, ойланып, үйреніп өлек болмайды. «Білгенім осы, енді қартайғанда қайдан үйрене алайын» дейді. «Оқымадың демесе болад-тағы, тілімнің келмегенін қайтушы ед» дейді. Оның тілі өзге жүрттан бөлекше жаратылып па?

## ОН ЖЕТИНШІ СӨЗ

Қайрат, ақыл, жүрек үшеуі өнерлерін айтысып, таласып келіп, ғылымға жүгініпті. Қайрат айтыпты: Ей, ғылым, өзің білесің ғой, дүниеде еш нәрсе менсіз көмелетке жетпейтүғынын; өуел өзінді білуге, ерінбей, жалықпай үйрену керек, ол менің ісім, құдайға лайықты ғибадат қылып, ерінбей, жалықпай орнына келтірмек те – менің ісім. Дүниеге лайықты өнер, мал тауып, абұйыр, мансапты еңбексіз табуга болмайды. Орынсыз, болымсыз нәрсеге үйір қылмай, бойды таза сақтайтүғын, құнекірлікten, көрсе қызар жеңілдіктен, нәпсі шайтанның азғыруынан құтқаратүғын, адасқан жолға бара жатқан бойды қайта жиғызып алатүғын мен емес пе? Осы екеуі маған қалай таласады? – депті.

Ақыл айтыпты: Не дүниеге, не ахиретке не пайдалы болса, не залалды болса, білетүғын – мен, сенің сөзінді ұғатүғын – мен, менсіз пайданы іздей алмайды еken, залалдан қаша алмайды еken, ғылымды ұғып үйрене алмайды еken, осы екеуі маған қалай таласады? Менсіз өздері неге жарайды? – депті.

Онан соң жүрек айтыпты: Мен – адамның денесінің патшасымын, қан менен тарайды, жан менде мекен қылады, менсіз тіршілік жоқ. Жұмсақ төсекте, жылы үйде тамағы тоқ жатқан кісіге төсексіз кедейдің, тоқып жүрген киімсіздің, тамақсыз аштың күй-жәйі қандай болып жатыр еken деп ойлатып, жанын аштыып, үйқысын ашылтып, төсегінде дөңбекшітетүғын – мен. Улкеннен үят сақтап, кішіге рақым қылдыратын – мен, бірақ мені таза сақтай алмайды, ақырында қор болады. Мен таза болсам, адам баласын алаламаймын: жақсылыққа елжіреп, еритүғын – мен, жаманышылықтан жиреніп, туласап кететүғын – мен, әділет, нысанап, үят, рақым, мейірбанышылық дейтүғын нәрселердің бәрі менен

шығады, менсіз осылардың көрген күні не? Осы екеуі маған қалай таласады? – депті.

Сонда ғылым бұ үшеуінің сөзін тыңдал болып, айтыпты:

– Ей, қайрат, сенің айтқаныңың бәрі де рас. Ол айтқандарыңнан басқа да көп өнерлеріңнің бары рас, сенсіз болмайтұғыны да рас, бірақ қаруыңа қарай қаттылығың да мол, пайдаң да мол, залалың да мол, кейде жақсылықты берік ұстап, кейде жамандықты берік ұстап кетесің, соның жаман, – депті.

– Ей, ақыл! Сенің айтқандарыңың бәрі де рас. Сенсіз еш нәрсе табылмайтұғыны да рас. Жаратқан тәңіріні де сен танығасың, жаралған екі дүниенің жайын да сен білесің. Бірақ сонымен тұрмайсың, амал да, айла да – бәрі сенен шығады. Жақсының, жаманың – екеуінің де сүйенгені сен; екеуінің де іздегенін тауып беріп жүрсің, соның жаман, – депті.

– Сен үшеуіңнің басынды қоспақ – менің ісім, – депті. Бірақ сонда билеуші, өмірші жүрек болса жарайды. Ақыл, сенің қырың кең, жүрек сенің ол көп қырыңа жүрмейді: Жақсылық айтқаныңа жаны-діні құмар болады. Көнбек түгіл қуанады. Жаманшылық айтқаныңа ермейді. Ермек түгіл жириңіп, үйден қуып шығарады. Қайрат, сенің қаруың көп, қүшің мол, сенің де еркіңе жібермейді. Орынды іске қүшінді аятпайды. Орынсыз жерге қолынды босатпайды. Осы үшеуің басынды қос, бәрін жүрекке билет, – деп үқтывып айтушының аты ғылым екен. – Осы үшеуің бір кісіде менің айтқанымдай табылсаңдар, табанының топырағы көзге сүртерлік қасиетті адам сол. Үшеуің ала болсан, мен жүректі жақтадым. Құдайшылық сонда, қалпынды таза сақта, құдай тағала қалпыңа өрдайым қарайды деп кітаптың айтқаны осы, – депті.

## ОН СЕГІЗІНШІ СӨЗ

Адам баласына жыртықсыз, кірсіз, сыпайы киініп, ھәм ол киімін былғап, былжыратып кимей, таза кимек – дұрыс іс. Ләкин өз дәuletінен артық киінбек, не киімі артық болмаса да көңіліне қуат түтып, тым айналдырмақ, – кербездің ісі.

Кербездің екі түрлі қылышы болады: бірі – бетпішінін, сақал-мұртын, мүшесін, жүріс-тұрысын, қас-қабағын қолдан түзеп, шынтағын көтеріп, қолын тарақтап өуре болмақ. Біреуі – атын, киімін «айран ішерім» деп, солардың арқасында сыпайы, жұғымды жігіт атанбаққа, өзінен ілгерілерге елеулі болып, өзі қатардың ішін құйдіріп, өзінен кейінгіге «әттең, дүние-ай, осылардың атындай ат мініп, киіміндей киім кигеннің не арманы бар екен?!» дейтүғын болмаққа ойланбақ.

Мұның бәрі – масқаралық, ақымақтық.

Мұны адам бір ойламасын, егерде бір ойласа, қайта адам болмағы қын іс. Кербез дегенді осындаі кер, керден немеден безіндер деген сөзге ұқсатмын. Тегінде адам баласы, адам баласынан ақыл, ғылым, ар, міnez деген нәрселермен озбақ. Онан басқа нәрселерменен оздым ғой демектің бәрі де – ақымақтық.

## ОН ТОҒЫЗЫНШЫ СӨЗ

Адам ата-анадан туғанда есті болмайды: естіп, көріп, ұстап, татып ескерсе, дүниедегі жақсы, жаманды таниды-дағы, сондайдан білгені, көргені көп болған адам білімді болады. Естілердің айтқан сөздерін ескеріп жүрген кісі өзі де есті болады. Әрбір естілік жеке өзі іске жарамайды. Сол естілерден естіп білген жақсы нәрселерін ескерсе, жаман дегеннен сақтанса, сонда іске жарайды, соны адам десе болады. Мұндай сөзді есіткенде жайқақтап,

шалғырттанып не салбырап, салғырттанып есітсе, не есіткен жерін қайта қайырып сұрап үгайын деп тұшынбаса, не сол жерде сөздің расына кезі жетсе де, шыға беріп қайта қалпына кетсе, естіп-есітпей не керек? Осындай сөз танымайтығын елге сөз айтқанша, өзінді танитуғын шошқаны баққан жақсы деп бір хакім айтқан еken, сол секілді сөз болады.

## ЖИЫРМАСЫНШЫ СӨЗ

Тағдырдың жарлығын білесіздер – езгерілмейді, Пәндеде бір іс бар жалығу деген. Ол – тағдырда адаммен бірге жаратылған нөрсе, оны адам өзі жора тапқан емес. Оған егер бір еліксе, адам баласының құтылмағы қиын. Қайраттанып, сілкіп тастап кетсөң де ақырында тағы келіп женеді. Ақылы түгел, ойлы адамның бір баласы байқаса осы адам баласының жалықпайтығын нөрсесі бар ма еken? Тамақтан да, ойыннан да, күлкіден де, мақтанинан да, кербездіктен де, тойдан да, топтан да, қатыннан да көнілі аз ба, көп пе жалығады. Аның үшін бәрінің гайыбын көреді, баянсызын біледі, көнілі бұрынғыдан да суи бастайды. Дүние бірқалыпты тұрмайды, адамның қуаты, ғұмыры бірқалыпты тұрмайды. Әрбір мақұлыққа құдай тағала бірқалыпты тұрмакты берген жоқ. Енді көніл қайдан бірқалыпты тұра алады?

Бірақ осы жалығу деген өрнені көрем деген, көп керген, дәмін, бағасын – бәрінің баянсызын біліп жеткен, ойлы адамнан шығады. Хаттаки ғұмырдың баянсызын, дүниенің әrbір қызығының ақырының шолақтығын көрген-білгендер тіршіліктен де жалықса болады. Бұлай болғанда ақымақтық, қайғысыздық та бір ғанибет еken деп ойлаймын.

## ЖИЫРМА БІРІНШІ СӨЗ

Аз ба, көп пе, адам баласы бір түрлі мақтаннан аман болмағы – қыын іс. Сол мақтан деген нәрсенің мен екі түрлісін байқадым: біреуінің атын ұлкендік деп атایмын, біреуін мақтаншақтық деймін. Ұлкендік – адам ішінен өзін-өзі бағалы есеп қылмақ. Яғни надан атанбастығын, женіл атанбастығын, мақтаншақ атанбастығын, әдепсіз, арсыз, байлаусыз, пайдасыз, сұрамشاқ, өсекші, өтірікші, алдамшы, кеселді – осындай жарамсыз қылықтардан сақтанып, сол мінездерді бойына қорлық біліп, өзін ондайлардан зор есептемек. Бұл мінез – ақылдылардың, арлылардың, артықтардың мінезі. Олар өзімді жақсы демесе, мейлі білсін, жаман дегізбесем еken деп азаптанады. Екінші, мақтаншақ деген біреуі: «демесін» демейді, «десін» дейді. Бай десін, батыр десін, қу десін, пысық десін, өрнешік не түрлі болса да, «десін» деп азаптанып жүріп, «демесінді» ұмытып кетеді. Ұмытпақ түгіл, өуелі іс еken деп ескермейді. Мұндай мақтаншақтардың өзі үш түрлі болады. Біреуі жатқа мақтанарлық мақтанды іздейді. Ол – надан, ләкин надан да болса адам. Екіншісі, өз елінің ішінде мақтанарлық мақтанды іздейді. Оның надандығы толық, адамдығы өбден толық емес. Үшіншісі, өз үйіне келіп айтпаса, яки ауылышағана келіп айтпаса, өзге кісі қостамайтын мақтанды іздейді. Ол – наданның наданы ләкин өзі адам емес.

Жатқа мақталсам еken деген елім мақтаса еken дейді. Еліме мақталсам еken деген ағайыным мақтаса еken дейді. Ағайынның ішінде өзі мақтау іздеген өзімді өзім мақтап жетем дейді.

## ЖИЫРМА ЕКІНШІ СӨЗ

Дәл осы күнде қазақтың ішінде кімді жақсы көріп, кімді қадірлейін деп ойладым.

Байды қадірлеймін десең бай жоқ. Бай болса өз басының, өз малының еркі өзінде жоқ. Кей бай өзі біреумен күш таластырамын деп, жұз кісіге қорғалауықтығынан жалынып, малын үлестіріп жүр. Ойлайды: жалынтып бердім деп. Ақымақтығынан. Жоқ, өзі жалынып беріп жүр. Қайыр да емес, мырзалық та емес, өз елімен, өз жерімен ойрандастып, ойсыздарға қойнын ашып, малын шашып жүр. Кей байлар, елдегі құттылар, сүттілер берекелесе алмаған соң, кеселді қулар көбейіп кетіп, көп қорқытып, іздеген нәрсесі жоқ, еріксіз кім болса соған жеміт болып жүр.

Мырзаларды қадірлейін десең, осы күнде анық мырза елде жоқ, мал бергіш мырза иттен көп. Біреу бір пайдама келтірем деп мырза болып жүр. Кейбіреуі к... не құрым киізді тұзға малишып тыққан соң есі шығып, мырза болып, еріксіз кім болса соған талтайып емізіп жүр.

Болыс пен биді құрметтейін десең құдайдың өзі берген болыстық пен билік елде жоқ. Сатып алған, жалынып, бас ұрып алған болыстық пенен биліктің ешбір қасиеті жоқ.

Мықтыны сыйлайын десең, жаманшылыққа елдің бәрі мықты, жақсылыққа мықты кісі елде жоқ.

Есті кісіні тауып құрметтейін десең, әділет, ұят, нысапқа есті кісі елде жоқ. Құлық, сұмдық, арамдық, амалға елдің бәрі де есті.

Фаріп-қасар бейшараны құрметтейін десең, жатқан түйеге міне алмаса да, ол момындыққа есеп емес. Егер мінерлік жайы болса, бірдемені ептең ілерлік те жайы бар.

Енді қалды ку мен сүм, олар өзі де қуартпай, сұалтпай тыныштық көрер емес.

Жә, кімдің сүйдік, кімнің тілеуін тіледік? Өзі құрттанып шашылған болыс-бiler тұра тұрысын. Әлбеттә, амал жоқ, момындығынан «Ырыс бақсан, дау бақпас» деген мақалмен боламын деп бергенімен жаға алмай, жарымын беріп, жарымын тыныштықпен баға алмай, үры, залым, қуларға жеміт болып жүрген шын момын байларды аямасаң, һәм соның тілеуін тілемесең болмайды. Сонан басқаны таба алмадым.

### ЖИЫРМА ҮШІНШІ СӨЗ

Біздің қазақты ондырмай жүрген бір қуаныш, бір жұбаныш бар.

Оның қуанышы: елде бір жаманды тауып, я бір адамның бұл өзі қылмаған жаманшылығы шықса қуанады. Айтады: құдай пөленшеден сақтасын, ода адаммын деп жүр ғой, оның қасында біз сәулелі кісінің бірі емеспіз бе, оған қарағанда мен таза кісі емеспін бе? – деп. Оған құдай тағала айтып па пөленшеден төуір болсаң болады деп? Я білгендер айтып па, өйтеір өзіңнен наданшылығы асқан, я жаманшылығы артылған кісі табылса, сен жаманға қосылмайсың деп? Жаманға салысып жақсы бола ма? Жақсыға салысып жақсы болад-тағы. Жұз ат бейгеге қосылса, мен бейге алдым деген сез болса жаарар, алдында неше ат бар деп сұрап, артында қалған ат нешеу деп сұрағаның несі сез? Мен бес аттан, он аттан ілгері едім дегеннің несі қуаныш?

Енді жұбанышы: жалғыз біз бе, елдің бәрі де сейтіп-ақ жүр ғой, көппен көрген ұлы той, көппен бірге болсақ болады-дағы деген сезді жұбаныш қылады. Оған құдай тағала айтып па, көптен қалмасаң болады деп, көпке қаһарым жүрмейді деп пе? Көпке тұзғым жетпейді деп пе? Фылым көпке

келіп пе? Біреуден тарап па? Хикмет көптен тарай ма? Бірден тарай ма? Көпке қорлық жүрмей ме? Жоқ, жарымы ауырып, жарымы сау болса, жеңіл тие ме? Жер білмеген көп адам адасып жүрсе, бір жер білетүғын кісінің керегі жоқ па еken? Көп кісі жолаушының бәрінің аты арығаны жақсы ма? Жоқ, жарымы арыса, жарымысының күйлісі жақсы ма? Жұт келсе, елдің бәрінің түгел жұтағаны жақсы ма? Жарым-жартысы аман қалғаны жақсы ма? Осы көп ақымақтың бір ақымаққа неси жұбаныш? Тұқымымызбен аузымыз сасық болушы еді деген жаман күйеу қалыңдығын жеңіл пе? Көнілін сол сезі разы қылуға жетіп пе? Ендеше, көбінен қалма, сен де аузыңды сасыта бер деп пе?!

### ЖИЫРМА ТӨРТИНШІ СӨЗ

Осы күнде жер жүзінде екі мың миллионнан көп артық адам бар, екі миллион\* қазақ бар. Біздің қазақтың достығы, дүшпандығы, мақтаны, мықтылығы, мал іздеуі, өнер іздеуі, жұрт тануы ешбір халыққа үқсамайды. Бірімізді-біріміз аңдып, үрлап, кірпік қақтырмай отырғанымыз. Уш миллионнан халқы артық дүниеде бір қала да бар, дүниенің бас-аяғын уш айналып көрген кісі толып жатыр. Өстіп, жер жүзіндегі жүрттың қоры болып, бірімізді-біріміз аңдып өтеміз бе? Жоқ, қазақ ортасында да үрлық, өтірік, есек, қастық қалып, өнерді, малды түзден, бөтен жақтан түзу жолмен іздең, өрістерлік күн болар ма еken? Өй, не болсын! Жұз қараға екі жұз кісі сұғын қадап жур ғой, бірін-бірі құртпай, құрымай тыныш таба ма?

---

\* Бұл жерде Абай шамамен айтып отыр. Абай тұсында, 1897 жылы жүргізілген халық санағы бойынша, Ресей империясы шегінде тұратын казактардың жалпы саны 4 миллион 84 мың болған (Я.Е.Володарский. Население России за 400 лет. XVI – XX начало вв. М, , 1973, с. 111).

Балаларды оқытқан да жақсы, бірақ құлшылық қыларлық қана, түркі танырлық қана таза оқытса болады. Аның үшін бұл жер Дар әл-Хараб<sup>1</sup>, мұнда әуел мал табу керек, онан соң ғараб, парсы керек. Қарны аш кісінің көңілінде ақыл, бойында ар, ғылымға құмарлық қайдан тұрын? Ашап-ішуге малдың тапшылығы да ағайынның араздығына уа әр түрлі бөлеге, үрлік, зорлық, құлыш, сұмдық секілді нәрселерге үйірлендіруге себеп болатұғын нәрсе. Мал тапса, қарын тояды. Онан соң білім түгіл өнер керек екен. Соны үйренейін, не балама үйретейін деп ойна жақсы түседі. Орысша оқу керек, хикмет те, мал да, өнер де, ғылым да – бәрі орыста түр. Заарынан қашық болуға, пайдасына ортақ болуға тілін, оқуын, ғылымын білмек керек. Аның үшін, олар дүниенің тілін білді, мұндай болды. Сен оның тілін білсөң, көкірек-көзің ашылады. Әрбіреудің тілін, өнерін білген кісі соныменен бірдейлік дағуасына<sup>2</sup> кіреді, аса арсыздана жалынбайды. Дінгे де жақсы – білгендік. Жорғалықпенен көңілін алсам екен деген надан әке-шешесін, ағайын-жұртын, дінін адамшылығын жауырынан бір қаққанга сатады. Тек майырдың құлгені керек деп, к... ашылса да қам жемейді. Орыстың ғылымы, өнері – дүниенің кілті, оны білгенге дүние арзанырақ түседі. Ләкин осы күнде орыс ғылымын баласына үйреткен жандар соның қаруымен тағы қазақты аңдысам екен дейді. Жоқ, олай ниет керек емес. Малды қалай адал еңбек қылғанда табады екен, соны үйретейін, мені көріп және үйренушілер көбейсе, ұлықсыған орыстардың жұртқа бірдей зақоны болмаса, законсыз қорлығына көнбес едік.

---

<sup>1</sup> Қауіпші, бұлінген.

<sup>2</sup> Тендікке үндеу хақысына ие болады.

Қазаққа күзетші болайын деп, біз де ел болып, жұрт білгенді біліп, жұрт қатарына қосылудың қамын жейік деп ниеттеніп үйрену керек. Қазірде орыстан оқыған балалардан артық жақсы кісі шыға алмай да тұр. Себебі: ата-анасы, ағайын-туғаны бір жағынан бұзып жатыр. Сейтсе де осы оқыған балалар – ана оқымаған қазақ балаларынан үздік, озық. Не қылса да сөзді үқтырса болады оларға. Жақсы атаның балалары да көп оқыған жоқ, қайта кедейдің баласын орысқа қорлап берді. Олар осыдан артық қайда барсын? Және де кейбір қазақтар ағайынымен араздасқанда: «Сенің осы зорлығыңа көнгенше, баламды солдатқа беріп, басыма шаш, аузыма мұрт қойып кетпесем бе!» деуші еді. Осындей жаман сөзді, құдайдан қорықпай, пендеден үялмай айтқан қазақтардың баласы оқығанменен не бола қойсын? Сонда да өзге қазақ балаларынан артық үйренгені немене, қай көп үйреніпті? Кірді, шықты, ілді, қайтты, түбегейлеп құған бала да жоқ. Әкесі ел ақшасыменен оқығанға өрец оқытады, өз малын не қылышп шығарсын? Тұрасын ойлағанда, балаңа қатын өперме, енші берме, барынды салсаң да, орыстың ғылымын үйрет! Мына мен айтқан жол – мал аяр жол емес. Құдайдан қорық, пендеден үял, балаң бала болсын десен – оқыт, мал аяма! Әйтпесе, бір ит қазақ болып қалған соң, саған рақат көрсетер ме, өзі рақат көрер ме, яки жұртқа рақат көрсетер ме?

### ЖИЫРМА АЛТЫНШЫ СӨЗ

Біздің қазақтың қосқан аты алдында келсе, күреске түсірген балуаны жықса, салған құсы алса, қосқан иті өзгеден озып барып ұстаса, есі шығып бір қуанады. Білмеймін, содан артық қуанышы бар ма еken? Әй, жоқ та шығар! Осы қуаныш бәрі де қазақ қарындастың ортасында, бір хайуанның өнерінің

артылғанына, я бір бөтен адамның жыққанына мақтанаарлық не орны бар? Ол озған, алған, жыққан өзі емес, яки баласы емес. Мұның бәрі – қазақтың қазақтан басқа жауы жоқ, биттей нөрсөні бір үлкен іс қылған кісідегі қуанған болып, ана өзгелерді ызаландырсаң екен демек. Біреуді ызаландырмақ – шаригатта харам, шаруаға залал, ақылға теріс. Өншепейін біреуді ыза қылмақтың несін дөulet біліп, қуанады екен? Жә, болмаса, ана ыза болушы соншалық неге жер болып қалады екен?

Жүйрік ат – кейде ол елде, кейде бұл елде болатұғын нөрсе, қыран құс та, жүйрік ит те – кейде оның қолына, кейде мұның қолына түсетүғын нөрсе. Қүшті жігіт те үнемі бір елден шыға ма? Кейде ана елден, кейде мына елден шығады. Мұның бәрін адам өз өнерімен жасаған жоқ. Бір озған, бір жыққан үнемі озып, үнемі жығып жүрмейді. Соның бәрін біле тұрып, жерге кіргендегі я бір арамдығы шыққандай, жамандығы білінгендей болып несіне үялыш, қорланады екен?

Енді осылардан ойлап білсеңіз болады: надан ел қуанбас нөрсеге қуанады. Ңөм қуанғанда не айтып, не қойғанын, не қылғанын өзі білмейді, есі шығып, бір түрлі мастыққа кез болып кетеді. Ңөм ұялғандары ұялмас нөрседен ұлады, ұяларлық нөрседен ұялмайды. Мұның бәрі – надандық, ақымақтықтың өсері. Бұларын айтсаң кейбіреуі «рас, рас» деп үйиған болады. Оған наанба, ертең ол да өлгілердің бірі болып кетеді. Көңілі, көзі жетіп тұrsa да, хай-уан секілді өуелгі өдетінен бойын тоқтата алмайды, бір тиянақсыздыққа түсіп кетеді, ешкім тоқтатып, ұқтырып болмайды. Не жаманшылық болса да бір өдет етсе, қазақ, ол өдетінен еріксіз қорыққанда я өлгенде тоқтайды, болмаса ақылына женғізіп мұның теріс екен деп өздігінен тоқтаған адамды көрмессің.

## ЖИЫРМА ЖЕТИНІШ СӨЗ

(Сократ Хакимнің сөзі)

Бір күні Сократ Хаким бір Аристодим деген ғалым шекіртіне құдай табарақа уа тағалаға құлшылық қылмақ турасына айтқан сөзі. Ол өзі құлшылық қылғандарға құлуші еді.

– Өй, Аристодим, ешбір адам бар ма, сенің білуіңше, қылған өнерлері себепті адам таңырқауға лайықты? – деді.

Ол айтты:

– Толып жатыр, хазірет.

– Бірінің атын аташы, – дейді.

– Гомерге бәйітшіліктігі себепті, Софоклге трагедиясы себепті, яғни біреудің сипатына түспектік, Зевксиске суретшілігі себепті таңырқаймын, – деп, соған үқсас неше онан басқа өнерлері өшкере болған жандарды айтты,

– Олай болса, кім артықша ғажайыблануға лайықты, жансыз, ақылсыз, құрпішінді жасайтынын суретші ме, я жан иесі, ақыл иесі адамды жаратушы ма? – дейді.

– Соңғысы лайықты, – дейді, – бірақ ол жаратушы жаратты, өздігінен кез келіп, солай болып кетпей, басынан біліп істеген хикметімен болса, – дейді.

– Жә, пайдалы нәрсе дүниеде көп, бірінің пайдалы көрініп, білініп тұрады, Кейбірінің пайдасы анық білінбейді. Соның қайсысын хикмет көресің? – дейді.

– Әрине, өшкере пайдаға бола жаратылғанын хикмет десек керек деймін, – дейді.

– Жә, олай болса, адамды жаратушы хауси хамса заһри<sup>1</sup> бергенде, тахқиқ ойлап, олардың пайдасының барлығы түгел оған мұқтаж боларлығын біліп бергендігі өшкере түр гой. Өуелі көзді көрсін деп беріпті, егер көз жоқ болса, дүниедегі көрікті

<sup>1</sup> Сыртқы бес сипат, бес сезім мүшесі.

нәрселердің көркінен қайтіп ләzzат алар едік? Ол көз өзі нәзік болған себепті, керегіне қарай ашып, жауып тұрсын үшін қабақ беріпті. Желден, үшқыннан қаға берсін болсын үшін кірпік беріпті. Мандай теріні көзден қағып тұруға керек болғандығынан, басқа тағы керегі бар қылып қас беріпті. Құлақ болмаса, не қаңғыр, не дүңгір дауыс, жақсы үн, күй, өн – ешбірінен ләzzат ала алмас едік. Мұрын иіс білмесе, дүниеде болған жақсы иіске ғашық болмақ, жаман іістен қашық болмақтық қолымыздан келмес еді. Таңдай, тіл дәм білмесе, дүниеде не тәтті, не қатты, не дәмдінің қайсысынан ләzzат алар едік? Бұлардың бәрі біздің пайдамыз емес пе?

Көзді, мұрынды мұндай ауызға жақын жаратыпты, ішіп-жеген асымыздың тазалығын көріп, иісін біліп ішіп-жесін деп. Бізге керегі бар болса да, жеркенерлік жер бар тесіктерді бұл бастағы ғазиз білімді жерімізден алыс апарып тесіпті, мұның бәрі хикметпен біліп істелгендігіне дәлел емес пе? – депті.

Сонда Аристодим тахқиқ ойлап тексергенде адамды жаратушы артық хикмет иесі екендігіне һәм махаббаты бірлән жаратқандығына шүбәсі қалмады.

– Олай болғанда жөне не ойлайсың, һәмма мақұлықтарды жас балаларына елжіретіп, үйірлітіп тұруын көргенде, уа һәмма мақұлықаттың өлімін жек көріп, тіршілікте көп қалмақтығын тілеп, иждиhat қылуын көргенде өсіп-өнуінің қамында болудан басқа істі аз ойламақтары – бұларының бәрі жұрт болсын, өссін, өнсін үшін. Солардың жаратқанда көңілдерін солайша ынтықтандырып қойғандығы һәм мұның бәрі жақсы көргендігінен екенін білдірмей ме? – дейді. Және:

– Ей, Аристодим! Қалайша сен бір өзіңнен, яғни адамнан басқада ақыл жоқ деп ойлайсың? – деді. – Адамның денесі, өзің жүрген жердің бір битімдей құмына үқсас емес пе? Дененде болған дымдар

жердегі сулардың бір тамшысы емес пе? Жә, сен бұл ақылға қайдан ие болдың? Өрине, қайдан келсе де, жан деген нөрсө келді де, соナン соң ие болдың.

Бұл ғаламды көрдің, өлшеуіне ақылың жетпейді, келісті көрімдігіне һем қандай лайықты жарастықты законымен жаратылып, оның ешбірінің бұзылмайтүғының көресің. Бұлардың бөріне таңғажайып қаласың һем ақылың жетпейді, осының бөрі де кез келгендікпенен бір нөрседен жаралған ба, яки бұлардың иесі бір өлшеусіз ұлы ақыл ма? Егер ақылменен болмаса, бұлайша бұл хисабына, өлшеуіне ой жетпейтүғын дүние әрбір түрлі керекке бола жаратылып һем бірі біріне себеппен байланыстырылып, пәнденің ақылына өлшеу бермейтүғын мықты көркем законға қаратылып жаратылды, – дейді. Ол айтты:

– Тахқиқ бұл айтқаныңның бөрі рас, жаратушы артық ақыл иесі екендігі мағлұм болды. Ол құдайдың ұлықтығына іңкөрім жоқ. Бірақ сондай ұлық құдай менің құлшылығыма не қылып мұқтаж болады? – деді.

– Ей, Аристодим! Қате айтасың. Мұқтаж болмағанда да, біреу сенің қамынды жесе, сенің оған қарыздар екендігіңе де ұстаз керек пе? – деді.

Аристодим айтты:

– Ол менің қамымды жейтүғының мен қайдан білем, – деді.

– Жә, олай болса, һемма мақұлыққа да қара, өзіне де қара, жанды бәрімізге де беріпті. Жанның жарығын бәрімізге де бірдей ұғарлық қылыш беріп пе? Адам алдын, артын, һем осы күнін – үшеуін де тегіс ойлап тексереді. Хайуан артын, осы күнін де бұлдыр біледі, алдыңғы жағын тексермекке тіпті жоқ. Хайуанға берген денеге қара, адамға берген денеге қара. Адам екі аяғына басып тік тұрып, дүниені тегіс көрмекке, тегіс тексермекке лайықты һем өзге хайуандарды құлданарлық,

пайдасын көрерлік лайығы бар. Хайуанның бірі аяғына сеніп, бірі қанатына сеніп жур, бір өзіндегі хайуанды құлданарлық лайығы жоқ. Адам өзі өзіне сенбесе, адамды да хайуан секілді қылыш жаратса, еш нәрсеге жарамас еді. Хайуанға сұлтан болуға ғана лайығы бар. Хайуанға адамның ақылын берсе, мұнша шеберлік, мұнша даркарлік<sup>1</sup>, бір-біріне ғылым үйретерлік шешендік салахият<sup>2</sup> ол денеге лайықты келмейді. Қай өгіз шаһар жасап, құрал, неше түрлі сайман жасап, сыпайылық шеберліктің үдесінен<sup>3</sup> шығарлық қысыны бар? Бірақ адам баласы болмаса, бұл гажайып ақылды және гажайыппен həm жасаған денеге кіргізіп, мұнша салахият иесі қылғаны хикметленен өзге хайуанға сұлтан қылғандығына дөлел емес пе? Ол дөлел болса, адам баласын артық көріп, қамын өуелден Алланың өзі ойлап жасағанына да дөлел емес пе? Енді адам баласының құлшылық қылмаққа қарыздар екені мағлұм болмай ма? – депті.

### ЖИЫРМА СЕГІЗІНШІ СӨЗ

Ей, мұсылмандар! Біреу бай болса, біреу кедей болса, біреу ауру, біреу сау болса, біреу есті, біреу есер болса, біреудің көңілі жақсылыққа мейілді, біреудің көңілі жаманшылыққа мейілді – бұлар неліктен, – десе біреу, сіздер айтасыздар: құдай тағаланың жаратуынан, бүйрығынша болған іс деп. Жә, олай болса, біз құдай тағаланы ғайыбы жоқ, міні жоқ, өзі өділ деп иман келтіріп едік. Енді құдай тағала бір антурғанға, еңбексізге мал береді екен. Бір құдайдан тілеп, еңбек қылыш, пайда іздеғен кісінің еңбегін жандырмай, қатын-баласын

<sup>1</sup> Мұқтаждық.

<sup>2</sup> Қабілеттілік деген мағынада.

<sup>3</sup> Шама, шек.

жөндеп асырарлық та қылмай кедей қылады екен. Ешкімге залалсыз бір момынды ауру қылып, қор қылады екен. Қайда бір ұры, залымның денін сау қылады екен. Әке-шешесі бір, екі баланың бірін есті, бірін есер қылады екен. Тамам жүртқа бұзық болма, түзік бол деп жарлық шашып, жол салады екен. Түзікті бейіске шығарамын, бұзықты тозаққа саламын деп айта тұра, пендесінің біреуін жақсылыққа мейілдендіріп, біреуін жаманшылыққа мейілдендіріп, өзі құдайлышқа құдіретімен біреуін жақсылыққа бұрып, біреуін жамандыққа бұрып жіберіп тұрады екен. Осының бәрі құдай тағаланың ғайыпсыз, мінсіз ғафур рахимдығына, әділдігіне лайық келе ме? Жүрт та, мұлік те – өзінікі. Бұл қылғанын не дей аламыз? Өз мұлқін өзі не қылса қыла береді. Оны ғайыпты болды дей алмаймыз десең, ол сөзің құдай тағаланың ғайыбы, міні жоқ емес, толып жатыр, бірақ айтуға бата алмаймыз дегенің емес пе? Олай болғанда, пенде өз тырысқандығыменен не табады? Бәрін қылдырушы өзі екен. Пенде пендеге өкпелейтүғын еш нәрсе жоқ. Кім жақсылық, кім жамандық қылсадағы құдайдан келген жарлықты қылып жүр екен дейміз бе?

Әрбір ақылды бар кісіге иман парыз, әрбір иманы бар кісіге ғибадат парыз екен. Жөне де әрбір рас іс ақылдан қорықпаса керек. Жә, енді біз ақылды еркіне жібермесек, құдай тағаланың ақылы бар кісіге иман парыз дегені қайда қалады, «Мені таныған ақылменен таныр» дегені қайда қалады? Дініміздің бір жасырын тұрган жалғаны жоқ болса, ақылды, оны ойлама дегенімізге пенде бола ма? Ақыл тоқтамаған соң, діннің өзі неден болады? Өуелі иманды түзетпей жатып, қылған ғибадат не болады? Жоқ, сен жақсылық, жамандықты жаратқан – құдай, ләкин қылдырған құдай емес, ауруды жаратқан құдай, ауыртқан құдай емес,

байлықты, кедейлікті жаратқан құдай, бай қылған, кедей қылған құдай емес деп, нанып, ұқсан болар, өйтпесе – жоқ.

## ЖИЫРМА ТОҒЫЗЫНШЫ СӨЗ

Қазақтың мақалдарының көбінің іске татырлығы да бар, іске татымақ түгіл, не құдайшылыққа, не адамшылыққа жарамайтұғыны да бар.

Әуелі, «Жарлы болсаң, арлы болма» дейді. Ардан кеткен соң, тірі болып жүргені құрысын. Егер онысы жалға жүргенінде жаныңды қинап еңбекпенен мал тап деген сөз болса, – ол ар кететүғын іс емес. Тыныш жатып, көзін сатып, біреуден тіленбей, жанын қарманып, адал еңбекпен мал іздемек – ол арлы адамның ісі.

«Қалауын тапса қар жанады», «Сұрауын тапса адам баласының бермесі жоқ» деген ең барып тұрған құдай ұрган сөз осы. Сұрауын табамын, қалауын табамын деп қорлықпенен өмір өткізгенше малды не жерден сұрау керек, не ақжан терден сұрау керек қой.

«Атың шықпаса, жер өрте» дейді. Жер өртеп шығарған аттың несі мұрат? «Жұз күн атан болғанша, бір күн бура бол» дейді. Тәнірге жазып мінбей-түспей, арып, шөмендеп диуаналықпен бір күн болған буралық неге жарайды. «Алтын көрсе, періште жолдан таяды» дейді. Періштеден садаға кеткір-ай! Періште алтыңды не қылсын, өзінің көрсе қызар сүмдышын қостагалы айтқаны.

«Ата-анадан мал тәтті, алтын үйден жан тәтті» дейді. Ата-анасынан мал тәтті көрінетүғын антүрганның тәтті дерлік не жаны бар? Ата-анасын малға сатпақ ең арсыздың қылышы емес пе? Ата-ана шамасы келсе, михнаттанып мал жиса да, дүниелік жиса да, артымда балаларыма қалсын дейді, Ол ата-анасын сатқан соң, құдайға дүшпандық іс емес пе?

Осындаі білмestікпенен айтылған сөздеріне бек сақ болу керек.

## ОТЫЗЫНШЫ СӨЗ

Қырқын мінсе қыр артылмайтұғын осы бір «қырт мақтан» деген бір мақтан бар, сол неге керек, неге жарайды? Ол ар, есті білмейді, намысты білмейді, кең толғау, үлкен ой жоқ, не балуандығы жоқ, не батырлығы жоқ, не адамдығы жоқ, не ақылдығы, арлылығы жоқ. Мойның бұрып қойып: «Өй, тәңірі-ай, қойшы өрі, кімнен кім артық дейсің, кімнің басы кімнің қанжығасында жүр, ол менің қазаным ас салып беріп жүр ме, мен онан сауын сауып отырмын ба», – деп бұлғақтап, немесе: «аяғаным жаным ба? Өй, енесін ұрайын, өліп кетпей неге керек! Азар болса атылып, я осы үшін айдалып кетсем де көнгенім-ақ! Өйтепеір бір өлім бар ма» деп қалышылдайтұғын кісі көп қой.

Өздерің көріп жүрсіңдер, осы айтқан сөз бойына лайық қазақ көрдіңдер ме? Өлімге шыдайтұғын қазақ көргенім жоқ, өлімге шыдамаймын деген де қазақ көргенім жоқ, кеңірдегін ғана көрсетеді-ау «қызылып қала қалайын» деп. Егер осы сөз бойына лайық кісі көрінсе, ақылы жоқ болса да, қайратыменен-ақ кісі айдындыратуғын адам болғаны ғой! Егер шын айғайды көргенде, кірер жерін таба алмайтұғын дарақы жүрттды осы сөзімен айдындырамын, «мына көпірден кісі шошитұғын екен» дегізіп айдындырайын деп айтып отырған құр домбытпасы болып, босқа қоқылып отырса, соны не дейміз? Ай, құдай-ай! Жанға мырза қылатұғын, ердің жадағайда-ақ сертке түрғыштығы, малға мырзалығы, дүниені бір тыны есеп көрмейтұғыны, жомарттығы – әр түрлі белгісі бойында түрмас па еді? «Ұялмас бетке талмас жақ береді» деп, көп былжыраған арсыз, ұятсыздың бірі-дағы.

## ОТЫЗ БІРІНШІ СӨЗ

Естіген нәрсені ұмытпастыққа төрт түрлі себеп бар: өуелі – кекірегі байлаулы берік болмақ керек; екінші – сол нәрсені естігенде я көргенде ғибрәтлану керек, көңілденіп, тұшынып, ынтамен ұғу керек; үшінші – сол нәрсені ішінен бірнеше уақыт қайтарып ойланып, көңілге бекіту керек; төртінші – ой кеселді нәрселерден қашық болу керек. Егер кез болып қалса, салынбау керек. Ой кеселдері: уайымсыз, салғырттық, ойыншы-күлкішілдік, я бір қайғыға салыну, я бір нәрсеге құмарлық пайда болу. Бұл төрт нәрсе – құллі ақыл мен ғылымды тоздыратуғын нәрселер.

## ОТЫЗ ЕКІНШІ СӨЗ

Білім-ғылым үйренбекке талап қылушыларға өуел білмек керек. Талаптың өзінің біраз шарттары бар. Оларды білмек керек. Оларды білмей, іздегенмен табылmas.

Өуел – білім-ғылым табылса, дүниенің бір қызықты нәрсесіне де керек болар еді деп іздемеске керек. Аның үшін білім-ғылымның өзіне ғана құмар, ынтық болып, бір ғана білмектіктің өзін дәулет білсең һәм өр білмегенінді білген уақытта көңілде бір рақат хұзур хасил<sup>1</sup> болады. Сол рақат білгенінді берік ұстап, білмегенінді тағы да сондай білсем еken деп үміттенген құмар, махабbat пайда болады. Сонда әрбір естігенінді, көргенінді көңілің жақсы ұғып, анық өз суретімен ішке жайғастырып алады.

Егер дін көңілің өзге нәрседе болса, білім-ғылымды бірақ соған себеп қана қылмақ үшін үйренсөң, ондай білімге көңіліңнің мейірімі асырап алған шешенің мейірімі секілді болады. Адам көңілі шын

---

<sup>1</sup> Тыныштық, рақатшылық.

мейірленсе, білім-ғылымның өзі де мейірленеді, тезірек қолға түседі. Шала мейір шала байқайды.

Екінші – ғылымды үйренгенде, ақиқат мақсатпен білмек үшін үйренбек керек. Бахасқа бола үйренбе, азырақ бахас көңілінді пысықтандырмақ үшін за- лал да емес, көбірек бахас адамды тұземек түгіл, бұзады. Аның себебі өрбір бахасшыл адам хақты шығармақ үшін ғана бахас қылмайды, жеңбек үшін бахас қылады. Ондай бахас хасудшілікті<sup>1</sup> зорайтады, адамшылықты зорайтпайды. Бәлкім азайтады. Және мақсаты ғылымдағы мақсат болмайды, адамды шатастырып, жалған сөзге жеңдірмекші болады. Мұндай қиял өзі де бұзықтарда болады. Жұз тура жолдағыларды шатастыруышы кісі бір қисық жолдағы кісіні түзеткен кісіден садаға кетсін! Бахас – өзі де ғылымның бір жолы, бірақ оған хирслану<sup>2</sup> жарамайды. Егер хирсланса, өз сөзімшіл ғуурұлық<sup>3</sup>, мақтаншақтық, хасудшілік бойын жеңсе, ондай кісі адам бойына қорлық келтіретүгын өтіріктен де, өсектен де, ұрсып-тебелесуден де қашық болмайды.

Үшінші – өр хақиқатқа тырысып иждиһатынмен көзің жетсе, соны тұт, өлсөң айырылма! Егерде ондай білгендігің өзінді жеңе алмаса, кімге пұл болады? Өзің құрметтемеген нөрсеге бөтеннен қайтіп құрмет күтесің?

Төртінші – білім-ғылымды көбейтуге екі қару бар адамның ішінде: бірі – мұлахаза<sup>4</sup> екінші – мұхафаза<sup>5</sup>. Бұл екі қуатты зорайту жаһатінде<sup>6</sup> болмақ керек. Бұлар зораймай, ғылым зораймайды.

Бесінші – осы сөздің он тоғызынышы бабында жазылған ақыл кеселі деген төрт нәрсе бар. Со-

<sup>1</sup> Күндеу, күндеушілікті.

<sup>2</sup> Ашқарақтану, қомағайлану, сараң болу.

<sup>3</sup> Менмендік, ірілік.

<sup>4</sup> Ойласу, пікір алсы.

<sup>5</sup> Сақтау, қорғау.

<sup>6</sup> Барлық күшті жұмсау, тырысу.

дан қашық болу керек. Соның ішінде уайымсыз салғырттық деген бір нәрсе бар, зинһар<sup>1</sup>, жаным, соған бек сақ бол, өсірсө! Өүел құданың, екінші – халықтың, үшінші – дәулеттің, төртінші – ғибраттың, бесінші – ақылдың, ардың бәрінің дүшпанды ол. Ар бар жерде бұлар болмайды.

Алтыншы – ғылымды, ақылды сақтайтуғын мінез деген сауыты бар. Сол мінез бұзылмасын! Қөрсекзыарлықпен, жеңілдікпен, я біреудің орынсыз сезіне, я бір кез келген қызыққа шайқалып қала берсөң, мінездің беріктігі бұзылады. Оナン соң оқып үйреніп те пайда жоқ. Қоярга орны жоқ болған соң, оларды қайда сақтайсың? Қылам дегенін қыларлық, тұрам дегенінде тұрарлық, мінезде азғырылмайтын ақылды, арды сақтарлық беріктігі, қайраты бар болсын? Бұл бір ақыл үшін, ар үшін болсын!

### ОТЫЗ ҮШІНШІ СӨЗ

Егерде мал керек болса, қолөнер үйренбек кепек. Мал жұтайды, өнер жұтамайды. Алдау қоспай адад еңбегін сатқан қолөнерлі – қазақтың өулиесі сол. Бірақ құдай тағала қолына аз-маз өнер берген қазақтың кеселдері болады.

Өүел – бұл ісімді ол ісімнен асырайын деп, артық ісмлерлер іздеп жүріп көріп, біраз істес болып, өнер арттырайын деп, түзден өнер іздемейді. Қолындағы аз-музына мақтанып, осы да болады деп, бағы қазақтың талапсыздығына тартып, жатып алады.

Екінші – ерінбей істей беру керек қой. Бір-екі қара табылса, малға бәге қалған кісімсіп, «маган мал жоқ па?» дегендей қылып, еріншек, салқау, салғырт, кербездікке салынады.

Үшінші – «дарқансың ғой, өнерлісің ғой, шырағым» немесе «ағеке, нең кетеді осы ғанамды істеп

<sup>1</sup> Қалайда, өйтеуір.

бер!» дегенде маған да біреу жалынарлыққа жеткен екенмін деп мақтанып кетіп, пайдастыз алдауға, құтілге алданып, өзінің уақытын өткізеді. Және анаған дүниенің қызығы алдауды білген дегізіп, көңілін де мақтандырып кетеді.

Төртінші – тамыршылдау келеді. Бағанағы алдамшы шайтан тамыр болалық деп, бір болымсызын берген болып, артынан үйтемін-бүтімін, қарық қыламын, тамырым, досым десе, мен де керектінің бірі болып қалыппын ғой деп және жасынан іс істеп үйден шықпағандық қылып, жоқбарға тырысып, алдағанды білмей, дереу оның жетпегенін жеткіземін деп, тіпті жетпесе өзінен қосып, қылып бер дегенінің бәрін қылып беріп, күні өтіп еңбек қылар уақытынан айырылып, «жоғары шыққа» қарық болып, тамақ, киім, борыш есінен шығып кетіп, енді олар қысқан күні біреудің малын бүлдап қарызға алады. Оны қылып берейін, мұны қылып берейін деп сонымен табысы құралмай, борышы асып, дауға айналып, адамшылықтан айырылып, қор болып кетеді. Осы несі екен? Қазақтың баласының өзі алдағыш бола түрүп және өзі біреуге алдатқыш болатындығы қалай?

### ОТЫЗ ТӨРТІНШІ СӨЗ

Жұрттың бәрі біледі өлетүғынын және өлім үнемі қартайтып келмейтүғынын, бір алғанды қайта жібермейтүғынын. Қазақ осыған да, амал жоқ, нағады, анық өз ойына, ақылына тексертіп наnbайды. Және һемманы жаратқан құдай бар, ахиретте сұрау алады, жамандыққа жазғырады, жақсылыққа жарылғайды, жазғыруы да, жарылғауы да пенде ісіне ұқсамайды, бегірек есепсіз қинауы да бар, бегірек есепсіз жетістіруі де бар деп, бәріне – сендік дейді. Жоқ, онысына мен сенбеймін. Олар сендім десе де, анық ақиқат көзі жетіп, ден қойып, үйып сенбейді. Ол

екеуіне анық сенген кісі уайым ойлап не керек? Осы екеуіне лайықты жақсылықты өздері де іздең таба береді. Егерде осы екеуіне бұлдыр сеніп отыrsa, енді неге сендіре аламыз. Оны қайтіп түзете аламыз? Оларды мұсылман деп, қалайша иманы бар ғой дейміз.

Кімде-кім ахиретте де, дүниеден де қор болмаймын десе, білмек керек: еш адамның көңілінде екі қуаныш бірдей болмайды, екі ынтық құмарлық бірдей болмайды, екі қорқыныш, екі қайғы – олар да бірдей болмайды. Мұндай екі нәрсені бірдей боллады деп айтуға мүмкін емес. Олай болғанда қай адамның көңілінде дуние қайғысы, дуние қуанышы ахирет қайғысынан, ахирет қуанышынан артық болса – мұсылман емес. Енді ойлап қарай бер, біздің қазақ та мұсылман екен. Егерде екі нәрсе болса, бірі ахиретке керекті, бірі осы дүниеде керекті, бірін алса, бірі тимейтүғын болса, сонда біреу ахиретке керектіні алмай, екінші кез келгенде алармын деп, жоқ, егер кез болмайтүғын болса, кең құдай өзі қеңшілікпен кешіреді-дағы, мына кезі келіп тұрганда мұны жіберіп болмас деп, дүниеге керектіні алса, енді ол кісі жанын берсе, ахиретті дүниеге сатқаным жоқ деп, нануға бола ма?

Адам баласына адам баласының бәрі – дос. Не үшін десең, дүниеде жүргенде – туысың, өсуің, тоюың, ашығуың, қайғың, қазаң, дене бітімің, шыққан жерің, бармақ жерің – бәрі бірдей, ахиретке қарай – өлуің, көрге кіруің, шіруің, махшарда сұралуың – бәрі бірдей, екі дүниенің қайғысына, пөлесіне хаупің, екі дүниенің жақсылығына рақатың – бәрі бірдей екен. Бес күндік өмірің бар ма, жоқ па? Біріңе-бірің қонақ екенсің, өзің дүниеге де қонақ екенсің, біреудің бағына, малына күндестік қылып, я көрсекзызарлық қылып көз алартыспақ лайық па?

Тілеуді құдайдан тілемей, пендеден тілеп, өз бетімен еңбегімді жандыр демей, пәленшенікін әпер

демек ол құдайға айтарлық сөз бе? Құдай біреу үшін біреуге жәбір қылуына лайығы бар ма? Екі сөздің басын қосарлық не ақылы, не ғылымы жоқ тұра, өзімдікін жөн қыламын деп, құр «өй, тәңір-ай!» деп таласа бергеннің несі сөз? Оның несі адам?

## ОТЫЗ БЕСІНШІ СӨЗ

Махшарға барғанда құдай тағала қажы, молда, сопы, жомарт, шейіттерді қатар қойып, сұрап дейді. Дүниеде ғиззат-хұрмет<sup>1</sup> алмақ үшін, қажы болмақ үшін қажы болғанды, молда болғанды, сопы болғанды, жомарт болғанды, шейіт болғандарды бір бөлек қояр дейді. Ахиретке бола бір ғана құдай тағаланың разылығын таппақ үшін болғандарды бір бөлек қояр дейді.

Дүние үшін болғандарға айтар дейді: «Сендер дүниеде қажеке, молдеке, сопеке, мырзеке, батыреке аталмақ үшін өнер қылып едіндер, ол дүниенде мұнда жоқ. Сендердің ол қызықты дүниенде харап болған, бірге қылған өнерлерің де бітті. Енді мұнда құрмет алмақ түгіл, сұрау беріндер! Мал бердім, өмір бердім, не үшін сол малдарыңды, өмірлеріңді, бетіңе ахиретті ұстап, ден ниетің дүниеде тұрып, жүртты алдамақ үшін сарып қылыштар?» – деп.

Өне шын ниетімнен орнын тауып, бір құдайдың разылығы үшін өнер қылғандарға айтар дейді: «Сендер бір ғана менің разылығымды іздеп малдарыңды, өмірлеріңді сарып қылып едіндер, мен разы болдым. Сіздерге лайықты құрметті орным бар, дайын, кіріндер! Нәм ол разылықтарыңнан басқа осы махшар ішінде, сендердің осы қылғаныңа өзі қылмасада, іші еріп, ынтық болған достарың табылса, шағағат қылыштар!» деп айтар дейді.

---

<sup>1</sup> Қадірлі, сыйлы.

## ОТЫЗ АЛТЫНШЫ СӨЗ

Пайғамбарымыз саллала Аллаһу һалайғи уа салламның хадис шарифінде айтыпты: «Мән лә хаяһұн уа лә иманун ләһу» деп, яғни кімнің үяты жоқ болса, оның иманы да жоқ деген. Біздің қазақтың өзінің мақалы да бар: «Үят кімде болса, иман соңда» деген. Енді бұл сөзден білінді, үят, өзі иманның бір мүшесі екен. Олай болғанда, білмек керек, үят өзі қандай нәрсе? Бір үят бар – надандықтың үяты, жас бала сөз айтудан үялған секілді, жақсы адамның алдында жазықсыз-ақ өншейін барып жолығысдан үялған секілді. Не шаригатқа теріс, не ақылға теріс жазығы жоқ болса да, надандықтан бойын керістендіріп, шешілмегендік қылып, үялmas нөрседен үялған үялу – ақымақтық, жамандық.

Шын үят сондай нәрсе: шаригатқа теріс я ақылға теріс, я абиұрлы бойға теріс бір іс себепті болады. Мұндай үят екі түрлі болады. Біреуі – ондай қылың өзіңнен шықпай-ақ, бір бөтен адамнан шыққанын көргенде, сен үялыш кетесін. Мұның себебі, сол үят істі қылған адамды есіркегендіктен болады. «Япымай, мына байғұсқа не болды, енді мұның өзі не болады» дегендей, бір нәрсе іштен рақым секілді болып келіп, өзінді қысып, қызартып кетеді. Біреуі сондай үят, шаригатқа теріс, я ақылға, я абиұрлы бойға теріс, я адамшылыққа кесел қылық, қатеден, яки нәпсіге еріп ғапылдықтан өз бойыңнан шыққандығынан болады. Мұндай үят қылық қылғандығынды бөтен кісі білмесе де, өз ақылың, өз нысабың өзінді сөккен соң, іштен үят келіп, өзіне жаза тарттырады. Кірерге жер таба алмай, кісі бетіне қарай алмай, бір түрлі қысымға түсесін. Мұндай үяты күшті адамдар үйқыдан, тамақтан қалатұғыны да бар, хатта өзін-өзі өлтіретүғын кіслер де болады. Үят деген адамның өз бойындағы адамшылығы, иттігінді ішіңнен өз мойныңа салып, сөгіп қылған қысымның

аты. Ол уақытта тілге сөз де түспейді, көңілге ой да түспейді. Көзіңің жасын, мұрныңың сүйн сүртіп алуға да қолың тимейді, бір ит боласың. Көзің кісі бетіне қарамақ түгіл, еш нәрсені көрмейді. Мұндай қылыққа жетіп үялған адамға өкпесі бар кісі кешпесе, яки оның үстіне тағы аямай өртендіріп сөз айтқан кісінің өзінің де адамшылығы жоқ десе болар.

Осы күнде менің көрген кіслерім үялмақ түгіл, қызармайды да. «Ол істен мен үятты болдым дедім ғой, енді нең бар?» – дейді. Я болмаса, «жә, жә, оған мен-ақ үятты болайын, сен өзің де сөйтеп пе едің», – дейді. Немесе «пәленше де, түгенше де тірі жүр ғой, пәлен қылған, түген қылған, менікі оның қасында несі сөз, пәлендей, түгендей мәнісі бар емес пе еді?» – деп, үялтамын десен, жап-жай отырып дауын сабап отырады. Осыны үялған кісі дейміз бе, үялмаған кісі дейміз бе? Үялған десек, хадис анау, жақсылардан қалған сөз анау. Осындай адамның иманы бар дейміз бе, жоқ дейміз бе?!

## ОТЫЗ ЖЕТИНІШ СӨЗ

1. Адамның адамшылығы істі бастағандығынан білінеді, қалайша бітіргендігінен емес.
2. Көңілдегі көрікті ой ауыздан шыққанда өңі қашады.
3. Хикмет сөздер өзімшіл наданға айтқанда, көңіл уаңғаны да болады, өшкені де болады.
4. Кісіге біліміне қарай болыстық қыл: татым-сызға қылған болыстық адамды бұзады.
5. Әкесінің баласы – адамның дүшпаны. Адамның баласы – бауырың.
6. Ер артық сұраса да азға разы болады. Ез аз сұрап, артылтып берсөң де разы болмас.
7. Өзің үшін еңбек қылсаң, өзі үшін оттаған хайуанның бірі боласын; адамшылықтың қарызы

үшін еңбек қылсаң, Алланың сүйген құлының бірі боласың.

8. Сократқа у ішкізген, Иоанна Аркті отқа өртеген, Гайсаны дарға асқан, пайғамбарымызды түйенің жемтігіне көмген кім? Ол – көп, ендеше, көpte ақыл жоқ. Ебін тап та, жәнге сал.

9. Адам баласын замана өстіреді, кімде-кім жаман болса, замандасының бәрі виноват.

10. Мен егер закон қуаты қолымда бар кісі болсам, адам мінезін түзеп болмайды деген кісінің тілін кесер едім.

11. Дүниеде жалғыз қалған адам – адамның өлгені. Қапашылықтың бәрі соның басында. Дүниеде бар жаман да көpte, бірақ қызық та, ермек те көpte. Бастапқыға кім шыдайды? Соңғыға кім азбайды?

12. Жамандықты кім көрмейді, үмітін үзбек – қайратсыздық. Дүниеде еш нәрседе баян жоқ екені рас, жамандық та қайдан баяндан қалады дейсің! Қары қалың қатты қыстың артынан көгі қалың, көлі мол жақсы жаз келмеуші ме еді!

13. Ашулы адамның сөзі аз болса, ыза, қуаты артында болғаны. Егерде аузынан қара қан ағызса, домбыт мақтаншақ я қорқақ.

14. Қуанбақтық пен бақ – мастықтың үлкені, мыңдан бір кісі-ақ ...н ашпайтұғын, ақылы бойында қалады.

15. Егер ісім өнсін десен, ретін тап.

16. Биік мансап – биік жартас, ерінбей еңбектеп жылан да шығады, екпіндеп үшып қыран да шығады. Жікшіл ел жетпей мақтайды, желөкпелер шын деп ойлайды.

17. Дүние – үлкен көл, заман – соққан жел, алдыңғы толқын – ағалар, артқы толқын – інілер, кезекпенен өлінер, баяғыдай көрінер.

18. Бақлен асқан патшадан, мимен асқан қара артық, сақалын сатқан көріден, еңбегін сатқан бала артық.

19. Ток тіленші – адам сайтаны, харекетсіз – соны монтаны.

20. Жаман дос – көлеңке, басыңды құн шалса, қашып құтыла алмайсын; басыңды үлт шалса, іздеп таба алмайсын.

21. Досы жоқпен сырлас, досы көппен сыйлас. Қайғысыздан сақ бол, қайғылыға жақ бол.

22. Қайратсыз ашу – тұл, тұрлаусыз ғашық – тұл, шәкіртсіз ғалым – тұл.

23. Бағың өскенше тілеуінді ел де тілейді, өзің де тілейсің, бағың өскен соң – өзің ғана тілейсің.

## ОТЫЗ СЕГІЗІНШІ СӨЗ

Ей, жүргімнің қуаты, перзентлерім! Сіздерге адам ұғылының мінездері тұғралы біраз сөз жазып ядкар<sup>1</sup> қалдырайын. Ықылас бірлән оқып, ұғып алыңыздар, аның үшін махаббатың толады. Махабbat – өуел адамның адамдығы, ғақыл, ғылым деген нәрселербірлән. Мұның табылмақтығына себептер – өуелі haуас сөлім<sup>2</sup> һем тән саулық, бұлар туысынан болады, қалмысы жақсы ата, жақсы ана, жақсы құрбы, жақсы ұстаздан болады. Талап, ұғым махаббаттан шығады. Ғылым-білімге махаббатандырмақ өлті айтылған үшеуінен болады. Ғылым-білімді өуелі бастан бала өзі ізденіп таппайды. Басында зорлықпен яки алдауменен үйір қылу керек, үйрене келе өзі іздегендей болғанша. Қашан бір бала ғылым, білімді махаббатпенен кәксерлік болса, сонда ғана оның аты адам болады. Соңан соң ғана Алла тағаланы танымақтық, өзін танымақтық, дүниені танымақтық, өз адамдығын бұзбай ғана жөліб мәнфағат<sup>3</sup> дәфғы мұзарратларны<sup>4</sup>

<sup>1</sup> Ескерткіш, есте қалу.

<sup>2</sup> Жақсы сипат.

<sup>3</sup> Табыс, кіріс; пайда, қайырымды іс, қызығушылық.

<sup>4</sup> Заарлыдан қашу.

айырмақтың секілді ғылым-білімді үйренсе, білсе деп үміт қылмаққа болады. Болмаса жок, ең болмаса шала. Аның үшін көбінесе балаларды жасында ата-аналары қиянатшылыққа салындырып алады, соңынан моллаға берген болады я ол балалары өздері барған болады – ешбір бәһра болмайды.

Ол қиянатшыл балалары талапқа да, ғылымға да, үстазға да, хаттә<sup>1</sup> иман иғтиқатқа да қиянатбірлөн болады. Бұл қиянатшылар жарым адам, жарым молла, жарым мұсылмандар. Олардың адамшылығының көмелат<sup>2</sup> таппағы – қыиңның қыны. Себебі, Алла тағала өзі – хақиқат жолы. Хақиқатбірлөн растық – қияннаттың дүшпаны, дүшпаны арқылы шақыртқанға дос келе ме? Көңілде өзге махаббат түрганда хақлықты таппайды. Адамның ғылымы, білімі хақиқатқа, растыққа құмар болып, әр нәрсенің түбін, хикметін білмекке ынтықбірлөн табылады. Ол – Алланың ғылымы емес, һемманы білетүғын ғылымға ынтықтық, өзі де адамға өзіндік ғылым береді. Аның үшін ол Алланың өзіне ғашықтық. Ғылым – Алланың бір сипаты, ол хақиқат, оған ғашықтық өзі де хақлық һем адамдық дур. Болмаса мал таппақ, мақтан таппақ, ғиззат-хұрмет таппақ секілді нәрселердің махаббатыбірлөн ғылым-білімнің хақиқаты табылмайды.

Мал, мақтан, ғиззат-хұрмет адамды өзі ізден тапса, адамдықты бұзбайды һем көрік болады. Егерде адам өзі оларға табынып іздесе, тапса да, таппаса да адамдығы жоғалады. Енді хақиқат сүйіп, шынды білмек құмарың бар болса, адамдыққа лайықты ықыласты құлагыңды қой. Өуел дін исламның жолындағы пәнделер, иманның хақиқатын білсін. Иман дегеніміз бір ғана инанмақ емес, сен Алла тағаланың бірлігіне, уа құранның аның сөзі екендігіне, уа пайғамбарымыз Мұхаммед Мұстафа сал-

---

<sup>1</sup> Тіпті.

<sup>2</sup> Сенім, нағым.

лала Аллаһу налайни уа саллам аның тарапынан елші екендігіне инандық. Жә, не бітті? Сен Алла тағалаға Алла тағала үшін иман келтіремісің я өзің үшін де иман келтіремісің? Сен иман келтірмесең де Алла тағалаға келер ешбір кемшілік жоқ еді. Я өзің үшін иман келтірсең, жә инандың. Ол инанмақтығың құрғана инанмақтықбірлөн қалса, саған пайда бермейді. Аның үшін сен өзің инанмақтығыңнан пайда ала алмадың: пайдаланамын десең, пайда береді, көміл иман болады. Пайданы қалайша алуды білмек керек.

Сіз Өмәнту биллахи көма һуә би исмайни уа сифатини<sup>1</sup> дедініз. Ол есім Аллалар<sup>2</sup> һемма ол Алла тағаланың фиғыл ғазимлөрінің<sup>3</sup> аттары, олардың мағынасын біл һәм сегіз сифат затиялары<sup>4</sup> не деген сөз көміл үйрен. Өзінді аның құлы біліп, өзінді мұслім<sup>5</sup> ат қойып, тәслим<sup>6</sup> болғаныңа раст боласың да. Өз пигылдарынды соган өз халінше үқсатуды шарт қыл. Алла тағалаға үқсай алам ба деп, надандықбірлөн ол сөзден жиіркенбе, үқсамақ – дәл бірдейлік дағуасыбірлөн емес, соның соңында болмақ. Аның үшін Алла тағаланың сипаттары: Хаят<sup>7</sup>, Фылым, Құдірет<sup>8</sup>, Басар<sup>9</sup>, Сәмір<sup>10</sup>, Ирада<sup>11</sup>, Қәлам<sup>12</sup>, Тәкин.<sup>13</sup> Бұл сегізінен Алла тағаладағыдай көмәлатғазамат<sup>14</sup> бірлөн болмаса да, пендесінде де әрбірінен өз халінше бар қылып жаратыпты.

<sup>1</sup> Құдайға, оның есімдері мен сипаттарына иман келтіремін.

<sup>2</sup> Алланың аттары.

<sup>3</sup> Ұлы сипат.

<sup>4</sup> Өзіне хас, өзіне лайық.

<sup>5</sup> Мұсылман адам.

<sup>6</sup> Берілу.

<sup>7</sup> Тіршілік, тірі болу.

<sup>8</sup> Күш.

<sup>9</sup> Арабшасы: басара – көру, көруші.

<sup>10</sup> Есту, естуіш.

<sup>11</sup> Тілеу, қалау.

<sup>12</sup> Сәздер.

<sup>13</sup> Болдыру.

<sup>14</sup> Жетису, үлкен.

Жә, біз өзіміздің бойымызыдағы сегіз зәрра<sup>1</sup> аттас сипаттымызды ол Алла тағаланың сегіз ұлығ сипатынан бас бүрғызып, өзге жолға салмақбірлөн біздің атымыз мұслім бола ала ма? Болмаса керек. Жә, ол сегіз сипатына сипаттымызды һем ол аттарыбірлөн ағламланған<sup>2</sup> фиғыл құдаға<sup>3</sup> фиғлымызды ертпек не бірлөн табылады, қалайша табылады, аны білмек керек. Ол – Алла тағаланың заты, ешбір сипатқа мұқтаж емес, біздің ғақылымыз мұқтаж, жоғарғы жазылымыш сипаттарбірлөн тағрифлап танымакқа керек. Егерде ол сипаттар бірлөн тағриғламасақ бізге мағрифатулла<sup>4</sup> қыын болады. Біз Алла тағаланы өзінің білінгені қадарғана білеміз, болмаса түгел білмекке мүмкін емес. Заты түгел, хикметіне ешбір хаким<sup>5</sup> ақыл ерістіре алмады. Алла тағала өлшеусіз, біздің ақылымыз – өлшеулі. Өлшеулі бірлөн өлшеусізді білуге болмайды. Біз Алла тағала «бір» дейміз, «бар» дейміз, ол «бір» демеклік те – ғақылымызға үғымның бір тиянағы үшін айтылған сез. Болмаса ол «бір» демеклік те Алла тағалаға лайықты келмейді. Аның үшін мүмкінаттың<sup>6</sup> ішінде не нәрсенің үжуді<sup>7</sup> бар болса, ол бірліктен құтылмайды. Әрбір хадиске айтылатұғын бір қадимге тағриф<sup>8</sup> болмайды. Ол «бір» деген сез ғаламның ішінде, ғалам Алла тағаланың ішінде, құдай табарақа уатағала кітаптарда сегіз субутия<sup>9</sup> сипаттары бірлөн, уа тоқсан тоғыз Әсма-и хұсналар<sup>10</sup> бірлөн білдірген. Бұлардың һеммасы Алла тағаланың затия субутия уа фиғлия<sup>11</sup> сипаттары дұр. Мен мұнда сіздерге төртеуін

<sup>1</sup> Кішкентай.

<sup>2</sup> Белгілі, анық.

<sup>3</sup> Тәңірдің ісі.

<sup>4</sup> Алланы тану.

<sup>5</sup> Данышпан, дана адам.

<sup>6</sup> Болуы мүмкін нәрселер.

<sup>7</sup> Бар болу, болмыс.

<sup>8</sup> Бұл жерде: ескі, көне.

<sup>9</sup> Орнықты, тұрақты.

<sup>10</sup> Арабша: исман хұсналар – жақсы есімдер.

<sup>11</sup> Өзі істейтін.

білдіремін. Оның екеуі – ғылым, құдірет. Сегіз сипаттан қалған алтауы – бұларға шарх.<sup>1</sup> Ол алтауының бірі – хаят, яғни тірлік.

Алланы бар дедік, бір дедік, ғылым құдіреті сипаты бірлән сипаттадық. Жө бүл бірлік, барлық ғылым, құдірет олуда<sup>2</sup> боларлық нәрселер ме? Әлбеттә, ғылым құдіреті бар болады: хаяты – мағлұм, бірі – ирада, яғни қаламақ. Ғылым бар болса, қаламақ та бар. Ол еш нәрсеге харекет бермейді. Һеммаға харекет беретүғын өзі. Ол ирада – ғылымның бір сипаты көлем, яғни сөйлеуші деген: сез қаріпсіз, дауыссыз болушы ма еді? Алланың сезі – қаріпсіз, дауыссыз. Енді олай болса, айтқандай қылып білдіретүғын құдіреті және басар, сәмиғ, яғни көруші, естуші деген. Алла тағаланың қөрмегі, естімегі біз секілді көзбенен, құлақпенен емес, көргендей естігендей білетүғын ғылымның бір сипаты. Бірі тәкүин, яғни барлыққа келтіруші деген сез. Егер барлыққа келтірмегі бір өз алдына сипат болса, Алла тағаланың сипаты өзіндегі қадім, һәм өзөли,<sup>3</sup> һәм өбди<sup>4</sup> болады да, һәмишә<sup>5</sup> барлыққа келтіруден босанбаса, бір сипаты бір сипатынан үлкен я кіші боларға жарамайды. Олай болғанда ғылым, құдірет сипаттары секілді босанбай, һәр уақыт жаратуда болса, бір ықтиярсыздық шығады. Ықтиярсыздық Алла тағалага лайықты емес. Оның барлыққа келтірмегі – құдіретіне ғана бір шарх. Бүл ғылым, құдірет екі сипат бірлән сегіз сипат бұзылмастан түгел болады. Ол ғылым құдіретте ешбір нинаятсыз<sup>6</sup> ғылымында ғафлят<sup>7</sup>, құдіретінде епсіздік я нашарлық жоқ. Саниғын

<sup>1</sup> Түсіндіру, түсінік беру.

<sup>2</sup> Күш болуда.

<sup>3</sup> Арабша: һәм өүелде, өүелден.

<sup>4</sup> Құлшылық ету.

<sup>5</sup> Үнемі, өрқашан, өрдайым.

<sup>6</sup> Шексіз, шамасыз.

<sup>7</sup> Қалпы қалу, қапы болу.

сұнатына<sup>1</sup> қарап білесіз. Бұл көзге көрінген, көңілге сезілген ғаламды қандай хикмет бірден жарастырып, қандай құдіретбірлөн орнастырган, еш адам үгіліліктерінде ақылы жетпейді. Бірақ пендесінде ақыл-хұкімші, қайрат, қуат қызмет қылуышы еді. Соған қарап ойласаң: Алла тағаланың сипатында солай болмаққа тиіс. Бірақ өуелде айтқанымыз: ғылым, құдірет – біздің үғуымызға ғана екі хисап болмаса, бір-ақ ғылымды құдірет болуға тиіс. Олай болмаса, сипаттар өз орталарында бірі тәбіғ<sup>2</sup>, бірі мәтбуг<sup>3</sup> болады ғой. Бұл болса, тағриф раббыгे<sup>4</sup> жараспайды. Сегіз сипат қылышп және ол сипаттар «лағайру үө лөһү»<sup>5</sup> болып, былай айтуда, бұлардан бір өз алдына жамағат яки жамиғат<sup>6</sup> шығып кетеді. Бұл болса келіспейді. Егерде сипаттарды өрбірін басқа-басқа дегенде, көп нәрседен жиылышп, иттифакбірлөн құдай болған болады. Бұлай деу бутыл<sup>7</sup>, бір ғана құдірет пендеде болған қуат: құдірет, ғылым ақылдан басқа болатуғын еді, Алла тағалада болған құдірет – ғылым həm рақымет. Ол – рақымет сипаты, сегіз сипаттың ішінде жазылмаса да Алла тағаланың Рахман<sup>8</sup>, Рахим<sup>9</sup>, Фафур<sup>10</sup>, Уадуд<sup>11</sup>, Хафиз<sup>12</sup>, Сөттар<sup>13</sup>, Разак<sup>14</sup>, Нафиг<sup>15</sup>, Үекіл<sup>16</sup>, Латиф<sup>17</sup> деген есімдеріне бинани<sup>18</sup>

<sup>1</sup> Истеушіні ісіне қарап.

<sup>2</sup> Ертуші.

<sup>3</sup> Еруші.

<sup>4</sup> Құдайды тану.

<sup>5</sup> Басқа да емес, соның өзі де емес.

<sup>6</sup> Көп адам.

<sup>7</sup> Теріс.

<sup>8</sup> Жарылқаушы.

<sup>9</sup> Мейірімді

<sup>10</sup> Кешіруші.

<sup>11</sup> Сүюші.

<sup>12</sup> Қорғаушы, сақтаушы.

<sup>13</sup> Айыпты жабушы.

<sup>14</sup> Рызық беруші.

<sup>15</sup> Пайдалы, пайда беруші.

<sup>16</sup> Өкіл.

<sup>17</sup> Жақсы, кішіпейіл.

<sup>18</sup> Сүйеніп, негіз етіп.

бір ұлығ сипатынан хисаплауға жарайды. Бұл сөзіме нақлия<sup>1</sup> дәлелім – жоғарыдағы жазылмыш Алла тағаланың есімдері. Faқлия<sup>2</sup> дәлелім құдай тағала бұл ғаламды ақыл жетпейтін келісібрлән жаратқан, анан басқа бірінен-бірі пайда алатұғын қылып жаратыпты. Жансыз жаратқандарынан пайда алатұғын жан иесі хайуандарды жаратып, жанды хайуандардан пайдаланатұғын ғақылды инсанды<sup>3</sup> жаратыпты. Хайуандарды асырайтұғын жансыздарды еті ауырмайтын қылып, жан иесі хайуандарды ақыл иесі адам баласы асырайтын қылып, həm олардан махшарда сұрау бермейтұғын қылып, бұлардың həmmасынан пайда аларлық ақыл иесі қылып жаратқан.

Адам баласынан махшарда сұрау беретүғын қылып жаратқандығында həm ғадаләт, həm махабbat бар. Адам баласын құрт, құс, өзге хайуандар сипатында жаратпай, бұл гузәл сипатты беріп, екі аяққа бастырып басын жоғары тұрғызып, дүниені көздерлік қылып өзге хайуандар секілді тамақты өз басымен алғызбай, ыңғайлы екі қолды басқа қызмет еттіріп, аузына қолы ас бергенде, не ішіп, не жегенін білмей қалмасын деп, іісін алыш ләzzаттанғандай қылып ауыз үстіне мұрынды қойып, оның үстіне тазалығын байқарлық екі көз беріп, ол көздерге нәзіктен, зарардан қорғап тұрарлық қабак беріп, ол қабақтарды ашып-жауып тұрғанда қажалмасын деп кірпік жасап, маңдай тері тұра көзге ақпасын деп, қага беруге қас беріп, оның жүзіне көрік қылып, бірінің қолынан келмestей істі көптесіп бітіrmекке, біреуі ойын біреуіне үқтыра尔лық тіліне сөз беріп жаратпақтығы махабbat емес пе? Қім өзіне махабbat қылса, сен де оған махабbat қылмағың қарыз емес пе? Faқыл көзімен қара: күн қыздырып, теңізден бұлт шыгарады екен; ол

<sup>1</sup> Бұрыннан айтылып жүрген сөздермен.

<sup>2</sup> Оймен, ақылмен.

<sup>3</sup> Адам, адам баласы.

бұлттардан жаңбыр жауып, жер жүзінде неше түрлі дәндерді өсіріп, жемістерді өндіріп, көзге көрік, көнілге рақат гүл-бәйшептерді, ағаш-жапырақтарды, қант қамыстарын өндіріп, неше түрлі нәбаттәттөрді<sup>1</sup> өстіріп, хайуандарды сактатып, бұлақтар ағызып, өзен болып, өзендер ағып дария болып, хайуандарға, құсқа, малға сусын, балықтарға орын болып жатыр екен. Жер мақтасын, кендерін, жемісін, кенін, гүлдер гүлін, құстар жұнін, етін, жұмыртқасын; хайуандар: етін, сүтін, құшін, көркін, терісін; сулар: балығын, балықтар икрасын, хатта ара балын, балауызын, құрт жібегін – һеммасы адам баласының пайдасына жасалып, ешбірінде бұл менікі дерлік бір нөрсе жоқ, бәрі – адам баласына таусылмас азық.

Миллион хикметбірлөн жасаған машина, фәбрик адам баласының рақаты, пайдасы үшін жасалса, бұл жасалушы махаббат бірлөн адам баласын сүйгендігі емес пе? Қім сені сүйсе, оны сүймектік қарыз емес пе? Адам баласы қанағатсыздықбірлөн бұл хайуандардың тұқымын құртып, алдыңғылар артқыларға жәбір қылмасын деп, малды адам баласының өзінің қызғанышына қорғалатып, өзге хайуандарды бірін үшқыр қанатына, бірін күшті қуатына, бірін жүйрік аяғына сүйентіп, бірін биік жартасқа, бірін терең тұңғылыққа, қалың орманға қорғалатып, һәм әрбірін өсіп-өнбекке құмар қылышп, жас күнінде кішкене уақытында шафхат сөхөрібірлөн<sup>2</sup> бастарын байлап қамқор қылышп қоймақтығы, адам баласына өсіп-өніп, теңдік алсын емес, бәлкі адам баласының үзілмес нөсіліне таусылмас азық болсын дегендік. Бұл хикметтерінен һеммасына һәм мархамат, һәм ғадаләт зәһир<sup>3</sup> түр екен. Біз өз ортамызда бұл мархамат ғадаләтті иманның шартынан хисап қылмаймыз, ал аның үшін мұслім

<sup>1</sup> Өсімдіктер.

<sup>2</sup> Ертеңгі рақымет.

<sup>3</sup> Өділдіктің көрінуі.

болғанда, Алла тағалага тәслім болып, оның жолында болмақ едік, болғанымыз қайсы? Бұл екі ай мен күннен артық, мағлұм түрган жоқ па? Бұл фиғылы қуданың ешбірінде қарар қылмаймыз, өзгелерде болғаның жек көрмейміз, өзіміз тұттаймыз, бұл қиянатшылық емес пе? Қиянатшылыққа бір қарар түрган адам я мұсылман емес, ең болмаса шала мұсылман. Алла табарақа уатағаланың пенделеріне салған жолы қайсы? Оны көбі білмейді. «Тафакка-ру фи’ал иллаһи»<sup>1</sup> деген хадис шарифтің «инна Аллаху йухуббул мақситин»<sup>2</sup> деген аяттарға ешкімнің ықыласы, көзілі менен ғылымы жетіп құптағанын көргеніміз жоқ. «Ата марру ан-Наса би-л – бирри уа ахсану. Инна Аллаха йухиббу-л-мұхсинин»<sup>3</sup>, «уа аллазина амөну үә амилу с-салихати л-алаика с-хабул жаннатихум фиңа халидун»<sup>4</sup> деген аяттар құранның іші толған ғамалус-салих<sup>5</sup> не екенін білмейміз, «Уа аллазинә амөну үә ғамилу с-салихати фә йуәффиним үжурөһүм уа Аллаһу лә йүхбузалимин»<sup>6</sup> аятына қарасаң, ғамалус-салих залымдықтың дидди<sup>7</sup> болар. Олай болғанда, ғадаләт раффат<sup>8</sup> болуға кімде-кімнің әділеті жоқ болса, оның хиясы<sup>9</sup> жоқ, кімнің үяты жоқ болса, оның иманы жоқ деген, пайғамбарымыз саллала Аллаһу налайғи уа салламның хадис шарифі

<sup>1</sup> Құдайдың бергеніне ой жібер.

<sup>2</sup> Егер сен Алланы сүйсеп, о да сені сүйеді.

<sup>3</sup> Жұртқа жақсылық істе және өзің де қайрымды бол, ейткені Алла жақсылық істеушіні жақсы көреді.

<sup>4</sup> Сондай адамдар құдайға иман келтіреді, жақсы істер істейді, ондайлардың орны мәңгі жұмакта.

<sup>5</sup> Ізгі іс.

<sup>6</sup> Бірақ сондай адамдар бар, құдайға иман келтіреді, жақсы істер істейді. Сөйтіп, міндетін атқарады, ейткені құдай залымдарды сүймейді.

<sup>7</sup> Карсы, керісі.

<sup>8</sup> Өділдік, жоғарылату.

<sup>9</sup> Үят.

«мән лә хаяһүн лаһу уә ла иманун лаһу»<sup>1</sup> деген дәлелдүр. Енді белгілі, иман құры инанышбірлөн болмайды, ғадаләт уә раффатбірлөн болады. Фамалус-салих ғадаләтті мархаматты болмақ күллі тәнбірлөн қылған құлшылықтарың ешбірі ғадаләтті мархаматты бермейді. Қөзің қүнде көреді намаз оқушы, рузатұтушылардың не халәттө екендіктерін, оған дәлел керек емес. Бәлки ғадаләт барша езгуліктің анасы дур. Ынсан, үят бұл ғадаләттөн шығады. Аның үшін ғадаләтті адамның көңіліне келеді: мен өз көңілімде қылық менімен, сондай-мұндай қылықтармен мұғамәла<sup>2</sup> қылса екен деп ойлан тұрып, өзім сол қылықтармен мұғамәла қылмағандығым жарамайды ғой деп, сол өзі әділет те һәм ынсан та емес пе? Ол һәмма жақсылықтың басы емес пе? Жә, олай ҳұлық<sup>3</sup> пenen сол ойды ойлаған киси халлақаны<sup>4</sup> шүкірді неге ойламайсың?

Шекірліктен<sup>5</sup> ғибадаттың бәрі туады. Енді зинһар ғадаләт, шапағаттан босанбаңдар. Егер босансаң, иман да, адамдық та, һеммасы босанады.

Аллаяр соғының бір фәрдәдән жүз фәрдө бижай<sup>6</sup> дегені басыңда келеді. Енді біздің бастағы тағриф бойынша құдай тағала ғылымды, рақымды, ғадаләтті құдіретті еді. Сенде бұл ғылым, рақым, ғадаләт үш сипатбірлөн сипаттанбақ: иждиһатің шарт еттің, мұсылман болдың һәм толық инсаниятың<sup>7</sup> бар болады. Белгілі жәуанмәртлік<sup>8</sup> үш хаслат<sup>9</sup> бірлөн болар деген сиддық<sup>10</sup>, кәрөм<sup>11</sup>, ғақыл<sup>12</sup> –

<sup>1</sup> Кімнің үятты жоқ болса, соның иманы жоқ.

<sup>2</sup> Арапасу, қатынасу.

<sup>3</sup> Пейіл, мінез.

<sup>4</sup> Жаратушыны.

<sup>5</sup> Шукір, ырзалық.

<sup>6</sup> Жайсыз, қолайсыз.

<sup>7</sup> Адамгершілік.

<sup>8</sup> Жақсы адам.

<sup>9</sup> Пайда, сипат.

<sup>10</sup> Шындық.

<sup>11</sup> Ізгілік.

<sup>12</sup> Даналық.

бұл үшіндөн сиддық, ғадалот болып. Қоюм  
ғат болар, ғақыл мағлұм дүр, ғылымның о  
екендігі, бұлар әр адамның бойында Алла ти  
уатағала тәжмин<sup>1</sup> бар қылыш жаратқыш. Шри<sup>2</sup>  
рауаж<sup>2</sup> беріп гүлдендірмек, бәлки адам ол хал  
көмәлатқа жеткізбек, же ہетінде болмақ. Ұулар<sup>3</sup>  
иждиһатінбірлөн, ниет халис<sup>3</sup> бірлөн ізденесең<sup>4</sup> ғана  
берілетін нәрселер, болмаса жоқ. Бұл айтылмыш<sup>5</sup>  
хаслөттің иелерінің алды – пайғамбарлар, онан соң –  
өулиелер, онан соң – хакимдер, ең ақыры – көміл  
мұсылманндар. Бұл үш түрлі фиғыл құданың соңында  
болмақ, өзін құл біліп, бұл фиғылдарға ғашық болып,  
тұтпақты пайғамбарлар үйретті, өулиелер оқыды,  
ғашық болды. Бірақ, ұхрауи<sup>4</sup> пайдасын ғана құзетті.  
Ғашықтары сол халге жетті, дүниені, дүниедегі  
тиерлік пайдасын ұмытты. Бәлки хисапқа алмадыл-  
дар. Хакимдер дуниеде тиетін пайдасын сөйлейді,  
ғибрат көзімен қарағанда, екісі де бірінен-бірі көп  
жырақ кетпейді. Аның үшін әрбірінің сөйлеуі, айт-  
туы басқаша болса да, Алла тағаланың сұнғатына  
қарап пікірлемекті екісі де айтты. Пікірленбектің  
соңы ғибратланбақ болса керек. Бұл ақыл, ғылым  
екісі де өзін зорға қисабламақты, залымдықты, адам  
өзіндей адамды алдамақты жек көреді. Нем екісі  
де мархаматты, шапағатты болмақтықты айтып  
бүйірды, бұл рақым болса керек. Бірақ менің ойы-  
ма келеді, бұл екі тайфа әр кісі өздеріне бір түрлі  
нәпсісін фида қылушылар деп. Яғни пенделіктің  
көмәлаты өулиелікбірлөн болатұғын болса, күллі  
адам тәркі түнне болып ھу деп тариқатқа<sup>5</sup> кірсе,  
түнне ойран болса керек. Бұлай болғанда малды  
кім бағады, дүшпанды кім тоқтатады, киімді кім

<sup>1</sup> Шама, шамамен.

<sup>2</sup> Реттеу, пайдаға асыру.

<sup>3</sup> Шын ниет.

<sup>4</sup> Ахиреттік.

<sup>5</sup> Дін жолы.

тоқиды, астықты кім егеді, дүниедегі Алланың пенделері үшін жаратқан қазыналарын кім іздейді? Хәрами,<sup>1</sup> макруни<sup>2</sup> былай тұрсын, құдай тағаланың қуатыбірлөн иждиһат ақылыңбірлөн тауып, рақатын көрмек хұзурға<sup>3</sup> сұық көзбірлөн қарап, ескерусіз тастап кетпек ақылға, әдепке, ынсанقا дұрыс па?! Сахиб нигмәтке<sup>4</sup> шүкіршілігің жоқ болса, әдепсіздікбірлөн күнәкер болмайсың ба? Екінші – бұл жолдағылар қор болып, дүниеде жоқ болып кету де хаупі бар. Уа кәпірлерге жем болып кетуде, қайсыбір сабырсызы жолынан тайып, сабырмен бір қарар тұрамын дегені болып кетселер де керек. Егерде бұл жол жарым-жартыларына ғана айтылған болса, жарым-жарты раст дүниеде бола ма? Раст болса, һәммәға бірдей раст болсын, алалаған раст бола ма? Һәм ғадаләт бола ма? Олай болғанда, ол жұрттағұмыр жоқ болса керек. Ғұмыр өзі – хақиқат. Қай жерде ғұмыр жоқ болса, онда кәмәлат жоқ. Бірақ өулиелердің де бәрі бірдей тәркі дүние<sup>5</sup> емес еді. Фашерен – мұбәшәрәдан<sup>6</sup> хазірет Госман, Габдурахман бин Fauf Уа Saғид бин Әбүдәқас үшеуі де үлкен байлар еді. Бұл тәркі дүниелік: я дүние ләззатына алданып иждинатім шала қалады деп бойына сенбегендік: я хирс дүниеліктен қауымның көңілін сұytпақ үшін, ренжуге сабыр етіп өзін фида қылып мен жаныммен үріс қылғанда, халық ең болмаса нәпсісімен үріс қылып, һәюа һөуастан<sup>7</sup> әрбір арзуи<sup>8</sup> нәпсіден сұнынып, ғадаләт, уа мархамат махаббатына бір қарар болар ма екен деген үмітпенен бол-

<sup>1</sup> Арам нәрсе.

<sup>2</sup> Жиіркенішті.

<sup>3</sup> Тыныштық, рақатшылық.

<sup>4</sup> Байлық иесі.

<sup>5</sup> Дүниеден безген.

<sup>6</sup> Мұхаммедтің тірі күнінде жұмаққа кіреді деп сүйініш берілген он адам (дұрысы – аша мұбәширан).

<sup>7</sup> Өуестену.

<sup>8</sup> Тілек, мақсат, арман.

са керек. Олай болғанда о да жұртқа қылған артық махаббаттан хисап. Бірақ бұл жол – бек шетін, бек нәзік жол. Бұл жолда риясыз<sup>1</sup> жеңілдіксіз бір қарар тұрып іздеген ғана кісі істің көмөлатына жетпек. Бұл заманда надир<sup>2</sup>, бұған ғылымның да зоры, сиддық, қайраттың да зоры, махаббаттың халлақына да, уа халық – ғаламға да бек зоры табылмақ керек. Бұлардың жиылмағы, қыннның қыны, бөлки фитнө<sup>3</sup> болар.

Басына һем өзіне өзгешелік бермек – адам ұлын бір бұзатын іс. Әрбір наданның біз тариқатқа кірдік деп жүргені біз бұзылдық дегеніменен бір болады. Хаким, ғалым – асылда бір сөз, бірақ ғарафта<sup>4</sup> басқалар дұр. Дүниеде ғылым зәнири<sup>5</sup> бар, олар айтылмыштарды нақлия деп те айтады, бұл нақлияға жүйріктер ғалым атанады. Құдай тағала ешбір нәрсені себепсіз жаратпаған, мұны ізерлеп тәфаккару фи өла иллани деген аятына бинаән<sup>6</sup> бұл сұнғати құдадан<sup>7</sup> ізерлеп, құмар болып ғибратланушыларға тыю жоқ, бөлки сұнғатынан себебін білмекке құмарлықтан саниғна<sup>8</sup> ғашықтық шығар. Құдай тағаланың затына пендесінің ақылы жетпесе, дәл сондай ғашықпын демек те орынсыз. Ғашықмағшуклыққа<sup>9</sup> халик бірлөн махлұқ ортасы мунәсибетсіз<sup>10</sup> Алла тағаланың пендесін махабbat уа мархаматбірлөн жаратқанын біліп, махаббатына махабbatбірлөн ғана елжіремекті – құдага ғашық болды дейміз. Олай болғанда, хикімет құдага, пенде өз ақылы жетерлік қадәрін ғана білсем деген әрбір

<sup>1</sup> Босқа кету, зая кету.

<sup>2</sup> Сирек, аз кездесетін.

<sup>3</sup> Бұзықтық.

<sup>4</sup> Білуде, тануда.

<sup>5</sup> Сыртқы ғылым.

<sup>6</sup> Негізделген.

<sup>7</sup> Құдайдың шеберлігінен.

<sup>8</sup> Жасаушы, істеуші.

<sup>9</sup> Суюші, сүйгені.

<sup>10</sup> Байланыссыз.

істің себебін іздеушілерге хаким ат қойдылар. Бұлар хак бірлөн батылды айырмаққа, себептерін білмекке тырысқандары һеммасы адам баласының пайдасы үшін, ойын-күлкі түгіл, дүниедегі бүкіл ләззат бұларға екінші мәртебада қалып, бір ғана хакты таппак, әрбір нөрсенің себебін таппак берлөн ләззаттанады.

Адаспай тура іздеген хакимдер болмаса дүние ойран болар еді. Фигыл пәндениң<sup>1</sup> қазығы – осы жақсы хакимдер әр нөрсе дүниеде солардың истихражы<sup>2</sup> бірлөн рауаж табады. Бұлардың ісінің көбі – дүние ісі, ләкин осы хакимдердің жасаған, таратқан уа айтқан істері өддүния мәзрөгетул – ахирет<sup>3</sup> дегендей, ахиретке егіндік болатын дүние сол. Әрбір ғалым – хаким емес, әрбір хаким – ғалым. Ғалымдарының нақлиясы берлөн мұсылман иман тақлиди кесіп қылады. Хакимдердің ғақлияты берлөн жетсе, иман якини болады. Бұл хакимдерден мұрад – мұсылман хакимдері, болмаса ғайри діннің хакимдері, – әгәрше фатлұбни тәжиидуны<sup>4</sup> делінсе де, дүниенің һем адам үғлы өмірінің сырына жетсе де, діннің хак мағрифатына<sup>5</sup> жете алмағандар. Бұлардың көбі – иманның жеті шартынан, бір Алланы танымақтан ғайри, яғни алтауына кімі күмәнді, кімі мұнқір<sup>6</sup> болып, тахқиқтай алмағандар. Егер бұлар, дін ұстазымыз емес болса да, дінде басшымыз құдайдың елшісі пайғамбарымыздың хадис шариғі, хайру н-нас мән йанғағу н-нас<sup>7</sup> деген. Бұл хакимдер үйқы, тыныштық, өуес-қызықтың бәрін қойып, адам баласына пайдалы іс шығармақтығына, яғни әлектерді тауып аспаннан жайды бұрып алып,

<sup>1</sup> Адамның ісі.

<sup>2</sup> Истеу, ойлау.

<sup>3</sup> Дүние ахиреттің егіні.

<sup>4</sup> Талап қылсаң табасың.

<sup>5</sup> Тану, білу.

<sup>6</sup> Сенбеу, қарсы келу.

<sup>7</sup> Адамның жақсысы адамға пайда келтірген адам.

дүниенің бір шетінен қазір жауап алыш тұрып, от пен суға қайласын тауып, мың адам қыла алмастай қызметтер істетіп қойып тұрғандығы, уа хұсусан<sup>1</sup> адам баласының ақыл-пікірін ұстартып, хақ бірлән батылдықты айырмақты үйреткендігі – баршасы нөфіғлық<sup>2</sup> болған соң, біздің оларға міндеткерлерімізге дағуа жоқ.

Бұл заманың моллалары хақим атына дүшпан болады. Бұлары білімсіздік, бәлки бұзық фиғыл, әлисан гәдду ләма жәһілгә<sup>3</sup> хисап. Олардың шәкірттерінің көбі біраз ғараб-парсыдан тіл үйренсе, бірлі-жарым болымсыз сөз баҳас үйренсе, соган мәз болыш, өзіне өзгешелік берейін деп өуре болыш, жүртқа пайдасты тимек түгіл, түрлі-түрлі заарлар хасил қылады. «Най-най!»-менен, мақтанменен қауымды адастырып бітіреді. Бұлардың көбі әншнейін жәһіл<sup>4</sup> түгіл, жәһілләр кібік<sup>5</sup> талап болса, қайда хақ сөздер келсе, қазір инсапқа қайтын һәм ғибраттансын. Рас сөзге ор қазып, тор жасамақ не деген инсал, құры өзімшілдік һәм һәrbір өзімшілдік – өrbіr адамды бұзатын фиғыл. Растьң бір аты – хақ, хақтың бір аты – Алла, бұған қарсы қаруласқанша, мұны үғып, ғадаләтпен тәптештеуге керек. Мұндай фиғылдардан күпір хаупі де бар. Және пайғамбарымыз саллала Аллаһу налайни уа салламың «акыр заманда бір жылдық, бір күн болар» дегенде сахаба-и кәрәмлар<sup>6</sup> «бул жылдық күнде намаз нешеу болар» деп сұрағанда: оның патуасын сол заманың ғалымдары білер деген сөзінен ғибратланып қарасаң, замана өзгеру бірлән қағидалар өзгерілмегін білдіргені мағлұм болады. Бұл күндеңі тәхсилғұлум<sup>7</sup> ескі медреселер ғұрпында болыш, бұл заманға пайдасы

<sup>1</sup> Өсіреле.

<sup>2</sup> Пайда беруші.

<sup>3</sup> Адамның көңlі жаманшылыққа ауып тұрады.

<sup>4</sup> Бұзық.

<sup>5</sup> Бұзық адамдар сияқты.

<sup>6</sup> Ізгі сахабалар.

<sup>7</sup> Фылым үйрену.

жоқ болады. Соған қарай Фұсманияда<sup>1</sup> мектеп харбия<sup>2</sup>, мектеп рүшидиалар<sup>3</sup> салынып, жаңа низамға айналған. Мұндағылар ұзақ жылдар өмір өткізіп, ғылымды пайдасыз ұзақ баҳастар бірлөн күнін өткізіп, магишат<sup>4</sup> дүниеде надан бір ессіз адам болып шығады да, харекетке лайықты жоқ болған соң, адам аулауга, адам алдауга салынды. Қебінесе мұндай ессіздердің насихаты да тасирсіз болады.

Дүниенің мағмурлығы<sup>5</sup> бір түрлі ақылға нұр беріп тұратұғын нәрсе. Жоқшылықтың адамды хай-уандандырып жіберетіні де болады. Бөлки дүниенің ғылымын білмей қалмақтық – бір үлкен зааралы надандық, ол құранда сөгілген: дүниеде кімде-кім өзіне өзгешелік бермек қасты бірлөн малға махаббатын аударғандар дүниеде болмаса, ихсанда<sup>6</sup> қолым қысқа болмасын деп һәм біреуге тамғылы<sup>7</sup> болмайын деп, малға махаббатын аудармай, езгулікке бола халал көсіпбірлөн тапқан дүние емес.

Біз ғылымды сатып, мал іздемек емеспіз. Мал бірлөн ғылым көсіп қылмақтыз. Өнер – өзі де мал, өнерді үйренбек – өзі де ихсан. Бірақ ол өнер ғадалётттан шықпасын, шарғыға<sup>8</sup> муафих<sup>9</sup> болсын. Адамға халінше ихсанды болмақ – қарыз іс. Бірақ өзгелердің ихсанына сүйенбек дұрыс емес. Моллалар тұра тұрсын, хұсусан бұл замананың ишандарына бек сақ болыңдар. Олар – фитнә ғалым, бұлардан залалдан басқа еш нәрсе шықпайды. Өздері хұқім шаригатты<sup>10</sup> таза білмейді, көбі надан болады. Онан асып өзін-өзі

<sup>1</sup> Бұрынғы Түркия патшалығы.

<sup>2</sup> Өскери мектеп.

<sup>3</sup> Түрлі пәндер оқылатұғын мектеп.

<sup>4</sup> Тіршілік.

<sup>5</sup> Қызық, өдемі.

<sup>6</sup> Жәрдем, жақсылық.

<sup>7</sup> Тілеу, сұрау, алғысы келу.

<sup>8</sup> Діни заңға.

<sup>9</sup> Үйлесімді, сәйкес.

<sup>10</sup> Шаригат жолы.

әһіл тариқат біліп және біреуді жеткізбек дағуасын қылады. Бұл іс олардың сыбағасы емес, бұлардың жеткізбегі мұхал<sup>1</sup>, бұлар адам аздырушылар, хаттә дінге де зааралы дур. Бұлардың сүйенгені – надандар, сейлекені – жалған, дәлелдері тасбығы менен шалмалары, онан басқа еш нәрсе жоқ.

Енді білініздер, перзенттер! Құдай тағаланың жолы деген жол нинаятызы болады. Оның нинаятына ешкім жетпейді. Бірақ сол жолға жүруді өзіне шарт қылып кім қадам басты, ол таза мұсылман, толық адам делінеді. Дүниеде түпкі мақсатың өз пайдаға болса, өзің нинаятылысың, ол жол құдайдың жолы емес. Фаламнан жиылсын, маған құйылсын, отырган орныма ағып келе берсін деген ол не деген ынсан? Не түрлі болса да, я дүниенен, я ақылдынан, я малынан ғадалёт, шапағат секілді біреулерге жақсылық тигізбек мақсатың болса, ол жол – құданың жолы. Ол – нинаятызы жол, сол нинаятызы жолға аяғынды берік бастың, нинаятызы құдаға тақырып хасил болып хас езгу құлдарынан болмақ үміті бар, өзге жолда не үміт бар? Кейбіреулердің бар өнері, мақсаты киімін түземек, жүріс-тұрысын түзетпек болады да, мұнысын өзінше бір дәulet біледі. Бұл істердің бәрі өзін көрсетпек, өзін-өзі базарға салып, бір ақылы көзіндегі ақымақтарға «бәрекелді» дегізбек. «Осындаі болар ма едік» деп, біреулер «осындаі бола алмадық» деп күйінер, мұнан не пайдада шықты? Мұнша өуреленіп, сыртынды бір сүйген қауымына үқсатарсың? Сыртқа қасиет бітпейді, Алла тағала қарайтұғын қалыбыңа боямасыз ықыласыңа қасиет бітеді. Бұл айнага табынғандардың ақылы қаншалық өсер дейсің? Ақыл өссе, ол түпсіз терең жақсылық сүймектік бірлөн өсер.

Құдай тағала дүниені көмәллатты шеберлікпен жаратқан һәм адам баласын өссін-өнсін деп

---

<sup>1</sup> Мүмкін емес, екі талай.

жаратқан. Сол өсіп-өну жолындағы адамның талап қылыш ізденер қарызды ісінің алды – өуелі дос көбейтпек. Ол досын көбейтпектің табылмағы өзінің өзгелерге қолынан келгенінше достық макамында<sup>1</sup> болмақ. Кімге достығың болса, достық достық шақырады, ең аяғы ешкімге қас сағынбастық һәм өзіне өзгешелік берейін деп, өзін тілмен я қылықпен өзін-өзі артық көрсетпек мақсатынан аулақ болмақ. Бұл өзін-өзі артық көрсетпек екі түрлі!

Өуелгісі – өрбір жаманшылықтың жағасында тұрып адамның адамдығын бұзатын жаманшылықтан бойын жимақтық, бұл адамға нұр болады.

Екінші – өзін-өзі өзгешелікпен артық көрсетпек адамдықтың нұрын, гүлін бұзады.

Үшіншісі – қастық қылмақ, қор тұтпақ, кемітпек. Олар дұшпандық шақырады.

Іем өзі өзгеше боламын демектің түбі – мақтан. Өрбір мақтан біреуден асамын деген күншілікті бітіреді де, күншілік күншілікті қозғайды, Бұл үш түрлі істің жоқтығы, адамның көңіліне тыныштық береді. Өрбір көңіл тыныштығы көңілге талап салады.

Құллі адам баласын қор қылатын үш нәрсе бар. Сонан қашпақ керек. Өуелі – надандық, екінші – еріншектік, үшінші – залымдық деп білесің.

Надандық – білім-ғылымның жоқтығы, дүниеден еш нәрсені оларсыз біліп болмайды.

Білімсіздік хайуандық болады.

Еріншектік – құллі дүниедегі өнердің дұшпаны. Талапсыздық, жігерсіздік, үятсыздық, кедейлік – бәрі осыдан шығады.

Залымдық – адам баласының дұшпаны. Адам баласына дұшпан болса, адамнан бөлінеді, бір жыртқыш хайуан хисабына қосылады.

Бұлардың емі, халлақына махаббат, халық ғаламға шапқат, қайратты түрлаулы, ғадалөт ісі-

<sup>1</sup> Көңіл, жүрек.

нің алды-артын байқарлық білімі, ғылымы болсын. Ол білім, ғылымды құдаға мұқтәди<sup>1</sup> болсын, ягни құдай тағала бұл ғаламды жаратты, ерінбеді, келісімменен, хикметпенен көмөллатты бір жолға салып жасады, сіздердің ісіңіз де бір жақсылықты бина<sup>2</sup> қылыш, арқа сүйерлік шеберлікпенен болсын. Жөне құдай тағала өрне жаратты, бір түрлі пайдалы хикметі бар. Сенің де ісіңден бір заарлар шығып кеткендей болмай, көпке пайда боларлық бір үміт бар іс болсын. Бұларсыз іс іс емес. Бәлки бұларсыз тағад – тағат та емес.

Белгілі, құдай тағала ешбір нәрсені хикметсіз жаратпады, ешбір нәрсеге хикметсіз тәклиф<sup>3</sup> қылмады. Бәрінің хикметі бар, бәрінің себебі бар, біздің ғаям<sup>4</sup> былай тұрсын, ғылымға махаббаты барларға себеп, парыздарды білмекке иждиһат ләзім<sup>5</sup>, сіздер өрбір ғамал қылсанызы езгулік деп қаласыз, езгулікке бола қасд<sup>6</sup> етіп ниет етесіз. Ниет оның парызынан хисап, пайғамбарымыз салла-ла Аллаху налайни уа салламның ҳадис шарифі: «Инна йағмала – Ағмал бин нийат»<sup>7</sup> деген. Енді ниет еттіңіз таһарат<sup>8</sup> алмаққа, намаз оқымаққа, руза тұтмаққа, бұл тағаттарды ниетіңіз зәнирынан қалып сыр, ғибадатқа жетпегендігі кемшілік емес пе? Сіздің батиныңызы<sup>9</sup> таза болмағы ол иман болып, бұл зәнир ғибадатыңызы иманды болған соң ғана парыз болған, сіздің зәнирыңыздағы ғибадат – батиныңыздағы иманның көлеңкесі, һәм сол иманың нұрланып түрмәғина көрік үшін бүйірылған.

<sup>1</sup> Еру, жолға тұсу.

<sup>2</sup> Негіз, тірек.

<sup>3</sup> Бүйіру, істе деу.

<sup>4</sup> Қепшілік.

<sup>5</sup> Талап қылу, міндет.

<sup>6</sup> Ниет, арнау.

<sup>7</sup> Іс істей үшін ниет, талап керек.

<sup>8</sup> Намаз оқыр алдындағы жуыну.

<sup>9</sup> Иш, ішкі жақ.

Оның үшін ғұламалар иман екеу емес,, біреу, бірақ езгу тағатбірлөн нұрланады, тағат жоқ болса күңгірттенеді, бәлки сөну қаупі де бар деген. Егер надандар ол ғибадаттың ішкі сырын ескермей қалса, соны қылып жүріп, иманы сөнер деген.

Мениң қаупім бар, олар хас осы ғибадат екен, құданың бізге бүйірғаны, біз осыны қылсақ, мұсылмандық кәміл болады деп ойлайды. Ол ғибадат күзетшісі еді. Жә, күзетші күзеткен нәрсенің амандығын ойламай, бір ғана ояту тұрмағын қасл қылса, ол не күзет? Күзеткен нәрсесі қайда кетеді? Мақсат күзетілген нәрсенің амандығы, тазалығы емес пе? Ей, ишарattan<sup>1</sup> хабарсыздар, қара! Бұл ғибадаттан бір үлкені – намаз, ол намаздан өуелі таһарат алмақ, онан соң намазға шұруғ<sup>2</sup> қылмақ, ол таһараттың алды истинж<sup>3</sup> еді. Мұны берік ойлап тұр. Аяғы екі аяққа мәсіх<sup>4</sup> бірлөн бітуші еді, бұлар һеммасы болмаса кәбі ишарат еді. Истинжада к...інізді жуасыз, сіздің к...ініздің ешкімге керегі жоқ еді. Онымен сезімді тазалыққа кіргендігінді, кәміл ыхласынды көрсетіп, ішімнің сафлығының<sup>5</sup> соңында халық көрер, сыртымды да пак етемін һем көзге көрінбейтін ағзаларымды<sup>6</sup> да пак етемін, бұл пактіктің устінде Аллаға дұға айтайын деп өзірленесіз.

Енді намаздың аты – салауат<sup>7</sup>, салауат дұға мағынасында деген.

Аяқта, мойнында болған мәсхлар – ол жумаш емес, өздері де жуулы деп көрсеткен ишараты.

Намаздан өуелі құлақ қақтыңыз – кіршә Алла тағаланы жоғарыда деп, мәкан испат етпесең де,

<sup>1</sup> Білдіру, көрсету.

<sup>2</sup> Kіrіsү.

<sup>3</sup> Дүзге отырғаннан кейін тазалану.

<sup>4</sup> Дәрет алғаннан кейін мәсінің устін сулы қолмен тарту.

<sup>5</sup> Таза.

<sup>6</sup> Мүшелерімді.

<sup>7</sup> Дұға.

бөгірек созы өдепсіз болып, күнә дариясына ғарық болдым, яғни дүние өуесіне ғарық қылмай қолымнан тарт, яғни құтыларлық жәрдемдерінің ишараты.

Онан соң қиамда<sup>1</sup> тұрып қол бағламақ – құл қожа алдында тұрмақ, бұқара патша алдында тұрғаннан артық Алланың қадірлілігіне<sup>2</sup> өзінің ғажиздышына<sup>3</sup> ықрарының<sup>4</sup> беріктігін көрсеткен ишараты.

Қыблага қарамақ – кіршө, құдай тағалаға ешбір орын мүмкін емес болса да зиратын<sup>5</sup> парыз еткен орынға жүзін қаратып, сондағы дұғадай қабылдыққа жақын болар ма екен деген ишараты.

Онан соң қира'ет<sup>6</sup>, яғни сурәхи фатиха оқисын, мұнда бірақ сез ұзарады. Ол фатиха сұресінің мағыналарында көп сыр бар.

Рұқуғ<sup>7</sup> бас үрмак – алдында құда хазірге үқсас, ол да – ишарат.

Сәжделер<sup>8</sup> өуелі жерден жарапанына ықрары, екіншісі және жерге қайтпағына ықрары, бас көтермек және тіріліп, сұрау бермегіне ықрарының ишараты.

Қадағату л-ахир<sup>9</sup> – дүғаның ақырында Аллаға тахайат,<sup>10</sup> одан тәшәххүд<sup>11</sup>, одан салуат, пайғамбарымыз саллала Аллаһу налайғи уа салламға айтпақ үшін ең ақырғы сәлембірлөн таусысасыз, яғни Алла тағаладан не тілеп дұға қылдыңыз. Ол дұға қазинасы күллі мұсылмандарды ортақтастырып, оларға да сәләмәтшілік тілеп һәм рақымет тілеп бітірепсіз.

Жө, бұл сөзден ғибрәтлендік?!

<sup>1</sup> Намаз оқығанда түрегеп тұру.

<sup>2</sup> Құшті.

<sup>3</sup> Өлсіздігіне.

<sup>4</sup> Мойындауының.

<sup>5</sup> Зират.

<sup>6</sup> Оқу.

<sup>7</sup> Намаз оқығанда тізеге қол қойып еңкею.

<sup>8</sup> Намаз оқығанда жерге тигізу.

<sup>9</sup> Намазда кейінгі, соңғы отыру.

<sup>10</sup> Сәлем.

<sup>11</sup> Куәлік беру.

## ОТЫЗ ТОФЫЗЫНШЫ СӨЗ

Рас, бұрынғы біздің ата-бабаларымыздың бұл замандағылардан білімі, күтімі, сыпайылығы, тазалығы төмен болған, бірақ бұл замандастардан артық екі мінезі бар еken. Ендігі жүрт ата-бабаларымыздың мінді ісін бір-бірлеп тастан келеміз, өлгі екі мінезін біржола жоғалтып алдық. Осы күнгілер өзге мінезге осы өрмелеп ілгері бара жатқанына қарай, сол аталарымыздың екі ғана тәуір мінезін жоғалтпай тұрсақ, біз де ел қатарына кірер едік, мінез жоқ болған соң, өлгі үйренген өнеріміздің бәрі де адамшылыққа үқсамайды, сайтандыққа тартып барады. Жүрттықтан кетіп бара жатқанымыздың бір үлкен себебі сол көрінеді.

Ол екі мінезі қайсы десең – өуелі – ол заманда ел басы, топ басы деген кісілер болады еken. Қəші-қонды болса, дау-жанжалды болса, билік соларда болады еken. Өзге қара жүрт жақсы-жаман өздерінің шаруасымен жүре береді еken. Ол ел басы, топ басылары қалай қылса, қалай бітірсе, халық та оны сынамақ, бірден-бірге жүгірмек болмайды еken. «Қой асығын қолыңа ал, қолайыңа жақса, сақа қой!», «Бас-басыңа би болсаң, манар тауға сыймассың, басалқаңыз бар болса, жанған отқа күймессің» деп, мал айтып тілеу қылышп, екі тізгін, бір шылбырды бердік саған, берген соң, қайтып бұзылмақ түгіл, жетпегенінді жетілтемін деп, жамандығын жасырып, жақсылығын асырамын деп тырысады еken. Оны зор тұтып, өулие тұтып, онан соң жақсылары да көп азбайды еken. Бәрі өз бауыры, бәрі өз малы болған соң, шыныменен жетесінде жоқ болмаса, солардың қамын жемей қайтеді?

Екіншісі – намысқор келеді еken. Ат аталып, аруақ шақырылған жерде ағайынға, өкпе-араздыққа қарамайды еken, жанын салысады еken. «Өзіне ар тұтқан жаттан зар тұтады» деп, «Аз араздықты қуған

көп пайдасын кетірер» деп, «Ағайынның азары болса да, безері болмайды» деп, «Алтау ала болса ауыздағы кетеді, тертеу түгел болса, төбедегі келеді» десіп, «Жол қуған қазынаға жолығар, дау қуған бәлеге жолығар» десіп. Қеніки, енді осы екі мінез қайда? Бұлар да арлылық, намыстылық, табандылықтан келеді. Бұлардан айырылдық. Ендігілердің достығы – бейіл емес, алдау, дүшпандығы – кейіс емес, не құндастік, не тыныш отыра алмағандық.

## ҚЫРҚЫНШЫ СӨЗ

Зинһар, сендерден бір сұрайын деп жүрген ісім бар.

Осы, біздің қазақтың өлген кісісінде жаманы жоқ, тірі кісісінің жамандаудан аманы жоқ болатұғыны қалай?

Қайраты қайтқан шал мен жастың бәрі бітім қылады, шалдар өзді-өзі құрбыдан айырылып азайып отырса да, біріменен-бірінің бітім қылмайтұғыны қалай?

Бір елдің ішінде жамағайынды кісі бірге тугандай көріп, іші елжіреп жақсы көріп тұрып, елге келсе, өрберден соң қайта қашқандай қылатұғыны қалай?

Жаттың бір тәуір кісісін көрсе, «жарықтық» деп жалбырап қалып, мақтай қалып, өз елінде сонан артық адам болса да, танымайтұғыны қалай?

Бір жолаушы алыс жерге барған еліне өз елін мақтаймын деп өтірікті сыбап-сыбап, қайтып келген соң, сол барған, көрген елін, жерін мақтап өтірікті сыйбайтұғыны қалай?

Қай қазақты көрсем де, қай баласы жасырақ болса, оның басынан пәрмене болып жүріп, ержеткен соң суық тартатұғыны қалай?

Біреудің ағайыны торқалы той, топырақты өлімде, адалдық, берекеде алысуға табылмай барымта алалық, үрлалық десе, табыла қоятыны қалай?

Бәйгеге ат қоссаң, атынды тартыспайтын  
ағайын, атың келсе, бәйгесіне өкпелейтүшіні қалай?

Баяғыда біреу біреуді пәлен жасымда жарықтық  
атым арып келе жатқанда пәлен жерге жеткізіп са-  
лып еді деп, өлгенше айта жұруші еді. Осы қунде  
бұл жылты берген ендігі жылга жарамайтүшіні  
қалай?

Байдың баласы кедей болса, ұрлық қылуға ар-  
ланбайды, байға кірісуге арланатүшіні қалай?

Екі жақсы бір елде сүйіскен достығында тұра  
алыспайды. Кейбір антүрғандардың тым-ақ тату  
бала қалатыні қалай?

Біреуді досым деп ат беріп жүрсөң, оған сенің  
бір дұшпаның келіп бір тай берсе, бұзыла қалатыні  
қалай?

Құнде тілін алатүшін достан кейде бір тіл ала  
қойған дұшпанға кісінің өле жаздайтүшіні қалай?

Көп кісі досым жетілсе екен демейді, егерде бір  
жетілсе, бағанағы досына бітімі жоқ дұшпан сол  
болатүшіні қалай?

Кей жұрт ақыл айтарлық кісіні ізден таба ал-  
майды. Қылышының қылышығын танитүшін кісіден  
қашық жүретүшіні қалай?

Біреу біреудікіне келгенде үйіндегі малының  
бәрін де айдал келіп, өз үйіне кісі барғанда бар ма-  
лын далага айдал жіберетүшіні қалай?

Тыныштық ізден таба алмай жүрген жұрт  
тыныштық көрсө, сөтке тұрмай, тыныштықтан  
жалыға қалатүшіні қалай?

Елді пысық билегені несі? Пысықтың бәрі кедей  
келетүшіні несі?

Тоқал қатын өр келетүшіні несі? Кеселді кісі  
өр келетүшіні несі? Кедей кісінің кер келетүшіні  
несі?

Нәпсісін тыйып, бойын тоқтатқан кісінің жаман  
атанып, нәпсісі билеп, мақтанға еріп пөле шығарған  
кісі мықты атанатүшіні несі?

Қазақтың шын сөзге нанбай, құлақ та қоймай,  
тыңдауға қолы да тимей, пәлелі сөзге, өтірікке  
сүттей үйіп, бар шаруасы судай ақса да, соны әбден  
естіп үқпай кетпейтүғыны қалай?

## ҚЫРЫҚ БІРІНШІ СӨЗ

Қазаққа ақыл берем, түзеймін деп қам жеген  
адамға екі түрлі нөрсе керек.

Өуел – бек зор өкімет, жарлық қолында бар кісі  
керек. Үлкендерін қорқытып, жас балаларын еріксіз  
қолдарынан алыш, медреселерге беріп, бірін ол жол,  
бірін бұл жолға салыш, дүниеде есепсіз ғылымның  
жолдары бар, сол өрбір жолда бір медресе бар,  
соларға тоздырып, бірін сен бұл жолды үйрен, сен  
ол жолды үйрен деп жолға салыш, мұндағы халықта  
шығынын төлетіп жіберсе, хаттө қыздарды да ең  
болмаса мұсылман ғылымына жіберіп, жақсы дін  
танырлық қылып үйретсе, сонда сол жастар жетіп,  
бұл аталары қартайып сөзден қалғанда түзелсе бо-  
лар еді.

Екінші – ол адам есепсіз бай боларға керек. Ата-  
ларын паралап, балаларын алыш, бастапқы айтқандай  
жолға салыш, тағылым берсе, сонда түзелер еді.

Енді мұндаі халықты еріксіз қорқытып көн-  
дірерлік күш-қуат ешкімге бітпейді. Ол баланы  
қазақтың бәрін паралап көндірерлік дәulet бір кісі-  
ге бітуге мүмкін де емес.

Қазақты я қорқытпай, я параламай, ақылменен,  
не жерлеп, не сырлап айтқанменен еш нәрсеге  
көндіру мүмкін де емес. Етінен өткен, сүйегіне жет-  
кен, атадан мирас алған, ананың сүтіменен біткен  
надандық өлдекашан адамшылықтан кетірген. Өз-  
дерінің ырбацы бар ма, пыш-пышы бар ма, гуілдегі  
бар ма, дүрілдегі бар ма – сонысынан дүниеде ешбір  
қызықты нөрсе бар деп ойламайды, ойласа да бұрыла  
алмайды, сөз айтсаң, түгел тыңдал тұра алмайды,

не көнілі, не көзі аландаپ тұрады. Енді не қылдық, не болдық!

## ҚЫРЫҚ ЕКІНШІ СӨЗ

Қазақтың жаманшылықта үйір бола беретүғынның бір себебі – жұмысының жоқтығы. Егер егін салса, я саудага салынса, қолы тиер ме еді? Ол ауылдан бұл ауылға, біреуден бір жылқының майын мініп, тамақ асырап, болмаса сез аңдып, құлық-сұмдықпенен адам аздырмақ үшін, яки азғырушылардың кеңесіне кірмек үшін, пайдасыз, жұмыссыз қаңғырып журуге құмар. Дүниелік керек болса, адап еңбекке салынып алған кісі ондай жүрісті иттей қорлық көрмей ме? Өзінің кәсібін тастап, кезегендікке салына ма? Малдылар малын өңкей малшыларға, бала-шағара тапсырып, қолдағы құдай берген азды-көпті дөuletі қызықсыз көрініп, оның ұры-бөріге жем болып, қарға-жарға ұшырауына шыдайды. «Пыш-пыш» кеңестен қалып, бір ауылдан бір ауылға барып құлық-сұмдық жасап жүріп, тегін тамақ жеп, ыржындауды қысыратуға шыдамайды. Не үшін десен, халықта өдет сол болған соң, шаруаға пысық, мал бағуға, мал табуға пысық ол өнерлі кісіге қосылмайды, я өзі пәле шығаруға пысық, я сондайлардың сөзін «естігенім, білгенім» деп елге жайып жүріп, ырбаңдауға пысық өнерлілерге қосылғандай көрінеді.

Сол үшін осы қазақтың іске жараймын дегені өзінің азды-көптісін біреуге қоса салып, «көре жүр, көздей жүр» деп басын босатып алып, сез аңдып, тамақ аңдып, ел кезуге салынады.

Бұл күндеғіге байлық та мақтан емес, ақыл, абырой да мақтан емес, арыз бере білу, алдай білу – мақтан. Бұл екеуі қолынан келген кісі салт атты, сабау қамшылы кедей де болса, аз да болса орны төрде, майлы атқа, майлы етке қолы жетеді. Жел

өкпелеу, мақтаншақ байларды: «сіз айтсаңыз, отқа түсуге бармын» деп желдендіріп алып, шаруасын қылмай-ақ, малын бақпай-ақ содан алып киімін бүтейтіп киіп, тәуір атын мініп алып, қатарлы бір құрметке жетіп жүре береді.

Ол бай өз тыныштығын да білмейді. Бос шығынданғанын да ескермейді. Бір кісімен сөйлессе, мұны қайтеміз деп бағанағы антүрганмен ақылдасады. Ол сиырдың жорғасы секілденіп, қарайғанда жалғыз өзім болсам екен дейтүғын ниетімен және де ақылдасар досы көбейсе, қадірім кетіп қалады деп «Ой, тәнір-ай, соны білмей тұрыз ба? Ол ана құлық қой, бұл мына құлық қой деп, оған бүйдей салсаң болмай ма!» деп бар онбаған жауапты үйретіп, амалшылықтың жолын үйретем деп, ол байдың өзін кісіге сенбейтүғын қылады. Және байдың өзіне де адам сенбейтүғын болады. Байдың өз жауабы, өз мінезі оңбай тұрған соң, бағанағы кісі бұзылса, өлгі антүрган байға, «мен айтпап па едім, онықі құлық сөз деп, міне көрдің бе?» деп, екіншіде тырп етпейтүғын қылыш алады. Ендігі жүрттың ақылы да, тілеуі де, харекеті де – осы.

### ҚЫРЫҚ ҮШІНШІ СӨЗ

Адам үғылы екі нөрсебірлөн: бірі – тән, бірі – жан. Ол екеуінің орталарында болған нәрселердің қайсысы жибили<sup>1</sup>, қайсысы кәсиби<sup>2</sup> оны білмек керек. Ішсем, жесем демектің басы – жибили, үйықтамақ та соған үқсайды. Аз ба, көп пе, білсем екен, көрсем екен деген арзу, бұлардың да басы – жибили. Ақыл, ғылым – бұлар – кәсиби. Көзбенен көріп, құлақпен естіп, қолмен ұстап, тілмен татып, мұрынмен иіскең тыстағы дүниеден хабар алады. Ол хабарлардың ұнамдысы

<sup>1</sup> Еріксіз болатын тілек.

<sup>2</sup> Еңбекпен табылған нөрсе.

ұнамды қалпыменен, ұнамсызы ұнамсыз қалпыменен, әрнешік өз суретіменен көңілге түседі. Ол көңілге түсіруші бағанағы бес нәрседен өткен соң, оларды жайғастырып көңілде суреттемек. Ол – жанның жибили қуаты дүр, бірі ұмытпастық жақсы нәрседен көңілге жақсы өсер хасил болып, жаман нәрседен көңілге жаман өсер хасил болу секілді нәрселер. Бұл қуаттар өуелден кішкене ғана болады. Ескеріп баққан адам үлкейтіп, үлгайтып, ол қуаттардың қуатын зорайтады. Ескерусіз қалса, ол қуаттың қайсысы болса да жоғалады, тіпті жоғалмаса да, аз-маз нәрсе болмаса, үлкен еш нәрсеге жарамайтын болады.

Кімде-кім сырттан естіп білу, көріп білу секілді нәрселерді көбейтіп алса, ол – көп жиганы бар адам: сынап, орындысын, орынсызын – бөрін де бағанағы жиган нәрселерінен есеп қылып, қарап табады. Бұлай етіп бұл харекетке түсінген адамды ақылды дейміз.

«Құдай тағала өзі ақыл бермеген соң қайтейік?» демек, «құдай тағала сені менен мені бірдей жаратып па?» демек – құдай тағалаға жала жауып, өзін құтқармақ болғандығы. Бұл – ойсыз, өнерсіз надан адамның ісі. Оған құдай тағала көрме, есітпе, естіген, көргеніңді ескерме, есінде сақтама деп пе? Ойын-кулкімен, ішпек-жемек, үйықтамақпен, мақтамен өүре бол да, ішіндегі қазынаңды жоғалтып алып, хайуан бол деген жоқ.

Кейбіреулер айтады: «Ақыл жибили болмаса да, талап – жибили. Талап берген адам ақылды тапты. Талабы жоқ кісі таба алмады», – дейді. О да бекер. Талап балада да бар, оған талас қылуға болмайды. Бағана айттық қой, жан қуаты басында кішкене болады, ескермесе жоғалып та кетеді, ескерсе, күтіп айналдыrsa зораяды деп. Жан қуатыменен адам хасил қылған өнерлері де күнде тексерсөң, күнде асады. Көп заман тексермесөң, тауып алған өнеріңнің жоғалғандығын жөне өзіңнің ол мезгілдегіден бір басқа адам болып кеткеніңді білмей қаласың. Қай жоғалған өнер, ал

мен жоғалдым деп, хабар беріп жоғалады. Енді қусаң, бағанағы өуелгі табуыңнан қыныңрақ тиеді.

Жан қуаты дейтүғын қуат – бек көп нәрсе, бөрін мұнда жазарға уақыт сыйғызбайды. Бірақ әрбір өнердің тыстан тауып алғыш ішке салғанын, соның тамырын берік үстап тұруға жараушы еді. Көп заман ескермеген адамнан ол бағанағы өнердің өзінің ең қызықты, қымбатты жерлері жоғала бастайды. Оナン соң көп заман етсе, сол өнерді сақтайдын қуаттың өзі де жоғалады. ОНАН соң қайта кәсіп қылуға болмайды.

Бұл қуаттың ішінде үш артық қуат бар, зиннар, соны жоғалтып алу жарамас, ол жоғалса, адам үғылы хайуан болды, адамшылықтан шықты.

Біреуі орысша «подвижной элемент» деп аталғүр. Ол не нәрсе? Не көрдің, не есіттің, өрнешік білдің, соны тездікпенен ұғып, үққандықпенен тұрмай, арты қайдан шығады, алды қайда барады, сол екі жағына да ақылды жіберіп қарамаққа тез қозғап жібереді. Егер бұл болмаса, көп білуге көп оку онды пайда да бермейді. Керекті уақытында ойламай, керекті уақытында қылмай, керекті уақытында айтпай, дәйім уақытынан кеш қалып, «Әй, әттеген-ай! Үйтуім екен, бүйтуім екен» деп, өмір бойы ғафил болып-ақ отырғаның.

Біреуін орысша «сила притягательная однородного» дейді. Ол – бір нәрсені естіп, көріп білдің, хош келді, қазір соған ұқсағандарды тексересің. Түгел ұқсаған ба? Яки бір ғана жерден ұқсағандығы бар ма? Өрнешік сол іске бір келіскең жері бар нәрселердің бөрін ойладап, білгенін тексеріп, білмегенін сұрап, оқып, бөтеннен хабарланып білмей, тыншытпайды.

Үшіншісі, орысша «впечатлительность сердца» дейді, яғни жүректі мақтаншақтық, пайдакунемдік, жеңілдік, салғырттық – бұл төрт нәрсебірлөн кірлетпей таза сақтаса, сонда сырттан ішке барған әр нәрсенің суреті жүректің айнасына анық, рәушан болып түседі. Ондай нәрсе тұла бойыңа жайылады, тез ұмыттырмайды. Егерде бағанағы төрт нәрсемен

жүректі кірлетіп алсаң, жүректің айнасы бұзылады, я қисық, я күнгірт көрсетеді. Енді ондай нәрседен онды үғым болмайды.

Өрнешік тән қуатыменен сырттан тауып, сыртта сақтайсыз, оның аты дәulet еді. Оның да неше түрлі кеселі, кесепаты бар нәрселерін білмесен, сақтай алмаушы едің ғой. Соған үқсаған іштегі жан қуатыменен жиған нәрсенің аты ақыл, ғылым еді ғой. Оның да неше түрлі кеселі, кесепаты тиер нәрселері бар. Оны білмесен, бақпасаң – айырыласың. Және әрбір жақсы нәрсенің өлшеуі бар, өлшеуінен асса – жарамайды. Өлшеуін білмек – бір үлкен керек іс. Ойланбақ жақсы, іске тіпті салынып кеткен кісі ойын байлай алмай, қияли болып та кеткені болады. Ішпек, жемек, кимек, күлмек, көңіл көтермек, құшпақ, сүймек, мал жимақ, мансап ізdemек, айлалы болмақ, алданбастық – бұл нәрселердің де өлшеуі бар. Өлшеуінен асырса, боғы шығады.

«Нениң қызығын көп іздесең, соның күйігін бір тартасың» деген бүрінғы ғалымдар. Баз маҳфи олмая<sup>1</sup> ол, мен айтқан: үш қуаттың ішінде екеуі, яғни «сила притягательная однородного» бірлән «подвижной элемент» – бұл екеуі қосылып тұра түрған нәрсе, құллі пайда да бұлардан шығады, уа құллі зарар да бұлардан шығады. Мансапсүйгіштік, мақтаншақтық, ашуланшақтық, өтірікшілік, осыған үқсаған әрбір маскүнемдікке тартып, құмар қылып, ақылдан шығарып жіберетүғын нәрселер осы екеуінен болады. Бұларды түбегейletкенде жақсы нәрселерді түбегейletіп, жаман нәрселерден, яғни жоғары айтылмыш секілді адамшылықтан шығарып, құмарпаздыққа салып жіберетүғын нәрседен бойды ерте тыйып алуға керек. Пайда, залалды айыратуғын қуаттың аты ақыл еді ғой. Бір ақыл қуатыбірлән

---

<sup>1</sup>Айтылмай жасырын қалмасын.

мұны тоқтатып болмайды. Һәм ақыл, һәм қайрат – екі мықты қуат қосылып тоқтатады. Ол екеуі кімде бар болса, бағанағы екі қуат мұнан салсаң онан шығатын бір жорға атпенен тең. Егерде бұл екі қуаттың екеуі де аз болса, яки бірі бар, бірі жоқ болса, бағанағы екі қуаттар – бір басы қатты асаят, жүгенсіз тауға ұра ма, тасқа ұра ма, суға ұра ма, жарға ұра ма – құдай білсін, өйтеуір жолда көрген есті, ақылды дұрыс адамдар өлі де сұрамай да қалады. Сенде ерік жоқ. Екі етек жайылып, екі көзің аспанда, масқара болып кеткенің өлгеніңше.

### ҚЫРЫҚ ТӨРТІНШІ СӨЗ

Адам баласының ең жаманы – талапсыз. Талап қылышылар да неше түрлі болады, һәм талаптың өзі де түрлі-түрлі. Һәм сол талаптардың қайсысының соңына түссе де, бірінен-бірі өнерлі, түрлаулырақ келеді. Уа, ләкин адам баласы я талапты, я талапсыз болсын, өйтеуір «бәрекелдіні» керек қылмайтығыны болмайды. Өрнешік, орынсыз ба, орынды ма, «бәрекелді» деушіні көңіл ізден түрады. Адам баласы өзі қай жолда, қай майданда жүрсе, сол майдандағы кісімен сырлас болады. Аның үшін өзге жолдағылардан «бәрекелдіні» онды күтпейді. Маган «бәрекелді» десе, осы өзімменен серіктес, сырлас осылар «бәрекелді» дер дейді.

Талаптың ішінде адам баласы көбінесе басына кәдір ізден, сол талапта болады. Біреуі мал қуып жатыр. Сараптыңпен, арамдықпен, өйтеуір мал тапсам, «Мал тапқан ердің жазығы жоқ» дейтуғын, «Малдының беті жарық» дейтуғын мақалға сеніп, халықтың туріне қарай, ит те болса, малдыны сөгеге алмайды деп, бұл мал һәм пайда, һәм қасиет болады бойыма дейді. Мұнысы рас, қазақтың өз құлқына қарағанда, бірақ адамдыққа, ақылға қарағанда, қазақ түгіл, көңіл жиіркендіретуғын іс. Осыған орай

біреу қажеке атанамын, біреу батыреке атанамын, біреулер білгіш, қу, сүм атанамын деп сол харекетте жүр. Өрқайсысы қазаққа бұлдамақ та болып, басына «осыным бірсыптыра елеу азық болар» деген талаппен қылып жур. Мұнысы қазақтың тамырын ұстап-ұстап қарайды-дағы, «мынаны алып келіп берсе, қымбат алғандай екен, осы күнде мына бір істің біраз пұлы бар екен» деп, қазақтың бетінен оқып, ізденген талап болмаса, кітап бетінен оқып ізденген талап емес. Аның үшін кітап сезіменен ізденген талап болса, әуелі көкіректі тазалау керек дейді, онан соң ғибадат қыл дейді. Қазақтың бетіне қарап, содан оқыған болса, ол талабынды қыла бер, көкіректі дым тазалаймын деме, оны кім көріп жатыр, ішпінде қатпар көп болмаса, құтберекеге жағымды болмайды дейді. Енді осыған қарап қайдан оқып, ұмтылған талап екенін білерсің.

### ҚЫРЫҚ БЕСІНШІ СӨЗ

Құдай табарака уатағаланың барлығының үлкен дәлелі – неше мың жылдан бері өркім әр түрлі сейлесе де, бәрі де бір үлкен құдай бар деп келгендігі, уа һәм неше мың түрлі діннің бәрі де ғаделет, махабbat құдайға лайықты дегендігі.

Біз жаратушы емес, жаратқан көлеңкесіне қарай білетүғын пәндерміз. Сол махабbat пен ғаделетке қарай тартпақпаз. Сол Алланың хикметін біреуден біреу анығырақ сезбекпен артылады. Инандым, сендім демек инандырамын, сендіремін деген емес.

Адамшылықтың алды – махабbat, ғаделет сезім. Үлардың керек емес жері жоқ, кіріспейтүғын да жері жоқ. Ол – жаратқан тәңірінің ісі. Айғыр бие-ге ие болмақта да махабbat сезім бар. Бұл ғаделет, махабbat сезім кімде көбірек болса, ол кісі – ғалым, сол – ғақыл. Біз жанымыздан ғылым шығара алмаймыз, жаралып, жасалып қойған нәрселерді сезбекпіз, көзбен көріп, ақылмен біліп.

## МАЗМУНЫ

«Ғылым таппай мақтанба» .....	4
«Сенбе жүртқа, тұрса да қанша мақтап» .....	6
«Қалың елім, қазағым, қайран жүртүм» .....	7
«Көнілім қайтты достан да, дүшпанинан да» .....	8
«Білімдіден шыққан сөз» .....	10
«Жасымда ғылым бар деп ескермедім» .....	11
«Интернатта оқып жүр» .....	12
«Әсемпаз болма әрнеге» .....	15
«Сөулең болса кеуденде» .....	16
«Фалымнан надан артпас үққанменен» .....	17
«Түбінде баянды еңбек етін салған» .....	17
«Мен жазбаймын өлеңді ермек үшін» .....	18
«Асқа, тойға баратұғын» .....	19
«Ата-анаға көз қуаныш» .....	20
«Тайға міндік» .....	22
«Заманақыр жастары» .....	23
«Көзінен басқа ойы жок» .....	24
«Жастықтың оты жалындан» .....	25
«Сап, сап, көнілім, сап, көнілім!» .....	27
«Қартайдық, қайғы ойладық, үйқы сергек» .....	29
«Қартайдық, қайрат қайтты, ұлғайды арман» ....	31
«Адасқаның алды – жөн, арты – соқпақ» .....	33
«Бір дәурен кемді күнге – бозбалалық» .....	34
«Жігіттер, ойын арзан, құлкі қымбат» .....	36
«Патша құдай, сиындым» .....	40
«Базарға, қарап тұрсам, әркім баар» .....	41
«Қансонарда бүркітші шығады аңға» .....	42
«Қыран бүркіт не алмайды, салса баптап» .....	44
«Шоқпардай кекілі бар, қамыс құлақ» .....	45
«Байлар жүр жиган малын қоргалатып» .....	46
«Өкінішті көп өмір кеткен өтіп» .....	47
(Көкбайға) .....	48
(Көжекбайға) .....	48
«Сабырсыз, арсыз, еріншек» .....	49

«Бөтөн елде бар болса» .....	52
«Өлең – сөздің патшасы, сөз сарасы» .....	57
«Біреудің кісісі өлсе, қаралы ол» .....	60
Жаз .....	62
Күз .....	64
«Қараша, желтоқсан мен сол бір-екі ай» .....	65
Қыс .....	67
Жазғытыры .....	68
(Құлембайға) .....	71
(Қекбайға) .....	71
«Ішім өлген, сыртым сау» .....	72
«Болыс болдым, мінеки» .....	73
«Біреуден біреу артылса» .....	77
«Мәз болады болысың» .....	78
Серіз аяқ .....	80
«Әуелде бір сүйк мұз – ақыл зерек» .....	86
«Желсіз тұнде жарық ай» .....	87
«Қақтаған ақ күмістей кең мандайлы» .....	88
«Гашықтық, құмарлық пен – ол екі жол» .....	89
«Қор болды жаным» .....	90
«Сен мені не етесің?» .....	91
Жігіт сөзі .....	94
Қызы сөзі .....	96
«Білектей арқасында өрген бұрым» .....	98
«Жарқ етпес қара көнілім не қылса да» .....	98
«Көзімнің қарасы» .....	99
«Гашықтың тілі – тілсіз тіл» .....	102
«Мен сөлем жазамын» .....	102
«Есінде бар ма жас күнің» .....	103
«Қажымаң дос халықта жоқ» .....	104
«Жастықтың оты, қайдасың» .....	105
«Тұлпардан тұғыр озбас шабылса да» .....	106
Қара қатынға .....	106
«Бай сейілді» .....	107
«Ем таба алмай» .....	109
«Келдік талай жерге енді» .....	110

«Өзгеге, көңілім, тоярысың» .....	112
«Кейде есер көңіл құрғырың» .....	113
«Қызырып, сұрланып».....	113
«Менсінбеуші ем наданды» .....	115
«Жүрегім, ойбай, соқпа енді!» .....	116
«Не іздейсің, көнілім, не іздейсің?» .....	117
«Қайғы шығар ілімнен» .....	118
Оспанға .....	120
«Кешегі Оспан» .....	121
«Кешегі Оспан ағасы» .....	122
«Құлімсіреп аспан тұр» .....	123
«Сұрғылт тұман дым бүркіп».....	124
«Ысытқан, сұытқан» .....	125
«Бойы бұлғаң» .....	126
«Жақсылық ұзақ тұрмайды» .....	128
(Дж. Байрон – М. Ю. Лермонтовтан) .....	129
(И. В. Гете – М. Ю. Лермонтовтан).....	129
(М. Ю. Лермонтовтан).....	130
«Антпенен тарқайды» .....	132
«Жасөспірім замандас қапа қылды» .....	133
«Қарашада өмір тұр» .....	134
Ескілік киімі .....	135
(Өбдірахман науқастанып жатқанда) .....	136
(Өбдірахманға).....	139
(Өбдірахманға Кәкітай атынан хат).....	140
(Өбдірахманға Кәкітай атынан хат).....	142
Қыздарға .....	143
«Талай сөз бұдан бұрын көп айтқанмын» .....	144
«Аш қарын жұбана ма майлы ас жемей?».....	145
«Балалық өлді, білдің бе?» .....	146
«Лай суға май бітпес қой өткенге» .....	147
«Өлсе өлер табиғат, адам өлмес» .....	148
(Өбдірахман өлгенде).....	149
«Кешегі өткен ер Әбіш» .....	150
(Өбдірахман өлгенде).....	150
Өбдірахман өліміне .....	151

Әбдірахман өліміне .....	153
(Әбдірахманга).....	154
(Әбдірахман өлген соң өзіне айтқан жұбатуы)....	155
(Әбдірахманның әйелі Мағышқа Абайдың айтқан жұбатуы) .....	157
(Әбдірахманның әйелі Мағышқа Абай шығарып берген жоқтау) .....	159
(Немере інісі өлгенде айтқаны) .....	163
«Тұғызған ата-ана жоқ» .....	164
«Малға достың мұңы жоқ малдан басқа» .....	165
«Махаббат, достық қылуға».....	165
«Бір сұлу қызы тұрыпты хан қолында» .....	166
«Сағаттың шықылдағы емес ермек» .....	167
«Көңіл құсы құйқылжыр шартарапқа».....	168
«Көк ала бұлт сөгіліп» .....	169
«Адамның кейбір кездері» .....	170
Қатыны мен Масақбай .....	171
Күйісбайға .....	172
Дүйсенқұлға .....	172
Разаққа .....	172
«Көк тұман – алдыңдағы келер заман» .....	173
«Алла деген сез жеңіл» .....	175
«Құр айқай бақырган» .....	176
«Соры қалың соққы жеген пышанамыз» .....	176
(Ғабидоллага) .....	177
«Ерекше естен кетпес қызық қайда?» .....	177
«Құлақтан кіріп, бойды алар» .....	178
«Болды да партия» .....	179
«Құаты оттай бұрқырап» .....	180
«Сүм дүние тонап жатыр, ісің бар ма?» .....	181
Жаманбаланың баласы өлгенде .....	181
«Күн артынан күн туар» .....	181
«Өлсем, орным қара жер сыз болмай ма?» .....	182
«Жүректе қайрат болмаса» .....	183
«Ауру жүрек ақырын согады жай» .....	184
«Жүргегім, нені сезесің» .....	185

«Көлеңке басын ұзартып» .....	186
«Қуанбаңдар жастыққа» .....	187
«Ұяламын дегені көңіл үшін» .....	188
«Жапырағы қуарған ескі үмітпен» .....	188
«Осы қымыз қазаққа».....	189
«Буынсыз тілің» .....	190
«Тоты құс тұсті кәбелек» .....	190
«Алланың өзі де рас, сөзі де рас» .....	191
«Жүрек – теңіз, қызықтың бәрі – асыл тас» .....	193
«Жалын мен оттан жаралып» .....	194
«Домбыраға қол соқпа» .....	195
«Ойға тұстім, толғандым» .....	196
«Мен боламын демендер» .....	197
«Жүрегім мениң қырық жамау» .....	198
«Күшік асырап, ит еттім» .....	198
«Сүйсіне алмадым, сүймедім» .....	198
(Дүтбайға).....	199
«Нұрлы аспанға тырысып өскенсің сен» .....	200
«Адам – бір боқ көтерген боқтың қабы» .....	200
«Жол көрмек, жоба білмек, жиһан кезбек».....	201
Жұмбақ.....	202
Жұмбақ.....	202
Жұмбақ.....	202
Қарасөздер .....	203

**Абай**

**СЕН ДЕ БІР КІРПІШ ДУНИЕГЕ**

**Өлеңдер мен қарасөздер**

**Жоба жетекшісі**

**«Атамұра» корпорациясының президенті  
Р.А. Құл-Мұхаммед**

**Бас редакторы Ә. Пірманов**

**Редакторы А. Хасенова**

**Көркемдеуші редакторы В. Пак**

**Техникалық редакторы Ү. Рысалиева**

**Корректоры Ү. Бахова**

**Компьютерде беттеген П. Салықбаева**

**ИБ №009**

Теруге 03.02.2014 берілді. Басуға 24.03.2014 қол қойылды.

Пішімі 84×108<sup>1/32</sup>. Шартты баспа табагы 15,12. Есептік баспа табагы 9,82.

Таралымы 3000 дана. Тапсырыс №8796.

«Атамұра» корпорациясы ЖШС, 050000, Алматы қаласы,

Абылай хан даңғылы, 75.

Казақстан Республикасы «Атамұра» корпорациясы ЖШС-нің Полиграф-комбинаты, 050002, Алматы қаласы, М. Мақатаев көшесі, 41.

ISBN 978-601-282-898-6



9 786012 828986



# Абай

(1845–1904)

Абай – қазақ халық шығармаханасының философ, аудармашы. 1909 жылы Санкт-Петербург қаласында тұңғыш рет тандамалы өлөндөр жинағы жарық көрді. Содан бері ақынның жырлары мемлекеттік қарасөздөрі кітап болып басылып келеді. А. Пушкин, М. Лермонтов, И. Крылов, Гетеңің шығармаларынан қазақ тіліне аударған.

14+



АТАМУРЫ